

增修仁懷廳志序

仁懷適導郡之一隅耳其未設廳治時為  
縣為堡遷徙靡定稱名不一以其山川道  
里土田賦役人民學額之類皆冊隸仁懷  
縣故遵義府志恆略言之而未以專志名  
也自雍正初改設通判乾隆間復改直隸

序

同知至道光辛丑義烏陳西橋司馬始纂  
有廳志八卷書成後即遭苗教各匪暨赭  
寇之亂板燬於火書亦散佚而鮮存者余  
守是邦之明年適光緒辛丑計陳君修志  
之日已六十年矣覓舊志不得王孝廉禹  
珍始出伊尊人玉熙先主所修新志八卷

乞余批閱而校讐之通於簿書鞅掌之暇  
手是編而因端竟委因悉其人文風化山  
脈水源地利物產之繁富而纖悉靡遺矣  
又知其忠臣義士孝子仁人貞女節婦之  
連遭而隱微畢闡矣余雖未覩陳君之志  
而於新志之發凡起例序類述事皆本舊  
志所紀自道光辛丑六十年以上之事無  
少增損所增者六十年以後之經世變邁  
陽九災殃疊起禍患頻臨疾風板蕩之時  
守堠登陴之日未嘗無投戈講藝草檄書  
勳抱節投江懷清跡險者不有前志雖盛  
弗彰不有新志雖美弗傳此即斯志之所

由增修歟先生其有心人哉夫規模已立於前賢繼述當宏於後起則蕭規曹守本無事於更張遷史班仍但益增其未備事半功倍其今之謂乎越壬寅奉

廷詔以

天子西狩廻鑾釐正祀典徵天下府廳州縣志

序

三

貢於

朝余再囑孝廉取新志有戚容詢其故始知斯志之修也同治十三年羅麗垣太守攝廳事時已聘沈癡齋太令修輯稿未成而沈君已去又二十年崇司馬志齋方東先生而續成之一編之輯如此其難矧又缺

薪資捐楮墨竭數年心血成一郡典章板  
成而無貲刷印以廣流傳尤為恨事余亟  
力籌閒款彌縫其缺并札司書首事查文  
翰等取而藏之石室毋蹈舊志散佚之弊  
而先生則於辛丑春暮夢奠兩楹矣悲夫  
憶余初入境訪耆耆猶見先生於復興行  
館岸然道貌有古柱史風且因其志而待  
余以善成焉今將此書奉於

朝得

天子披覽稽古之滌不是以過余不敏無所討  
論爰綴數語以從諸君子後而嘆先生之  
有心世道云是為序



光緒二十八年歲在壬寅夏五月中浣日  
知仁懷直隸廳事蜀南謝廷佐拜序

增修仁懷廳志序

竊維掌故之鴻綱鉅目咸遵 會典爲依歸而  
城邑之土地人民胥賴志書爲攷証有司下車  
伊始採風問俗必藉此以溯源流是各省府廳  
州縣志書萬不可或缺者也廳志自道光二十  
年前任陳君纂修後經今花甲將周事多更變  
如鹽務改易章程兵製減裁額數皆係地方之

序

一

大事至同治年間兩遭兵燹其中捐資出力保  
衛鄉里者頗不乏人殉難陣亡歿於王事者更  
難僕數烈女之死節嫠婦之完貞概皆泯歿無  
聞殊不足以旌有功而彰潛德至於建考棚定  
月課置卷田舉賓興堂起育嬰院施普濟諸多  
義舉樂善者所費不貲乃後人之叨惠良多前  
人之芳名未表興言及此不禁悵然略舉數條

皆有關於人事亟應表彰以維風化其祠廟場  
市之修建金石古蹟之遺文一切各条均應隨  
時採輯近年來人文蔚起登賢書者接踵而興  
膺甲榜者跂足可俟若不及早續修前固待於  
今今又待於後恐代遠年湮老成凋謝後人有  
無自求詳之憾矣余自慚謏陋無文遴選得老  
成碩望夙爲鄉里所推許者一二人總司其事

序

二

並合三里紳士之心術端方並不殉私偏袒者  
悉心採訪和衷勸辦善則必錄閭閻興自勵之  
修德無不彰草野鮮向隅之歎鴻文鉅製昭美  
備而示來茲豈不懿歟是序

光緒二十一年乙未孟秋月志齋崇俊撰

仁懷廳志原序

蓋聞徽國之治南康先諮方志石湖之紀吳郡

多述土風是以功德非言莫彰而言實本於功

德山川以人增重而人乃鍾毓於山川自非勒

爲成書曷以示諸來襖此邦地聯仁水城控懷

陽藩籬梁益襟帶瀘戎郡轄犍爲班孟堅始編

地理江通鮪部鄜善長爰注水經漢年則肇建

序

三

符陽先枝江之都尉晉史則垂稱安樂拓覽縣

之封疆唐蒙持節之關從萬人而置吏吳廣駐

師之垣溯八路以成功自列蜀壤而星分未入

青螺之記若非姚州之露布誰尋赤虺之源流

釋鷺昉自初唐琅川置於有宋維勝代萬曆二

十九載而始屬播州迨我

朝雍正十一年而遂析新縣設同知而裁通判凡

六十五載於茲政府屬而隸監司在一十八衛  
之上四至入到當知區域因革要害風土之詳  
萬壑千巖豈侈崇山峻嶺茂林脩竹之盛事關  
乎農桑學校雖纖悉而盡登名重夫忠孝文章  
務搜羅之必遍不佞十年湖海竊慕元龍萬里  
馳驅謬膺司馬承乏衝繁難之職愧無材學識  
之長廣廈須構以羣材珍裘貴集夫衆腋共襄

序

四

不朽相與有成爰及官僚謀於紳士所冀見聞  
之確敢辭採訪之勞或授祭而佐抄謄或捐金  
而付劄牘彙一方之掌故刻三月以爲期名山  
傳諸其人備敘首里河西土城之文獻作史莫  
難於志略存土地人民政事之權輿

道光二十年歲在庚子六月義烏陳熙晉

國家設左右史以記事記言萬世炳如日星志以記山川人物天下之大省郡州邑之繁簡咸弗可略仁邑何獨無志而都鄙人民城郭宮室財用穀畜之數山川形勢土產樹木食物之紛古蹟橋梁溝池溪硎林木菓藥之植俱無紀載其何以垂永久然而仁之無志其勢所不能者有三書云禮樂百年後興曩者自設流以來未及百歲生齒無多戶口草萊所在皆絕巘蒼林深谷巨壑任斯土者開荆棘勤招來謀饗餐之不暇遑徵文獻乎勢所不能者此其一康熙十三年甲寅吳逆跳梁仁懷適當其衝往來逃竄幾無安堵日呼癸呼庚皮骨僅存有鄭監門所不忍繪者風土人物可堪紀乎勢所不能者此又其一幸

聖天子神武赫濯一戎衣而逆黨冰消康熙十九年辛酉難

民始旋父母是邦者集哀鴻勸開懇講學明倫治要初舉

一

元氣未復考覈尚非其時卽間有纂籍亦略而弗詳泛而不實此仁之無志者又其一康熙五十八年己亥春關西趙公留心治典檄各學採訪文獻卽蕩蕩之知亦所不棄拱山林樛櫨慙無遠識茲旣遷言必察當效集腋聚金之義而其興也勃勃焉敢冒昧以素聞素見者彙陳簡末以備擇取而勦雅政攷仁懷古夜郎且蘭地漢屬牂牁郡唐

貞觀初分牂牁北界置郪州領六縣後改播州僖宗乾符三年南詔寇陷播太原人楊端復之遂世居播宋大觀中楊文貴納土置遵義軍元世祖授楊邦憲宣慰使賜其子漢英播國公明初楊鑑內附改播州宣慰司宣慰使屬四司懷德安靜歸化威信統田張袁盧譚羅吳七姓領黃平草塘二安撫司真播白泥餘慶重安容山六長官司西北塹山爲關東南附江爲池廣袤數千里隆慶六年楊應龍篡職從征喇嘛諸番有功屢賜金幣萬曆十二年進大木六十本特賜大紅飛魚服爰是驕蹇玩法所居漸飾龍鳳擅用闔寺嬖妾田雌鳳出嫡妻張氏結關外生苗肆行劫增修仁懷廳志

卷之一序稿

二

掠妻叔張時照所部何承恩宋世臣等告變貴州巡撫葉夢熊請討之朝議行川貴兩省會勘擬斬准贖罪銀四萬兩仍革職二十三年羈其子於重慶府獄追銀後其子死乃反二十八年庚子二月徵川湖貴三省漢土兵馬大集重慶府總督李化龍調川兵四路總兵劉綎從棊江入總兵馬孔英從南川入總兵吳廣從合江入副將曹希彬從永甯入貴州三路總兵董元鎮由烏江入參將宋鶴齡由沙溪入總兵李應祥由興隆入湖廣偏橋一路分兩翼總兵陳璘由白泥入副將陳良玘由龍泉入每路漢土兵三萬追兵至養馬城攻海龍圍壓圍而壘絕賊樵汲劉綎身

先士卒攀藤魚貫進克土城應龍自焚死吳廣獲其子朝棟妾田雌鳳出應龍屍於烈燄中入路斬賊二萬餘級推劉綆功第一楊氏自唐乾符三年至明萬曆二十八年十二月平播世居其地八百餘年至應龍凡二十九世而滅分其地爲二屬貴州者曰平越一州三縣屬四川者曰遵義一府一州三縣仁其一焉又專設播州兵備道駐遵義府置威遠衙添驛建學仁懷舊曰懷德曰懷陽曰晉元曰芙蓉萬曆庚子知縣曹一科創修城池知縣王所用增補高三尺周圍四百七十五丈八尺廣五里三分設知縣並設教諭訓導典史正賦一千五百有奇茶引二百五十張增修仁懷廳志

卷之一序編

三

駐防守備一員額兵二百名明立千戶所管理十屯

國朝汰歸十里曰仁懷河西乳灘赤水小溪丁山禮博安羅土城二郎廣濶千里陸通滇黔江連吳楚北控嘉永南跨瀘合東七百里至遵義西九百里至成都其間溪碕深邃山箐離奇崇嶺發巫峰之祖泉脈泛巴江之源石笋插天杉楠遍地若石錠山天臺山雨標山五花山雲頂山五心山連雲聳秀十丈洞普賢洞背牛洞九龍洞怪石嶙峋大連溪白棧溪銅鼓溪儒溪丙溪風溪清漪盤曲永安橋天生橋馬渡橋鹽井橋山脉水分場市則有金溪沙子猿猴土城新屯毛壩生界井壩之人民輻輳入景則有石龍東



渡泮水西流天池映月唐山不雨橋鎖溪泉馬渡魚梁瀑  
飛仙洞天生雙橋之天然奇勝險峻則有萬里箐木皮箐  
長灘箐天子囤石夾口小關子手爬巖羊捲巖黎馬隘關  
門回之雄壯古剎則有寶象寺萬壽寺天臺寺祝慶寺遣  
虎寺雲頂寺來鳳寺景福寺迴龍寺水口寺西禪寺之清  
幽至科甲人文亦自先後繼起康熙八年己酉王維藩中  
式康熙廿三年甲子邑侯趙洪基創建學宮由是邑侯陳  
于璉修明倫堂兩廡戟門邑侯胡書思開濬泮池學校初  
興丙子袁斯恭中式己卯卞貞中式乙酉張助中式丙戌  
李鍾莪由仁懷教諭成進士授翰林院康熙五十年辛卯

增修仁懷廳志

卷之一 序稿

四

京江河公諱雨蒞任培學校設義館是歲登賢書者鄭之  
僑王屏梁彥聖壬辰鄭成進士授翰院癸巳王世模李斯  
達中式甲午楊天運中式丁酉楊廷琚王世勳中式戶口  
漸增人文蔚起康熙六十年壬寅山左王公諱作礪由進  
士蒞仁邑首政勸農重建文廟丙午張衡中式丁未江南  
童公諱殿元蒞任雍正六年己酉遵郡五屬奉文撥歸黔  
省管轄邑宰黃公諱燾世蒞任雍正八年辛亥縣治遷設  
生界撥遵義府通判分駐舊城壬子卞慶藻中式乙卯熊  
文瑞虞正國中式乾隆元年丙辰邑侯杜公諱全創修新  
城建學宮武廟是歲李子贊王德尋中式乾隆四年己未

奉文撥仁懷河西十里歸分府就近管轄通守喬公諱學均蒞任培植學校辛酉周世德中式乾隆七年壬戌通守胡公諱國英蒞任補葺城垣修理街道設立義學勸民養蠶乾隆十三年戊辰撥新縣訓導一員分駐舊城凡文武生童悉由分府彙送通守席公諱健蒞任補葺城垣兼培文廟設立義學庚午雷在文中式壬申傅凱中式人文蔚起科甲可待學官關聖殿文昌宮萬壽寺城隍廟觀音堂馬王廟三府廟南景天東嶽廟水神廟玄帝宮萬壽宮亦煥然一新就仁懷十里統論古蹟夜郎界李太白之風徽可考符縣地漢姜詩之遺迹未湮大佛腦普賢真之佛洞

增修仁懷廳志

卷之一 序稿

五

仍在天王池王北極之仙境猶存若漢賢尹珍宋司馬謝希深明修撰楊慎及進士王拱極袁尚黃高璜皆名世碩儒今則李鍾嶷鄭之僑木天高侶孝廉則有袁斯恭授儀徵知縣王屏授安陽知縣楊廷琚授永豐教諭熊文瑞四川試用卞貞張衡卞慶藻王德尋李子贊雷在文邑宰名士恩拔副歲則有陳惺授西充訓導余睿授永從訓導明智授施秉教諭向應旂楊沛楊拱周士禎袁斯升殷佐仲李昌禎倪連璧王之鼎王僕廣正國周世德傅凱程典崔維禮袁治堯卞慶淳陳忭張聖言胡健袁維炎袁良晉鄭之揮張瓚張成英鐸振斯文武則有楊天運克取西藏平

定青海俱經在事議敘十等軍功授副將職銜李斯遠隨  
師西夏著有勤勞王維藩張助梁彥聖王世勳王世謨李  
時榮蘊習韜鈴行伍則有龐文舉授武昌參將姜端曾授  
靖州協鎮曾茂授川北守府崔溶授仁懷營千總戴文勝  
授永定營千總武孟朝雷承業陳有文鄭文翰俱授把總  
文武才名磊落先後繼起多賢孝子則有趙輝祖鄭文高  
節婦則有袁璣之妻李氏廩生崔維楷妻趙氏庠生祝世  
榮之妻明氏廩生袁道明道遠之母鄭氏庠生周世茂之  
母梁氏土產則有花楠茶株生漆降香麻香麝香熊胆黃  
蠟白蠟棉花荔枝梢廠紙廠鐵廠靛廠方竹桃竹白果蕨  
增修仁懷廳志

卷之一 序稿

六

薇香緣佛手之物藥則有黃連黃柏天冬門冬茯苓青皮  
枳殼梔子柴胡厚樸官桂木通血竭黃草紫草薏苡五倍  
子巴豆黃蘗何首烏之生植焉然里多仁厚俗尚忠醇夷  
漢兼居而無相妨害兵民共處而世結姻親孝子節婦經  
當事之旌表者不一而足山林隱逸誦讀而安遇者何非  
賢流但以一人之見聞者有限即山川古跡不無未紀名  
宦鄉賢亦多遺漏當有望於同志之博聞廣識者進而教  
之庶幾爲纂志者之一助而與國史並垂不朽云

增修仁懷廳志目錄

首卷

序文

修志姓氏

凡例

卷一

圖攷

星野

建置

遷改

增修仁懷廳志

卷之一 目錄

七

疆域

幅輿

形勢

要隘

十景

山川

橋梁

渡口

卷二

古蹟

城垣

官署

廟宇 近城附入

祀典

祭田

鄉鎮

戶口

田賦

卷三

學校

增修仁懷廳志

卷之一 目錄

八

兵制

職官

選舉

職銜

卷四

政績

河工 各官名

團規

稅課

關口

監政

木政

蠲政

經費

壽考

育嬰

倉穀

卷五

人物

貞節

增修仁懷廳志

卷之一 目錄

九

陣亡

殉難

仙佛

人瑞

卷六

邊防

風俗

方言

月令

集攷

農事

祥異

塚墓

卷七

藝文

卷八

藝文

土產

增修仁懷廳志

卷之一目錄

十

凡例

一仁懷向無志乘僅有貢生楊拱仁懷志序稿一篇內云

關西趙公

未詳官階  
省分及名

飭各學採訪文獻僅有序稿而書

未成道光庚子同知陳熙晉奉

撫部院通飭始札三

里紳耆採訪修纂但事屬創始限期三月不無遺漏僞

錯今五十八年也其中屢經兵燹凡節烈忠義科第人

才急宜表彰是以崇廳主札飭增修誠盛事也

一仁懷處處皆山惟天臺山雨標山係古來勝蹟不能移

易此外隨人呼喚或一山而二名或二山而同名皆據

土人傳說登載

增修仁懷廳志

卷之一 凡例

二

一赤水河又名大涉水至安樂水之名始於晉分符縣爲

安樂縣其故址地名安居垠在合江縣界內惟此處水

勢平穩故安樂縣以水得名

一涪部水因赤水河兩灘至夾子口五十餘里產鰮魚宋

宣和三年承流併入仁懷復興場卽其舊址正當鰮水

之中故呼仁懷爲鰮水此外並不出鰮魚是其明證今

人呼鰮魚爲江團魚是也

一之溪水係赤水河到合江一段曲折委婉形似之字故

名之溪水

一暨縣隄山查播志黔志方隅紀略本不在仁懷境內後

一暨縣隄山查播志黔志方隅紀略本不在仁懷境內後



人據華陽國志云符縣治安樂水會水源南通平羌  
縣數語便謂仁懷卽豎縣並不詳放前人載集輒據一  
二語爲譚實自矜創獲是猶維摩之取孟堅而遺班固  
也

一赤水河考惟吳培所論確切可憑敍永合志均從之洪  
亮吉大涉水考不無牴牾之處此外凡一切與廳無關  
涉者今悉刪之

一巴筏關並無確切實在處播志已詳言之而陳西橋謂  
卽合江之南關是因酈道元言唐蒙從合江仁懷進揣  
合言之附載古蹟志中以俟後人考證

增修仁懷廳志

卷之一 凡例

三

一仁懷景志查楊拱志稿合原志所載共十景至三里鄉  
村送呈各處景志甚夥不能備載

一人瑞必八十以上及百歲者始爲登載仰體 國家養  
老至意未及八十並不收錄

一政績人品身後方登簡牘以防冒濫至婦女節孝實符  
定例者毋論存否一律表章若只開載夫亡年歲並不  
詳言守節若干年與例未符概不登載


一廟橋碑記必奉官札飭始爲登載至於四鄉橋廟碑文  
甚夥書不勝書概不登載

一人物及貞節殉難在在皆有但必須採訪送局始爲登

載未經採訪送局者並不敢徇私妄錄


一原志刪除增改者十之四添補者十之三存原志者十之三

一仁懷縣地方從前未經分撥凡縣事一律登載至分撥後所有邊防皆詳載廳志蓋仁懷縣汎官歸廳都司所轄故也



增修仁懷廳志 卷之一 星宿圖

一



增修仁懷廳志姓氏

總理鑒定

候補直隸州署貴州仁懷直隸同知加十級張正燊

四川人 縣人 生員

特授貴州仁懷直隸廳同知加五級 崇俊

正藍旗人 辛未進士

纂輯監工刊刻

四川通判署理金堂縣知縣 王椿

首里舉人

校正補遺

候選 訓導 優貢 王培森

檢閱

四川通判署理敘永廳同知 李鳳翰

首里舉人

增修仁懷廳志

卷之一 姓氏

十四

總理局務支收

候選 府 經歷 王理

採訪勸捐經收

主講雙城書院戊子科舉人 王良鼎

辛卯科舉人 明翰奎

己丑科舉人 明翰藻

癸巳恩科舉人 段世模

甲午科舉人 王家槐

歲貢 生 董賢猷

候選 同知 張毓麟

翰林院孔目謝本欽

監生田茂萱

中書科喻昌榮

歲貢生王紹澤

恩貢生袁鳳山

廩生江大昌

廩生顏中璵

廩生梁宗燾

生員傅象圖

生員謝紹蒼

增修仁懷廳志 卷之一 姓氏 七

生員羅玉璞

生員王登瀛

生員羅憲章

監生羅亮卿

候選州同陳恩錫

監生羅玉墀

武生顏登魁

膳錄校字

文童向榮

創修原志姓氏

總理鑒定纂輯

特授貴州仁懷直隸廳同知

陳熙晉 浙江優貢

協修

仁懷廳訓導 陳松齡 都勻舉人

仁懷廳照磨 魏作舟

仁懷廳照磨 雷揚廷

分纂

江蘇候補同知署常州通判 段星燦 增貢

雙城書院山長綏陽縣舉人 丁世選

增修仁懷廳志 卷之一 姓氏 夫

貴築縣舉人 陳鳳楫

候選直隸州州判 謝一樑 拔貢

副貢 羅俊章

貴築縣生 陳孫枝

仁懷縣廩生 卞登桂

採訪

翰林院待詔 王言

議敘鹽知事 張坦

廩生 袁履和

監生 蕭高泌

州

同 段星煥

生

員 張榮椿

廩

生 顏孔鑄

生

員 董仕元

監

生 張廷瑛

武

生 傅子福

廩

生 羅崇枝

引證書目

欽定協紀辨方通書 綱鑑易知錄 了凡綱鑑

大清會典 方輿紀略 戰國策

漢書 三國志 晉書

宋書 南齊書 梁書

陳書 北魏書 北齊書

隋書 唐書 五代

宋史 元史 段氏說文

華陽國志 山海經 農桑記

爾雅 論語疏 家語

增修仁懷廳志 卷之一 書目 式

閩里志 黔書 蜀碧

月令章句 貴州通志 四川通志

敘永合志 遵義志 東華錄

水經 花鏡 搜神記

高厚蒙求 史學薪傳 本草綱目


本草備要 致富全書

以上或世代或人名或歷朝年歲或天文或地輿或先賢先儒出身世代及土產各項人物均有引證並非臆說故列引證書目於右



仁懷廳  
地輿圖

仁懷地輿全圖



北至... 紫盤塘... 界一百八十里


又

仁懷麓  
城地圖

自參二度應山  
卷之二 城池圖

又

# 仁懷廳城池圖



增修仁懷廳志

卷之二 城池圖


又

仁懷廳志

卷之二

積善塔

仁懷文昌宮圖



仁懷廳聖廟圖




增修仁懷廳志

卷之一

聖廟圖

一

仁懷廳都司署




增修仁懷廳志

卷之一 圖攷

又方

仁懷廳武廟圖




仁懷廳同知署圖

增修仁懷廳志

卷之一 圖攷

二十



增修仁懷廳志卷之一

建置

仁懷在禹貢梁州之地分野在參井之間三代為鬼方戰

國屬楚至秦始皇隸巴郡地漢為符縣地屬犍為郡晉分符

縣置安樂縣合江安居壩隋隸瀘州郡唐隸播州宋大觀

三年建磁州領承流仁懷兩縣宣和三年廢磁州為武都

城以仁懷為堡承流併合以巡檢駐其地今復興壩元明

因之隸四川明萬曆二十五年楊應龍叛遣黨流劫南川

合江及江津境仁懷為蜀黔門戶當賊匪往來必由之地

蹂躪不堪人民逃散接連四載而仁懷堡城廢矣至二十

增修仁懷廳志卷之一 建置 十九

九年平播後知縣曹一科始建縣城於留元壩離舊治三

十里置仁懷縣轄仁懷河西土城二郎小溪丁山吼灘赤

水安樂禮博十里屬遵義府仍隸四川

朝雍正五年改撥貴州九年移縣治於生芥之亭子壩以

遵義府通判分駐留元壩為廳乾隆三年撥仁懷河西土

城三里地方歸通判管轄定為中缺乾隆四十一年改為

直隸同知兼衝繁難三要缺隸糧儲道

按唐天文志云參井鶉鳥之次也蓋巴郡之地仁懷居

巴郡極邊凡巴郡所屬皆得以巴郡地稱之非謂巴郡

即仁懷也按方隅紀要孝武建元六年犍為郡置營縣



警有不狼山警水所出縣以水名梁末廢段玉材說文注遵義府城西有警縣故城遵義志按桐梓北府城西是警縣在府境內也而顧氏誤以爲警在雲南陸涼州非也而仁懷廳陳志謂警與符接壤不知符縣卽今合江縣地距警甚遠惟仁合毗連元明之時隨時更改或以合江而兼管仁懷地或以仁懷而兼管合江地穿插不常至我朝定鼎疆界分明燎如指掌附記於此以備覽

仁懷三里疆域記

本城首里第一甲天臺山鮭魚溪馬村夾子口石樑上山

增修仁懷廳志

卷之一 建置

二十

王圪等處第二甲復興場等處第三甲旺隆場等處第四甲磨搖山鹿井坨等處第五甲野猪坪九條嶺等處河西里沔灘等處第一甲大洞場等處第二甲大坨山等處第三甲寶源場等處第四甲土城里東皇場圖書坨等處第一甲猿猴鎮葫市場等處第二甲土城等處三甲唐朝坨等處第四甲其首里挨合江丁山支交界地名石卯溪由陸地至仁懷縣赤水里轉至廳屬地名小關子止水路由赤水河上至小關子合是爲首里河西里自七角坨挨合江九支界由赤水河至川風坨又從川風坨由陸地轉至大坨山又至寶源場交敘永廳清化里界止是爲河西

里土城里赤水河以內自小關子陸地至圖書埧交仁懷  
縣吼灘里界止又水路至黃樓沱交仁懷縣二郎里界止  
其赤水河以外自金魚溪陸地至太平渡交敘永廳毛坡  
里界止又至翻坪交敘永廳榮樂里界止是爲土城里統  
記三里山多田少地瘠民貧有山地者高坡野箐以栽習  
竹木爲業而貧窮之民專以擔負桶篋營生三里大勢蓋  
如是云

請改同知本末由

乾隆四十一年二月十二日撫部院裴札開照得邊缺昔

簡今繁課治均當因地制宜隨時酌改以收實益查遵義

增修仁懷廳志

卷之一 建置

三

府屬之仁懷通判遠駐極邊赤水河與川省瀘州合江縣  
敘永廳三面邊界五方雜處率皆閩廣楚蜀之人燒窰種  
靛貿易其間囑嚙匪徒最易藏匿兼之民風强悍案卷繁  
多距府城十有一站道路崎嶇文移不免稽遲且府屬通  
判事權不專遇有要務更多掣肘之虞似宜改爲直隸同  
知在外揀選幹員調補始足以重職守而資彈壓但直隸  
同知案件例由該管巡道核轉今貴西道駐劄威遠程途  
紆遠應將直隸仁懷同知改歸糧道管轄則解道轉司均  
在省城較爲便易爲此札仰該司會同臬司糧道逐加查  
核悉心妥議詳悉稟覆布政使司鄭奉此會同臬司糧道

查核情形稟稱應如憲檄因地制宜隨時酌改仁懷通判  
改爲直隸同知在外調補以收實益撫院准此備錄前事  
緣由繕摺具

奏乾隆四十一年四月十三日奉

硃批該部議奏欽此部奉此酌議前事緣由應如該撫所請  
仁懷通判准改爲直隸同知以要缺註冊在外揀選題補  
歸糧道管轄原設通判照磨准其改爲同知照磨其一切  
裁改各事宜應令該撫逐一妥議具題乾隆四十一年五  
月二十二日奉

上諭依議欽此乾隆四十一年七月十三日吏部咨開前事

增修仁懷廳志

卷之一 建置

二十一

一切裁改各事宜等因撫院奉此札司轉飭仁懷同知將  
一切裁改事宜逐件詳覆以憑具題同知鮑棟詳稱通判  
自乾隆三年分駐仁懷越今三十餘載所有同城官制地  
方四至戶口多寡額貯倉儲徵收錢糧數目及城垣衙署  
額設書役與夫官役歲支養廉工食等項均已久定章程  
應請仍循其舊毋庸另議外惟查通判既改直隸同知則  
原領關防應請更換俟憲臺咨部頒給又同知所食之俸  
請仍循舊制春夏二季在地丁銀兩扣支秋冬二季赴藩  
憲請領至仁懷通判原額養廉五百兩查長寨同知養廉  
亦止五百兩與仁懷無異應請照支食毋庸加增惟是該

地尚未設立學校所屬童生經通判考後牒府送學憲歸於仁懷縣童生內合取每次童生或二三名武生一二名不等今既改設直隸同知應請專設廳學以符體制且該地一文廟久已建立毋庸創造惟春秋二祭今既專設

黌宮自應與州縣額祭之例一體祭祀所需經費請於徵額地丁銀內扣留備用以光祀典又查該處文童應考者約計百餘名武童亦不下二三十名請設學四名由廳考試徑申學憲考取至稱增補廩查仁懷縣學廩缺二十名增缺二十名卽於廩增額內劃出八名歸廳學稱補所需廩糧膳銀及貢生坊儀銀兩查仁懷廳每歲正額徵秋糧

增修仁懷廳志

卷之一

建置

三

米二百餘石支放本營兵米尚多不敷廩餼無項支發可否在於額徵地丁銀內秋收時價以銀折給似爲妥便至於教職久將仁懷縣訓導分駐其地學署現存毋庸另建前入生員及將來新入各生員卽歸該訓導專司啟迪管束改爲復設訓導以專責成惟該學所用條記係藩憲正字鈴記未奉部頒似屬未協應請咨部頒給其所支俸工等項春秋二季仍在地丁項內領支秋冬二季同知代領發交再查仁懷廳離省十五站生童考試跋涉堪虞歲科兩試學憲按臨遵義廳屬生童應仍赴遵義府城聽候考試緣奉飭議理合具文詳覆撫部院准此以前事等因具

題乾隆四十三年准禮部咨開儀制司案呈准鑄印局付鑄仁懷直隸同知關防一顆仁懷直隸廳儒學記印一顆仁懷直隸廳照磨兼管司獄印一顆共三顆業已造成付司轉發到部禮部於四十二年十一月三十日照例封固粘貼印花發交雲貴提塘趙明倫賚送到黔撫部覺羅札布政司承飭廳備具文領並轉飭儒學照磨出具文領賚司請領發給於乾隆四十三年閏六月十三日開用申報在案所有乾字第九千六號舊用遵義關防照例鐫刻繳字粘貼印花具文詳請咨銷

設仁懷縣論

陶淑李

增修仁懷廳志

卷之一 建置

三

仁懷縣治萬曆二十八年設也仁懷縣名仍因舊仁懷也仁懷縣城昔日留元垣也縣設於川南合江縣之對岸而河以南無尺土焉由縣東而上至遵義府界約八日又四日方至省城此十二日約走一千二百里其間之鑛礮高礮伏耳礮路出石穴之中手爬岩巴竹岩子平岩路開峭壁之上新屯坡高履雲端關門壘深入谷底蜀道之難至矣盡矣無以復加矣前令曹公名一科曰土城居各里之中當大路之要山明水秀地坦人稠離府城七日宜創縣城於此方興卜築而地主袁某買囑看風水者詐言土薄遂不果行乃設縣治於留元垣一日犁鷺垣前令雍公名一科

曰仁邑之錢糧若干兩而上七里居其半乃環拱於生芥  
下三里居其半乃環拱於土城夫生芥威遠衛故地宜因  
其名設威遠縣於生芥而割上七里之軍民田糧以歸之  
設仁懷縣於土城而割下三里之軍民田糧以歸之將欲  
申明而流寇變亂遂不果行前令王公名炳曰生芥雖係  
陸路然小山環繞勢若星羅人民之所聚錢糧之所出去  
府城三日宜設縣治於此及畫圖詳請而滇黔多故遂不  
果行噫嘻三議不行天耶人耶不便於官不便於民將終  
古如斯耶如文移之往來也府行到縣雖由塘撥遇天氣  
晴明十日可到否則難以日月計焉而縣文申府亦然則  
增修仁懷廳志

卷之一 建置

三五

是一件事體往反月餘甚至移失莫可追問此甚不便於  
官如軍民之納賦也途路之盤纏過於所輸之正供况無  
店可投枕籍於荒煙蔓草飽飫於猛虎貪狼者莫可紀極  
此甚不便於民是望後之君子大展經綸轉移造化採前  
令之三議而行其一焉宏功莫與京矣

後至雍正九年移縣治於亭子垵改舊城爲廳

星野

周禮保章氏以星土辨九州之地封域皆有分星統歷十二次配十二野分星分野列爲成書廳屬地連荆梁星分翼軫偏西南申未間其爲參井可知魏太史令陳卓曰蜀郡入參一度犍爲入參三度牂牁入參五度巴郡入參八度益州入參七度仁懷介巴郡益州之間說者謂入參六度意其然歟

史記天官書曰參爲白虎又曰觜觿參益州隋書曰益州分參步天歌曰參總七星觜相侵兩肩震足三爲星伐有三星足裏深玉井四星右足陰屏星兩扇井南襟軍井四增修仁懷廳志

卷之一 星野

三

星屏上吟左足下四天厠臨厠下一物天矢沉鄭樵通志天文略曰參爲忠良孝謹之子明大則臣忠子孝安吉一日參伐一曰大辰一曰天市一曰鉄鉞主斬刈又爲天獄主殺伐又主權衡所以平理也又主邊城爲九譯參白虎之體其中三星橫列三將也東北曰左肩主左將西北曰右肩主右將東南曰左足主後將軍西南曰右足主偏將軍故黃帝占參應七將中央三小星曰伐天之都尉也七將皆明天下兵精玉井四星在參西右腳下水象也屏二星在玉井南爲屏風玉井東下四星曰軍井行軍之井也軍井未達將不言渴名取此也天厠四星在屏東涸也天

矢一星在厠南色黃則吉

淮南子曰西南曰朱天其星曰東井廣雅曰東井謂之鶉首步天歌曰井八星橫列河中淨一星名鉞井邊安兩河各三南北正天尊三星井上頭尊上橫列五諸侯侯上北河西積水欲覓積薪東畔是鉞下四星名水府水位東邊四星序四瀆橫列南河裏南河下頭是軍市軍市圍圓十二星中有一個野雞精孫子丈人市下列各立兩星從東說闕邱二箇南河東邱下一狼光蒙茸左畔九箇彎弧弓一矢擬射頑狼胷有箇老人南極中春秋出入壽無窮鄭樵天文略曰甘氏云井八星在河中主泉水日月五星貫增修仁懷廳志

卷之一

一星野

三七

之爲中道石氏謂之東井亦曰天井張衡云天之南門黃道所經天之亭候主水衡事法令所取平也王者用法平則井星明而端列鉞一星附井之前曰宿井有風雨之應南河北河各三星分夾東井一曰天高天之闕門主關梁南河曰南戍一曰南宮一曰陽門一曰越門一曰權星主火北河曰北戍一曰北宮一曰陰門一曰胡門一曰衡星主水兩戍之間三光之常道也天尊三星在五諸侯南主盛饘粥以給酒食之正也五諸侯五星在東井北近北河主刺舉戒不虞又曰治陰陽察得失亦曰主帝心一曰帝師二曰帝友三曰三公四曰博士五曰太史此五者常爲



帝定疑讖星明大潤澤則天下大治積水一星在北河北  
主候水災積薪一星在積水東以備庖厨之用水府四星  
在東井西南水官也占與水位同水位四星在東井東主  
水衡四瀆四星在東井南軒轅東江淮河濟之積精也軍  
市十三星如錢狀在參東南天軍貿易之所野雞一星在  
軍市中主變怪也軍市西南二星曰丈人丈人東二星曰  
子子東二星曰孫子與孫皆侍丈人之側相扶而居闕邱  
三星在南河東主象魏天子之震闕諸侯之兩觀也狼一  
星在天市東南爲野將主殺掠色有常不欲變弧矢九星  
在狼東南天弓也以備盜賊常向狼老人一星在弧南一  
增修仁懷廳志

卷之一 星野

天

曰南極常以秋分之旦見於丙春分之夕沒於丁常以秋  
分候之南郊宋中興天文志曰南極老人在弧矢南司天  
下人民壽算見在爲祥

明天啟辛酉正月金星犯井越參宿大動八月巡撫徐可  
求移駐重慶藺酋奢崇明子寅奉調至重慶九月十七日  
應點於城內賊令把目樊龍樊虎張童殺巡撫以下命官  
二十餘員於演武場據城叛

明萬曆二十八年狼星入於東井占者以爲滅播之象

幅輿

廳治到京九千七百二十里

仁懷直隸廳在貴州省城西北九百七十里

東西廣三百二十里南北長三百六十里

東至官渡河交仁懷縣赤水里界二百里

南至板橋河交仁懷縣二郎里界三百六十里

西至界牌交四川敘永廳清化里界一百二十里

北至城外過赤水河交四川合江縣富家壩界

東南至圖書垵交仁懷縣吼灘里界二百四十里

西南至黃櫻沱交仁懷縣二郎里界三百二十里

東北至鱧魚溪交合江縣丁山支界十里

西北過赤水河距城二十里完礪交合江縣九支垵界

增修仁懷廳志

卷之一 星野

三

四川上  
十一

水路西南至岔角灘交仁懷縣界三百八十里

東北至鈴鈴灘交合江縣界十里

自本城西南陸路至仁懷縣城四百二十里水路至茅台

村四百八十里

自本城西陸路至四川敘永廳城二百六十里

自本城東北陸路至四川瀘州直隸州城一百四十里至

四川合江縣城八十里

自本城東北水路至瀘州城二百六十里至合江縣城一

百四十里

形勢

仁懷倚山爲城憑河爲池而由蜀入黔由黔入蜀廳實兩省之鎖鑰則偏隅而控全勢矣兩岸皆山赤水中流交敘永廳之料狗洞上蘭江乃懷陽之後戶連仁懷縣之大石埧插蠟園實緡部之旁門長生埧孔雀觜獨路臨河牛鼻礮楠木坪高山叫峻西南隘而東北險扼要以守一夫可敵千萬人之眾秋夏雨而河水漲順流而下瞬息可通數百里之程地利固稱極要人和猶貴同心若先事預防猶貴執政者精明果斷眾自無辭若稍涉遲疑則一人曰宜預爲防之僉曰偏隅之區褊小之地賊何戀於此斷然不增修仁懷廳志

卷之一 形勢

三

來毋庸勞民傷財也執政者亦以爲眾論可憑遂深信焉而自慰卒至賊入境而人始知幾至城池莫保賊旣退而追悔始爲善後之舉晚矣孟子曰天時不如地利地利不如人和不洵然哉

長生埧

離城二十五里在河西里地方下臨赤水河壁石橫生一埧可通往來止此一路到河別無他徑同

治元年七月礮船練丁在此防堵賊爭隘敗退紫大洞爲久遠計經川兵攻其背始遁去

牛鼻礮

離城四十里在河西里巖高數層皆險同治元年七月練丁在此防守賊來奪隘到半山殺斃

團練十餘人因見上層人眾路險始退

上蘭江

離城二百六十里其山叫狹只有一路可通來往同治三年冬月號匪竄擾翻坪與上蘭江對岸復

興場大洞場寶源三處圍練到彼防堵賊逐日來攻均敗回忽然夜遁不見一賊

料狗洞

係敘永廳地與仁懷接壤離城二百里山高路狹曲折盤旋上下不易同治三年冬復興塲三義山

圍練防守此盜賊不敢至

孔雀嘴

離城一百三十里在猿猴之下芘照之上臨河僅有一路路有大石可埋伏數十人若於河中用礮

船又以練伏於大石之後賊必難過惜人不能竟至賊從此處經過直撲廳城

楠木坪

在孔雀嘴後面高山險要若於孔雀嘴防河邊大路更於此處防山僻小路賊至難越可保無虞

大石垣

離城一百四十里地勢險要一夫可以擋百惜人不能竟至賊從此路直到旺隆塲燒殺人始知之

插蠟園

離城九十里稅關之前地名觀音橋地勢險要可以設防

仁懷廳十景

石龍東渡 在本城東關渡口河中

楊廷琚

之水環城西復東粼粼白石鎖長虹雨餘萬點橫江渡疑

增修仁懷廳志

卷之一 形勢

三

是龍騰烟霧中

泮水西流 在本城西門內泮水流出至太極圖

楊廷琚

盈盈泮沼水流西荷葉如舟水面齊四十年前花並蒂愛

蓮豈獨讓濂溪

天池映月 在土城天鷲池高山頂上

王椿 補遺作

輕風細溜滿池清水色連天印月明浪靜波停真妙景安

潮入咏賀昇平

唐山不雨 在土城唐朝塋每冬三月無雨

楊廷琚

沙陀遺跡近荒唐但見山光接水光莫訝冬來偏不雨要

留膏澤待春陽

橋鎖溪泉

在老仁懷隆慶元年石壁刻有天生橋字至今尚在

王

椿

補遺作

溪泉沸沸向河流  
春夏洪波跋涉愁  
橋設空中歌利濟  
高車驅馬任遨遊

馬渡魚梁

在首里馬渡河

楊廷琚

馬渡河邊好捕魚  
澤梁無禁似周初  
盛朝誰復歌星罟  
網敲鉞總自如

天生雙橋

在天台山雙橋橫空人行其上

楊廷琚

雙橋何事號天生  
鬼斧神工巧削成  
野老入山忘帝力  
但聞伐木響丁丁

瀑飛仙洞

在天台山其洞幽雅春夏瀑飛如雨簾

楊廷琚

增修仁懷廳志

卷之一 形勢

三

雲封仙洞水簾飛  
一道寒烟鎖翠微  
何必桃源方避世  
此中避暑合忘歸

景福龍潭

在上城景福寺王北極收孽龍處

蕭高泌

魚溪晨夕寺鐘鳴  
千尺深潭水鏡平  
漫說蛟龍驅赤虺  
怒濤收斂靜無聲

荔枝魚躍

在土城荔枝溪

蕭高泌

炎天尤物產邊荒  
夾岸誰誇十八娘  
隊隊遊魚浮鏡面  
蘭舟新唱荔枝香

按楊拱舊序內載八景但無荔枝魚躍景福龍潭二景迨陳西橋修廳志亦止八景又無天池映月橋鎖溪泉二景今前後並錄之共十景

山志

三臺山 在城內今 聖廟後 紫氣山 貴州通志在城東五里 樓子山 貴州通志在城東五里 燈寶山 查貴州通志福德山 雲博山 在城東

城東五里 之所雙峯尖峙俗名雙山子 天臺山 在城東北亦名大 佛腦高十餘里有

四十八梯最為險峻諸山環拱高出雲表巨石橫亘人行 其上謂之天生雙橋又有石洞寬五六尺許春夏瀑布懸

注直如水簾故曰瀑飛仙洞其寺 雨標山 在城東南二十 基殿屬仁懷廳下殿屬合江縣 雨標山 在城東南二十

鑄一見以樹枝插其內即雨有意尋之即不得見 五花 路在城東二十里正看止一尖峯橫看五峯如指三面有

山 磨播山 在城東五十里 寒朋回 在城東五十里 兩山朋 馬攢 石在城東五十五里此 玉皇頂 在城南六十里上有玉皇

山 與磨播山相連 玉皇頂 在城南六十里最高東西可 增修仁懷廳志 卷之一 山志

望數百 仙人洞 由玉皇頂發脈下來在九里灣上手其洞 不敢遠前人避兵於此 青桐坡 在城南八十里 觀音菴 在

外南石門礮眼猶存 大白巖 在城南八十里其山 判官腦 在城 南九十里此與 最高望見數百里 野豬坪 在城南

十分水嶺 在城東一百三十里山上有古 紅巖 在城西南 山高數里最險山 九條嶺 高其最上最平 紅巖 在城西南

上出穀數百石 九條嶺 高其最上最平 紅巖 在城西南 之山色紅故名為旺隆塲後 羊啼山 即羊鼓腦在城西南

山霧罩上行則雨下行則晴 羊啼山 即羊鼓腦在城西南 有石昔嘗化為羊鳴於山巔故名相傳 紅巖門 在羊啼山

羊啼則境內大熟此山離城三十里 紅巖門 在羊啼山 有紅石似門遂呼為紅巖門巖脚有紅 紗帽山 與羊啼山

巖寺係前朝古刹傾圮今又新建廟宇 紗帽山 與羊啼山 山在右紗帽山居 揚旂山 昔人住兵於此

中峯高左右低以其形似故名 揚旂山 昔人住兵於此 壁清野復興塲九團修寨堡於此山名集義寨揚旂山 石

紗帽山羊啼山三山相連有五六里其實只一出也 石

石

石

石

牛岡 與揚旂山相近相傳此有石似牛常乘夜下山食

光坪 在城五十里 捷鹿巖 在城南四十五里 萬龍洞 在大白

商羊巖 在城西南三十里與復興場相隔赤水河明季有

也石錠山 在城西三十里 冠蓋山 在城西三十里在大洞

之棟山 在城西三十里與冠蓋山相峙 蓮花山 在城

冠棟山 在城西三十里與冠蓋山相峙 蓮花山 在城

十里右與左有飛 福壽山 在城西二十里同治六年丙寅

流急湍入於勞溪 界牌山 在城西南立有石碑 石龍嶺 在城西四

於此山宋王 界牌山 在城西南立有石碑 石龍嶺 在城西四

或廻均怪 洞垣山 在城西南立有石碑 鎮龍山 在城西四

石連接 洞垣山 在城西南立有石碑 鎮龍山 在城西四

經王言 猴子了 在城西四十五里懸 大茅嶺 在城西三十

培修 猴子了 在城西四十五里懸 大茅嶺 在城西三十

嶺其地多 紅巖 在城西四十里高百餘 牛鼻礮 在城西四

草故名 紅巖 在城西四十里高百餘 牛鼻礮 在城西四

增修仁懷廳志 卷之一 山志 三

穆聳中山如 血柏坪 在城西里離城七十里其山 三鍋庄

牛鼻故名 血柏坪 在城西里離城七十里其山 三鍋庄

在城西里離城八十五里三山相 隆年閏兩邑居

峙故名其最大一山上有一古剎 界保山 在城西三十里山有池不

民爭地經仁邑會勸立 五雲山 在城西三十里山有池不

廟於此山以為疆界 五雲山 在城西三十里山有池不

崇

巖石

非

諸山

在城

西三

在城

西四

與洞

垣山

相

近上

有古

剎

在城

西三

十

里

橫

舖

一

在

木於潭今天晴時  
往往見有沉木形  
三臺山 在胡市場後離城百  
里屬土城里二甲 獅子山 在

似獅子形 帽盒山 在胡市  
場非 五峯山 亦名五花山 在  
胡市場北 貴人山 在

對面 鳳凰山 在胡市南  
雞冠山 在胡市東 大丁山 離城一百三十里  
在土城里大金沙

上小丁山 在大金沙上  
曝花巖 在葫蘆溪上流上下兩巖皆石  
如花之枝葉 川風 在城南九十里由沔灘進山 猿猴

極自然之妙 山 在城西南一百三十里猿  
猴鎮以山石形似而名 木桶巖 在城西南一百九十

山 在城西南一百三十里猿  
猴鎮以山石形似而名 木桶巖 在城西南一百九十

經此 仙人壩 在城西南二百七十里設有塘汎相近爲牛  
梁山 在土城里四甲一名 金剛山 在金娘之左俗占天氣

爲 太洪山 在土里山勢自東而西數十里沿溪流至太平  
驗 太洪山 在土里山勢自西而東由太平渡逆水而上 玉屏

太極山 在土里山勢自西而東由太平渡逆水而上 玉屏  
與太洪山環抱二山爲仁懷古藺之門戶

增修仁懷廳志 卷之一 山志 三

山 俗名轎子山在土城 牛心山 在土城右邊其山一望  
琵琶田 在土里銅鼓溪溝水曲折如之字三繞其 五雲山 在

城里銅鼓溪五峯聯峙爲土 老蒿山 在土里銅鼓溪上流  
城場之來脈其下爲金子園 老蒿山 在土里銅鼓溪上流

萬岳氣 圓天巖 在土里老蒿山之下形如箕 五老山 在風  
概故名 圓天巖 周圍十數里其土皆平行

五山相接其 水雲山 在五老山之中峯後橫看迤十餘里  
地多鐵鑛 水雲山 如水雲澹冶側看則中峯挺峙其下

橫山子 在順江舖後四山夾峙有大溝此山橫截其中春  
斯二姓請於官開鑿成田至丙午歲六月山左大山崩半

里許仍將溝口塞斷積爲大池難於復開居民云向開鑿  
時歲收穀可 龍洞 徐皮垣有二銅鼓溪有一皆自巖洞出

六七百石 龍洞 徐皮垣有二銅鼓溪有一皆自巖洞出  
必然 有雨

官山距城一百里在河西里與四川敘永廳榮樂里聯界



綿亘三百餘里俱荒山以小水溪溝爲界溝以左之八節洞麻子崖斑鳩洞白沙坪屬敘永溝以右之黃連巖麻子巖箐箕巖鐵匠巖石包巖韭菜墳屬仁懷約計川省所轄十之四黔省所轄十之六乾隆四十一年川民金成世黔民李占文等私墾爭訟至乾隆六十年又有川黔漢夷民人李子龍等佔墾約鄰具控經敘永仁懷兩廳會勘將李占文等驅逐並將此山作爲官荒嘉慶四年有桐梓縣人趙繼炳赴京呈請開墾經兩省委員會勘立石爲界六年趙繼炳復赴京誣控鄧紹謨等私佔毆搶經署遵義府周藹聯署仁懷廳崔本署敘州府崔特峯敘永廳曹六

增修仁懷廳志

卷之一 出志

三

興會勘封禁嘉慶九年貴州撫部院福准四川督部堂勒咨據四川布政使董教增稟請於永寧仁懷兩營內各擇武弁一員移駐該處附近彈壓使無業之人羣趨南畝卽奸民皆化爲農耕且三年成熟照例陞科輸賦司道會詳覆白沙坪官荒不准開墾尙恐奸徒私入滋事一經准開則四方流匪呼朋引類相率而往日聚日多必至滋生事端似應照舊封禁未便請開咨覆到川道光二年趙繼炳充軍陝西鳳縣赦回復赴京控鄧紹謨等私墾仍咨部

封禁道光三年貴州撫部院程准四川督部堂陳咨據布政使戴三錫署按察使周之琦稱據敘永應蒙額稟請開

墾白沙坪官荒一案咨黔將趙繼炳控案審辨仍然封禁  
咨覆到川遂止道光八年仁懷同知徐玉章稟稱竊查卑  
廳官荒地土詢諸土人據稱種苞穀早種晚收可望成熟  
約計可墾地數百畝多收雜糧五六百石擬以此款公募  
開墾俟成熟後照下等地上赴育嬰堂納租不果今其地  
人烟寥落草木亦稀卽有入山私墾者一二旋卽遷移他  
處所謂不毛之地也

### 水志

桃竹溪出土城里東皇場由官坪黑竹溪螞蟻溝巖桑背  
至黃樓沱入赤水

增修仁懷廳志

卷之一

水志

三

桃竹埧水出馬巖逕桃竹埧合沙埧河入赤水

九溪河出敘永廳合乘龍山水入赤水

古蘭河出敘永廳古蘭巡檢司地方至太平渡入赤水

漁溪一名儒溪溪有二源一出敘永香椽埧筍子山逕流  
至銅鑛口頓子石下大石寺一出金魚溪龍盤石下池窩  
合流於唐朝埧埧分上中下沿溪築二十七堰引水灌田  
出穀萬餘石兼以菽麥雜糧一歲三穫水旱無虞源委一  
百餘里逕魚梁石入赤水

泥溪出楊家廠由紅巖至范家背入赤水

渾溪其上源曰銅鼓溪土人於其地掘得銅鼓大小各一

因以名溪其溪由青苔坵合一小銅鼓溪逕水漸坵入赤水

甕溪其上源曰鐵廠溝流至甕溪入赤水

板礮溝在猿猴鎮西南入赤水

猿猴溪出敘永廳逕石梅寺入赤水

芑照溪出官山入赤水

金沙溪出紅藤坵由大金沙入赤水

悶頭溪今名大順溪導源乾溪入赤水

葫蘆溪出天鵝池山後葫蘆坪至葫蘆腦入赤水

阿蘭灘出大白巖萬龍洞逕乾灘子與撥魚溪水合撥魚

增修仁懷廳志

卷之一水志

三六

溪源出青桐坡逕柑子寺至貓兒灘與棗木溪水合棗木

溪出龍洞巖逕旺龍場至乾灘子與阿蘭灘溪水合三水

會流至溪口入赤水

荔枝溪在別灘下入赤水

葯溪在柏香林下入赤水

丙溪出敘永廳至丙灘入赤水

大安坵溪水流至狗嘶子入赤水

金魚溪出敘永廳楊四坵溪產金魚味美不多得其溪兩

面分流北流合魚溪入赤水南流合風溪入赤水

風溪亦曰豐溪從龍蟠洞逕兩河口至五岔坵又茅溪水

合入赤水

仁右溪亦曰仁友溪出磨子坝入赤水

磨盤溪亦曰白梭溪出七里坎由水嘶坝至梳磴石橋下流入赤水

鹿子溪出大界背雞垵露風埡至椒子坝及中村又至流沙巖逕廻龍場入後溪

後溪出敘永廳樂榮里桂花場至廳界官山鷺項嶺由鷺項嶺至紅巖溝斑竹林等處沿溪田土多資灌溉至官田坝明初尙未開墾正德中有周王鮑三姓自江右遷此始耕種又逕坝至桐子灘至廻龍場而鹿子溪水始合焉又

增修仁懷廳志

卷之一 水志

三

由獨樹子韓婆溪梁家灘長石板乾巖子始至蝦蟆石石在溪沱其色淡綠以形似而名又至小橋子土人稱爲小橋子河至孔灘橋入勞溪

小溪在城西二十五里入勞溪

新溪在城西二十八里入勞溪

勞溪亦曰鰲溪出敘永廳清化里磴子場由大沙沱至天星橋由天星橋至敘永廳合江縣仁懷廳交界之兩會水東南流爲閔溪溪中六七里頭洞二洞三洞四洞下俱有潭深不可測有魚如鯪味甚佳漁人捕之不多得又東流逕孔灘橋後溪水注之又至大洞場始可通小舟東流至

關灘石梁直亘兩岸右缺數尺如城門狀石梁中一巨石如卵一人撼之隨手欲搖狂瀾大浪屹然不動又至黃櫻灘積石縈沙纔通舟路又至曲尺子灘凡舟至此灘須迴轉方可過又勞溪沙洲下有潭極深相傳有二神魚穴於潭中流至勞溪口入赤水

蒲村埧水出天臺山逕蒲村埧由夾子口東入赤水

太極泉水出城南山中泉水流入泮池由永安橋西至黃木溝入赤水俗謂水道縈紆如太極圖同知陳熙晉有太極泉銘

鯁魚溪水出天臺山下入赤水

增修仁懷廳志

卷之一 水志

四

青桐溪水入蒲家溝合桃竹巖水又馬王埧水出玉皇頂入兩河口又大豆埧牛兒洞溪水亦入兩河口以上各水同至車網塲入赤水

上層埧水出平灘子入高洞河

紅巖埧水出乾溪入高洞河

天鷲池在城西南三百六十里爲銅鼓溪土城猿鎮葫市眾山之遠脈四山環繞中有池寬可三百步長六七百步水極深不能測底土人剝木爲舟牽渡之池腦有小山形似魚巖石刻有夜郎朱熹字池口有石筍四株相傳池中

有龍每風雨土人輒不敢渡其下流注高洞河

高洞河其上流爲官渡河出仁懷縣吼灘里逕廳界圖書  
填南逕赤水里官渡塘有魚灣關廳權稅處也係縣地間  
通小舟又至長沙嘴至高洞始可舟至合江縣城南合赤  
水入大江自官渡塘至高洞六十里高洞至合江三十里  
蜀人以爲鰮部水非也蓋鰮部係赤水河內灘以下至夾  
子口河出鰮魚俗呼江團魚是也赤水河上下他處並不  
產鰮魚人遂呼仁懷爲鰮水按山海經云鰮魚狀如鵠而  
有十翼今鰮魚觜尖似鵠有黃白二種有十翼亦有七翼  
意或鰮類之有二種歟

赤水河一名大涉水出雲南昭通府鎮雄州斑鳩井東北

增修仁懷廳志

卷之一水志

里

流至四川敘永廳界有阿郎河水注之又東至四川永甯  
縣雪山關南貴州畢節縣赤水衛北又至天鼓巖入南受  
永甯縣白撒溪水三渡水畢節縣杉木河水又至畢節縣  
白沙塢爲白沙河又至黔西魚塘爲魚塘河又至仁懷縣  
洞口河沙坝河濠溪西注之至茅台村始可舟至銀灘遙  
坝場水西注之至新龍灘東岸屬黔西岸屬蜀灘險不可  
舟陸行三十里至二郎灘方可舟有水坎河從桐梓縣西  
北流注之至順江場入仁懷廳界桃竹溪水西注之又北  
有九溪水東注之至太平渡敘永仁懷交界處也古蔺河  
水魚溪水同東注之至土城潭溪水西注之至米糧坝泥

溪水西注之又受甕溪水板橋溝水至猿猴鎮亦稱爲猿  
猴河猿猴溪水東注之至芑照折而東堰塘溝水東注之  
至大金沙金沙溪水西注之又至葫蘆市葫蘆溪水西注  
之至阿蘭灘阿蘭溪水西注之至別灘荔枝溪水東注之  
至柏香林藥溪水東注之至丙灘丙溪水東注之產鯽魚  
故名鯽部至狗嘶子大安埧溪水西注之至風溪口溪水  
東注之至雲灘腦仁佑溪水東注之至老仁懷東北流磨  
盤溪水西注之至大洞場舟行十五里至七角埧勞溪水  
東注之又東至四川合江縣南仁懷廳北受夾子口馮材  
埧水又受合江九支埧溪水自此至柴灘以下河無灘蹟

增修仁懷廳志

卷之一 水志

四二

水皆蕩平故名安樂水交合江縣界便多凶灘又至仁懷  
廳城西太極泉水西注之遠廳城北至城東鱧魚溪水西  
注之入合江縣車網場水西注之至安樂山下高洞河從  
仁懷縣界西注之至合江城東入大江自鎮雄州至合江  
縣行一千一百四十里舟行六百五十里上自二郎灘下  
至鈴鈴灘行廳界三百九十里明史地理志合江縣北濱  
大江西有之溪水入焉因名合江顧祖禹方輿紀要合江  
縣之溪源出仁懷縣境環遶如之字故名之溪夫大涉水  
赤水河水之總名也鯽部水安樂水之溪水以河之段落  
得名也其實一水也

赤水一名齊郎水見通志圖內源出貴州仁懷界嵩山支  
里楚米坡經小溪里一名之溪入瀘州合江縣境會蜀江  
古有苗齊郎居此因名舊志赤水河敘永東二百里源出  
貴州赤水衛下通符陽大江水經注江水又東過符縣北  
鰾部水從東北注之酈道元注符縣治安樂水會水源出  
南甯州平夷郡北經漢安縣東又經符縣北入江其鰾部  
水或是水之殊目寰宇記安樂溪水從牂牁生獠界來八  
十里合汶江通志安樂溪在合江縣西南自仁懷縣界流  
入卽古大涉水也水經注大涉水出南廣縣北流注符黑  
增修仁懷廳志

卷之一 水志

四三

水又北經犍道入江謂之南廣口按通志南廣水在今慶  
符縣北一百三十里源出烏蒙山箐經筠連高縣流入又  
北流十五里經縣西門外又東北流一百三十里經宜賓  
縣南廣洞入江按符縣今之合江漢爲符縣蕭齊時爲安  
樂縣南廣今之慶符筠連高珙等縣犍道今之宜賓屏山  
等縣水經志謂大涉水爲南廣水又安樂水出南甯其志  
誤也合水經注寰宇記則鰾部水乃今之安樂溪攷其源  
流俱與赤水合或因地異名在合江爲安樂溪在敘永爲  
赤水是今之赤水卽昔之鰾部可知顧自酈道元時已謂  
非所能究况歷今千數百年並未身履其地目覩其形又



何能臆度哉姑備錄之以質博古之君子

赤水往時舟楫僅至廳城開通猿猴乾隆十年貴州總督張廣泗因滇黔銅鉛由陸路轉輸費用浩繁且黔不產鹽須從川運至猿猴轉販奏請帑金三萬八千四十二兩有奇疏開河道上下游六十八灘上游自天鼓巖至新龍灘二十灘遣大定府知府王允浩浩之下游自鹽井灘至雞心灘四十一灘遣遵義府知府陳玉鑿治之興工於乾隆十年十月十一日至十一年閏三月一日工竣京師官爲試運節省無多今仍陸運至永甯下船運到瀘州惟鹽船抵茅台村其中二郎灘至新龍灘三十里由陸運外舟行

增修仁懷廳志

卷之一 水志

四

七百里其灘積磷次櫛比逐一登載俾乘舟者懷垂堂之戒操舟者知習流之險云自雪山關至天鼓巖十里其中畢節至老虎灘無陸路可通須以白沙爲步天鼓巖至白沙六十里自白沙至黔西州之魚塘一百八十里河身較窄紅石梁豬圈門廟兒碓窩諸灘築石橫亘水勢陡險舟子輪流挽放一日僅行二三十里自魚塘至茅台村一百八十里險灘略少議者謂可行舟然魚塘至黔西州城二百二十里其赴省垣轉不如茅台村之便以是輟棹不前也故自茅台村以下各灘始可次

茅台村至新龍灘各灘

大銀灘 燒火灘 小銀灘 新開灘 青灘 羅村

灘 崖灘兒 偷狗灘 鐵匠灘 鑽子口灘 三盆灘

令牌石灘 大坦寺灘 小新灘 老頭庄 小浩兒

泥灣灘 母豬灘 皂莢樹灘 陶公灘 灘險長 灣灣

灘 鯉魚灘 黃櫻灘 三角灘 馬蟻溝 黑蠻灘

大銅鼓灘 風絲渡 九子灘 馬巖新灘 石稜夾峙舟出入其中最

行小銅鼓灘 狗灘 筆架灘 大火鏟灘 灣灣灘

長灘 馬尾灘 其上為馬尾崖路最險仄 燈盞灘 豹子灘 新

龍灘 一名興隆灘相接為吳公崖巨石橫亘波心不受斧鑿乾隆初吳公思開此崖未就尋崖石崩頽蔽塞川

路吳公愈憊死因以為名蓋新龍灘名雖一灘實則接連六灘相去纔將一二里 上長灘 中長

增修仁懷廳志 卷之一 水志 壘

灘 下長灘 自新龍灘至此僅三里餘怒濤噴薄 殷鬍子

沱 大白漬 小白漬 文公上灘 文公下灘 黔岸石山壁立

蜀岸立有文公廟一所巨石怒排港口窄 螺螄灘 臺盤

狹水大浪高難行水小則岸上無緯路 螺螄灘 臺盤

灘 虎跳石 礮灣洞 黃連大洪 二郎灘 距新龍灘三十里鹽

船於此灘起岸陸運至新龍灘處下船 白魚口灘 大對甲 小對甲 鹽

房溝 響水洞 岔角灘 入仁懷廳界灘上出煤炭至猿市

乾溝灘 順江鋪灘 鍋圈子 花滾灘 魚錦灘 雞

爬坎 樓薦灘 灘不甚大春夏間無風自吼聲震 寒石梁

袁灘子 極險 遊塊三灘 一日遊洪灘 甜灘子 茨菰灘

大熬鉢 小熬鉢 淋灘兒 立石灘 在河之右岸山上石懸立上天下

小極似碗側視如飛鳥着地欲飛狀新開灘 燒火灘 十八灘 寶寨灘

魚溪灘 瓦窰灘 皮匠灘 牽塘灘 落妹腦灘曰一

二女于此因以名灘極險籛箕灘 大甕灘 小甕灘

九溪口灘 膏梁灘 太平渡灘 櫻背灘 牛困灘

蛇皮灘 洗腳灘 黃皮灘 瓢兒灘 巖灘 鐵

匠灘 土地灘 雁灘極險 虎腦灘 黃泥灘亂石堆積

每船須百餘人方能牽挽以上舟子必俟二三十船始發上城下第一險灘也落妹腦次之雁灘又次之板橋

灘 小新灘 大新灘 石灰灘 鐵匠爐灘 燒火灘

猿猴鎮至仁懷廳城各灘

猿猴灘廳城牯牛船至猿猴灘 小猿猴灘 石梅灘商船皆盡

增修仁懷廳志 卷之二 水志 四

出所載上灘 小石梅灘 孔雀灘 上雷鉢灘 下雷鉢灘

金鼓子灘 斑鳩灘 牛背灘 小金驛灘 山牯庄

確窩灘 雞心灘 火燕子 牛邊灘 大五里灘

小五里灘 大磅鱗灘 葫蘆腦灘怪石排流盪船必出載上灘

上橫梁 阿蘭灘極險盪船必出載上灘 大橫梁 小別灘

大別灘灘甚險俗云大水阿蘭小水別 掛鈎子灘 扶木灘 彌陀灘

歡喜灘 荔枝灘 新開灘 小丙灘 大丙灘懸流數丈港路

一線盪船至此必出所載上灘 狗嘶子相傳灘有石如狗兩岸人每夜聞水中吠聲數日間必覆舟

紅石子 雲灘腦 仁懷磧 魯般灘 白梭灘

姊妹灘 豬鼻灘 白魚浩 觀音灘 神箭子

石牛口 夾子口灘 柴灘 瓦窰灘 東門沱蜀船至此

易括牛船上猿猴鎮

仁懷城下合江入大江各灘

老鴉灘 鈴鈴灘下入合江縣界 二郎灘 和尚灘 灣灘

黑蠻灘 大王溪灘 丁灘 水碓灘 水林

香爐灘極險 拖灘 走馬灘 白葉灘自鈴鈴灘至此一百三十里入大江

渡口

北門官渡在廳城北門外乾隆五十二年同知張鳳枝以七寶山尹福通弟兄捨出龍居寺田內撥出市

斗租穀二十六石作每年渡夫工食

東門渡在廳城東門外

增修仁懷廳志

卷之一 渡口

七

西門渡在廳城西門外

夾子口官渡離城五里

七角了官渡離城二十五里均由同知張鳳枝撥尹福通弟兄捨出龍居寺田內租穀二十四石作兩渡渡夫工食

渡渡夫工食

關灘渡在河西里離城三十里係監生廖輔元捐捨案存署內

沙灣渡在河西里大洞場上碼頭道光十年募眾興設

廟沱渡在河西里虎頭山

兩會水義渡離城四十五里川黔合水處河寬水深不能修橋王錫瑞之母羅氏捐設此渡存案署內

水合背渡在復興場下碼頭

四灣沱渡在復興場上碼頭

仁友溪義渡 羅裕泰同族捐設

風溪口官渡 乾隆年間因溝民賣靛成交後靛價忽漲賣者貪心復賣別主以致前買主控於官同知張鳳枝斷買者照時價貴價付給賣者不應一物兩賣仍照前賣賤價歸收其多得之價充作官渡每年生息所得之利作渡夫工食至今士民德之碑文現存渡亭內前志誤以爲桂艾二姓官渡殊非

狗嘶子渡 離城五十里在首里

丙灘渡 在河西里

歡喜灘渡 在首里距丙市六里係戴世儒捐錢六十千經恩貢王志純添募買業收租年給渡夫食穀四石六斗神福四百文

阿蘭灘

增修仁懷廳志 卷之一 渡口 哭

小關子渡 在首土二里交界處

堰溪子渡 在葫市上碼頭

大金沙渡 離城一百二十里

碓窩灘渡 在葫市上

背照官渡 距城一百六十里嘉慶十年同知胡翹椿置渡田道光七年撥石梅寺租益之二十一年同知陳熙晉捐貲每年四五六七四月添渡夫

沙沱渡 石梅寺所捐義渡

板橋渡 在城里

燕灘渡 在河糧

簸箕灘渡 在土城里

土城關渡 道光二十一年同知陳熙晉新設置有田業

漁溪口渡 在土城里

王家灣渡 在土城里

新灘渡 在土城里

柴灘渡 在土城里

太平渡 交敘永廳界有落洪口界碑乾隆庚寅飢民枕藉河西因更名太平渡赤水河自茅台以下皆西流

經新龍二郎兩灘下百七十餘里至太平渡遂繞山折而東凡商船上多停泊於此蓋蜀貨由陸至此而就船也此渡邑

岸顏可鑄募眾興設

吳氏濟渡 在孔灘橋每逢春夏之間水泛橋淹以舟渡人係吳監生捐捨案存署內

李氏濟渡 亦在孔灘橋每逢春夏之間水漲橋淹以舟渡人係李氏捐設案存署內

增修仁懷廳志 卷之一 渡口

苦竹埧渡 係鄉人釀金與設

十丈洞渡 亦鄉人興設

橋梁

文匯橋 在文昌宮外

永安橋 在城中堰塘口

流西橋 在太極泉處

女繡橋 在東門外水口處

石塔橋 在城東門前

平橋 在城東十里古橋

五桂橋 在城東十七里相傳明季馮姓有五子造此橋

芒度潤橋

在城東三十二里  
係謝棧往來大道

米桶溪橋

在城西五里上  
監各官德政碑

和尚橋

與米桶  
橋相近

夾子口橋

在城西  
十里

陶鑽廠橋

在城西  
二十里

梳磴石橋

在城西二十五里同知楊鉅源修建咸豐九年  
腳石傾圮同知賈致恂札王椿等募眾培修後

大石橋

在舊仁懷塲口石壁上刻  
有隆慶元年天生橋字跡

楊橋

在舊仁懷榨子門  
外溪水通大石橋

沙背橋

在舊仁懷  
上碼頭

增修仁懷廳志

卷之一 橋梁

三

劉家橋

在城西二十八里  
距梳磴石三里

魚跳洞橋

向修平橋屢被水冲同治  
中王理募眾捐修拱橋

天祠橋

一名舊橋在水  
西堤天堂廟前

水西堤橋

一名新橋在  
水西堤宅後

溪口橋

魏家溝溪口地名吼灘溪水流至此合大溪水漲  
途人每失足淹斃貢生張聲洪募眾捐資修拱橋

李家橋

在石包溝上手距  
溪口橋二里許

堤底下橋

其橋低平  
水易淹

小方堤橋

在堤底下  
之上流

頭道橋

磨盤溪  
首橋

磨盤溪橋

在五皇廟之  
側係二橋

三道溪橋 係磨盤溪三橋

濫塘橋

七里坎橋

新橋 在首里 確夾石

連貴橋 在首里 撥魚溪

一字橋 在首里

油銅橋 在首里 小關子

萬壽橋 在河西里七角了上手

福申橋 在河西里二十五里 里人李文林募眾建

小浩橋 在城西二十六里一名石家橋又名長生橋

增修仁懷廳志 卷之一 橋梁

孔灘橋 在河西里距城三十五里古橋同治十一年邑紳蔡振聲喻元楨募眾修建

禱石橋 一名道石橋 在河西里

小橋 在河西里距城三十五里

鎖溪橋 一名永濟橋在河西里距城三十八里乾隆三十二年萬文義募眾建

新橋 在孔灘橋之上

閔溪橋 在河西里距城三十八里

太平橋 在迴龍場上首

關園橋 在河西里關園

天恩橋 原名板橋在古家壩坡下

丙灘橋 係古橋後經羅造艾仕洪等四姓修建再後光緒十七年又傾圮二邵王理奉札培修



盤環橋 在葫市灘下

安貞橋 在葫市大五里碑載謝本嵩題橋詩

乾灘子橋 在旺市昔有石橋圯於水今屢修屢圯春夏水漲行人多阻

板橋 在葫市今為石橋

石灰橋 在猿市

萬壽橋 在猿市石灰溪上首

板板橋 在猿市今為石橋

范家薺橋 在土城落妹腦上首

萬壽橋 在土里銅鼓溪土地埂羅姓等建

黃樓沱橋 在廳與仁懷縣交界處

增修仁懷廳志 卷之一 橋梁

沙溝橋 在河里距丙市二里里人捐資建橋行人利之

補過橋 在首里長灘溪溝口往來行人病涉王子范始募創修石橋後因大水冲壞片石無存其子培森情

般補過勉力捐修較前鞏固題曰補過橋三字

上楊橋下楊橋 在首里茅坪左右係八十壽民楊寅貴獨力捐建優貢王培森不歿其善特名上下

楊橋以誌之

六洞橋 在首里石板灘橋成六洞平坦異常行人往來利益

增修仁懷廳志卷之二

古蹟



廳之復興場卽仁懷縣舊治宋廢縣爲堡以巡檢管轄場  
左白巖背石刻有省注播州古磁等處巡檢周於大元天  
曆戊辰創建觀音閣並聖像等字旁書住山妙坤立播闢  
承發吏陳泰和書石匠文有傳何超祖刻今字跡尙存

天生橋三字係隆慶元年刻在復興場大石橋上面石梁  
未注名姓

廢竹慶寺在舊仁懷白巖背迄今傾圮無存惟於河中得  
一鐘上鑄有竹慶寺三字其鐘現在進寶山廟內今叩之

增修仁懷廳志

卷之二 古蹟

一

無聲

廢磁州在城西南一百五十里今之土城場一名武都城  
卽是

懷陽廢縣明李化龍播州善後事宜疏仁懷濱播枕永祿  
合帶瀘查懷陽縣當在首里地方今不可攷

威遠衛城西九十里石夾口十丈洞舊隸永甯宣撫司地  
康熙元年裁衛凡威遠衛屬地方與石夾口俱歸併仁懷

縣今轄廳治

承流縣廢於宋宣和三年以其地併合仁懷縣地在何處

今不可攷

二郎埧明吳廣分兵二路一從合江由赤水河入一從永甯由太平渡入兩路兵合屯此地

金子園在土城里五雲山明萬厯中儒溪長官司袁寶臺築園爲保障碑記猶存其山下有洞可容千人皆修鑿而成者旁有巖相傳昔人藏金處道光十八年巖塌一壁土人拾得銀三四兩不等

九龍園在土城里山高千丈由天鷲池銅鼓溪而來壁立陡峻必捫蘿附藤始能上下係前人避兵之所但巖穴間石工鑿治雕鏤皆在半巖中不知其從何置足而施手也七寶園在土城對河與九龍園對峙險峻陡絕亦前代避

增修仁懷廳志

卷之二

古蹟

二

兵處其上多松居民於山開墾或得銀數十兩其銀與今樣不同

天賜園在唐朝埧之上高數百丈四面懸絕後有小徑可登山之巔四圍皆高中極平衍可容六七百人大石周五六丈下有井泉溢出流聲如鳴鐘冬溫夏冷石上潔淨如掃左側巖洞可藏數百人須用木梯二丈餘橫接入洞去梯人不能入下卽懸巖崩壁至今珠口嶄然在望亦係前代避兵處

天鷲池崖石上刻有夜郎朱焄字不知何時人

唐朝埧銅鑿口之後有頓子石高十餘丈刻有明萬曆九

年四川華陽縣知縣吳文瀾採本經此

凌雲巖在古藺小河入廳赤水處巖半有觀音大士像明萬曆戊申年瀘州判官鄭子昂刻石尚存

儒溪碑記在麻柳灘明萬曆二十九年奉川湖貴州總督王象乾立

銅鼓溪大字崖石刻明嘉靖己未年四川新津縣知縣黃德倡字克明號梧岡江西南康人奉旨採木經此並刻論文一篇於石崖上有七八百字至今猶存

和尚巖在首里羊啼山半腰中係前明張姓避兵處巖中石上刻有年月名姓

增修仁懷廳志

卷之二 古蹟

三

吳家園在首里揚旂山半山中其園可住百餘人前明吳姓避兵於此因以爲名迄本朝同治年間髮匪竄擾鄉人亦多避兵於此

避兵巖在首里九峯山半坡中勢甚陡險相傳前人避兵處同治元年髮匪入境人多避患巖中

湖南巖在首里下洞天堂左側石上刻有湖南並洪化二年避兵到此字樣未注名姓不知何人所題

躲兵巖在首里三甲紅巖半坡中相傳前人避兵於此同

治元年四月初八髮匪入境街民半避巖中見巖上刻有隆慶元年四月初八避兵於此字樣相距數百年而月日

相符豈非氣數使然歟

廢奎光閣在本城東門外坡上高十丈餘道光五年同知  
普恩後同知劉嗣矩勸捐創建道光丙戌因婦女登閣遊  
玩遂被雷殛破其柱首事復爲整修完好道光末年忽燬  
於火

廢先農壇同奎光閣相連一處亦同燬於火

仙人洞在七里坎九里灣其洞有數巷可住數百人洞甚  
深人至半中間吼聲最猛遂不敢進今石門猶在

首里水西埧農民於田壁中挖出石碑上刻宋故戰夫人  
之墓其人與墓均無攷

增修仁懷廳志

卷之二

古蹟

四

萬夫人墓首里三甲立石子生基內石刻萬夫人墓其年  
代不可攷

芙蓉廢縣 方輿紀要在仁懷縣南唐貞觀五年置隸牢  
州二十年改隸播州咸通中廢

按芙蓉當在正安接綏陽之間今猶有芙蓉江可證

瑯川廢縣 方輿紀要在仁懷縣東南唐貞觀中隸牢州  
十六年改屬播州開元二十六年省人芙蓉縣宋大觀中  
更置播州兼領琅川縣卽瑯川也宣和三年降爲琅川城

隸南平軍尋廢

胡刀廢縣 方輿紀要在仁懷縣西南五十里唐貞觀九

年置釋鷺縣屬牢州十一年州廢縣省十四年復置改胡刀以縣南一里有胡刀水東流合於烏江也縣屬播州開元二十六年廢

按通志謂廢胡刀瑯川兩縣俱在施秉江外屯地俗名偏刀水其說近之若在仁懷則中隔珍州之夜郎三縣及播州之帶水勢不能併入芙蓉也且紀要謂胡刀縣南一里之胡刀水流入烏江今仁懷境中無入烏江之水也又舊志引紀要云夷牢水廢胡刀縣界帶水亦至廢胡刀縣界注湖江夷牢水卽今樂安江樂安江卽在遵義樂安里是也帶水卽今洪江湖江卽今烏江以此

增修仁懷廳志

卷之二 古蹟

五

三〇一

水道求之胡刀之在遵義接湄潭界中更顯然可見

湖江廢縣 方輿紀要在仁懷縣東南四十里貞觀九年

置屬郎州旋廢十四年改置湖江以界內湖江水爲名

按紀要於烏江云或謂之邗水或謂之湖江於帶水云東流至廢胡刀縣界入湖江水湖江卽烏江此云縣以湖江水爲名則其地必在烏江上下若仁懷縣去烏江四五百里謂廢縣在其地不合

巴符關 水經江水又東過符縣北注縣故巴夷之地漢

武帝建元六年以唐蒙爲中郎將從萬人出巴符關者也

按漢書西南夷傳唐蒙從巴符關入見夜郎侯多同與

記作巴蜀祚關與符字形相近水經注作符要是本史漢爲說且巴符關者謂巴地之符關也若是祚則其地在四川雅州非巴國境繫巴於關名無取也審是則不在合江仁懷境可知如酈氏言唐蒙當時蓋從合江仁懷進其關在何處涉於疑似終不可攷

仁懷縣有四驛儒溪驛在小金沙永鎮驛在大灣永定驛在五岔山盤驛在山盤按播州驛有十三驛惟儒溪驛在廳境內餘三驛俱在仁懷縣境雍正六年奉文盡行裁撤遂廢

虎碑堂在土里二甲大溝頭箐腳祠內供土穀神像並有

增修仁懷廳志

卷之二 古蹟

六

道士王法真神位祠外有石碑一塊上刻符篆係嘉靖年號相傳爲王法真驅虎之符後人就其地建祠以爲祈報之所遂號虎碑堂其碑現存

官碕秀才碕二碕接連內通往來距東皇場里許碕門懸巖峭壁碕口距地約高四五丈碕內高三丈許寬二三丈兩碕相通深里許下有活水川流不息各匪逼近用辣椒燒薰碕內出風冲散居民避賊得以保全

古神碕在土里距螞蟻溝場里許碕口距地高一丈二三

尺碕口寬七八尺深四十餘丈碕內石山結成形似石人

石馬

響水碕在土里風村場里許碕深十餘丈寬圓七八尺碕底四季有活水川流不息如以一小石擲下則琴管之音逾時不絕

紅春巖在土里距風村場數里高四十餘丈碕口高八丈寬五丈進深約十丈有奇口外生有石海角一個百鳥在彼結巢同治元年髮匪蹂躪團內居民赴彼避難均得保全

大巖在土里距風村場數里高四十餘丈碕口高十丈寬八丈進深數十丈內有塘水川流不息同治元年髮匪蹂躪居民避賊保全甚衆

增修仁懷廳志

卷之二

古蹟

七

五腦山咸豐九年修堅壁清野卡門是大石生成同治四年號匪在彼紮營寨門頂石約千餘勦飛騰墜下賊遂奔回其石不現

烏龜石在土里金魚溪河內長一文餘首尾通身均似龜形

甌子石在土里金魚溪河內高約丈餘寬數丈四面如甌形光潔圓固無級可登人不能上石頂上生有樹木叢棘採樵均不能攀



城垣

宋大觀三年始設仁懷縣宣和三年廢縣爲堡以巡檢治其地在舊仁懷明萬厯二十九年平播後知縣曹一科移舊治於留元坦復設仁懷縣創修城垣周圍四百七十五丈計五里三分高一丈四尺椽口一千一百三十三處水洞三處炮臺四座城門四城樓四嗣知縣王所用增補康熙二十年知縣趙洪基重修雍正九年移仁懷縣治於生界之亭子坦建立新城遂名此城爲舊城移遵義府通判分駐乾隆三年撥仁懷縣之仁懷河西土城三里歸通判管理糧捕稅課乾隆四十一年改爲仁懷直隸同知其城

增修仁懷廳志

卷之二

城垣

八

三面臨河一面倚山乾隆二十五年通判趙沁請項興修道光二十六年六月霖雨溺圯城西城南兩處同知陳熙晉捐修後因川黔兩省賊興同知沈西序培修悉稱鞏固東曰青陽門赤水河遶城西北而東滙爲平川謂之東門沱舟楫鱗集

南曰南薰門門視東西北最高丹樓百尺蔚爲偉觀

西曰聚金門赤水河自西來勢當其衝又廳城往舊仁懷大路爲水陸輻輳處

北曰天澤門平沙疎樹廛肆較多過河爲往瀘州大路有官渡

衙署

直隸同知署在城東北本仁縣署今改爲同知署

蕭曹祠在頭門內

儀門內左右六房廊舍曰吏曰戶曰禮曰兵曰刑曰工兼以承發稅課爲八房左右各有差房

監獄在儀門內男監三楹女監一楹

獄神祠居中

倉廩在大堂右共四十楹咸豐四年桐梓楊龍喜叛同知汪申祿將穀掃倉盡賣無存倉亦漸廢

倉神祠神龕一座

增修仁懷廳志

卷之二

衙署

九

儒學訓導署在城西南本 聖廟側同治年間同知劉侶

鶴粟改以 聖廟遷 文昌宮以 文昌宮遷城西與

聖廟互相更易故學署今在 文昌宮側

照磨署在城南

都司署在同知署左

儀門內東西二庫貯軍火器械

科房折廳左右各一楹

內演武廳在署右內較場

外演武廳在城西門外外較場

千總署在城西

左司把總營房在猿猴汎馬桑坪

右司把總營房在仁懷縣

新設千總營房在仁懷縣温水

廟宇

文廟昔在城南康熙三十三年知縣趙洪基創建又知縣

陳于璉增修明倫堂兩廡戟門又知縣胡書思創修泮

池又紅牆外有大池名曰外泮道光辛卯引城南堰灌

入西流至黃木溝入赤水同治中同知劉侶鶴遷 文

廟於三臺山遷 文昌宮於城南兩相掉易今在本城

三臺山

增修仁懷廳志 卷之二 廟宇

關帝廟在城西創始年月無攷咸豐七年同知沈西序增

修後殿及紅牆以符中祀典禮

文昌宮昔在三臺山康熙三十八年知縣陳于璉創修咸

豐七年同知沈西序增修 奎星閣高十丈有奇並建

後殿及紅牆以符中祀典禮同治中同知劉侶鶴移

文廟於三臺山移 文昌宮於城南互相掉易今 文

昌宮在城南係 聖廟故址

火神廟在城南

城隍廟在大街 因年久傾圮光緒二十一年同知崇志齋募衆勸捐修建戲樓兩廊

張桓侯廟在西門內

忠烈廟祀南將軍在城隍廟內

財神廟在西門內

雷祖廟在西門內

萬壽宮在城南

禹王宮在大街

天后宮在大街

馬王廟在南門內光緒十九年都司莊朝俊培修

南華宮在大街

三府廟在城南

鄉賢祠在城西

增修仁懷廳志

卷之二

廟宇

十一

節孝祠俱在城西道光十八年同知馮紹彭創修

照忠祠在文廟對街

萬壽寺在城南門

觀音堂在城南

龍王廟在城西門外

奎光閣在東門外道光末燬於火

鎮江王爺廟在東門外

東嶽廟在東門外額稱映江山

海靈宮在東門外

川主廟在東門外額稱映霖山

南景天廟在南門外

文廟位次

正殿

至聖先師孔子

祭品

帛一 白磁爵三 牛一 羊一 豕一 鹿一 羊代

登一 釧二 簋二 籩二 邊十 豆十 酒罇一

東配二位

復聖顏子

魏正始七年配唐貞觀二年稱先師開元二十年贈充國公元至順元年稱充國復聖公明景泰三年置博士

增修仁懷廳志

卷之一 祀典

七

述聖子思子

宋大觀二年從祀咸清三年配是年贈沂國公元稱沂國述聖公明宏治十六年置博士

西配二位

宗聖曾子

唐總章元年配贈少保開元二十三年贈邾伯宋咸平三年贈瑕邱侯大中祥符二年進邾侯政和二年改稱武城侯咸清三年進邾國公元稱邾國宗聖公明嘉靖十年置博士

亞聖孟子

宋元豐七年贈邾國公同顏子配食元稱邾國亞聖公明景泰三年置博士

祭品

每位帛一 白磁爵三 羊一 豕一 釧一 簋二

籩二 邊八 豆八 酒罇一

東哲六位

閔子損

字子騫魯人唐贈費侯宋贈琅琊公改費公本朝康熙三十九年置博士

冉子雍

字仲弓魯人唐贈薛侯宋贈下邳公改薛公

端木子賜

字子貢衛人唐贈黎侯宋贈黎陽公改黎公

仲子由

字子路卞人唐贈衛侯宋贈河內侯進衛公

卜子商

字子夏衛人唐贈魏侯宋贈東阿公改魏公

有子若

字子有魯人唐贈卞伯宋贈平陰侯

西哲六位

冉子耕

字伯牛魯人唐贈卞侯宋贈東平侯改卞公

宰子予

字子我魯人唐贈齊侯宋贈臨淄公

冉子求

字子有魯人唐贈徐侯宋贈彭城公

言子偃

字子游吳人唐贈吳侯宋贈丹陽公

增修仁懷廳志

卷之二 祀典

七

顯孫子師

字子張陳人唐贈陳伯宋贈宛邱侯政和元年

朱子熹

字元晦一字晦菴宋婺源人徙建陽之考亭歷官

祭品

荆湖安撫贈寶謨閣學士諡文封信國公改徽國

帛十二

白磁爵各一 豕一 鉶各一 簠各一

籩各一

遵各四 豆各四 豕首一

東廡先賢三十九位

稱先賢本朝康熙五十二年升十二哲

遠子瑗

字伯玉衛人漢文翁石室圖列入弟子內唐開元

二十七年贈衛伯宋咸平三年贈內黃侯明嘉靖

二十七年贈衛伯宋咸平三年贈內黃侯明嘉靖

二十七年贈衛伯宋咸平三年贈內黃侯明嘉靖

二十七年贈衛伯宋咸平三年贈內黃侯明嘉靖

二十七年贈衛伯宋咸平三年贈內黃侯明嘉靖

二十七年贈衛伯宋咸平三年贈內黃侯明嘉靖

九年以孔子嚴敬非弟子改祀於鄉  
本朝雍正二年復祀

澹臺子滅明字子羽魯武城人唐贈江伯

原子憲字子思宋人鄭康成曰魯人唐贈原伯

南宮子适史記作括字子容家語禮記作緡唐贈邾伯

商子瞿字子木魯人唐贈蒙伯

漆離子開字子若魯人唐贈滕伯

司馬子耕字子牛宋人唐贈向伯宋贈楚邱侯

梁子鱣或作鯉字淑魚齊人唐贈趙伯

冉子儒字子魯魯人唐贈紀伯

伯子虔字子析魯人唐贈聊伯

增修仁懷廳志 卷之二 祀典 古

冉子季字子產一字子達魯人唐贈東平伯

漆雕子徒父字子友魯人家語作子雕從字子文一作子

漆雕子哆字子歛魯人家語作漆雕哆

公西子赤字子華魯人唐贈郟伯

任子不齊字子選楚人唐贈任城伯

公良子儒字子正陳人唐贈東牟伯

公肩子定字子中魯人或曰晉人或曰衛人史記作公堅

鄒子單字子家魯人唐贈銅鞮伯

罕父子黑字子素家語作宰父黑唐贈乘邱伯

榮子旂字子祺魯人家語作榮祈唐贈雲婁伯

宋贈厭次侯

左人子郢

宋贈南華侯

左人以官為姓字子行魯人唐贈臨淄伯

鄭子國

諱以邦為國

鄭字子從一作子徒魯人史記避漢祖字疑薛字之譌唐贈滎陽伯宋贈

胸山侯

原子亢

字子藉魯人

唐贈萊蕪伯

廉子潔

字子庸魯人一

作子曹衛人唐贈莒父伯

叔仲子曾

字子期魯人鄭康成曰晉人家語孔璇叔仲曾

年相比俱執筆送侍孔子說者以為卽論語闕

公西子輿

如字子上史記作公西輿魯人

唐贈重邱伯

郵子巽

家語作邦選字子餘文翁圖避諱作國選史記作

陳子亢

家語字子亢一字子禽陳人班固古今人表載孔

增修仁懷廳志

卷之二 祀典

五

一陳子亢居中下非也

琴子張

唐贈穎伯宋贈南頓侯

步叔子乘

字子車齊人唐贈濬于伯宋贈博昌侯朱彝尊

曰子車之姓家語史記皆作步而廣韻注云孔

秦子非

字子之魯人唐贈汧陽伯

顏子噲

字子聲魯人唐未虛伯

顏子何

字子冉魯人唐贈開陽伯宋贈堂邑侯明宏治元

年以秦冉顏何疑為字畫相近之誤罷祀本朝

雍正二年禮臣議曰按史記仲尼弟子列傳載顏

縣子賈

史記作縣豐字子象王應麟曰縣豐唐宋封爵皆

不及禮記檀弓有縣子豈其人與朱彝尊曰廣韻



注有孔子門人縣賣父明嘉靖九年罷祀  
本朝雍正二年禮臣議曰史記但有鄔單名而家語無之  
因以單賣同音定爲一人乃祀鄔單去縣賣當時原無確據  
今請復祀從之

樂正子克

孟子弟子魯人宋政和五年詔兗州鄒學孟子以樂正子配高公孫丑以下從祀封樂正克利

國侯 本朝雍正二年從祀

萬子章

齊人孟子弟子宋贈博興伯 本朝雍正二年從祀

周子敦頤

字茂叔宋道州營道縣人學者稱濂溪先生知南康軍虞部郎中嘉定十三年賜謚元淳祐元年贈汝南伯從祀元至順二年加贈道國公明崇

禎十五年稱先賢景泰六年置博士

程子顥

字伯澗宋河南洛陽人宮太子中允文彥博題其墓曰明道先生嘉定十三年賜謚純淳祐元年贈河南伯從祀元至順二年加贈豫國公明崇禎十

五年稱先賢三年置博士

邵子雍

字堯夫河南人贈著作郎謚康節咸淳三年贈汝南伯從祀明改稱先賢崇禎三年置博士

增修仁懷廳志

卷之二 祀典

六

東廡先儒三十四位

公明儀

本朝咸豐三年從祀

公羊高

齊人子夏弟子唐貞觀二十一年從祀宋咸平三年贈臨淄伯明嘉靖九年改稱先儒

伏勝

字子賤漢濟南人唐貞觀二十一年從祀宋贈乘氏伯

董仲舒

漢廣川人元至順初從祀明洪武二十九年贈江都伯成化三年改廣州伯

劉德

漢儒 本朝光緒四年從祀

后蒼

字近君漢東海鄒人 明嘉靖九年從祀

杜子春

漢河南緱氏人唐貞觀二十一年從祀宋贈緱氏伯

諸葛亮

字孔明瑯琊陽都人季漢丞相封武鄉侯謚忠武本朝雍正二年從祀

王通

字仲淹隋龍門人私謚文中子 明嘉靖九年從祀

陸 贄 字敬輿嘉興人唐中書侍郎同平章事諡宣本朝道光六年從祀

韓 琦 本朝咸豐十二年從祀  
宋相州安陽人字稚圭集賢殿大學士封魏國公

范仲淹 字希文吳縣人宋參政封汝南公諡文正本朝康熙五十三年從祀

歐陽修 字永叔廬陵人宋參政諡文忠明嘉靖九年從祀

楊 時 字中立宋將樂人學者稱龜山先生諡文靖明宏治八年贈將樂伯從祀

謝良佐 從祀本朝道光二十九年

游 酢 字定夫宋建州建陽人進士調蕭山尉累遷監察御史本朝光緒十九年從祀

羅從彥 字仲素宋南劍人龜山弟子學者稱豫章先生諡文質明隆慶六年從祀

文天祥 字宋瑞宋丞相加少保封信國公江西吉水人本朝道光二十三年從祀

陸秀夫 宋左丞相兼樞密使本朝咸豐九年從祀

增修仁懷廳志 卷之二 祀典 十七

楊 侗 字愿中宋延平人朱子師諡文靖明隆慶六年從祀

呂祖謙 字伯恭宋婺州人嘉泰八年諡成嘉熙三年改忠亮景定二年封開封伯從祀

蔡 沈 字仲默世稱九峯先生宋建陽人朱子弟子明正統元年從祀諡文正

陳 淳 字安鄉一字北溪宋漳州龍溪人朱子弟子本朝雍正四年從祀

魏了翁 字華甫一字鶴山邛州蒲江人宋端明學士諡文靖本朝雍正二年從祀

王 柏 字會之一字魯齋宋金華人諡文憲本朝雍正二年從祀

趙 復 字仁甫元德安人本朝雍正二年從祀

許 謙 字益之元金華人學者稱白雲先生本朝雍正二年從祀

吳 澄 字幼清一字草廬崇仁人元翰林學士諡文正明正統八年從祀嘉靖九年罷本朝乾隆二年從祀

胡居仁 字叔心明餘干人著居業錄以敬名齋明萬曆十二年從祀

曹 端 從祀 明永樂舉人 本朝咸豐十年

王守仁 字伯安餘姚人世稱陽明先生明新建伯諡文成

羅欽順 字九升一字整菴泰和人明尚書諡文莊

黃道周 字幼平一字石齋漳浦人明季武英殿大學士

湯 斌 字孔伯一字潛菴淮州人 國朝禮部尚書乾隆元年追諡文正道光三年從祀

祭品

帛二色 銅爵各一 羊三 豕三 每案簋一

籩一 籩四 豆四 酒罇一

西廡先賢三十九位

公孫子僑 本朝咸豐七年從祀

增修仁懷廳志 卷之二 祀典 六

林子放 字子邱魯人唐贈清河伯宋贈長山侯明嘉靖九年以不在弟子列改祀於鄉本朝雍正二年從祀

宓子不齊 字子賤魯人唐贈單父

公冶子長 史記齊人家語作葭魯人范甯曰名芝字子長唐贈莒伯宋贈高密侯

公皙子哀 字季決齊人家語作公皙克字季沈唐贈躬伯宋贈北海侯

高子柴 字子羔衛人唐贈共伯宋贈共城侯

樊子須 字子遲魯人鄭康成曰齊人唐贈凡伯宋贈益都侯

商子澤 字子秀魯人唐贈睢陽伯宋贈鄒平侯

曹子邨 字子循蔡人唐贈曹伯宋贈上蔡侯

顏子辛 一作幸字子柳魯人唐贈恭伯宋贈陽穀侯

秦子商 字丕茲魯人唐贈上谿伯宋贈馮翊侯

公孫子龍

字子石家語作公孫罷衛人鄭康成曰楚人唐贈黃伯宋贈枝江侯

巫馬子施

字子期陳人唐贈鄆伯宋贈東阿侯

顏子高

一名刻字子驕魯人唐贈墻郟伯宋贈雷澤侯

壤駟子赤

壤駟氏復姓字子徒一云字子從秦人唐贈北衛伯宋贈上邽侯

石作子蜀

字子明秦人唐贈石邑伯宋贈成紀侯

公夏子首

字子乘魯人家語作公夏守宋補贈鉅平侯

后子處

字子里齊人唐贈營邱伯宋補贈膠東侯

奚容子藏

字子哲又字子偕衛人唐贈祝阿伯宋贈徐城侯

顏子祖

一名相字子襄魯人唐贈臨邑伯宋補贈富陽侯

句子井疆

字子疆衛人闕里志字子野唐贈淇陽伯宋贈滄陽侯

增修仁懷廳志

卷之二 祀典

七

秦子祖

字子南魯人鄭康成曰秦人唐贈少梁伯宋贈郟城侯

縣子成

字子祺家語作子橫魯人唐贈鉅野伯宋贈武城侯

公祖句茲

字子之魯人唐贈期思伯宋贈卽墨侯

燕子伋

一名級字子思秦人唐贈漁陽伯宋贈沂源侯

樂子欬

或作欣字子聲魯人唐贈昌平伯宋補贈建城侯

狄子黑

字哲之一作子哲衛人唐贈臨濟伯宋贈林慮侯

孔子忠

字子蔑魯人家語作孔弗史記云孔子兄孟皮之子唐贈汶陽伯宋贈鄆城侯

公西子藏

字子上魯人唐贈祝阿伯宋贈徐城侯

顏子之僕

字子叔魯人唐贈東武伯宋贈冕句侯

施子之常

字子恒魯人唐贈乘氏伯宋贈臨濮侯

申子振 家語申續字子周史記作申黨字周文翁圖作堂後漢碑作棠鄭元云卽申續續黨棠堂皆一人也

左邱子明 楚左史倚相之後

秦子冉 字子開唐贈彭衙伯從祀宋贈新息侯明嘉靖九年罷本朝雍正二年復祀

牧子皮 趙岐曰牧皮與琴張曾皙皆事孔子學者雍正二年祀

公都子 齊人孟子弟子宋贈平陰伯本朝雍正二年祀

公孫子丑 齊人孟子弟子宋贈壽光伯本朝雍正二年祀

張子載 字子厚宋大梁人也稱橫渠先生嘉定十三年賜謚明淳祐元年贈鄧伯從祀明政先賢置博士

程子頤 字正叔稱伊川先生宋崇政殿說書嘉定十三年謚正淳祐元年贈伊陽伯從祀元封洛國公明改先賢景泰六年置博士

西廡先儒三十位

增修仁懷廳志 卷之二 祀典

穀梁赤 尸子作飯顏師古作喜字元始魯人宋贈龔邱伯改睢陽伯從祀

高堂生 字伯魯人漢禮經博士宋贈萊蕪伯唐從祀

孔安國 字子國孔子十一世孫漢諫議大夫宋贈曲阜伯唐從祀

毛萇 趙人漢河間獻王博士善說詩世謂毛亨爲大毛公萇小毛公唐從祀宋贈樂壽伯

鄭康成 名元後漢高密人唐從祀宋贈高密伯明嘉靖中改祀本朝雍正二年復祀

范甯 字武子晉鄆陵人中書侍郎唐從祀宋贈鉅野伯明改祀本朝雍正二年復

韓愈 字退之南陽人唐吏部侍郎諡文宋元豐七年從祀贈昌黎伯本朝乾隆二年置博士

胡瑗 字翼之稱安定先生海陵人宋湖州教授諡文昭明嘉靖九年祀

司馬光 字君實宋夏縣涑水鄉人官左僕射封溫國公諡文正咸淳三年祀

尹焞 字彥明洛人賜和靖處士本朝雍正二年祀

胡安國 字康侯 崇安人 宋寶文閣直學士 諡文定 明正統二年祀 成化三年贈建甯伯

李綱 字伯章 昭武人 宋尚書右僕射 兼門下中書侍郎 本朝光緒三年祀

張栻 字敬夫 稱南軒 先生 綿竹人 宋吏部侍郎 諡宣景定二年祀

陸九淵 字子靜 稱象山 先生 金谿人 宋荆門知軍 諡文安 明嘉靖九年祀

黃幹 字直卿 稱勉齋 先生 閩縣人 朱子之壻 諡文肅 本朝雍正二年祀

輔廣 字景元 稱西山 先生 浦城人 宋參知政事 諡文忠 本朝光緒六年祀

眞德秀 字景元 稱西山 先生 浦城人 宋參知政事 諡文忠 明正統元年祀

何基 字子恭 金華人 諡文定 本朝雍正二年祀

陳澔 字可大 南康人 宋李著禮記集說 本朝雍正二年祀

金履祥 字吉甫 一字仁山 蘭溪人 元至正中 諡文安 本朝雍正二年祀

增修仁懷廳志 卷之二 祀典 廿一

許衡 字平仲 河內人 稱魯齋 先生 元祭酒 諡文正 封魏國公 皇慶二年祀

薛瑄 字德溫 山西河津人 明大理卿 諡文清 隆慶五年祀

陳獻章 字公甫 稱白沙 先生 新會人 明檢討 諡文恭 萬曆十二年祀

蔡清 字介夫 一字虛齋 晉江人 明祭酒 諡文莊 本朝雍正二年祀

呂坤 字叔簡 河南甯陵人 明刑部侍郎 道光六年祀

孫奇逢 字啟泰 容城人 明萬曆中舉人 道光八年祀

張履祥 字考夫 明浙江嘉興府人 同治十年祀

劉宗周 字啟東 浙江山陰人 明左都御史 本朝乾隆四十年祀

陸隴其 字稼書 浙江平湖人 本朝知江南嘉定縣 直隸靈壽縣 陞御史 雍正二年祀 乾隆元年諡清獻

張伯行 本朝人 原任禮部尚書 光緒五年祀

祭品同東廡

後殿崇聖祠

肇聖王木主 正中 木金公

裕聖王木主 東一室 祈父公

詒聖王木主 西一室 防叔公

昌聖王木主 東二室 伯夏公

啟聖王木主 西二室 叔梁公

孟皮 咸豐七年入崇聖祠

東配木主

先賢顏氏 名無繇字季路唐贈杞伯宋贈曲阜侯元進杞國公諡文裕明嘉靖九年配啟聖祠

增修仁懷廳志 卷之二 祀典 三

先賢孔氏 名鯉字伯魚宋大觀二年封泗水侯咸淳三年從祀明嘉靖九年配啟聖祠

西配木主

先賢曾氏 名點亦作歲字子皙唐贈宿侯宋贈萊蕪侯明嘉靖九年遷配啟聖祠

先賢孟氏 名激字公宜元延祐三年贈邾國公明嘉靖九年祀

東廡從祀

先儒周氏 名輔成周子敦頤之父明萬曆二十三年從祀

先儒程氏 名珦字伯溫贈承年伯二程夫子顥頤之父明嘉靖九年從祀

先儒蔡氏 名元定世稱西山先生諡文節蔡子沈之父明嘉靖九年從祀

西廡從祀

先儒張氏 名迪張子載之父雍正二年從祀

大成殿

先儒朱氏名松字喬年朱子熹之父元至正二十一年諡獻靖二十二年贈齊國公明嘉靖九年從祀

大成殿

聖祖仁皇帝康熙二十三年

御題萬世師表匾額

世宗憲皇帝雍正三年

御書生民未有匾額

高宗純皇帝乾隆三年

御書與天地參匾額

仁宗睿皇帝嘉慶五年

御書聖集大成匾額

增修仁懷廳志

卷之二

祀典

三

宣宗成皇帝道光元年

御書聖協時中匾額

文宗顯皇帝咸豐元年

御書德齊覆幬匾額

穆宗毅皇帝同治元年

御書聖神天縱匾額

御書聖神天縱匾額

御書聖神天縱匾額

文廟禮儀 祭前一日行省牲禮正祭日候官至通贊贊

簽祝版 引贊引承祭官至更衣所贊更衣 升堂



序爵 序事 請祝簽名 下堂 通贊贊闔戶 樂舞

生就位執事者各司其事 分獻官就位陪祭官就位主

祭官就位 瘞毛血 啟牲饌蓋 迎神歌昭平之章

樂作 引贊引各官詣西北隅迎神 衆官皆揖 通贊

贊參神 承祭官行三跪九叩禮 樂止 行奠帛初獻

禮歌宣平之章 樂作 引贊引主祭官 詣盥洗所

浴手 淨巾 詣酒尊所司尊者舉籌酌酒詣

至聖先師孔子神位前 跪 進帛 奠帛 進爵 獻爵

俯伏 興 平身詣 讀祝位 跪 鳴贊贊衆官皆跪

引贊贊讀祝文 俯伏 興 平身 鳴贊贊衆官俱興

增修仁懷廳志

卷之二 祀典

一五

平身 通贊贊行分獻禮 引贊引分獻官詣四配神位

前 跪 進帛 奠帛 進爵 獻爵 俯伏興 平身

十哲兩廡與四配同 亞獻與初獻同歌秩平之章終獻

與初獻同歌敘平之章 引贊引主祭官詣飲福位 跪

飲福酒 受福胙 通贊贊謝神承祭官行一跪三叩禮

畢 復位 通贊贊徹饌歌懿平之章 樂作 樂止

辭神 承祭官行三跪九叩禮畢 送神歌德平之章

引贊引衆官詣送神所贊神去衆官皆揖 通贊贊望燎

讀祝者捧祝 執帛者捧帛 各詣燎所 引贊引衆官

詣望燎位 焚祝帛 復位 通贊贊闔戶 鳴贊贊禮

學 散班

崇聖祠儀注悉同 宦鄉賢祠亦隨丁祭分獻 先師分獻官或先祭或同時祭至名

聖廟祭文

維

至聖先師孔子曰維 先師德隆千古道冠百王揭日月以

常行自生民所未有屬文教昌明之會正禮節樂和之時

辟雍鐘鼓咸恪薦於馨香泮水膠庠益致嚴於邊豆茲當

仲春秋祇率彝章肅展微忱聿將祀典配以復聖顏子宗聖

曾子述聖子思子亞聖孟子 尚饗

崇聖祠祭文

增修仁懷廳志

卷之二 祀典

五

維年月日某官致祭於

聖王 裕聖王 詒聖王 昌聖王 啟聖王曰維王莽

葉鍾祥光開聖緒盛德之後積久彌昌凡聲教所覃敷率

循源而溯本宜肅明禮之典用伸守土之忱茲屆仲春秋

修祀典配以先賢顏氏先賢曾氏先賢孔氏先賢孟子

尚饗

聖廟樂章

迎神昭平

大哉孔子 先覺先知 與天地參 萬世之師

祥徵麟紘 韻答金絲 日月既揭 乾坤清夷

初獻宣平

予懷明德 玉振金聲 生民未有 展也大成

俎豆千古 春秋上丁 清酒既載 其香始升

亞獻秩平

式禮莫愆 升堂再獻 響協鼗鏞 誠孚罍斝

肅肅雍雍 譽髦斯彥 禮陶樂淑 相觀而善

終獻敘平

自古在昔 先民有作 皮弁祭菜 於論思樂

惟天牖民 惟聖時若 簋侷攸敘 至今木鐸

徹饒懿平

增修仁懷廳志

卷之二 祀典

三

先師有言 祭則受福 四海饗宮 疇敢不肅

禮成告徹 毋疏毋瀆 樂所自生 中原有菽

送神德平

鳧繹峩峩 洙泗洋洋 景行行止 流澤無疆

聿昭祀事 祀事孔明 化我蒸民 育我膠庠

孔子歷代秩祀

漢

高祖十二年過魯以太牢祀孔子諸侯卿相至魯先謁廟

後從政

武帝建元五年置五經博士元朔五年爲博士置弟子

平帝元始元年謚尊孔子褒成宣尼公

後漢明帝永平二年詔學校皆祀周公孔子十五年幸闕

里宅祀仲尼及七十二弟子

章帝元和二年祀孔子於闕里作六代之樂

靈帝元光六年置鴻都門學畫先聖及七十二弟子像

增修仁懷廳志

卷之二 祀典

二十七

安帝延光元年祀孔子及七十二弟子於闕里

魏

文帝黃初中詔起舊廟設卒守

齊王正始七年令太常釋奠以太牢祀於辟雍以顏淵配

晉

武帝太始七年皇太子親釋奠於太學

宋

文帝元嘉二十二年太子釋奠採晉故事舞六佾設軒轅

之樂器用悉依上公

後魏

孝文帝太極十六年親修謁拜禮改謚文聖宣父封後人  
爲崇聖侯拜孔氏四人顏氏二人復給邑百戶與周公  
並饗

文成帝詔宣尼之廟別勅有司薦享

北齊

天保間制春秋二仲釋奠於先聖先師每月朔祭酒領博士弟子拜孔聖揖顏回

隋

文帝開皇初贈孔子爲先師尼父周公爲先聖南面孔子  
東面制國學州縣學以春秋二仲月上下釋奠

增修仁懷廳志

卷之二 祀典

三

唐

高祖武德二年詔國學分立周公孔子廟

太宗貞觀二年尊孔子爲先聖顏子爲先師配焉二十年

詔釋奠國學令國子祭酒爲初獻祝詞稱皇帝謹遣司

業爲亞獻國子博士爲終獻諸州刺史爲初獻上佐亞

獻博士終獻縣學令初獻丞亞獻主簿終獻

廿一年詔以左邱明卜子夏公羊高穀梁赤伏勝高堂生

戴聖毛萇孔安國劉向鄭眾杜子春馬融盧植鄭康成

服虔何休王肅王輔嗣杜預范甯賈逵廿二人並配享

高宗乾封元年尊孔子爲太師

總章元年加顏回少師曾參少保

元宗開元八年詔顏子十哲像俱侍坐曾參像侍坐十哲之次圖七十子及二十二賢於廟壁二十七年追謚文宣王顏子兗國公閔損等九人爲侯曾參以下六十七子爲伯

宋

太祖建隆三年詔廟門立戟十六親撰文宣王兗公二贊從祀賢哲命當時文人爲之

真宗咸平三年尊孔子爲元聖文宣王費侯閔損以下皆公卹伯曾參以下皆侯左邱明以下皆伯五年改稱至

增修仁懷廳志

卷之二祀典

三

聖文宣王

大中祥符二年詔太常禮院定州縣釋奠禮

仁宗景祐元年詔釋奠用登歌

至和二年詔封孔子爲衍聖公

神宗元豐七年以孟子同顏子配享荀况楊雄並從祀

熙寧四年詔文宣王冕十二旒服九章兗國公顏子等皆

依本朝郡國封爵品服

徽宗大觀二年躋子思從祀

四年詔先聖執鎮圭廟門用戟二十四

理宗淳祐二年加周敦頤張載程頤封爵並朱熹從祀

景定二年加張栻呂祖謙伯爵從祀

度宗咸淳三年以顏回曾參孔伋孟軻並配享陞顏孫師於十哲邵雍司馬光從祀

金

世宗大定十四年加服十二章纁旂九就

章宗明昌二年孔子廟門置下馬碑

元

世祖至元十年詔春秋二丁釋奠執事官員各公服如其

品陪位諸儒褙帶唐巾行禮

成宗大德十一年加孔子號曰大成

增修仁懷廳志

卷之二 祀典

三

仁宗皇慶二年以許衡從祀

文宗至順元年加先聖父母封爵加顏子克國復聖公會

子廊國宗聖公子思沂國述聖公孟子鄒國亞聖公以

董仲舒從祀

明

洪武五年詔天下稱大成至聖文宣王及配享從祀

先賢先儒

十四年詔神主不設像

十五年頒釋奠先師孔子儀注於天下

二十四年勅每月朔望太學祭酒以下行釋菜禮郡縣

學長吏以下詣學行香

二十六年頒大成樂器於郟州縣學

二十九年罷楊雄從祀進祀董仲舒

永樂八年正文廟繪像衣冠

正統元年定從祀名爵位次

二年進先儒宋胡安國蔡沈真德秀元吳澄從祀

嘉靖九年改稱至聖先師孔子四配爲復聖顏子宗聖曾

子述聖子思子亞聖孟子從祀弟子稱先賢左邱明以

下稱先儒去肖像易木主春秋上丁釋奠十邊十豆州

縣八邊八豆舞六佾四配六邊六豆十哲四邊四豆兩

增修仁懷廳志

卷之二 祀典

三

廡如之廟稱大成殿門稱大成門罷公侯伯封爵申棖

申黨本一人存棖去黨其公伯察素冉顏何荀况戴聖

劉向賈逵馬融何休王肅王弼杜預吳澄十三人罷從

祀林放蘧瑗鄭元鄭眾盧植服虔范甯七人各祀於其

鄉進后蒼王通胡瑗歐陽修陸九淵五人從祀尚祠祀

啟聖公孔氏陳設同至聖僅少太羹一登以顏無繇曾

點孔鯉孟孫氏配享爲四配陳設同十哲

隆慶六年進先儒薛瑄從祀

萬曆十四年進先儒胡居仁陳獻章王守仁從祀

國朝



世祖章皇帝順治二年定謚號稱爲大成至聖文宣先師

孔子

十四年議改謚號爲至聖先師孔子

三十五年

御製孔子贊顏曾思孟贊

四十九年春秋二丁武職與祭

五十三年增祀宋儒范仲淹

五十四年陞東廡朱子熹配享十哲之次

世宗憲皇帝雍正元年追封先師五世王爵改啟聖祠爲

崇聖祠

增修仁懷廳志

卷之二 祀典

三五

建忠義孝弟祠於學宮

二年復祀先賢林放蘧瑗秦冉顏何漢儒鄭康成晉儒

范甯

增祀先賢縣賈牧皮樂正子公都子萬章公孫丑漢儒

諸葛亮宋儒尹焞魏了翁黃幹陳淳何基王柏元儒趙

復金履詳許謙陳澔明儒羅欽順蔡清及

國朝陸隴其

增祀宋張迪配享崇聖祠

三年奉

諭先師孔子聖諱

理應迴避查毛詩及古文此字讀作期

音者甚多嗣後除四書五經外凡遇此字並加卍爲印  
地名亦不必改易但加卍旁讀作期音庶協尊崇至意  
詔郡縣春秋二祭增用太牢

加增祭品祭器樂器圖冊頒存各學

改宋儒周敦頤程顥程頤張載邵雍爲先賢陞先儒上

乾隆二年復祀先儒吳澄

三年陞東廡有子若配享十哲之位移朱子於西哲末

十八年部頒先儒位次兩廡陳設圖式

道光二年增祀明儒劉宗周

三年增祀湯斌

增修仁懷廳志

卷之二 祀典

三

五年增祀明儒黃道周

六年增祀明儒呂坤

八年增祀唐儒陸贄

是年又增祀先儒孫奇逢

二十三年增祀文天祥

二十九年增祀謝良佐

三十年增祀李綱

咸豐二年增祀韓琦

咸豐三年增祀公明儀

咸豐七年增祀公孫僑

七年孟皮入

崇聖祠

九年增祀陸秀夫

十年增祀曹端

同治十年增祀張履祥

光緒四年增祀劉德

五年增祀張伯行

六年增祀輔廣

十九年增祀游酢

每歲春秋二仲月上丁日致祭月用仲以時之正日用

增修仁懷廳志

卷之二 祀典

三

丁丁爲陰火文明之象先期承祭官率陪祭各官齊赴

文廟階下行一跪三叩頭禮視牲至期各官齊集行禮

關帝廟禮儀

雍正五年奉

旨頒行

前殿儀注祭日贊引官引承祭

官進左旁門至盥洗處贊盥洗畢引至

殿內行禮處站

立典儀官唱執事官各司其事贊引官贊就位引承祭官

就位站立

典儀官唱迎神司香官捧香盒就香爐左邊

站立贊引官引承祭官就香爐前立司香官跪

贊引官

贊上香

承祭官立將柱香接舉插爐內又將塊香上三

次畢

贊引官贊復位

引承祭官復位站立

贊跪叩興

承祭官行三跪九叩禮

典儀官唱奠帛獻

爵行初獻禮捧帛爵官將帛爵捧舉各就位前

贊引官

增修仁懷廳志

卷之二

祀典

三五

贊奠帛官跪獻畢行三叩禮退

執爵官立獻畢退

讀

祝官至安祝文桌前行一跪三叩禮將祝文捧起立

贊

引官贊跪

承祭官讀祝官俱跪

贊引官贊讀祝讀祝

畢捧至

位前跪

安盛帛盒內畢

行三叩禮退

贊

引官贊

叩興

承祭官行三叩禮立

典儀官唱

行

亞獻禮

執爵官照初獻禮獻畢退

典儀官唱

行終

獻禮

執爵官自案右邊照亞獻獻畢退

典儀官唱

徹饌

送神

贊引官贊

叩興

承祭官行三跪九叩

禮立

典儀官唱

捧祝帛饌各恭詣燎位

捧祝帛香

饌官各至位前俱跪

祝帛官行三叩禮

香饌官不叩

首將祝帛香饌捧起依序捧送時贊引官引承祭官退至西邊立候捧祝帛各官過畢復位站立贊引官贊詣望燎位引承祭官至燎爐前焚祝帛時贊引官贊禮畢引承祭官退

後殿儀注 祭日 贊引官引承祭官進中門至盥洗處

盥洗 盥洗畢 引至殿內行禮處站立 典儀官唱

執事官各司其事 贊引官贊就位 引承祭官就位站

立 典儀官唱 迎神 司香官捧香盒各就香爐左邊

站立 贊引官引承祭官就

三代光昭公裕昌公成忠公香爐前立 司香官跪 贊引

增修仁懷廳志 卷之二 祀典

三

官贊上香 承祭官將柱香接舉插爐內又將塊香上三

次畢 贊引官贊復位 引承祭官復位站立 贊引官

贊 跪 叩興 承祭官行二跪六叩禮立 典儀官唱

奠帛獻爵行初獻禮捧帛爵官將帛爵捧舉各就 位前

奠帛官跪獻畢行三叩禮退 執爵官立獻畢退 讀祝

官至安祝文桌前行一跪三叩禮將祝文捧起 贊引官

贊跪 承祭官讀祝官俱跪 贊引官贊讀祝讀畢捧至

光昭公位前 安盛帛盒內畢行三叩禮退 贊引官贊

叩興 承祭官行三叩禮立 典儀官唱行亞獻禮執爵

官照初獻禮各獻畢退 典儀官行終獻禮 執爵官自

執爵官自

案右照亞獻禮各獻畢退 典儀官唱 徹饌唱 送禮  
贊引官贊跪 叩興 承祭官行二跪六叩禮立 典儀  
官唱捧祝帛饌各恭詣燎位捧祝帛香饌官各至 位前  
俱跪 祝帛官行三叩禮 香饌官不叩首將祝帛香饌  
捧起依序捧送時 贊引官引承祭官退至西邊立候捧  
祝帛過畢 復位站立 贊引官贊詣望燎位引承祭官  
至燎爐前焚祝帛時贊引官贊禮畢引承祭官退

關帝廟祭文 前殿

維年月日某官致祭於

忠義神勇顯佑開聖大帝曰維 帝浩氣凌霄丹心貫日扶

增修仁懷廳志

卷之二 祀典

三七

正統而彰信義威鎮九州完大節以篤忠貞名高三國神  
明如在徧祠宇於寰區靈應丕昭薦馨香於歷代屢徵異  
蹟顯佑羣生恭值佳辰 遵行祀典筵陳饗豆式奠牲醪  
尚饗

後殿祭文

維年月日某官致祭於 關帝之

曾祖光昭公 祖裕昌公 父成忠公曰維 公世澤詒庥

靈源積慶德能昌後篤生神武之英善則歸親宜厚尊崇

之報列上公之封爵錫命攸隆合三世以肇禋典章明備

恭逢諏吉祇事薦馨尚饗

關帝廟祭品

帛一 尊一 爵三 牛一 羊一 豕一 登一

釧二 簠二 簋二 籩十 豆十 鑪十 鐙二

關聖帝歷代封錫

漢

獻帝建安五年封漢壽亭侯

後主景耀三年追諡壯繆侯

宋

哲宗紹聖三年賜廟額曰顯烈

徽宗崇寧元年追封忠惠公大觀二年封武安王

增修仁懷廳志

卷之二 祀典

三十六

宣和五年封義勇武安王

高宗建炎三年封壯繆義勇王

淳熙十四年封英濟王

明

武宗正德四年賜廟額曰忠武

世宗嘉靖十年稱漢關帝壽亭侯

神宗萬曆十八年加封帝君賜額曰顯佑二十三年賜坊

曰義烈三十三年命太監至正陽門廟上九旒珠冠玉

帶龍袍封號

國朝雍正三年

詔加尊號爲忠義神武關聖大帝

追封帝曾祖光昭公祖裕昌公父成忠公官其裔孫爲博士乾隆五年頒定祭品儀注九年頒定祭文十年

詔加尊號靈佑嘉慶十九年

詔加尊號仁勇

歲春秋仲月上辛致祭五月十三日誕旦祭

增修仁懷廳志

卷之二 祀典

三九



文昌廟儀注與武廟同

前殿祭文

年月日某官致祭於

文昌帝君之神曰惟神蹟著西垣樞聯北極六匡麗曜  
協昌運之光華累代垂靈爲人文之主宰扶正久彰夫  
感召薦馨宜致其尊崇茲當仲春用昭時祭尚其歆格  
鑒此精虔尚饗

文昌帝君先代神位致祭與武廟後殿同

後殿祭文

年月日某官致祭於

增修仁懷廳志

卷之二祀典

甲

文昌先代之神曰惟神祭引先河之義禮崇返本之恩矧

夫世德彌光延賞斯及祥鍾累代炯列宿之精靈化被

千秋緯人文之主宰是尊後殿用答前麻茲當仲春肅

將時事用伸告潔神其格歆尚饗

社稷壇

祭品 帛二 簋二 簠二 羊一 豕一 釧一

遵四 豆四 白蜚爵 尊一 儀注 前期二日齋

戒前期二日簽祝版前期一口補服上香監宰牲並瘞

毛血設獻官幕次至日黎明各官朝服行禮

祝文維神奠安九土粒食萬邦分五色以表封圻育三

農而播稼穡恭承守肅畧展明禋時屆仲春敬修祀典  
庶丸丸松柏鞏盤石於無疆芄芄黍苗佑神倉於不匱  
尚饗

神祇壇 制牌位三中曰

雲雨風雷之神 左曰

本境山川之神 右曰

本境城隍之神 與社稷壇同日祭 祭品 儀注與社

稷壇同惟帛白色

祝文維

神贊襄天澤福佑蒼黎佐靈化以流行生成永賴乘氣機

增修仁懷廳志

卷之二 祀典

里

而鼓盪溫肅攸宜磅礪高深長保安貞之吉憑依鞏固  
實資捍禦之功幸民俗之殷盈仰神明之庇護恭修歲  
祀正值良辰敬潔豆籩祇陳牲帛尚饗

先農壇 祭品 禮儀 悉照社稷壇之例舉行

正印官秉耒佐貳執青箱耆老一人牽牛農夫二人扶  
犁俱照九卿之例九推九返農夫終畝耕畢各官率耆  
老農夫望 闕行三跪九叩禮

先農壇祭文

年月日某官致祭於

先農之神曰維 神肇興稼穡粒我蒸民頌斯文之德克

配彼天念率育之功陳常時夏茲當東作咸服先疇洪  
惟九五之尊歲修三推之典恭膺守土敢忘勞民謹奉  
彝章祇修祀事惟願五風十雨嘉祥常沐於神庥庶幾  
九穗兩岐上瑞頻書乎大有尚饗

先農壇樂章

迎神奏永豐之章

句芒秉耒 土牛是驅 惟神歆止 蒼龍駕車

念彼田疇 民命所需 生成有德 尚式臨諸

奠帛初獻奏時豐之章

先農神哉 耒耜教民 田祖靈哉 稼穡是親

增修仁懷廳志 卷之二 祀典

四十二

功德深厚 天地同仁 肅將幣帛 肇舉明禋

厥初生民 萬彙莫辦 神錫之庥 嘉種乃誕

執茲醴齊 農功益見 玉瓚椒醕 肅雍舉奠

亞獻奏成豐之章

上原下隰 百穀盈止 粒我蒸民 秀良興起

樂舞具備 吹幽稱兗 再躋以獻 醕馨酒止

終獻奏大豐之章

靡芑秬秠 惟神所貽 以神饗神 曰予將之

秉耒九推 東作九宜 五風十雨 率土何私

徹饌奏履豐之章

於皇農事 自古爲烈 莫敢不承 今茲忻悅  
邊豆旣豐 簠簋云潔 神視井疆 執事告徹  
送神奏報豐之章

麻麥芘芘 黍稻連阡 縱橫萬里 皆神所瞻  
人歌鼓腹 史載有年 歲有常典 弗祿綿綿  
望燎奏慶豐之章

玉版蒼幣 來監來歆 敬之重之 藏於厚深  
典禮由古 予行自今 樂樂利利 國以永甯

火神祠 歲季夏二十三日致祭 祝文維

神德著離宮光昭午位廣陽亨之運象啟文明彰燮理之

增修仁懷廳志

卷之二 祀典

三

能功參化育土以生而水以濟丙丁之大用常昭府旣  
修而事旣和虞夏之九功惟敘麗茲萬物實賴化成久  
我生民咸資利物仰邀神貺虔答鴻庥爰遵祀事之儀  
式叶春秋禮嘗之典肅陳牲幣敬布几筵尚饗

龍神祠 歲春秋仲月致祭 祝文維

神德洋寰海澤潤蒼生允襄水土之平經流順軌廣濟泉  
源之用膏雨及時績奏安瀾占大川之利涉功資育物  
欣庶類之蕃昌仰藉神庥宜隆報享謹遵祀典式協良  
辰敬布几筵肅陳牲幣尚饗

厲壇

儀注歲以寒食節七月望日十月朔日致祭 先期三日正官詣城隍前行告祭禮一跪三叩讀告文獻爵復位再行一跪三叩禮焚告文屆期奉請城隍神位入壇眾官齊赴壇所行一跪三叩禮詣 城隍前獻爵讀祭文再行一跪三叩禮焚紙錢禮畢

### 告城隍文

某府遵承禮部劄付祭祀無祀鬼神欽奉

皇帝聖旨勅天下有司依時官祭本府所屬無祀鬼神等眾幽冥異境人力難爲必資神力庶得感通今特移文於神先期分遣諸將召集本府闔境鬼靈至日悉赴壇所普增修仁懷廳志

卷之二 祀典

器

官一祭 神當欽承

欽命鎮控壇場鑒察善惡無私昭報爲此合行移牒請照驗欽依施行

### 祭文

某府遵承禮部劄付爲祭祀本府無祀鬼神等眾欽奉皇帝聖旨普天之下后土之上無不有人無不有鬼人鬼之道幽明雖殊其理則一今

國家治民事神已有制定尚念冥冥之中無祀鬼神昔爲生民未知何故而歿其間有遭兵刃而死者有死於水火盜賊者有被人取財而逼死者有被人強奪妻妾而

死者有遭刑禍  
有爲猛獸毒蟲所  
而殞身者有因急  
者有死後無子孫  
世或兵戈擾攘流  
姓名泯沒於一時  
依精魄未散結後  
星月之下呻吟以  
魂杳杳以無歸自  
其慘悽故勅天下

增修仁懷廳志

祭欽奉如此今

某年某月某日  
眾靈其不昧高  
不孝不敬六親  
直欺壓良善者  
邪不良之徒神  
笞杖決斷不得  
里若事未發露  
不利如有孝順  
作非爲良善正

增

家道安和農事順遂父母妻子保守鄉里我等闔廳官吏等如有上欺

朝廷下枉良善貪財作幣蠹政害民者靈必無私一體昭報如此則鬼神有鑒察之明官府非諂諛之祭尚饗

節孝祠 祝文維

靈純心皎潔令德柔嘉矢志完貞全閨中之亮節竭誠致敬彰閭內之芳型茹冰檠而彌堅清操自勵奉盤匱而匪懈篤孝傳徽絲綸特沛乎殊恩祠宇昭垂於令典祇循歲祀式薦香醪尚饗

增修仁懷廳志

卷之二 祀典

甲六

祭田

廳屬候選訓導王培森同胞弟王震森稟稱伊父王志純存日願將自置田業二股年租穀共收十八石捐作祭田以裕公費不敢違囑令將紅契并父所擬條款呈請酌定勒碑垂久稟恩札公正紳耆充當首事照章經管收支同知劉啟瑞批准立案

條規列後

一王志純在青杠溪買田業二股一買陳姓田垵頭中間戶田業去業價銀二百一十五兩一買李姓河壩龍達溝田業去業價銀一百五十二兩二共銀三百六十七

增修仁懷廳志

卷之二 祭田

四十七

兩有奇載糧三分二釐在王中興戶內撥出另立祭田戶口照數上納

一祭田全業取九五色銀穩租五十兩每年收租穀十八石歲豐每石約價錢二千四五百文稍歉或至三千有餘不等該<sup>首</sup>等照城局所議穀價儘數收存以備祭用一向例祭祀買牛價由官發飭差協同約客承辦其中不無估買情弊甚或賤買老羸充數嗣後例銀發交首事先期選擇色純體肥牛一頭領例銀外每祭約津貼錢六七千文二季共需錢十餘千在租穀內支銷

一祭酒必先期一月以糯米釀成免致臨沽致增裹瀆



祭饌先期一日首事入廟親監庖人不必海錯卽雞鴨魚牲宜豐潔以昭誠敬共計祭饌八筵祭後以五席送文武各署餘三席首事及與祭祀生會宴共沾神惠春秋二季共十六席每席用錢千餘約計十九千之譜一新進文生宜示光榮以資鼓勵司事於新生恭謁聖之期除府已給花紅外每人再給花紅一副歲考文武生八名備席二棹科考文生四名備席一棹款洽約需錢六七千文在租穀內支銷

一廳屬十三款公事閒或滛彼注此茲田王志純專爲

文廟祭祀而設不得以別款挪用動支每年祭後首事會

增修仁懷廳志

卷之二 祭田

巽

同捐主將用過存餘數目算明呈核存案

場市鄉村廟宇

大佛腦廟在天臺山距城十八里上下兩殿上屬廳下屬

合江縣

崇音寺在首里馬村距城五里

金華山廟在首里高石坎距城五里

壽壘山廟在首里紅巖坎下距城二十里

會龍山廟在首里石梁上距城十五里

龍寶山廟在首里距城三十里

迴龍天廟在五桂橋距城二十里

復興場在首里距城三十里本仁懷舊治萬曆間楊逆叛

增修仁懷廳志

卷之二 鄉鎮

四

屢被兵燹城廢遷於留元壩乾隆九年五月興設復興

場場期二五八日

朝陽寺廟在場外下首係前代古刹年湮傾圮道光初首

事等募眾培修

進寶山廟在場外上首係前代古刹年湮傾圮首事等募

眾培修

萬壽宮廟在場下榨子內道光壬辰年豫省人捐助修建

光緒壬午被火災焚毀

關帝廟在場中街係前同知張鳳枝札飭興修同治元年

壬戌被髮賊燒燬經首事王理等募眾造修

禹王宮在場中係楚省人捐資興修

天后宮在上場外係閩省人捐資興修

南華宮在上場外粵省人捐資興修

財神廟在上場榨子外

魯班廟在上場榨子外

紅巖寺羅光亭捨資咸豐九年前同知賈 扎王椿王理

管理牛息光緒年間修建廟宇並右邊修建集義義塾

觀音寺在七里坎九峯山離城四十里距復興場廿六里

天堂在水西壩原蹟卑小王理募眾造修上下兩殿距復

興場五里

增修仁懷廳志

卷之二 鄉鎮

五十一

川主殿在雨標山係前代古刹年遠傾圮昔真人王伯基

祈雨處因以爲名道光乙未夏旱生員王榮昌卽舉人

王椿之父同江文宗等募眾修建成戌新縣穆逆倡亂

半途而止迄光緒壬辰榮昌胞姪王理公同榮昌孫良

鼎並及姪孫王良莖募眾培修完好

觀音寺在崇盤塘後上下兩殿

五皇廟在磨盤溪修建多年距復興場二十里

地藏寺係明代古刹乾隆間歲貢李柏將近廟田土捨入

以作焚獻

寶林寺七里坎九里灣距復興場三十里

本朝李金魁李金甲捐捨出租數十石後李成章亦捨租穀十餘石今收租穀九十餘石同知劉啟瑞撥穀二十石作紅銀

李譚寺在首里距旺隆場二十里地名大豆垵係李文星室譚氏之嗣捐捨

鳳凰山廟在首里地名鹿井垵距旺隆場十五里

發明寺在首里地名馬王垵距旺隆場三十里

雲頂寺在首里地名鹿井垵乾隆二十八年通判席纘撥

廟穀九十五石五斗歸入書院道光七年同知徐玉章

撥廟穀六十石歸入書院

增修仁懷廳志

卷之二 鄉鎮

五十一

雲會菴在首里地名磨搖山距旺隆場四十里

阿蘭寺在首里距旺隆場三十里

沔灘場在河西里距城六十里水陸通衢場期三六九日

轉龍山在河西里山王垵後面卽礪英館義學

紫雲宮在沔市場內

禹王宮在沔市場後

新鳳菴距沔市場五十里

鎖口寺距沔市場四十五里

興隆寺距沔市場四十里

渡亭在河西里豐溪距沔市場二十里

泰和山廟在首里地名棧底埧距復興場十里

天祠在樓子埧光緒辛卯年修建距復興場五里

觀音堂在首里半節橋坎上距復興場十五里

天堂巖在首里下洞創前人因巖 磚修成三楹光緒初

優貢王培森弟兄摘近廟田一幅捨作常住招僧焚獻

存案備查

旺隆場在首里距城六十里通葫市猿市大路居民百餘

戶場期二五八日

萬壽宮在旺隆場中街

五皇宮在旺隆場外

增修仁懷廳志

卷之二 鄉鎮

五

尖峯寺距旺隆場二十里

柑子寺距旺隆場十五里

三華山距旺隆場八里今新修一廟更名六聖寺

大廟上距旺隆場二里

苦竹寺距旺隆場十里

龍會寺距旺隆場二十五里

十字山距旺隆場四里

銀子山距旺隆場八里

黃連寺距旺隆場三十里

白雲寺廟在首里地名大豆埧距旺隆場三十里係古剎

高峯寺距泗市場五十里

恩惠寺在茅溪距泗市場二十五里

觀音閣在茅溪距泗市場二十八里

大洞場在河西里距城二十五里舊名蠻碕子場期一四

七日

天上宮在場中閩省人修建上下兩殿

萬壽宮在下場依山豫省人修建

禹王宮在下場與萬壽宮並列楚省人修建

王爺廟在本場禹王宮左經州同陳恩錫募眾培修規模

宏厥足壯觀瞻

增修仁懷廳志

卷之二 鄉鎮

五三

文昌宮在河西里福壽山同治元年首事李開先等新建

邑民宋玉光捐捨廟基又一文昌宮係黃王二姓修建

虎頭山距大洞場十里在赤水河坎係古刹

來佛寺距大洞場二十里在赤水河坎魚箭山與復興場

隔岸因道光間河水泛漲廩貢周之楨聞中有一人呼

喊救命趨住並無一人只見水面浮有觀音神像一尊

遂捧至巖中供奉後於魚箭山修建廟宇

石佛寺距古刹大洞場十五里同治九年培修

中興寺古刹在洞角下地方

桂香山廟內供文昌與界寶山相連

寶相寺距大洞場十五里同治元年例貢王大佐募眾培

修建

王爺廟在兩會水岸上

觀音閣在老鷹石嘉慶四年建

鎮龍廟在河西里乾隆五十年丙午五月六日地震至六

月十八日山頽覆田百餘畝始建此廟

文華寺在河西里嘉慶十八年監生王思益重建

普陀寺在河西里五雲山距城五十里

法王寺在河西里距城九十里陳王廖三姓修建

觀音殿有三有一創自國初在大洞場又二在鄉

增修仁懷廳志

卷之二 鄉鎮

五

天堂祠在洞角下古刹

石龍嶺光緒十五年募眾修建

鳳凰山在孔灘橋創自同治初蔡振聲捐修

寶子山在孔灘橋創自國初祁譚二姓捨業捐修

官斗山創自國初祁譚二姓買業建修

乾元寺創自光緒六年蔡振聲捐修又名鬱秀山

興隆山在兩會水創自乾隆年間光緒初王汝順培修

更新山在官田垠創自乾隆年間

金殿山在三角山

朝陽山在四洞溝廟宇傾頽道光年間梁一元因其基址

募衆重修

雲滙寺距寶源場數里元代古刹道光間梁一元募衆重修內貯倉穀一百石

龍泉寺距寶源場十里光緒四年團總黃顯榮奉扎貯倉穀九十石

葫市場距城九十里出杉竹茶筍居民百餘家場期三六九日

萬壽宮在葫市場上街

王爺廟在葫市場下街

猿猴鎮距城一百八十里汛官把總駐防其鎮在猿猴山

增修仁懷廳志

卷之二 鄉鎮

五五

下而名地勢逼仄居民皆因山爲屋近以蜀鹽由廳城下載至其地轉運茅台商賈所聚戶口較多約六百餘家場期三八日

鎮江王爺廟在猿猴鎮

萬壽宮在猿猴鎮

文昌宮

洞陽宮

三聖宮

關帝廟

天后宮在猿猴中街



玉龍山古刹光緒四年陳紹文捨業培修

龍鼎山創自乾隆初賈朝倫捨業建修

騎龍山創自乾隆年間至光緒七年里人募眾培修

陽春坪創自道光年間蔡本全買業建修

三殿神前明蘇孟趙張四姓捨業建修

佛耳礮古刹

新殿山嘉慶二十四年陳應舉捨業建修

靈官祠在河西里七角坊光緒二十二年首事陳恩錫等

募眾重修又一靈官祠在文華寺園內

迴龍場距城七十里康熙三十年設場至乾隆三十二年

增修仁懷廳志

卷之二 節 鎮

五十六

及五十二年兩次被火民居纔十餘戶並無場期

太平寺在河西里迴龍場

報恩觀在河西里

龍君廟在迴龍場古刹

川主廟在迴龍場古刹

會水寺乾隆初年陳洪道捨建

寶源場距城九十里原名一碗水連敘永界居民百餘家

場期二五八日

川主廟在寶源場中光緒四年馮元貴募眾捐修

進寶山距寶源場數里國初周王鮑開闢原溪王姓修建

禹王宮在猿猴鎮上街

石梅寺在猿猴鎮西

土城場距城二百二十里有關推稅商民五百餘家場期

四九兩日

文昌宮在土城場中

關帝廟在土城場右

禹王宮在土城場中

萬壽宮在土城場中

惠民宮在土城場中

鼎新場距城二百六十里地名倒馬坎光緒九年始設場

增修仁懷廳志

卷之二 鄉鎮

七

市居民數十家場期二七日

東皇場距城三百里四鄉民風強悍好鬪喜訟敢於拒捕

惟同知沈西序莅任興設團務擇曉事者充當團首不

時傳見論以大義民皆化從均依法迄沈離任後甫

一二年澆風漸起但不及從前之甚場期三六九日

東皇殿卽九龍山在東皇場後

萬壽宮在東皇場左

禹王宮在東皇場內

火神廟在東皇場內

土濠埧場距城三百六十里地屬僻壤交易者皆本地之

人外商最少

銅鼓溪載學田一股地名柏楊埧每年田戶自投學署上

納租穀合銀數兩

觀音寺在溪之新場上

奎星閣在溪之大埧上

東靈寺在溪之挨山

榮華寺在溪之榮華場每年撥入紅銀穀合錢十千文

永興寺在溪之大石埧

妙嚴寺在溪之田灣頭

復興寺在溪之楊家山每年撥入紅銀谷十石

增修仁懷廳志

卷之二 御鎮

五

紹興寺在溪之青苔埧每年撥入孤貧穀二十石

榮華場在溪之大石埧

長埧場在溪之青苔埧

順江場距城三百二十里下臨赤水河上有大溪每逢春

夏水漲居房每被冲壞場期二八日

臨江廟場在順江舖上手居民數十家與仁懷縣共場

螞蟻溝場在東皇殿下手

三元場在土里離土城場五十里

新場在土城唐朝埧

洗腳溪場在土里離城二百八十里

戶口

廳自乾隆四十一年新設以來地僅仁懷縣十之三原額戶口九千零一十七戶道光四年戶部纂輯賦役全書報遷減一百七十八戶實在戶口八千八百三十九戶原額每糧一石二斗八升三合六抄八撮一圭載丁一丁共該舊額人丁三百九十丁八斗五合又乾隆四十一年自首里田地人丁七升一勺二共額人丁三百九十丁八斗七升一勺二共額人丁三百九十丁八斗七升五合一勺每丁徵銀四錢九分七釐一毫一絲五忽七微七塵八纖該有地丁銀一百九十四兩三錢一分零一毫七絲九忽四

增修仁懷廳志

卷之二 戶口

三

徵三塵七纖三渺按戶部摘例凡州縣造報每歲民數令各現行保甲門牌底冊核計彙總無庸挨戶細查花戶至從前五年一次編審增益人丁造冊奏報之處永行停止今將道光二十年編查戶口列如左

城廂內外首里居民三千二百一十六戶

河西里居民二千三百三十三戶

土城里居民三千三百六十八戶

共八千九百一十七戶男大口八千八百七十三名婦大口八千八百九十七口男小口九千零十五口女小口八千二百七十九口男婦大小總共三萬五千零六十四口

田賦

明洪武四年中書省奏播州土地既入版圖當收其貢賦始歲納糧二千五百石爲軍儲帝以其率先來歸田稅隨所入不必以額征之至萬曆二十九年平播後始行起科其數無攷我

朝定鼎丈量田地分上中下三等起科乾隆七年前任貴州學政監察御史鄒一桂奏請清丈黔省田畝逐邱給形編號設田單以給業主立官冊以杜訟端其有丈出餘田祇將原賦均攤不必加增賦額時費筑包祚永爲廣東道監察御史疏言其不便乃止黔人至今德之廳境

增修仁懷廳志

卷之一 田賦

六

三里地方跬步皆山田絕少水類多灌溉於溪泉但得水者便爲沃壤大抵埧田爲上溝田次之箐田又次之埧田用糞少而成熟早春分前後播種三月之半栽插立秋前後收穫溝田者田在夾溝之內泉源略足而山高水冷不及埧田之饒用牛骨灰爲糞小滿前後栽插秋分前後收穫箐田者高山之田種法與溝田同成熟之候較溝田更遲其產米不敷民食賴收麥苞穀諸雜糧接濟其田賦自康熙二年清查之後上中下田坡地俱載在魚鱗冊田地凡二萬三千五百六十五畝徵地丁條糧銀七百一十八兩有奇一五加耗內改秋糧米

土城里第一甲承糧花戶張問明等共二百八十九戶

第二甲承糧花戶陳章等共一百九十九戶

第三甲承糧花戶羅函耀等二百九十一戶

第四甲承糧花戶劉文魁等二百二十八戶

通共承糧花戶一千零七戶

上田二千二百一十五畝七分四毫

中田二千三百二十八畝一分二釐四毫

下田一千五百七十三畝九分三毫

坡地五千四百二十五畝八分二釐

通共上中下田坡地一萬一千五百四十三畝五分五

增修仁懷廳志

卷之二 田賦

三

釐一毫

上田每畝該徵丁條糧銀六分四釐七毫八絲六忽三

微八塵八纖二渺

中田每畝該徵丁條糧銀五分三毫八絲九忽四微一

塵三纖

下田每畝該徵丁條糧銀三分五釐九毫九絲二忽四

微三塵七纖九渺

坡地每畝該徵丁條糧銀七釐一毫九絲八忽四微八

塵七纖六渺

現額丁條糧銀七百二十二兩三分七釐內除改征米二

二百一十一石有奇實徵銀五百四十二兩有奇今收冊內總數備列於左

仁懷廳首里第一甲承糧花戶任國仲等三十八戶

第二甲承糧花戶王洪澤等四十九戶

第三甲承糧花戶陳維勳等三百四十二戶

第四甲承糧花戶張仲照等五十九戶

第五甲承糧花戶陳怡等七十戶

通共承糧花戶五百五十八戶

上田一千六百六十畝四分一毫

中田一千七百五十六畝五分三釐六毫

增修仁懷廳志

卷之二 田賦

三

下田一千一百八十九畝三分九釐四毫二絲六忽

坡地四千零六十三畝一分三釐一毫

通共上中下田坡地八千六百六十九畝四分六釐二

毫二絲六忽

河西里承糧花戶鮑朝清等共一百三十五戶

上田六百零八畝九分三釐一毫

中田六百三十九畝八分二釐三毫

下田四百三十二畝五分四釐五毫

坡地一千四百九十一畝一分四釐四毫

通共上中下田坡地三千二百七十二畝四分四釐三毫

百一十二石三斗一升三合支放仁懷營兵丁月糧  
題請改征米石銀一百七十九兩六錢一分六釐外實徵  
銀五百四十二兩四錢二分一釐

遇閏年分每丁糧一石征銀七分八釐二毫該征閏銀六  
十九兩八錢六分五釐

定額如此因日久弊生書役等勒派浮收以至條糧一二  
錢之寡勒收數千文之多或以違限搥索竟至花費十  
餘千及二三十千不等四鄉愚民受害難堪光緒中雲  
貴總督岑毓英清釐糧務署同知陳澧將仁懷廳情形  
縷晰具稟蒙大憲批准永定章程四民德之

增修仁懷廳志

卷之二 田賦

三

計開章程於後

一 地丁銀每一兩改徵米每一石除例徵加一五耗羨外  
現擬一律遵照加二新章共合徵銀一兩三錢五分徵  
米一石三斗五升無論正額多寡照此類推

一 向收每戶墊戲銀三分以資辦公現擬永遠裁革以紓  
民困倘有棍徒包攬及親朋代完者仍前影射查出卽  
予重懲

一 花戶應完銀米正額每多釐毫合勺現擬照冊分晰算  
明毋得仍前籠統以及抬分抬升稍涉浮冒之弊

一 封銀設櫃負米上倉原屬正辦惟廳屬傾銷匠少市集



多用成錠大銀以制錢交易查畸零小戶因此受累多年有載條糧釐毫者完錢一二千文殊堪矜恤現擬援照鄉民應交錢糧有願折錢交納之例量爲變通每屆開徵期前由官傳集各里紳耆會擬按照時價值低昂加增部頒法碼合定出示曉諭如市平色銀一分易錢一十七文花戶完丁糧一分收錢一十八文市斗稻穀每升值錢二十四文花戶完改米一升則折收錢二十六文之類按市斗大京斗一斗五升照一米二穀合算計每京斗米贏餘二升五合以米係陸續散發兵食經年累月難免鼠耗蟲傷卽平時曬晾交代盤量尤虞虧

折兼之書斗更役工食亦須開支截長補短出入不甚懸殊再此條專爲釐毫合勺之戶及道遠艱於負米者而設倘花戶自願完銀完米者仍聽民便

一銀米係照市折徵須隨收隨買銀存屬庫米貯府倉但恐早晚時市不同價值必多出入而折收告示一經張貼未便朝令夕改擬期前傳集錢店糧戶照額預定某店易銀若干某戶買米若干各具庫色乾圖承認備案方能辦理其價值多寡仍照收數發給署內不得短扣分文致滋苛擾並須錢米與銀當面交清均無預支借貸免致虧懸尤爲省事

一懸額無着地丁正銀一十五兩六錢六分四釐七毫改徵正米六石一斗三升九合七勺向係戶書包徵包解歷未清理此時勘丈固屬難行勻攤反慮滋事擬仍責成戶書清查至期先行墊繳徐圖足額以清正供然從前因有浮收之弊故易措辦茲既剔除積弊難免不藉詞推諉查串票一張向收錢三十文以作戶書筆墨紙張之費現擬每票收錢四十文以資貼補

一戶吏經承清書共計五十餘名之多各有身家原期藉謀生活現在裁汰浮收之數不下二千餘串每年所入僅票費錢二百千之譜收紙張筆墨等費及墊繳無着

增修仁懷廳志

卷之二

田賦

五

丁糧所餘不過百餘千何能分潤昨經飭傳到署面加攷驗取其通曉律例字跡端楷者分別次序榜示酌留經承八名清書八名其餘一概裁汰令其各謀生理

一查例載錢糧實徵等冊俱令封存內署親自檢查經管如遇買賣更易荒懇陞除卽於簿內登註不假手胥書等語原爲慎重賦額防微杜漸之意惟廳屬向派戶書八人經理若欲驟改舊章復恐官民不便現擬於考取八名內選擇辦公勤能者二名專司核算如遇民間過割剗撥由該書開單查冊當堂呈驗紅契核對無訛蓋用騎縫印發以昭信守而杜弊端

一例限有上下忙之分查廳屬賦額無多每戶完錢數千  
文或一二百文者十之五六卽大戶亦不過完銀數兩  
取民甚便向以十一月爲期掃數全完擬仍照舊况旣  
一律照市折收係屬爲便民起見易銀購米尤須積錢  
成數方能照辦如仍任其拖延致使時價不一諸多窒  
碍則欲紓民困反爲民累殊不足以示均平而維大公  
想花戶等具有天良當能踴躍輸將共相鑒諒也

一大堂設櫃照章徵收月懸大鑼一面倘經收人等格外  
需索分文許花戶鳴鑼喊控卽予重究惟土里各甲距  
城寫遠往返八九日路費不資擬於土城場市再設一

增修仁懷廳志

卷之二

田賦

五

櫃以示體恤

一從前戶書包徵因有紳戶民戶大戶小戶分別致濫偏  
重抗欠殊多現旣剔弊淨盡無論軍民人等均應激發  
天良依限完納倘敢如前延玩除飭拘提比追外仍照  
例分別究治不貸

一實徵册向無體例其弊不止花戶完糧撥糧有守候翻  
閱之苦甚至繕造新册遺漏重複以及串合割撥百弊  
叢生難於稽查皆由册式雜亂無章之咎也茲本府一  
律編列次序分姓別類註明某里某甲第幾戶某姓某  
名原額載條糧若干分晰地丁銀若干改徵米若干照

加一五耗羨若干加二公費若干共應完銀若干完米若干遵照此次詳定章程折銀錢若干折米錢若干逐一眉列務使完糧花戶一目了然毫無疑意卽平日過割剗除徵收時查額書完等事亦易檢閱且無掛漏之虞以後厥經圖冊悉依此例辦理

一向來浮收之弊皆緣算賬收錢毫無分別悉聽經收任意需索以致花戶觀望不前拖欠尤多茲本府創設折單一紙先給花戶猶市井交集紅單以昭信實專爲杜絕浮收之意算賬者不准收錢收錢者不准算賬各派專司如有遺誤卽爲專司經承是問該花戶人等先到

增修仁懷廳志

卷之二

田賦

七

頭門看明榜示編列里甲戶口次序牢記在心再到核算處照榜報明係某里某甲第若干戶某姓某名以便司事易於查冊並須自行報明應完條糧數目是否與冊相符隨付票費錢文守候開給折單該糧戶領取此單細心核算若有錯誤呈明更換倘係司事有心浮冒許花戶鳴鑼喊稟以憑根究如單與示符該花戶卽趕緊照數預備官板足數制錢赴櫃交單完納守領印票爲據勿得自誤是爲至囑

增修仁懷廳志卷之三

學校

御製訓飭士子文

康熙四十一年奉

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比年士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學者先立品行次及文學長立宮牆朝夕誦讀甯無究心必也躬修實踐砥

增修仁懷廳志

卷之三 學校

一

礪廉隅敦孝順以孝親秉忠貞以立志窮經考業勿雜荒誕之談取友親師悉化驕盈之氣文章歸於純雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行已多愆或蜚語流言挾制官長或隱糧包訟出人公門或唆撥奸猾欺凌孤寡或招呼朋類結社要盟乃如之人名教不容鄉黨勿齒縱幸脫褫撲濫竊章縫返之於衷甯無愧乎况夫鄉會科名掄才大典關係尤鉅士子果有真才實學何患困不逢願乃標榜虛名暗通聲氣夤緣詭遇罔顧身家又或改竄鄉貫希圖進取囂陵騰沸網利

營私種種弊端深可痛恨且夫士子出身之始九貴以正若茲厥初拜獻便已作奸犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反覆惓惓頒茲訓言爾等務共體朕心恪遵明訓一切痛加檢省爭自濯磨積行勤學以圖上進國家三年登造束帛弓旌不特爾身有榮卽爾祖父亦增元寵矣逢時得志甯俟他求哉若仍視爲具文玩愒勿儆毀方躍冶暴棄自甘則是爾等冥頑無知終不能幸教也旣負栽培復干咎戾文章具在朕亦不能爲爾等寬矣自茲以往內而國學外而直省鄉校凡學官師長皆有司鐸之責者並宜傳集諸生多方董勸以副朕懷否則職業勿修咎亦難追勿謂朕言之不早也爾多士尚敬聽之

雍正三年

御製朋黨論

朕惟天尊地卑而君臣之分定爲人臣者義當惟知有君惟知有君則其情固結不可解而能與君同好惡夫是之謂一德一心而上下交乃有心懷二三不能與君同好惡以至上下之情睽而尊卑之分逆則皆朋黨之習爲之害也夫人君之好惡惟求其至公而已矣凡朋舍

增修仁懷廳志

卷之三 學校

二

進退孰不以其賢而進之以其爲不賢而退之惟或恐其所見之未盡當也故虛其心以博稽眾論然必眾論盡歸於至正而人君從之方合於大公若朋黨之挾偏私以惑主聽而人君或誤用之則是以至公之心反成其爲至私之事矣孟子論國君之進賢退不肖旣合左右諸大夫國人之論而必加察焉以親見其賢否之實洪範稽疑以謀及乃心者求卿士庶民之從而皇極敷言必戒其好惡偏黨以歸於王道之蕩平正直若是乎人君之不自用而欲盡化天下之偏私以成大同也人臣乃敢溺私心樹朋黨各徇其好惡以爲是非至使人

增修仁懷廳志

卷之三 學校

三

君懲偏聽之生奸謂反不如獨見之公也朋黨之罪可勝誅乎我

聖祖仁皇帝御極六十年用人行政邁越千古帝王而大小臣僚未能盡矢公忠往往要朋結黨

聖祖戒飭再三未能盡改朕卽位以來屢加申飭而此風尚存彼不顧好惡之公而徇其私暱牢不可破上用一人則相與議之曰是某所汲引者也於是乎遠之若浼曰吾避嫌也不附勢也爭懷妒心交騰謗口以媒孽之必欲去之而後快上去一人則相與議之曰是某所中傷者也親暱者爲之惋惜疏遠者亦慰藉稱屈素有嫌隙

者至此反致其殷勤欲借以釋恨而修好求一人責其改過自新者無有也於是乎其人亦不復自知其過惡而愈以滋其怨上之心是朝廷之賞罰黜陟不足爲輕重而轉以黨人之咨嗟歎息爲榮以黨人之指摘詆訾爲辱亂天下之公是公非作好惡以陰撓人主予奪之權朋黨之爲害一至此哉且使人主之好惡而果有未公則何不面折廷爭而爲是陽奉陰違以遂其植黨營私之計也書曰予違汝弼汝無面從退有後言當時君臣告語望其匡弼而以面從後言爲戒夫是故一堂之上都俞吁咈用能賡歌拜颺以成太和之運朕無日不

增修仁懷廳志

卷之三 學校

四

延見羣臣造膝陳詞何事不可盡達顧乃默無獻替而狡獪叵測蓄私見以肆爲後言事君之義當如是乎古純臣之事君也必期致吾君於堯舜而人君亦當以堯舜自待其身豈惟當以堯舜待其身亦當以臯夔稷契待其臣孟子曰責難於君謂之恭陳善閉邪謂之敬吾君不能謂之賊夫以吾君不能而謂之賊則爲君者以吾臣不能亦當謂之忍語云取法乎上僅得乎中苟不以唐虞君臣相期待而區區效法僅在漢唐以下是烏能廓然盡去其私心而合乎大公至正之則哉宋歐陽修朋黨論創爲異說曰君子以同道爲朋夫罔上行私



安得爲道修之所謂道亦小人之道耳自有此論而小人之所爲朋者皆得假同道之名以濟其同利之實朕以爲君子無朋惟小人則有之且如修之論將使終其黨者則爲君子解散而不終於黨者反爲小人乎設修在今日而爲此論朕必飭之以正其惑大抵文人掉弄筆舌但求逞其才辯每至害理傷道而不恤惟六經語孟及宋五子傳註可奉爲典要論語謂君子不黨在易渙之六四曰渙其羣元吉朱子謂上承九五下無應與爲能散其朋黨之象大善而吉然則君子之必無朋黨而朋黨之必貴解散以求元吉聖人之垂訓亦旣明且

增修仁懷廳志

卷之三

學校

五

切矣夫朋友亦五倫之一朋黨不可有而朋友之道不可無然惟草茅伏處之時恒資其講習以相攸助今旣登朝泣官則君臣爲公義而朋友爲私情人情當以公滅私豈得稍顧私情而違公義且卽以君親之並重而出身事主則以其身致之於君而尚不能爲父母有况可藉口於朋以怙其黨乎朕自四十五年來一切情僞無不洞矚今臨御之後思移風易俗躋斯世於熙皞之盛故兼聽並觀周諷博採以詳悉世務且察風俗之變易與否而無知小人輒議朕爲煩苛瑣細有云人君不當親庶務者信若斯言則臬陶之陳謨何以云一日二

日萬幾孔子之贊舜何以云好問好察此皆朋黨之錮習未去畏人君之英察而欲蒙蔽耳目以自便其好惡之私焉耳朕在藩邸時坦易光明不樹私恩小惠與滿漢臣工素無交與有欲往來門下者嚴加拒絕

聖祖見朕居心行事公正無私故令纘承大統今之好爲朋黨者不過冀其攀援扶植緩急可恃而不知其無益也徒自逆天悖義以陷於誅絕之罪亦甚可憫矣朕願滿漢文武大小諸臣合爲一心共竭忠悃與君同其好惡之公恪遵大易論語之明訓而盡去其朋比黨援之積習庶肅然有以凜尊卑之分歡然有以洽上下之情庶增修仁懷聽志

卷之三 學校

六

廷賡歌颺拜明良喜起之休風豈不再見於今日哉  
乾隆五年

欽頒太學訓飭士子文

士爲四民之首而太學者教化所先四方於是觀型焉比者聚生徒而教育之薰以師儒舉古人之成法規條亦旣詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣諭學者云學以爲己今之世父所以詔

其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以至於惰遊而不知反終身不能有志於學而君子以爲非士之罪也使教素明於上而學素講於下則士子固將有以用其力而豈有不免之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己

增修仁懷廳志

卷之三

學校

七

則所讀之書一一有益於身心而日用事物之間存養省察闡然自修世俗之紛華靡麗無足動念何患詞章聲譽之能奪志哉况卽爲科舉亦無碍於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應舉然豈能累孔也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於

爲己者聖賢之徒也志於科名者世俗之陋也國家養育人材將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

禮部頒奉

欽頒臥碑

朝廷建立學校選取生員免其丁糧厚以廩膳設學院學道學官以教之各衙門以禮相待全要養成賢才以供朝廷之用諸生皆當上報

增修仁懷廳志

卷之三學校

八

國恩下立人品所有教條開列於後

- 一 生員之家父母賢智者子當受教父母愚魯或有非爲者子既讀書明理當再三懇告使父母不陷於危言
- 一 生員立志當學爲忠臣清官書史所載忠清事蹟務須互相講究凡利國愛民之事更宜留心
- 一 生員居心忠厚正直讀書方有實用出任必作良吏若心術邪刻讀書必無成就爲官必作禍患行害人之事者往往自殺其身嘗宜思省
- 一 生員不可干求官長結交勢要希圖進身若果心善德

全上天知之必加以福

一 生員當愛身忍性凡有司官衙門不可輕入卽有切己之事止許家人代告不許干與他人詞訟他人亦不許牽連生員作證

一 爲學當尊敬先生若講說皆須誠心聽受如有未明從容再問毋妄行辨難爲師者亦當盡心教訓勿致怠惰

一 軍民一切利病不許生員上書陳言如有一言建白以違制論黜革治罪

一 生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

學校官訓導一員

增修仁懷廳志

卷之三 學校

九

雍正九年移縣治於亭子垣乾隆初廳邑未設學校三里生童每逢歲科兩考統歸仁懷縣學額內考取或二三四名不等兼之在府過考守候需時往返維艱由此應試者少舊城僅訓導一員會同教諭約束凡文武生員丁憂起復事故及支食廩餼均越四百餘里之遙呈請辦理士人苦之乾隆四十一年署同知龜棟任內改舊城爲直隸廳將該縣訓導改爲復設訓導設學額數文章入學四名武童入學二名嘉慶十七年學院胡會奏添武生二名爲四名

廩膳生八名

每年每名給膳銀五錢地丁坐扣共給米三十二石遵義縣給十六石仁懷縣給十六石

增廣生八名

教官學田一在城東首一甲荒田灣一在土二甲白楊坵  
書院

雙城書院在三台山乾隆二十八年通判席纘設立義  
學撥雲頂寺田穀倉斗九十五石五斗歸入義學嘉慶八  
年署同知積德罰張必琳充公銀二百一兩一錢二分  
照磨涂逢全罰陳讓沈華元任子松王建陞充公銀九十  
兩又三里士民捐項共銀七百兩有奇道光七年同知徐  
玉章撥雲頂寺租穀六十石九年同知劉嗣矩置銀六百  
兩發當商生息以爲生童獎賞之資所有租利贏餘作鄉  
增修仁懷廳志

卷之三 學校

十

試年賓興之費

書院田

一大塆頭租穀六石下田 東底段宅內田南底寺前古  
路西底母猪洞北底燒人溝段宅界

一九嶺灣每年租穀六石下田東底黃巖直下黃泥塆後  
底仗子寺灣

一黃泥塆租穀二石下田 增一石 東底弔嘴南底巖崙西  
底巖崙北底河溝

一羅家坵租穀十石中田東底大浩田南底河溝西底田  
宅北底王姓田坎爲界

一王宅杉樹塆邊耕寺田每年租穀八石中田 東底童  
家塆王姓田南底河溝西底松樹埂北底王宅大浩田  
一王宅杉樹塆邊耕寺田每年租穀六石中田 東底裴  
家塆田南底石踏溝橫路田西底天堂上塆北底砂壩  
佃耕六戶每年收溫穀市石三十八石右書院田畝本  
仁里三甲雲頂寺產乾隆二十六年寺僧不法署通判  
趙沁以寺中水田共有一百九十五畝零僧徒二人贏  
餘過多判令分水田一半爲春秋祭祀用其一半及山  
土仍給寺僧管理二十八年通判席纘謂以釋氏之餘  
田作祭祀之經費非所以昭誠敬將此項公田歸於義

增修仁懷廳志

卷之三 學校

學計租穀九十八石一斗二升五勺議定塾師每年束  
脩撥租穀六十石膏火飯食二十石餘穀五石一斗二  
升零給看守義學之人核定章程以垂永久

養正書院在西街同知陳熙建爲幼童肄業之所先是河  
西里宋佐同子宋乾元孫宋其昌宋其魁於乾隆二十  
五年將廟子根柏香塆田土施入迴龍寺內嘉慶十三  
年宋其魁之妻胡氏因夫故無子貧難度日私將此田  
佃與唐榮陞受押租銀一百二十兩訟於官希圖估回  
變賣同知陳熙判爲絕產撥入義學嗣有王思益繳銀  
三百二十兩承買此田置買陳殿安房屋一所價銀二

百五十兩仍給還唐姓佃銀又羅呈賢捐銀二百兩除  
修理書院外餘銀一百兩發典舖生息

養正書院田土界址租穀數穩租銀數具載碑記

集義寨義學在復興場後山紅巖寺光緒十七年首事  
王椿王理將集義寨租穀三十石以作義學束脩因開  
館後肄業人少遂分爲二館以二十二石付大館以八  
石分撥進寶山設蒙館惟紅巖寺館凡人多之年酌量  
添增或一二石三四石不等

端本義學在大廟道光壬寅年文生黃徽祖稟請同知楊  
濬川撥柑子寺穀十六石以作束脩之費

增修仁懷廳志

卷之三 學校

七

善成義學在猿猴署同知敖京友勸募捐建買業一股去  
價四百餘金至今每年收租九石以作束脩

培風義學在葫市場側係謝杏菴撥阿蘭寺租穀興設重  
建修

河西里義學在大洞場光緒十七年修建分上下兩館每  
年束脩穀四十五石

及幼堂在本城東街係同知楊濬川興建收養孤貧子弟  
入館訓讀其束脩條欵俱注冊有案

豫省義館在復興場係貢生官國英捐資生息並以廟內  
田業穀石相湊興設義館及後廟被火焚至今廢弛未

能開館



賓興田

仁自隸黔距省千里應試者難之前同知徐玉章撥雲頂寺租穀二十石助賓興經費後同知陳熙晉集同紳士段星燦等哀錢一千餘緡置枇杷埧田業添作賓興

一買枇杷樹田業每年收租市斗穀二十三石

一雲頂寺租穀每年收市斗穀二十石

一廳屬應試貢監生員約計三十名上下今以三十名爲率毋論

恩正每名給銀六兩或人數較多均勻攤給一貢監由地方官給文其餘廩增附生均由學起文該教官一俟彙齊查明確數具報至在省肄業由書院起文

增修仁懷廳志

卷之三

學校

三

及毋庸錄科者亦先由學查明具報一同概發

一賓興銀在廳封固該生等務須本人到省承領其銀先由首事在廳擇應試之殷實端方者總領帶省分給

一經理賓興擇殷實端方紳士二人一司出人一司記注一各項穀石均係本城市石秋收後暫行存貯俟次年春

夏間照市價公糶所得價銀及所收息銀穀確數赴廳報知存案備查其銀仍交首事存貯經營

一鄉試賓興除給發外尚有餘銀散給會試舉子毋論

恩正每名二十兩以路費但須請領火牌起程時方能發給如領後托故不行者仍繳歸公款以杜流弊

卷田

廳屬向來以學官代縣凡逢歲考頭場每本卷價一千零五十文覆試每本卷價三百六十文武童頭場每本卷價二千一百文覆試七百二十文府考無論正覆每本卷價三百六十文以致寒峻之士裹足不前卽有勉強應試者不過徒考一二場以備有名錄送至三四等場率皆抽身應點者殊屬寥寥道光二十五年乙巳四月閩郡紳士謝一樑羅俊章段星煥蕭高泌段星燦董仕元范宗文許廷杰陳宅安龔秉權袁履謙以籌備每考卷費等情稟請勸捐置買卷田栽培寒士當卽批准同增修仁懷廳志

卷之三 學校

古

知譚自捐銀一百兩倡先樂助三里聞風喜捐集有成數置買卷田稟明大憲飭遵俾得刊碑並補入廳志云云今列條規於後

一議學考向由學官收價賣卷正場每本計錢一千零五十文覆試卷價每本計錢三百六十文院考由學報名每童各出報名錢一百二十文近來文人頗多甚覺苦累以故赴院考只有六七十名學官及學書門斗所得卷價不及百緡又若不敷盤費飯食程紅紙張之費今酌議文章無論人數多寡每考卷田項下撥給學官書斗卷價錢一百四十六千文作二次均分撥給學考一

次院考一次共給學官書斗歲科兩考卷價錢二百九十二千文以後不得向童索價至庠內卷價庠外考古不在其內

一學考武童亦由學官收價賣卷每卷一本計錢二千一百文武童向止二十餘人應考今酌議武童無論人數多少由卷田項下撥給學官書斗卷價錢六十千文亦兩次均勻撥給報名錢在內

一廳考文章向由禮房收價賣卷無論正覆每本計錢三百六十文今酌議文章無論人數多少由卷田項下撥給禮房卷價錢一百四十二千文印紅錢八千文亦均

增修仁懷廳志

卷之三 學校

五

勻兩次分給共給歲科兩考卷價錢二百八十四千文印紅錢十六千文以後不得向童索價

一廳考武童向由兵房收卷價賣卷今酌議給兵房卷價錢八十千文印紅錢四千兩次均勻撥給

一議損賣田穀計三年得穀四百八十石除歲科兩試之用所餘錢文不可製器不可買房屋只可買田擴充爲諸生鄉試舉人會試盤費之資用

一買尹文榜巖門子田業一分去價錢九百零三千二百文照市價每兩銀合錢一千七百五十文共合紋銀五百一十六兩一錢一分五釐招佃耕種取穩租錢七十

千文每年納租穀三十六石過旺隆場斗外有隨田房屋山土栽習青杠臨賣時價七分歸佃三分歸公

一買劉仕華李子塆田業一分去錢五百七十千文照市價合銀三百二十五兩七錢二分招佃耕種交來押佃錢五十千文每年認納租穀二十四石過旺隆場斗外有隨田房屋栽習青杠臨賣時價七分歸佃三分歸公一買王璿大坪子松樹塆王合灘巖頭上等處田業四分載糧一錢二分七釐在王祚昌戶內撥納又糧銀二錢一分在王繁昌戶內推收去錢一千六百三十七千文照市合銀九百三十五兩四錢三分三釐招佃耕種取增修仁懷廳志

卷之三 學校

共

穩租旭色銀一百兩每年認納租穀七十石過復興場斗外有隨田房屋山土栽習青杠各樹伐賣價七分歸佃三分歸公

一買向官氏子登順巖腳田業一分載糧銀二錢五分由向文富戶內撥納去錢四百千文照市合銀二百二十八兩五錢七分一釐招佃耕種取穩錢四十千文每年收租二十石過復興場斗

以上四契共去業價錢三千五百一十千零二百文每兩一千七百五十文合銀二千零五兩八錢三分九釐除收進穩銀一百兩錢一百六十千文合銀九十一兩

四錢二分八釐五毫作買價外實去業價銀一千八百一十四兩四錢一分

紅銀贄儀

廳屬考試者半多寒士每逢宗師臨遵取入科考文生四名歲考文武生各四名所需紅銀及學官廩保贄儀文生富者或七八十金貧者亦二三十金武生富者必百餘金貧者亦六七十金不等廩保每人富者八九兩貧者亦五六兩不等如在遵無銀付給立借券與學官廩保其時不得已只得允從迨歸家後無方告貸付還竟至有稟請押追者噫是求榮而反辱也士子苦之光緒增修仁懷廳志

卷之三 學校

七

十二年同知劉啟瑞捐俸並勸三里紳糧樂助及撥各廟租穀各公款銀錢置買田業以垂久遠寒畯德之今將各款條規開列於後

一買段龍章上大田下大田田業去業價銀一千零九十八兩六錢八分每年收租穀四十石

一買王沛田業一股地名河底下去銀四百七十兩取穩租銀五十兩每年收租穀十石

一龍居寺每年撥來租穀十二石

一天臺山每年撥來租穀六石

一崇音寺每年撥來租穀四石

一龍泉寺每年撥來租穀二十石

一阿蘭寺每年撥來租穀三十石

一白雲寺每年撥來租穀二十石

一黃連寺每年撥來租穀五十石

一楊家山每年撥來租穀十石

以上每年共收穀一百五十七石

一大洞場木帮每年帮銀十兩

一大洞場酒帮每年帮銀六兩

一大洞場紙帮每年帮銀八兩

一大洞場灰帮每年帮銀六兩

增修仁懷廳志

卷之三 學校

六

一將停考卷價廩生增生附生武生歲考科考補考正場

覆試送卷價錢三十千文學書門斗錢五千文

一將停考卷價廩生增生附生武生鄉試錄遺由學起文

送錢三十千文學書門斗錢五千文

一科考給學書門斗銀十六兩

一歲考給學書門斗銀二十四兩

一將停考卷價每考送學師赴遵路費錢三十千文又給學書門斗錢十五千文

一將停考卷價文童由學報名過府試每名二百文按名數多寡照算付送書斗數目一並在內

一將停考卷價武童由學報名過府試每名送錢四百文按名數多寡付送書斗數目一並在內

一將停考卷價文武童院試考古正場覆場新生覆試草

榜覆試送卷價錢三十千文學書門斗錢五千文

增修仁懷廳志

卷之三

學校

十九

一將停考卷價廩生增生附生武生歲考科考補考正場

覆試送卷價錢三十千文學書門斗錢五千文

一將停考卷價廩生增生附生武生鄉試錄遺由學起文送錢三十千文學書門斗錢五千文

諸生相從於此甚盛恐無能爲助也以四事相規聊以答諸生之意一曰立志二曰勤學三曰改過四曰責善其慎聽毋忽志不立天下無可成之事雖百工技藝未有不本於志者今學者曠廢隳惰玩歲愒時而百無所成皆由於志之未立耳故立志而聖則聖矣立志而賢則賢矣志不立如無舵之舟無銜之馬漂蕩奔逸終亦何所抵乎昔人有言使爲善而父母怒之宗族鄉黨賤惡之如此而不爲善可也爲善則父母愛之兄弟悅之宗族鄉黨敬信之何苦而不爲善爲君子使爲惡而父母愛之兄弟悅之宗族

增修仁懷廳志

卷之三 學校

三

鄉黨敬信之如此而爲惡可也爲惡則父母怒之兄弟怨之宗族鄉黨賤惡之何苦而必爲惡爲小人諸生念此亦可以知所立志矣己立志爲君子自當從事於學凡學之不勤必其志之尚未篤也從吾遊者不以聰慧警捷爲高而以勤謹謙抑爲上諸生試觀儕輩之中苟有虛而爲盈無而爲有諱己之不能忌人之有善自矜自是大言欺人者使其人資稟雖甚超邁儕輩之中有弗疾惡之者乎有弗鄙賤之者乎彼固將以欺人人果遂爲所欺有弗竊笑之者乎苟有謙默自持無能自處篤志力行勤學好問稱人之善而咎己之失從人之長而明己之短忠信樂易表



裡一致者使其資稟雖甚魯鈍儕輩之中有弗稱慕之者乎彼固以無能自處而不求上人人果遂以彼爲無能有弗敬尚之者乎諸生觀此亦可以知所從事於學矣夫過者自大賢所不免然不害其卒爲大賢者爲其能改也故不貴於無過而貴於能改過諸生自思平日亦有缺於廉恥忠信之行者乎亦有薄於孝友之道陷於狡詐刻薄之習者乎諸生殆不至於此不幸或有之皆其不知而誤蹈素無師友之講習規飭也諸生試內省萬一有近於是者固亦不可以不痛自悔咎然亦不當以此自歉遂餒於改過從善之心但能一旦脫然洗滌舊染雖昔寇盜今日不

增修仁懷廳志

卷之三 學校

三

害爲君子矣若曰吾昔已如此今雖改過而從善將人不信我且無贖於前過反懷羞澀疑沮而甘心於汙濁終焉則吾亦絕爾矣責善朋友之道然須忠告而善道之悉其忠愛致其婉曲使彼聞之而可從繹之而可改有所感而無所怒乃爲善耳若先暴白其過惡痛毀極詆使無所容彼將發其愧恥憤恨之心雖欲降以相從而勢有所不能是激之而使爲惡矣故凡訐人之短攻發陰私以沽直者皆不可以言責善須然我以是而施於人不可也人以是而加諸我凡攻我之失者皆我師也安可以不樂受而心感之乎某於道未有所得其學鹵莽耳謬爲諸生相從於

此每終夜以思惡且未免況於過乎人謂事師無犯無隱而遂謂師無可諫非也諫師之道直不至於犯而婉不至於隱耳使吾而是也因得以名其是吾而非也因是以去其非蓋教學相長也諸生責善當自吾始

兵制

順治十四年設仁懷營屬遵義協副將管轄舊制守備一員把總二員馬步兵丁二百名隸四川雍正七年添設外委把總一員撥隸貴州八年抽減馬步兵丁四十二名於雍正九年川黔界限既分撥遵義協兵三十名增防生界縣治屬本營管轄合原兵一百八十八名雍正十年將守備改爲都司員缺乾隆二年增添兵丁千總一員馬步兵丁一百一十二名合原兵馬步兵丁三百名乾隆八年裁馬步兵丁五十名實兵二百五十名內除各官養廉並公費紅白冗糧三十五名外實兵二百一十五名乾隆四十年增修仁懷廳志

卷之三 兵制

三

八年增添兵丁二百一十名合原兵共馬步兵丁四百二十五名嘉慶二十年裁減兵丁二十六名實存額設兵丁三百九十九名道光十一年裁減兵丁八名實存額設兵丁三百九十一名道光二十年添設溫水千總一員兵丁六十名合原兵共馬步兵丁四百五十一名咸豐四年奉文裁戰兵二十九名裁守兵二十二名存額設兵丁四百名光緒四年奉文各營兵糧停止採買挽運酌復五成裁馬占戰兵九十五名守兵二百一名光緒五年奉文除經制外委一名守兵二百名外馬步占戰兵概改編入練軍光緒九年奉文裁汰守兵四十名僅存經制外委一名守

兵制

順治十四年設仁懷營屬遵義協副將管轄舊制守備一員把總二員馬步兵丁二百名隸四川雍正七年添設外委把總一員撥隸貴州八年抽減馬步兵丁四十二名於雍正九年川黔界限既分撥遵義協兵三十名增防生界縣治屬本營管轄合原兵一百八十八名雍正十年將守備改爲都司員缺乾隆二年增添兵丁千總一員馬步兵丁一百一十二名合原兵馬步兵丁三百名乾隆八年裁馬步兵丁五十名實兵二百五十名內除各官養廉並公費紅白冗糧三十五名外實兵二百一十五名乾隆四十

增修仁懷廳志

卷之三 兵制

三

八年增添兵丁二百一十名合原兵共馬步兵丁四百二十五名嘉慶二十年裁減兵丁二十六名實存額設兵丁三百九十九名道光十一年裁減兵丁八名實存額設兵丁三百九十一名道光二十年添設溫水千總一員兵丁六十名合原兵共馬步兵丁四百五十一名咸豐四年奉文裁戰兵二十九名裁守兵二十二名存額設兵丁四百名光緒四年奉文各營兵糧停止採買挽運酌復五成裁馬占戰兵九十五名守兵二百一名光緒五年奉文除經制外委一名守兵二百名外馬步占戰兵概改編入練軍光緒九年奉文裁汰守兵四十名僅存經制外委一名守

兵一百六十名分防猿猴汎兵丁三十二名內分十九塘  
每塘安兵一名實存汎兵十三名分防新縣汎兵丁三十  
六名內分一十三塘每塘安兵一名實存汎兵二十三名  
新設溫水汎兵十八名

分防猿猴汎

兵丁三十二名內分十九塘每塘安兵一名實存汎兵十  
三名

分防新縣汎

兵丁三十六名內分一十三塘每塘安兵一名實存汎兵  
二十三名

增修仁懷廳志

卷之三 兵制

五

新設溫水汎

兵丁三十名內分六塘每塘安兵二名實存汎兵十八名  
仁懷營額設經制官五員

都司一員

千總二員

把總二員

外委一員

分防猿猴汎左司把總管轄各塘

底城塘至崇盤塘  
三十里

崇盤塘至確夾石塘三  
十里卽泥池

碓夾石塘

至小關子塘三十里

小關子塘

至大金沙塘三十里

大金沙塘

至小金驛塘三十里

小金驛塘

至猿猴汎塘三十里

猿猴汎塘

至土城塘三十里

土城塘

至石灰窑塘三十里

石灰窑塘

至仙人壩塘三十里

仙人壩塘

至順江舖塘三十里

順江塘

至大灣塘三十里

大灣塘

至糞坪塘三十里

增修仁懷廳志

卷之三 兵制

三

夾子口塘

僻道塘房離營五里

洗腳溪塘

僻道塘房離汎一百一十里

放牛坪塘

僻道塘房離汎八十里

高洞塘

僻道塘房離汎三百二十里

兩路口塘

僻道塘房離汎八十里

一碗水塘

僻道塘房離汎一百七十里

糞坪塘

僻道塘房離汎一百二十里

分防新縣右司把總管轄各塘

本汎頭塘

仁懷縣至關門壘三十里

關門壘塘

至大毛坡塘三十里

大毛坡塘 至井垵 三十里

井垵簞塘 三十里 至青坑 交遵義縣界

米糧渡塘 至新壘 三十里

新壘塘 至老虎岔 三十里

老虎岔塘 至二合樹 三十里

二合樹塘 至大石頭 三十里

大石頭塘 至安村 三十里

安村塘 至木射村 三十里

木射村塘 至生界 三十里

黎民隘塘 僻道 塘房離汛 八十里

增修仁懷廳志 卷之三 兵制

三

羊垵塘 僻道 塘房離汛 一百八十里

分防溫水汛左哨千總協防鐵匠垵汛外委管轄各塘

班鳩井塘

火石崗塘

桑木垵塘

涼樹村塘

雙龍場塘

和村塘

以上各塘俱僻道塘房  
總共分防出汛守兵九十八名

存城守兵六十二名

營所屬交界道里程途

東至遵義協右營分防青坑塘交界計程六百五十里自  
仁懷廳舊城河上至仁懷新縣茅台村水路係赴省大道  
南至四川敘永廳屬紅巖寨交界計程三十五里係屬僻  
路

西至四川合江縣河西石碕交界計程十里係屬僻路

北至四川合江縣屬河西富家坳塘交界計程一里係屬  
赴川水陸通衢大道

東南至遵義協分防桐梓汛屬牛渡灘交界計程三百八

增修仁懷廳志

卷之三

兵制

七

十里係屬僻路

東北至四川重慶鎮標分防綦江汛屬石壕塘交界計程

四百里係屬僻路

西南起至四川永甯營分防大村汛脉困塘交界計程二

百三十里係屬僻路

西北至四川瀘州營分防合江縣汛屬石虎關交界計程

一百五十里係屬僻路

仁懷營額設軍器

腰刀八十口

咸豐年間置

圍刀十口

道光年間置



刷刀二十四口 道光年間置

斜頭刀七口 道光年間置

雙手帶十八口 咸豐年間置

鈎鐮七把 咸豐年間置

春秋刀一把 咸豐年間置

海角四個 咸豐年間置

皮盔六十六項 道光年間置

銅鑼鍋四口 嘉慶年間置

烹筒四桿 嘉慶年間置

綿盔甲一百六十件 道光年間置

增修仁懷廳志 卷之三 兵制

礮刀二十四把 嘉慶年間置

九節礮一桿 乾隆年間置

鞭鎗礮一桿 乾隆年間置

過山鳥抬鎗十桿 嘉慶年間置

鳥鎗八十一桿 道光年間置

三星叉十三把 道光年間置

紅緞子什長旗三十四首 道光年間置

紅緞子大纛旗八首 道光年間置

督陣旗四首 道光年間置

令字旗四首 道光年間置

銀秤一架 咸豐年間置

以上各項軍械旗幟均舊破不堪

羽毛火燄邊緣羽毛心大旗八首 光緒十年置

洋礮四桿 光緒十年置

長矛花桿六根 光緒十年置

經纜旗桿八根 光緒十年置

紅羽毛火燄邊緣羽毛心大旗十八首 光緒十八年置

按順治十四年仁懷始制立營務陸續增添至道光廿年共馬戰步兵四百五十一名咸豐二年奉文接次裁改至光緒五年馬戰步兵概改入練軍僅存守兵二百

增修仁懷廳志 卷之三 兵制 无

名九年奉文裁汰守兵四十名止有守兵一百六十名城西門外較場演武廳因髮匪滋擾概被折燬光緒十六年都司李鴻文稟請籌款修建甬牆將臺演武廳抱廳官廳各三間

南門內馬王廟山門戲臺兩廊年久倒榻光緒十九年都司莊朝俊稟請於本官兵捐助及設法籌款培修戲臺及耳房二間兩廊六間

職官

漢符縣

明朝

姜

詩鶴人性至孝母嘉嗜鯉遺子汲江捕魚溺斃恐母知給言送學鄉人感其孝立祠祀

趙社

仁懷縣知縣

曹一科

湖廣人選貢

陳王道

湖廣舉人

王所用

山西人選貢

吳繼堯

湖廣人歲貢

王成已

陝西人選貢

增修仁懷廳志

卷之三 職官

三

門思實

直隸人選貢

閆於萌

薛廷芝

陝西人選貢

郭維鸞

福建舉人

雍締

陝西甯夏人選貢

國朝

史鼎

江南舉人順治年任

張興越

浙江人貢生康熙年任

王炳

山西人進士

徐尚達

湖廣舉人

戴芳

江南桐城舉人授芳通志作秀

趙洪基

正白旗漢軍人監生康熙二十三年任創建學宮陞湖廣沔陽州知州

陳于璉

湖廣黃陂人歲貢康熙三十年任增修明倫堂兩廡戟門

朱錫鬯

江西吉安府萬安人康熙甲戌進士康熙四十三年任

胡書恩

湖廣舉人康熙四十八年任創修泮池

何雨

江南丹徒人監生康熙五十年任

王作礪

山東曹縣人進士康熙六十年任

童殿元

江南上元縣舉人雍正四年任

黃燾世

山東卽墨人進士雍正六年任是年撥四川遵義府隸貴州

陳齊驥

廣西平樂優貢生九年署

增修仁懷廳志

卷之三

職官

三

杜詮

雲南舉人雍正十一年建新城於生界往還辦理城工者數載不辭勞瘁新縣衙署亦其所建

何隆遇

通判分駐仁懷舊城

李曜

福建海澄人例貢雍正十三年八月以遵義府通判分駐舊城統轄新舊治乾隆二年運京鉛

同黔七月到任

鄭廷鳳

乾隆元年四月由桐梓縣知縣署

向廷颺

乾隆二年二月由仁懷縣知縣署

喬學均

山西猗氏縣附貢乾隆四年二月由布政司經歷署

胡國英

浙江山陰人監生乾隆六年十一月任至乾隆十二年十二月因與都司柳俊明互揭離任

鄒鴻迎

湖北漢陽縣貢生由試用同知於乾隆十二年十二月署

喀爾泰

正黃旗阿布納佐領下人

乾隆十三年由貴陽府通判署

鈕嗣昌

隸白旗漢軍人監生選授平遠州知州陞長寨同知乾隆十四年十月署

席健

江蘇吳縣人附貢乾隆十四年十月任

段藻

江西餘干人乾隆丁巳恩科進士以遵義縣知縣署

席健

乾隆十九年同任

宋賓逢

字七峯乾隆二十四年

趙沁

乾隆二十六年署

董良相

乾隆二十七年署

席纘

江蘇吳縣人監生乾隆二十七年六月選十一月任

程浩

乾隆二十八年署

增修仁懷廳志

卷之三 職官

崇士錦

安徽天長人乾隆庚辰進士知清溪縣調署儋

高偉

乾隆三十一年署

圖默慎

乾隆三十三年以貴西道兼攝

張鳳枝

字東生一字棧齋江蘇無錫人乾隆三十五年署

胡周成

浙江山陰人吏員乾隆三十七年八月以南隴府經歷署

蔣應城

福建龍巖州人監生乾隆三十七年八月以郎

葉惠保

字慎齋

仁懷直隸同知

鮑棟

湖北人乾隆四十一年以都江通判署仁懷通判是年改爲仁懷直隸同知自奉文之日改爲

接署直隸同知暫用通判關防一切事宜改由糧道核轉

李化

河南副貢由南越府永豐州知州陞補乾隆四  
十三年任是年六月在省領部頒乾字一萬九

楊魯

乾字九百三十六號仁懷直隸同知關防繳舊用  
江西建昌縣人乾隆庚辰科進士甘肅碾伯縣

赫

知縣乾隆四十二年署河州知州查拿逆匪王  
仗林一案四十二年六月送部引見奉旨補

馮郁

授貴州仁懷直隸同知是年十月由四川到任  
四十四年十二月署貴陽府

楊慶

乾隆四十三年八月以黔西州知州署  
乾隆四十四年十二月署

王潤

乾隆四十五年六月回任四十六年陞黎平府  
知府

褚

江蘇元和人  
江蘇長洲監生乾隆四十九年十二月由候補  
通判署

增修仁懷廳志

卷之三 職官

林荔

福建莆田人乾隆庚辰科舉人五十年十月由  
麻哈州知州署

張鳳枝

江蘇無錫人乾隆五十一年九月任陞南籠府  
其為官也清正廉明有禮必興有害必除提龍

陳林

居寺租穀作為義渡以便民涉又於復興場創  
興關帝廟又於豐溪以民間應充款項作為義

沈鵬

渡人人呼為張青天  
浙江海甯州人乾隆庚辰科舉人由麻哈州知  
州陞授五十三年十月任

王光顯

乾隆五十七年以候補知州署

李璵

山東聊城人例貢以廣順州知州陞授乾隆五  
十八年三月任

宮綺岫

安徽懷遠人廩貢乾隆五十八年十一月以八  
寨同知署

吳玉璉

字小谷浙江錢塘人乾隆庚寅科順天舉人由  
太平縣教諭選授天柱縣調遵義縣陞松桃同

知五十九年三月署

稽承孟 六十年遵義府兼署

宮綺岫 嘉慶元年署

于燾 嘉慶元年六月署

薛振基 江蘇無錫人乾隆六十年由羅斛州判調赴銅仁軍需陞雲南琅鹽井提舉 奏准留補用同

知嘉慶三年署

蕭旃年 山東福山人乾隆癸未科進士揀發貴州補清鎮縣陞獨山州乾隆五十九年 題陞嘉慶三

年五月任

范英 六年三月署

崔本 江西南城人嘉慶丙辰進士由鎮遠縣調貴筑縣嘉慶七年二月署

增修仁懷廳志 卷之三 職官

覺羅七彬 鑲紅旗滿洲人由長寨同知嘉慶八年陞

范光晉 山西介休人由廩貢生龍泉縣知縣嘉慶七年署調署貴筑縣八年正月署

富坤 鑲黃旗滿洲人由刑部主事保送直隸州知州揀發貴州嘉慶二年 題補九年四月任

徐錯 正藍旗漢軍人乾隆己酉科舉人選銅仁縣陞丹江通判嘉慶十年奏陞是年八月先行到任

張五誥 陝西涇陽縣人由水城通判陞郿同知嘉慶十年六月署

張世昌 字燕亭直隸欒城人進士由普定縣陞授嘉慶十二年六月署

素隆額 正藍旗滿洲人由內閣中書保送撫民同知揀發貴州借補水城通判嘉慶十五年四月署

張世昌 十六年回任

雙壽 鑲白旗滿洲人以同知揀發貴州借補下江通判嘉慶十一年巡撫福公保舉堪勝知府十七

年二月尋陞廣東高州府

許雲霄

甘肅甯夏縣人由雲南神豐縣典史辦理貴州清綏縣教匪陞補雲南景東廳經歷尋陞貴州平越縣知縣因辦同興義軍務陞知州 賞戴花翎補平遠州知州十七年八月署

陳熙

字達莊雲南彌勒縣人乾隆甲寅舉人嘉慶六年大挑一等分發貴州補天柱縣調貴筑縣題陞十八年

王湛恩

字涵菴浙江錢塘縣人寄籍順天吏員補鎮遠府經歷嘉慶元年 奏陞貴筑縣捐陞同知借補歸化通判加知府

張寶鑑

字虛齋正藍旗漢軍人乾隆己酉科舉人由候補知縣於嘉慶二十一年十一月署

普恩

字雨亭鑲黃旗漢軍人乾隆壬子科舉人嘉慶元年揀發貴州補湄潭縣陞黃平州卓異陞入寨同知持服回旗嘉慶二十一年

司河

字澄齋雲南昆明縣人嘉慶辛未科進士由入寨同知於二十三年四月署

增修仁懷廳志

卷之三

職官

三五

普恩

二十三年四月署大定府十月回任

李烜

順天府宛平縣人乾隆己酉拔貢由永甯州知州於道光元年九月署

黃仕瑤

字三嶠湖南沅陵人廩貢生嘉慶元年以布政司經歷職銜投效軍營陞補定番州知州道光二年三月署

普恩

道光二年十二月復回任

胡熹英

字渭光河南夏邑人廩貢生由甯安縣調貴筑縣陞平越直隸州嗣補永甯州知州道光四年正月

徐玉章

字南垞浙江烏程人乾隆壬子副榜嘉慶庚申恩科舉人十三年大挑一等分發貴州由安平縣陞道光五年二月

任八月署大定府知府

朱魯

正紅旗漢軍人嘉慶癸酉拔貢錦屏縣知縣陞道光五年八月署



徐玉章 道光六年十二月回任

劉嗣矩 字曉村山東單縣人嘉慶庚申恩科舉人由教習選開泰縣調普定縣保舉卓異道光八年

題陞九年四月任

王緒昆 字問山山東濟甯州廩貢生入塞同知道光十一年十一月署十一月創修外泮文瀝橋

金瑞生 字蕙軒安徽休甯人嘉慶戊寅恩科舉人開州知州道光十二年四月署

劉國筠 字壽雲安徽太湖人嘉慶甲子科舉人由教習選仁懷縣知縣調普定縣道光十一年陞十二年七月任

孫承祖 字雲楣浙江錢塘增監生由候補知縣於道光十三年九月署

文 明 字霽亭道光十五年三月由遵義府兼理

王鎮疆 字鐵厓陝西神木縣人廣順州知州道光十五年五月署

增修仁懷廳志 卷之三 職官 三

石 煦 字曉田直隸深州人嘉慶癸酉拔貢普定縣知縣道光十六年九月署

馮紹彭 字子齡江蘇嘉定縣人道光辛巳恩科舉人由玉屏縣知縣道光十八年三月署

曾鴻壽 字雲叔江西清江人嘉慶丙子科舉人揀發知縣道光十九年二月署

陳熙晉 字西橋浙江義烏人嘉慶己卯優貢由教習揀發貴州補龍里縣調普定縣保舉卓異題陞署都勻府道光二十年二月任培

修城垣與設賓興創修志書

楊鉅源 字澹川江西臨江府清江縣人嘉慶己卯舉人道光二十一年十二月署興設及幼堂捐廉一

百千文發典生息以作詩賦課膏火後因楊龍喜叛汪申稜提為公用將察抽拔燒燬

平 翰 字越峯浙江山陰縣人監生道光二十三年五月署

譚 燁 字鍊梅江西九江府德化縣人道光乙酉拔貢道光二十四年十月任興設卷田士林沾惠

仇效忠 字典堂廣東廉州府靈山縣人道光壬午翰林道光二十五年十二月署

汪申祿 字舒谷 浙江錢塘縣人 監生 道光二十七年正月代理

楊善魁 字星垣 正紅旗漢軍 德音圖佐領 下貢生 筆帖式 道光二十七年六月署

張瀚中 字次南 陝西潼關廳人 道光乙酉拔貢 道光二十八年九月署

汪申祿 籍貫載前 道光二十九年閏四月任

賈致恂 字迪之 山東登州府黃縣人 監生 咸豐六年十月署

沈西序 字秋帆 四川開縣人 道光甲辰進士 咸豐八年十月到任 培修武廟 創修奎星閣 興設團局 辦理堅壁清野 當賊亂之秋 地方賴以安堵

賈致恂 籍貫載前 咸豐十年三月署

汪先煊 字循階 安徽安慶府相城縣人 道光丁未進士 咸豐十一年四月署

曹琅 字詠之 安徽當塗縣人 吏員 咸豐十一年八月署

增修仁懷廳志 卷之三 職官

三七

恩彬 字履中 湖南荊州駐防蒙古廂紅旗 壬辰舉人 同治元年四月任

李德莪 字蓼生 江蘇蘇州府新陽縣人 甲辰進士 同治二年四月署

商紹祖 字純武 順天府通州人 增生 同治三年八月署

周秉正 字養田 四川涪州人 監生 同治四年七月署

許大綸 字藻廷 順天府甯河縣人 優貢 同治六年六月署

彭灝 字子尹 江西九江府德化縣人 己亥舉人 同治八年七月署

敖京友 字蘭生 四川榮昌縣人 副榜 同治八年十二月署

許大綸 字藻廷 籍貫載前 同治十年正月署

劉侶鶴 字省五 湖南永川府江華縣人 附生 同治十一年六月任

羅星煥 字麗園 四川嘉定府樂山縣人 癸卯舉人 同治十三年六月署

邱瑞錦

字積夫廣西平樂府昭平縣人辛酉拔貢光緒元年六月署

何其珍

字仙槎雲南昆明縣人監生光緒二年八月署

陳文烈

字蔚如四川成都府華陽縣人附生光緒三年七月署

丁步賢

字亦階湖南岳州府平江縣人己酉拔貢光緒四年七月署

談廷桂

字仲廉江蘇常州府武進縣人監生光緒五年六月署

劉啟瑞

字星閣湖南長沙府湘潭縣人甲子科舉人陸同知光緒六年八月任倡先捐廉並撥公款募

衆勸捐興設學師廩生紅銀贄儀等項士林沾惠

嵩年

字祝三正藍旗滿州人王子科舉人光緒八年六月署

劉啟瑞

籍貫載前光緒九年二月復任

陳灃

字鏡秋四川敘州府筠連縣人監生光緒十四年三月署修建考棚稟請大憲整飭仁懷廳

增修仁懷廳志

卷之三

職官

三

糧務至今納大糧者較從前不過一半之多士民感德

鄭德暉

字吉人四川直隸瀘州廩生光緒十五年四月任

陶春霖

字小予四川敘州府慶符縣人壬午舉人光緒十六年七月任

劉廷忠

字蓋臣湖南長沙府善化縣人俊秀光緒十七年四月署

崇俊

字志齋正藍旗滿州文治佐領下人辛未進士光緒十七年十一月任倡先捐廉募眾增修志

書修建城隍廟兩廊戲樓廟宇又於冬間施米賑濟孤貧

張正燧

字聚五四川潼川府樂至縣人人生員於光緒二十三年七月署

冉煥章

字文泉四川成都府華陽縣人附生光緒二十四年七月署

教諭

國朝仁懷始有教諭雍正九年移縣治於生界以通判移

駐舊城於是教諭駐新縣訓導駐舊城

陶淑李 蒼溪縣貢生康熙三十一年任

李鍾峩 通江縣翰林院庶吉士

秦懋倬 金堂縣人

陳能智 綦江縣人歲貢生康熙五十四年任

秦有容 梁山縣人舉人雍正五年任 以上四川人

劉永謙 寶安縣人廩貢雍正七年任至九年移駐新縣

柴大用 貴陽府人癸巳 恩科解元

訓導

董天懿 平越府舉人

增修仁懷廳志 卷之三 職官

左爲憲 辛酉舉人

令狐應薇 桐梓縣貢生順治時任

楊鴻鳴 義眉縣貢生康熙年任

倪泰 名山歲貢生康熙三十四年任

凌幹 金堂縣人 以上四川人

梅登第 貴筑縣歲貢雍正七年任 以下貴州人

薛鳳 黎平府歲貢乾隆八年選授仁懷縣訓導乾隆

十三年三月奉巡撫部院詳題准分駐遵義廳

於是年三月十八日到任

李紹祖 修文縣歲貢乾隆十九年甲戌任

張方載 安順府舉人三十一年任

費大有

思南府人乾隆辛酉舉人壬戌中明通榜乾隆三十二年任

郭中珩

安順府歲貢乾隆二十五年任

張緯明

乾隆四十年原任復設訓導

李如皋

施秉縣舉人五十一年任

郝逢堯

嘉慶三年任

田世錫

嘉慶八年任

鄧顯禮

忠州府歲貢嘉慶九年三月任修櫺星門及鄉賢名宦祠

陳善

黃平州人嘉慶戊午舉人嘉慶十六年十二月

張觀國

平遠州人乾隆甲寅恩科舉人嘉慶十七年任監修內泮園橋道光六年陞貴陽府教授

蘇敬商

桐梓縣人嘉慶戊午舉人道光六年十二月任道光八年重修大成殿夾道兩廡櫺星門十一

增修仁懷廳志

卷之三 職官

罕

年建外泮  
文匯橋

黃嘉善

黃平州人嘉慶庚申恩科舉人道光十二年十月署

陳松齡

都勻府人嘉慶戊寅恩科舉人道光十三年七月任

陳際同

桐梓縣人道光壬辰舉人二十七年三月任

晉自昭

遵義府廩貢生咸豐四年四月任

張仁鸞

遵義縣人道光庚子舉人咸豐五年五月署

盧煊

貴筑縣增生咸豐五年八月任

孔憲林

貴筑縣附生咸豐七年三月署

劉德銘

黔西州廩生咸豐七年十月任

顏正敏

貴筑縣附生同治五年四月任

朱定義 普安直隸廳拔貢同治九年六月署

金家魁 平越州歲貢同治十二年十月署

郭永芳 黎平府拔貢光緒三年署

馬致理 貴筑縣人同治己巳補行己未辛酉壬戌舉人  
光緒四年二月署

楊鍾華 清鎮縣人廩生光緒五年五月署

張時煦 清平縣人同治己巳補行己未辛酉壬戌舉人  
光緒六年七月署

宋揚芳 寶安縣人丁卯舉人光緒七年七月任

李樹義 遵義縣人癸酉科舉人光緒八年六月署

陳璧昌 貴陽府廩生光緒九年十一月署

王維恪 綏陽縣人癸酉科舉人光緒十一年六月署

增修仁懷廳志 卷之三 職官

四十一

郁春芳 黔西州歲貢光緒十二年十月署

李焯琳 興義府歲貢光緒十三年二月任

華之鴻 貴陽府附貢光緒二十三年二月任

典史

蘇肇眉 江南人

張良修 陝西人

孫洪範 陝西人

包啟化 直隸通州人

傅學翰 順天府人吏員康熙三十五年任

楊承燿 順天府大興縣吏員六十年任

秦仁榮

順天府大興縣人吏員雍正九年任

劉象貴

李澄枝

照壁

陳錦標

二十九年任

陶際泰

浙江會稽縣貢生乾隆三十年由分發主簿借補照磨是年七月任

範正躬

順天府宛平縣人乾隆三十八年六月任

徐振

乾隆四十三年任先是照磨同用貴州遵義府分駐遵義廳照磨銜記是年十月初二日領用乾字一萬四千九百三十八號仁懷直隸廳照磨兼管司獄司之印

賴永進

江西上猶縣監生乾隆四十年由捐納從九品分發貴州咨補廳照磨乾隆四十四年二月任

增修仁懷廳志

卷之三 職官

三

毛敬洪

浙江遂安縣附監生初管理二節灘鉛局乾隆五十三年四月任

諸體元

安徽懷甯縣人乾隆五十七年任

魯廷梓

浙江紹興府人嘉慶三年任

慕 鋈

江蘇人嘉慶四年任

涂逢金

江西南昌府人嘉慶七年署

倪樹珪

嘉慶八年署

李培基

江蘇人嘉慶九年任

李守誠

江蘇九和縣人嘉慶十四年任至嘉慶二十年十一月卸事

陳守銘

江西吉安府人嘉慶二十年十一月任至道光九年十二月卸事

張輝遠

順天府宛平縣人道光九年十二月任至十二年六月卸事

張

琪

順天府大興縣籍浙江桐鄉縣人道光十二年

吳德容

湖南郴州宜章縣監生道光十四年八月任至

魏作舟

字錦堂一字子樸直隸宣化府蔚州監生本朝

刑部尚書諡敏果象樞七世孫也道光十五年

唐懷洲

四川重慶府人道光十八年正月署十九年四

魏作舟

道光十九年四月回任是年七月卸事署黎平

賴容瑛

字黼堂四川華陽縣人道光十九年七月署

魏作舟

道光二十一年二月回任

雷揚廷

字曉峰安徽懷甯人道光二十一年十月署

王定安

湖南常德府武陵縣人軍功道光二十三年正

月任

增修仁懷廳志

卷之三 職官

聖

陸炳圖

甘肅固原州人監生成豐元年閏八月署

雷揚廷

籍貫載前咸豐二年十月任

賴容瑛

咸豐五年二月回任

鄭榮增

安徽甯國府旌德縣人從九咸豐七年十月任

鄭慶魁

順天府寶坻縣人監生成豐八年九月署

何元淳

順天府大興縣人監生成豐十年四月署

吳敬業

順天府涿州人俊秀咸豐十年十一月署

劉廷棟

江蘇蘇州府長洲縣人監生同治元年四月署

劉大鵬

四川成都府華陽縣人監生同治二年九月署

陳錫章

順天府大興縣人監生同治三年正月署



徐金涵

順天府大興縣人議敘同治三年十二月署

吳耀焜

浙江湖州府歸安縣監生同治五年三月署

易嘉猷

河南光州直隸州光山縣人俊秀同治六年六月署

張 瑗

雲南大理府太和縣人俊秀同治七年十月任

董存果

江蘇江甯府上元縣人監生同治十年五月署

陳蘭孫

浙江紹興府山陰縣人俊秀同治十一年七月任

薛華堯

四川敘州府宜賓縣人監生同治十二年十一月署

姚世榮

湖北荆門直隸州人監生光緒元年六月署

周 霽

順天府大興縣人監生光緒二年八月署

陳蘭孫

浙江紹興府山陰縣俊秀光緒三年七月回任

增修仁懷廳志

卷之三 職官

五

王道毓

湖南甯鄉縣人俊秀光緒二十一年正月署

方澤豐

字有年廣西柳州府監生光緒二十三年二月任

顧民膏

字澤堂四川巴縣生員光緒二十四年七月任

武職

順治中川南地方初開文武將吏尚未全設而涪州李騰龍麻城彭政泰相繼爲仁懷路遊擊碑碣今存楊拱舊志載袁尚黃撰驛鎮參將楊名卿德政碑言康熙庚申年名卿任參府蓋其攝篆也詢之行伍中均稱雍正十年始設都司其前本守備也

仁懷城守營參將

楊名卿 康熙十九年在蒞營五年著有德政

仁懷營守備

翟起鳳 陝西人康熙三十二年任

增修仁懷廳志

卷之三

職官

三

蘇祈伏

劉

葛文炯

山東人癸巳武解元庚辰武進士康熙四十三

陳有文

康熙五十六年署

盛九功

陝西甯夏人由軍功陞守備康熙五十七年任

賈

濬 雍正六年署

仁懷營都司

盛九功

由本營守備陞雍正十年在任病故

戴 虎

四川人雍正十年署

王國寶

山西人雍正十三年在任病故

祈生祿

雍正十三年署

趙修

陝西人乾隆三年任

李夢梅

乾隆九年署

柳俊明

陝西人乾隆十一年任

王倬

署黃平州人己酉武舉庚戌武進士乾隆十二年

哈懷德

乾隆十三年署

郭治安

乾隆十四年在任病故

陳有德

大定府平遠州人行伍乾隆十四年署

劉恪

乾隆十六年署

楊國棟

乾隆十九年任

增修仁懷廳志

卷之三

職官

四

張文藻

湖南人乾隆二十年署

吳國寶

直隸遷安縣人乾隆二十一年任

何永泰

乾隆二十四年任

劉昌

乾隆二十七年任

賴揚直

乾隆三十年署

祁伏

乾隆三十一年署

蔡鵬

乾隆三十一年任

馬化龍

浙江人行伍乾隆四十二年七月任

紀鍾

直隸人武進士侍衛乾隆四十八年三月任

李克讓

乾隆五十三年署

周興國

湖北人武舉拔補把總乾隆五十四年三月任

周長安

正黃旗兼襲一等輕車都尉嘉慶六年八月任

邵桂林

直隸人行伍嘉慶八年以遵義右營守備署

劉廷桂

薛桂

甘肅人榆林縣行伍於嘉慶九年四月任十一年在任病故

馬羈

陝西人武進士

吳魁

浙江甯波府人行伍嘉慶十二年十月任

陳元龍

行伍嘉慶十六年四月以遵義府右營守備署

張誠

馬獻圖

嘉慶二十二年由提標右營守備署

增修仁懷廳志

卷之三

職官

四

吳仕洪

湖南人行伍嘉慶二十四年二月任

劉功成

江西人武進士道光二年十月任

李萬忱

直隸阜城人武進士道光六年署

賈芳

甘肅人行伍道光九年九月任

王寶田

直隸宣化縣人行伍道光十年十一月任

蕭鳳翔

湖南武陵人行伍道光十二年六月任

保之歡

興義府人行伍道光十三年十一月任

李萬忱

道光十四年九月署

王世臣

安順府人世襲雲騎尉道光十六年八月署

張應科

河南人世襲雲騎尉道光十七年十二月任

劉振彪 山東人武進士道光十八年十月署

彭壽 字仁山正白旗漢軍兼襲一等輕車都尉三等侍衛什長公中佐領道光十九年七月任

彭長春 字乙山湖南湘陰縣人由武生授提標左營守備出師仁懷縣溫水道光二十年十二月署

達冲阿 旗人道光二十五年任

李上達 安順府普定縣人係威甯鎮左營中軍守備於道光二十八年署

湯蘭亭 河南商川縣人實缺道光二十九年到任咸豐元年交卸

陳晰 山東益都縣人係遵義協右營守備

達天培 字皋翔貴州古州人威甯鎮右營守備署咸豐三年到任候陞松桃協盤右營遊擊

景玉春 字作齋貴州貴定縣人實缺同治四年署後陞下江營遊擊羅斛營參將

張永隆 貴州貴定縣人實缺同治二年四月任八月交卸

增修仁懷廳志 卷之三 職官

吳

馬鈞 貴州安南人係平越營右哨千總署同治二年八月任

梅金魁 湖北黃縣人實缺同治七年八月任候陞江協右營定旦遊擊字春林

何其仁 字希顏貴州安順府永甯州人實缺同治十年四月任

陳鳳岡 貴州貴陽府人平遠協中軍光緒二年七月任

協和 字中之山東青州駐防鑲黃旗滿州保清佐領下人辛未武進士殿試三甲第七名侍衛選補光緒三年十月任後陞

楊國順 字雨安湖南鳳凰直隸廳人晉黔儘先協鎮於光緒十四年六月任

李鴻文 字斐然貴州安順府人係晉黔卽補副將光緒十五年六月署

王福才 字佐卿湖南靖州直隸廳人係晉黔卽補參將光緒十六年十二月任 奏補准平越遊擊

莊朝俊 字雲亭江蘇鎮江府金壇縣人寄籍湖南寶慶府邵陽縣係冊亨營都司實缺在任後陞遊擊

光緒十七年九月二十日在培修馬王廟

向開山

字立堂四川崇慶州人癸未科武進士由待衛選授石阡營都司光緒二十三年四月署

千總

雷承業

羅世祿

崔溶

湖廣人仁懷籍

郭捷

陝西人仁懷籍

張士魁

張啟祥

鄭文翰

增修仁懷廳志

卷之三

職官

四九

張達

以上八員俱康熙年間任

李元

雍正年間任

王正位

雍正年間任

李廷柱

平越州人行伍乾隆五十年八月到營

曾之義

遵義府人行伍乾隆五十四年三月到營

楊國勳

遵義府人行伍乾隆五十六年四月到營

喻維明

遵義武舉

劉國定

鎮遠府人行伍嘉慶六年六月到營

張鵬

遵義府人行伍嘉慶二十二年九月到營

周鳳翎

大定府人武舉嘉慶二十三年三月到營

張鳳翰

貴陽府人武生道光三年四月到營

母占元

遵義人行伍道光十八年八月到營

熊起發

廩生

牟貴

遵義人行伍道光十四年三月到營

袁金恒

遵義人行伍

譚先颺

即岱廳人武舉道光二十一年五月任

歷任中軍右哨千總

王清明

實缺後病故

何大鑑

貴州貴陽府人係貴陽營世職告降考拔千總道光二十九年十二月任

增修仁懷廳志

卷之三

職官

三

鄭占鰲

咸豐十年五月署

關申

貴州遵義縣人溫水千總咸豐十一年十一月到任

汪應貴

貴州遵義縣人同治十二年十二月十六日交印

馬朝雲

貴州遵義縣人實缺光緒六年八月初一日接印

鄧郁章

貴州遵義縣人丙子科武舉光緒七年十月初一日署

趙廷瑞

貴州貴陽府人實缺光緒十年署

劉月鏢

貴州遵義縣人光緒十四年五月任

趙廷瑞

光緒十五年復任

分防猿猴汛左司把總

武孟朝

石再奮

姜熾曾 山東人仁懷籍

房首昆

何奉林

余洪

李永茂

王品爵 四川人

以上八員俱康熙年間任

張霖 四川人

陳名遠 卽楊瓊

增修仁懷廳志 卷之三 職官

十一

胡雄

張叟德

許方華

以上五員俱雍正年間任

鄭文翰 仁懷人

郭侯 貴陽人

陳善述 四川成都人已酉武舉

以上三員俱乾隆初任

藍中玉 乾隆三十四年任

陳志仁 遵義人行伍嘉慶二年五月到營



胡文德

遵義人行伍嘉慶二十二年九月到營

袁金恒

遵義人行伍道光五年五月到營

謝君實

安順人武舉道光十年七月到營

張順

遵義人行伍道光十二年二月到營

李忠

仁懷廳人行伍道光十六年九月到營

詹紹祥

貴州遵義縣人係遵義馬兵六品軍功考拔於道光二十二年十月任

唐見龍

貴州遵義縣人係遵義右營馬兵考拔道光三十年十月任

何大鑑

貴州遵義縣人

向文舉

本城人

周廷楨

增修仁懷廳志

卷之三

職官

三

艾定國

貴州遵義縣人係右營馬兵考拔咸豐九年任

趙富國

貴州仁懷廳人係本營馬占兵拔同治八年任

李登瀛

貴州仁懷廳人同治九年署

楊先春

四川嘉定府洪雅縣人係威甯把總調補同治十年到任

金鎮山

署

賴邦滢

署

鄔國英

署

金福申

署

吳國樞

貴州安順府人光緒七年閏七月署

李坤元

光緒十年六月署

楊旗良

貴州貴陽府人

光緒十年拔補到任後因事革職

吳開鵬

貴州安順府人光緒二十年十月拔補到任

分防新縣汛右司把總

張耀德

王倅

陳有文

以上三員俱康熙年間任

李永茂

遵義人雍正年間任

徐繼霄

房育昆

增修仁懷廳志

卷之三 職官

楊鑑

遵義人

張達

王正位

以上六員俱乾隆年間任

許國材

乾隆三十四年任

陳思文

遵義人行伍乾隆五十八年二月到營

余廷桂

遵義人行伍嘉慶十年八月到營

薛經

貴陽府人行伍嘉慶二十年四月到營

梁正榜

遵義人行伍道光四年八月到營

陳萬鑑

平越州餘慶縣人武舉道光十一年三月到營

俞文燾 鎮遠府武舉道光十一年四月到營

王明安 貴州遵義府人係右營額外考拔道光二十三年十二月到任

鄧元章 貴州遵義縣人咸豐五年正月署

鄭占鰲 貴州普定縣人係右營馬占兵拔咸豐六年任

張遇恩 貴州遵義縣人係遵義世職委署

鄧元章 咸豐十一年五月復任

艾定國 同治元年六月任

吳文海 同治三年九月到任

劉玉書 同治四年四月署

汪應貴 同治五年四月署

增修仁懷廳志 卷之三 職官

三

何桂三 同治六年署

趙富邦 同治六年四月到任

楊占彪 貴州貴筑縣人撫標右營軍功考拔同治十一年任

黃炳琳 貴州遵義縣人光緒二年三月署

金福申 光緒三年署

陳紹先 光緒三年署

郝錫光 光緒四年到任

蘇發榮 貴州安順府人係由行伍提標右營馬占兵考拔光緒六年十二月任

分防溫水添設干總

母占元 遵義縣人行任道光二十年七月到營

張永春

貴州貴陽府人係撫標左營世職告降考拔於道光二十九年閏四月到任

關申

貴州遵義人係遵義左營馬占兵入武學拔右哨千總

張永春

仍調補咸豐十一年十月任後陞補永安協守備

鄭占鰲

同治七年十二月署

賴振邦

四川重慶府綦江縣人同治十三年二月署

陳耀文

貴州遵義縣人同治九年二月署

楊宗榮

貴州遵義縣人光緒二年十一月署

張志孝

署

張盛秀

湖南鳳凰直隸廳人光緒八年任後二十一年故於斯缺

馬鳳山

貴州遵義縣人光緒十四年五月任

增修仁懷廳志

卷之三

職官

三

李登榮

光緒二十一年署

顏先友

貴州安順府清鎮縣人貴陽城守營世職告降千總光緒二十一年十一月十二日拔補到任

鐵匠坝汛外委

牟春貴

貴州遵義縣人道光二十八年四月任

李秉臯

貴州遵義縣人咸豐元年十月調補

任天培

貴州遵義縣人

趙富邦

貴州仁懷直隸廳人同治元年考拔

李登榮

貴州仁懷直隸廳人

商志明

貴州仁懷直隸廳人

選舉

進士

康熙五十一年壬辰王世琛榜

鄭之僑

字惠人會試中式一百十名翰林院庶吉士散館授檢討

道光丙申年林鴻年榜

謝本嵩

會試中式一百十五名官廣西北流縣知縣

舉人

康熙二十六年丙子科

袁斯恭

仁懷人撥入遵義學故遵義志亦載入中式四川四十六名官江蘇儀徵縣知縣斯一作思

康熙二十八年己卯科

增修仁懷廳志

卷之三

選舉

三

卞貞

康熙五十年辛卯科

鄭之僑

中式第七名

王屏

中式第四十五名官河南安陽縣知縣

康熙五十二年癸巳 恩科

傅之奕

舊志誤作協字嗣期桐梓縣生員遷至仁懷土城居住於是年中舉

康熙五十八年丁卯科

楊廷琚

中式第九名官永豐州學正

雍正四年丙午科

張衡

以上隸四川至五年改隸貴州

乾隆三十九年甲午科

袁術誠

河西里人與敘永廳交界入敘永學是年中四川舉人官雲南嶧峨縣知縣

乾隆四十五年庚子科

傅師瞿

中式第三十二名官直隸定興縣知縣

道光十二年壬辰

恩科

謝本嵩

中式第二十九名

道光十九年己亥

恩科

劉照藜

中式第二十三名更名翼擢官廣東南雄州州

咸豐五年乙卯停科至

增修仁懷廳志

卷之三

選舉

三

同治六年丁卯帶補乙卯戊午兩科

王椿

中式三十五名原名璩提舉銜官四川通判署金堂縣知縣

李蔭衡

中式第四十二名官內閣中書

同治己巳年補行己未辛酉壬戌三科

李鳳翰

中式官四川通判署敘永直隸廳同知

光緒乙酉科

聶廣澤

中式第三十二名分發湖北知縣

光緒戊子科

王良鼎

中式第十八名 會典館漢謄錄議敘知縣

光緒己丑

恩科

明翰廷 中式第二十五名更名翰藻揀選知縣

光緒辛卯科

明翰朝 中式第四十名更名翰荃揀選知縣

光緒癸巳 恩科

段世模 中式第四十二名揀選知縣

光緒甲午科

王家槐 中式第二十五名

光緒丁酉科

蕭汝霖 中式第四十八名

按貴州鄉試原額四十名貴州巡撫林具奏奉 旨

增修仁懷廳志

卷之三

選舉

三

長額十名共五十名自光緒壬午科始

恩貢考按

大清會典凡恩貢准直省儒學一名本年正貢改恩貢次  
貢作歲貢其不值正貢之學次貢作恩貢再次貢作歲

貢生

恩貢

國初無攷

陳澤益 乾隆四十五年

傅思尹 乾隆五十年

張仕重 嘉慶元年

羅子范 嘉慶四年官貴筑縣教諭

袁步蟾 嘉慶十四年

張榮先 嘉慶二十四年

黃紹賢 嘉慶二十五年

趙文志 道光元年

周國敏 道光十五年

范宗文 道光二十五年

羅恩泰 道光三十年

先光燿 咸豐三年

陳宅宜 咸豐五年

增修仁懷廳志 卷之三 選舉

袁履謙 咸豐九年

王志純 咸豐十年

李開先 同治元年

袁敦 同治四年

李楸蘅 同治十一年

楊統忠 光緒元年官四川峩眉縣典史

黃向離 光緒八年註冊候選教諭

陳煥章 光緒十五年

袁鳳山 光緒十六年註冊候選直隸州州判

拔貢攷按



大清會典順治元年定府州縣學廩生赴提督學道考試  
選府學二名縣學一名又議歸順地方正額外加一名  
考經書策論慎選充貢雍正七年

上諭嗣後六年選拔一次乾隆七年

上諭嗣後十二年選拔一次

拔貢

明科分無攷

王志賢

吳士奇 官雲南羅次縣知

康熙二十五年

增修仁懷廳志 卷之三

陳我聖 官慶符縣教諭

雍正元年

余 璿 通志作金睿官永從縣訓導

雍正六年己酉科

明 智 官施屏縣訓導

雍正九年移仁懷縣於亭子埧以遵義通判分駐舊城中  
間四十四年案歸仁懷縣無可攷

劉文輔 乾隆四十九年丁酉科

黃超之 乾隆五十四年己酉科

楊步臬 嘉慶六年辛酉科

謝一樑 嘉慶十八年癸酉科候選直隸州州判

李 諭 道光五年乙酉科官雲南五禮州州判

范光廷 道光十七年丁酉科

張廷奎 道光二十九年己酉科朝考一等選襄安縣教諭保陞四川丹稜縣知縣

謝本麟 咸豐十一年辛酉科官四川汶川縣知縣

王良權 同治十二年癸酉科

苟明璋 光緒十一年乙酉科

梁宗琛 光緒二十三年丁酉科候選直隸州州判

副貢考按

大清會典各省鄉試取中副榜陞入太學准作貢生

增修仁懷廳志 卷之三 選舉

空

副榜

明代無攷

庾正國 雍正乙卯科

周世德 乾隆辛酉科

傅 凱 乾隆壬申 恩科

王繁昌 乾隆壬子科選龍泉縣教諭

羅俊章 原名友松道光辛卯科

黎炳南 咸豐壬子科署平越州教諭

王良翰 同治丁卯補乙卯戊午兩科候選教諭

張書林 同治癸酉科署平越州訓導

趙永清 光緒乙亥 恩科

歲貢考按

大清會典順治四年定提學每歲將應貢生員考選貢者  
次年

延試康熙二十六年免試學臣考准咨部補訓導

歲貢

明代

王命賢

洪綱 官永川教諭

吳振舉

增修仁懷廳志

卷之二 選舉

十一

國朝

楊拱 康熙四十年

李之觀

楊沛

陶萬里

吳如梓

李昌楨

王侯

崔維禮

陳惺 官四川西充縣訓導

袁道明

鄭之揮

傅同形

袁 燾

乾隆四十八年補威甯州訓導

李 柏

乾隆五十六年官松桃廳訓導

楊逢泰

乾隆六十年

袁通儒

嘉慶四年

曾耀祖

嘉慶八年

馬步瀛

嘉慶十二年

趙鵬程

嘉慶十六年

增修仁懷廳志

卷之三

三

鄭紹遠

嘉慶二十四年

曾學周

道光三年

嚴光顯

道光七年

張德中

道光十一年

王 璨

道光十六年

鄭奇珍

道光十八年

袁履和

道光二十三年

張聲洪

道光二十七年

許廷杰

咸豐元年

顏孔步

咸豐六年

謝維翰 咸豐十年

袁敏 同治二年

袁瑞光 同治十年

謝龍章 同治十三年

徐仕珍 光緒元年

先桂祿 光緒四年

董賢猷 光緒六年

王紹澤 光緒九年

蕭崇德 光緒十三年

官玉森 光緒十七年

增修仁懷廳志 卷之三 選舉

蕭玉蘭 光緒二十年

袁允煌 光緒二十四年

大清會典雍正五年奉

優貢考按

論各學政黜劣舉優係其專責嗣後三任滿大省舉優生  
四五人小省二三人送部考試酌量擢用嗣於乾隆五  
年議准優生核選擇其文理優通者舉優

優貢

鄭錫福 乾隆三十二年官永甯州訓導

王培森 同治六年註册候選訓導

武舉

王維藩 康熙己酉科

張祚 康熙乙酉科

梁聖彥 康熙辛卯科

李斯達 康熙癸巳科

楊天運 康熙甲午科

王世勳 康熙丁酉科

李時榮 康熙辛酉科

袁大坤 嘉慶丁卯科

穆雲魁 道光庚子科

陳玉陞 道光庚子科

增修仁懷廳志

卷之三

選舉

三

王飛鵬 光緒元年乙亥 恩科

唐澤培 光緒丙子科

傅言魁 光緒乙酉科

徵辟

聶朝魁 附生首里人道光元年保舉孝廉方正  
欽賜六品頂戴

黃秉鈞 附生土里人咸豐元年保舉孝廉方正  
欽賜六品頂戴

廩貢

周之楨 字清原候補訓導歷署安順思南石阡教授

許廷椿 字秋厓補平遠州訓導

范光甫 候選訓導

謝本崑

字蘊堂候選訓導

謝本崙

字竹崖三品銜官雲南甯州雲龍州羅平潞南

例貢余道醇

王天值

蘇國茂

李逢春

羅九如

王榮椿

范帝賓

羅昭桂

增修仁懷廳志

卷之三

選舉

三十六

官國英

許光遠

温安宅

謝本崙

王述型

同治九年加捐誥封

黃廷杰

由附生援例

王紹烈

戴文連

龔秉權

由附生援例

羅崇相

仕籍

鄭之僑

康熙壬辰科進士翰林院檢討

袁斯恭

康熙丙子科舉人江蘇儀徵縣知縣

王屏

康熙辛卯科舉人河南安陽縣知縣

楊廷琚

康熙丁酉科舉人永豐州學正

陳惺

歲貢四川西充縣學訓導

余睿

選貢永從縣學訓導

明智

拔貢施秉縣學教諭

張必琳

字璞菴附生浙江候補同知署紹興府海防同知

傅師瞿

乾隆庚子科舉人直隸定興縣知縣

增修仁懷廳志

卷之三 生請

二十七

王繁昌

乾隆壬子科副貢龍泉縣學教諭

袁端

歲貢官永甯州訓導

李柏

歲貢官松桃廳訓導

鄭錫福

優貢官永甯州訓導

羅于范

恩貢貴築縣學教諭

李諭

道光乙酉拔貢雲南五疇直隸州州判

段星燦

號斗亭增貢生江蘇候補同知署常州分府兼理江陰縣

張大昌

字子蕃附生雲南陸涼州知州

周之楨

字青園廩貢候選訓導歷任安順思南石阡府教授

許廷椿

廩貢補授平遠州訓導



謝本嵩

道光丙申進士官廣西北流縣知縣

熊書麟

河南候補縣丞陞知州

余文顯

附生浙江布政司經歷

余文達

雲南潞南州吏目

劉照藜

更名翼墀舉人廣東南雄州州同

張廷奎

字春林拔貢官四川丹稜縣知縣

張益登

字春丞監生署四川嘉定府經歷保陞知縣

王椿

字玉熙舉人提舉銜候補通判署四川金堂縣

李鳳翰

字梧岡舉人候補通判署四川敘永廳同知

謝本嶙

拔貢候補知縣署四川汶川江安縣知縣

增修仁懷廳志

卷之三

仕籍

六

謝本崙

廩貢三品銜署雲南甯川雲龍羅平潞南州知

黎炳南

副榜候選教諭署平越訓導

張書林

副榜候選教諭署平越訓導

聶廣澤

舉人湖北候補知縣

楊統忠

恩貢署四川峨眉縣典史

劉漢章

官株陵縣分司

張景萱

陝西候補知府前署佛坪廳同知

張鴻績

陝西西安清軍同知調補佛坪廳同知軍功保

張永緒

舉監運使銜陞用知府賞戴花翎

周墜璽

湖北宜城縣田家集巡檢

花翎同知銜雲南候補知縣署鎮沅直隸同知

武職

羅乾象

崇正中封衛遠侯驃騎將軍仁合路總兵

馬應試

四川遊擊

羅于華

乾象子世襲封仁合路總兵

國朝

楊天運

康熙甲午科武舉廣西柳州營遊擊

龐文舉

由行伍官湖北武昌營參將

姜熾曾

由行伍官靖州營副將

曾茂

官川北守備

崔溶

仁懷營千總

增修仁懷廳志

卷之三

仕籍

苑

雷承業

仁懷營千總

黃天章

遵義營千總

李秀林

節洞營千總

武孟朝

仁懷營千總

鄭文翰

仁懷營把總

藍中玉

猿猴汛把總

李忠

猿猴鎮把總

許國材

仁懷營把總

陳澍

遵義右營把總

何紀修

土里人 賞戴花翎署平遠都司

李登榮

實任鐵匠堤外委

武官職銜

周禮秀

帶練有功 賞五品軍功保舉把總

陳義元

武生候選守備

張振廷

候選千總

熊國柱

候選千總

蔡振聲

堵賊出力 賞五品軍功

陶世瑩

保舉京制外委現年八十歲

周自京

保舉藍翎儘先把總

周萬鍾

保舉藍翎京制外委

增修仁懷廳志

卷之三

仕籍

三

官銜

張大晟

附生候選詹事主簿

張炳南

字弁橋戶部湖廣司員外郎

張瑄

三品銜候選郎中 賞戴花翎

謝一樑

嘉慶癸酉拔貢候選直隸州州判

張坦

藍翎候選同知

張誌源

字春谷候選郎中

段星煥

候選州同

賈紹賢

候選州同

王璨

歲貢候選訓導

增修仁懷廳志

卷之三

官銜

三

馬拔羣

浙江候補縣丞

王言

附生候選翰林院待詔

曾世第

候選布政司理問

王恩

候選州同

王文星

候選同知

王良翰

副榜候選直隸州州判

張廷堦

增生同知銜候選知縣 賞戴花翎

張廷筠

附生候選同知

張方圻

候選道 賞戴花翎

王良權

拔貢候選直隸州州判

王培森 優貢 候選訓導

張建烈 四川 候補知州

張涵清 四川 候補按察司經歷

張樹勳 四川 候補未入流

黃兆麟 四川 候補縣丞

黎國勳 候補州同

周百齡 候選按照廳花翎同知銜

張瑞鏞 同知銜 候補知縣 賞戴花翎

張毓麟 附生 候選同知 賞戴花翎

張祥鑄 候選同知

張祥鑄 候選同知

增修仁懷廳志 卷之三 官銜

王理 候選府經歷六品銜 賞戴藍翎

謝本嶽 候選翰林院孔目

王德馨 候選翰林院孔目

劉煥章 候選藩經歷

羅文澗 候選藩經歷

王琮杰 候選未入流

王大佐 候選州同

王登廷 候選同知

王興岱 候選縣丞

曹明國 候選州同

曹明國 候選州同

陳恩錫

候選州同

羅光祖

土里附生候選訓導

羅學超

候選同知

羅天錫

候選同知

羅天煦

候選翰林院孔目

周相朝

候選吏目

增修仁懷廳志

卷之三

官衙

七

增修仁懷廳志卷之四

政績

王重光字廷宣山東新城人進士歷官貴州布政使左參議分守貴甯安平三年多惠政嘉靖三十六年建三殿勅工部右侍郎劉伯躍開府江陵總督湖廣川貴採辦大木以憂去擢李憲卿爲左副都御史代其任使者相望於道憲卿自趨涪州上瀘敘督之重光以採木入赤水猴洞時永甯宣撫司所部有羿蠻凡四十八寨其地曰落洪通四川九絲常侵掠貴州永甯赤水諸衛歲甲寅蠻杜皮以私忿殺其賊張狗兒合黑白兩種蠻三萬寇塞當路焚蘆舍

增修仁懷廳志

卷之四

政績

一

繫累男女不時贖轍刳殺之貴州當採木木產諸苗以羿蠻故方命憲臣莫知計所出貴州巡撫高翀檄重光便宜行事重光集薦紳耆老博士弟子詢蠻所由叛與其道里險平種落強弱曰吾知所以辦此矣苗非敢叛殺其酋長懼誅耳今將盡殲之必徵師數十萬餉金稱是且非累歲月不可其如民何蠻旣負固必謂我集兵而後敢入狃不設備時乎時乎間不容髮故師宜神速也彼所與非我族類迫而散走亡命藏匿我兵深入大索將奈何故蹊遂宜杜也乃廣間諜謹斥堠趣收保而部署諸材官有膂力心計者得指揮使邱東陽以兵三百人守水落古隘路指揮

桑珪以兵三百人守得要隘指揮使以五百人入石圍坪重光身率部下敢死士千人以千戶袁儲林成棟分領之曰不入虎穴安得虎子爲師期一宿至落洪不如約者有常刑昏乃戒令秣馬食士將吏以重光素未習兵固阻重光斬其馬以誓夜乃令腹兵環甲縛馬舌出火炬旣薄巢窟蠻寂無知者重光乃周麾而呼鳴鉦鼓士誼譁距踴屋瓦皆震聲動天地灌脂束葦蕪之燭耀薰灼蠻皆愕失色奔竄邱東陽等禽一一潰圍者立磔蠻大哭蠻酋肉袒伏斧鑕詣吏請死重光面數之曰何以謝吾死亡者則取首

增修仁懷廳志

卷之四 政績

二

以蠻俗十偵一何以明不叛則棄其鎧弩散髮獻體無持尺寸兵何以明文要則棄箭牌插三物血乃釋首縛于杖衆羅拜泣重光始貰之衆復羅拜重光爲更約束易置軍吏而退巡撫上功請加爵留採木世宗獎勞之俟工峻子殊擢重光益感憤度峽口大落包霧露溝卽土人所不到無不至山則綴釘履水則乘一木渡時王張兩指揮相繼卒重光跋涉自如客諷重光何自苦曰天子朝會無所臣安得有家諸蠻爭以異材效重光願絕壁萬仞下臨不測之淵巨石衡其中人力莫施齋沐露處爲祝嘏祠三章以告神忽大水萬壑鼎沸木隨漲一息踰數舍衆驚爲神助



重光廢飲食衝瘴癘疾作遂卒贈太僕少卿今廳西太平渡有落洪口界碑黔蜀接壤處也古蘭河逕落洪入赤水  
有深潭傳前朝曾沈大木於其中云

李化龍字于田直隸長垣人萬曆二年進士除嵩縣知縣  
歷官遼東巡撫邊塞警服請開木市於義州尋以病去二  
十七年播州宣慰使楊應龍反神宗命卽家拜化龍總督  
川湖貴州軍務以是年六月十日自京兼程赴成都十二  
月移鎮重慶討應龍應龍性猜狠嗜殺數從徵調恃功驕  
蹇知川兵脆弱陰有據蜀志聞出掠州縣嬖小妻田鵬鳳  
讒殺妻張氏屠其家用誅罰立威所屬五司七姓不堪其

增修仁懷廳志

卷之四

政績

三

虐走貴州告變巡撫葉夢熊請發兵剿之而四川撫按並  
主撫朝議命勘逮應龍繫重慶獄免將兵征倭自毅得脫  
歸復逮不出四川撫巡王繼先分兵三道進討覆於白石  
口應龍諉罪諸苗罷繼先以邪玠爲總督值東西用兵勢  
未能窮治應龍益橫所居僭飾龍鳳會部人稱其子胡棟  
爲後主益結生苗歲出侵掠先後刼草塘餘慶二司及江  
津南川合江襲破偏橋殺都司楊國柱指揮李廷棟於飛  
練堡乘師未集犯碁江屠碁江殲參將房嘉寵遊擊張良  
賢爲軍師孫時泰請直取重慶搗成都刼蜀王爲質而應  
龍遷廷聲言爭地界冀曲赦如曩時化龍亦以計殺之徵

漢土兵二十餘萬分蜀黔楚兵爲八路路三萬人官兵三  
之士司七之二十八年正月十有五日化龍率入路官兵  
大會於重慶較場奉賜劔登場爲文誓師其略曰逆賊楊  
應龍梟獍爲心蛇蝎成性藐國法如兒戲刈民命若草菅  
以疑似殺妻而並害其家以殘害殃民而盡絕其世同知  
本係官寮斬殺俾無遺種五司原同手足剿滅盡作荒邱  
初但肆惡於一州繼乃流毒於三省白石口民戶三千積  
骸遍野飛練堡官兵二萬流血成淵綦江一路百里無烟  
東坡再焚三春如赭最可恨者對夫以淫其妻對父而姦  
其女尤可駭者吃乳斷嬰兒之首燒蛇入孕婦之陰跡其

增修仁懷廳志

卷之四

政績

四

數載殺人已盈千萬擬以五刑議辟統備三千大逆無道  
天地不容亂臣賊子神人共憤云云諸將士聞之無不感  
動願爲盡力以二月十有二日進兵川兵四路總兵劉綎  
從綦江入以參將麻鎮等隸參政張文輝監之總兵吳廣  
從合江入以參將徐世盛等隸參議劉一相監之副將曹  
希彬受廣節制從永甯入以參將吳文傑永甯女士官奢  
世績隸副使史旌賢監之總兵馬孔英從南川入以參將  
周國柱宣撫冉馭龍等隸僉事徐仲佳監之黔兵三路總  
兵童元鎮統鎮雄土知府隴澄泗城土知府岑紹勳等由  
烏江參將朱鶴齡受元鎮節制統水西宣慰安疆臣等由

沙溪總兵李應祥統永順宣慰彭元璠等由興隆入按察使楊寅秋參議張存意監之楚兵一路由偏橋分兩翼總兵陳璘統宣慰彭養正等由白泥副總兵陳良珙受璘節制統宣撫覃宣由龍泉副使胡桂芳參議鮑養蒙監之貴州巡撫郭子章駐貴州湖廣巡撫支可大移沅州又擢江鐸爲偏沅巡撫皆受成於化龍而自將中軍策應化龍以婁山關爲賊門戶最險要關外賊不可勝誅且戰且招降關內宜疾戰師不可老海龍圍賊以爲天險必據圍以緩須臾之死然必諸軍積圍下乃可擒也婁山崖門桑木諸關賊方擁悍苗以死守非有先入關者無以速成功偏橋

增修仁懷廳志

卷之四 政績

五

江內外九股苗盤據糾結乎其間不掃四牌卽未易窺三渡無由抵賊巢貴州地近而兵少餉乏夷性反覆靡常且水西與應龍爲婚媾必操縱在我始足以褫其魄而奪之氣因論綖及廣等檄應祥及璘等奉約束惟謹綖之征播也聞命逗留多設難要朝廷言官交劾議調綖南京右府僉書綖辭任化龍以平播非綖不可固留之力薦於朝委以專制人或疑其故與應龍昵則延入卧內輸心腹且以危言激之引其父顯九絲功爲比綖大慟誓死報二月十四日綖攻楠木山羊簡台三峒破之擒其將穆照應龍憚綖威名意首挫其鋒悉精銳付其子朝棟曰爾破綦江馳

南川盡焚積聚餘無能爲也及破九盤隘播人益胆落應龍頓足歎曰吾不用時泰計今死矣三月二十九日綆破婁山關會孔英扼海龍圍而壘南川道險且遠去圍可六七百里當孔英之未至也重慶推官高折枝請獨當一面身先參將周國柱等敗賊於官垠入真州時諸將欲候各踏消息方入關折枝曰若是誰當先入者策馬而前衆隨其後以三月八日奪桑木關據之底關而孔英至化龍曰諸將皆折枝諸路皆南川滅賊不更當速耶檄催各路進兵廣出合江屯二郎垠進攻巖門殪其將郭通緒四月四日破巖門關合希彬軍力戰於水牛塘應龍父子相哭上

增修仁懷廳志

卷之四

政績

六

國應祥由興隆搗龍水圍抵箐岡俘賊首謝朝俸乘勢抵河畔而璘進軍龍溪擊四牌賊入苦菜關會烏江師敗應祥璘俱歛兵不進方元鎮之將渡烏江也羣賊議分兵守時泰曰兵分則力薄乘官軍未集先破其弱者餘自退矣應龍從之使播人誘官兵渡烏江元鎮督永順泗城鎮雄諸軍拔河渡關三月望賊先衝水西軍軍中驅象出戰象反走陣亂參將謝崇爵走明日應龍揣元鎮等必當深入令播人詭爲水西裝永順兵不疑賊掩殺三百人亦襲其裝趨烏江烏江軍中誤信爲水西永順兵內外合發遂爲賊所敗元鎮所部三萬人不存十一將校止崇爵等三人

貴陽遠近震動化龍用上方劍斬崇爵澄軍不與元鎮合  
獨全澄卽疆臣弟堯臣也有言水西佐賊者化龍檄澄邀  
賊歸路且詰疆臣疆臣執賊二十餘人以示不背澄拔苦  
竹關敗賊於大水田與疆臣合紹勳會指揮徐成兵敗賊  
於長箐萬丈井清潭峒擒賊將張守欽袁五尋朝議責烏  
江敗狀化龍下元鎮於獄令應祥并其軍應祥以守爲戰  
以招撫爲進用所得降人破黃灘關遂抵白田垠璘略湄  
潭攻下長坎瑪瑙保子三國良玘師亦來會殺傷無筭四  
月十三日璘破青蛇囤乃分兵克三渡關與諸君合當是  
時八路之兵俱集海龍囤下化龍慮川兵人自爲心檄按

增修仁懷廳志

卷之四

政績

七

察使張悌來視師糾合諸將巡按崔景榮亦嚴檄諸將急  
攻綖及廣等率兵攻鐵鑄關破之應龍勢蹙每路投降文  
緩我師化龍檄賊詭降卽斬使焚書無爲所給應龍詭令  
婦人於囤上拜表痛哭云應龍仰藥死田氏且降報吳廣  
廣信之已覘知田氏詐降狀化龍責戰益急五月十八日  
始築長圍化龍令諸將分日迭攻疆臣攻囤後多與賊通  
潛以火藥貽賊化龍檄疆臣退一舍移璘其處璘置鐵牌  
木柵賊不敢出會化龍聞父喪恐諸將解體跣足草檄益  
治軍時天苦雨軍士日馳泥淖中六月四日天忽霽五日  
諸將以囤前斗絕勁兵壁其間而并力攻囤後徐成奪據

鳳凰嘴賊奔土城縋等毀城而入賊進據月城因縋火焚其土城月城二樓應龍益迫散數千金募死士拒戰無應者六日夜四鼓璘銜枚上斬其守關者廣兵尋至應龍與二妾俱自縊廣等於烈火中收其尸獲其妾田氏子朝棟俘於京師自出師至滅賊百十有四日播州自唐乾符中入楊氏傳二十九世八百餘年而滅化龍議改土設流爲府二州一縣入衛一請於朝易府名爲遵義平越分隸黔蜀乞歸終制三十一年起總理河道奏開淤河由直河入泃河口抵夏鎮二百六十里避黃河吕梁之險敘平播功加少保蔭一子世錦衣指揮使遷兵部尚書加柱國少傅增修仁懷廳志

卷之四

政績

八

卒七十諡襄毅贈少師加增太師

郭子章字相奎一字清螺江西泰和縣人隆慶五年進士萬曆二十七年春播酋楊應龍不靖貴州巡撫江東之督兵剿之應龍拒命殺都司楊國柱等於飛練堡詔罷東之以子章代夏四月子章匹馬入黔黔所部兵不滿五千帑金稱是謀於巡按宋興祖請增兵益餉募兵守偏橋等要害十二處以遏寇衝與川湖貴州總督李化龍同心并力討應龍明年分烏江沙溪平越爲三路遣所部八萬餘人屬總兵童元鎮李應祥參將朱鶴齡統水西鎮雄泗城永順諸土軍以按察使司楊寅秋參議張存意監其軍以參

政郭廷良副使洪澄源充錫類參議梅國樸督餉兼紀功  
激勵將士軍政肅然黔去播不二百里水西與播世依唇  
齒時宣慰安疆臣曠不法科臣有言其逆節漸萌者詔不  
問許討賊圖功疆臣奏稱播警方殷臣心未白朝廷復優  
詔報之未有以發難也無何元鎮帥抵烏江爲應龍所敗  
而疆臣弟隴澄軍不與元鎮合獨全於是軍中皆言水西  
佐賊子章責以大義忱以利害授機宜於寅秋令搗巢立  
效大水田一戰斷賊歸路播酋爲之奪氣應祥并三路兵  
破海龍圍出師纔百餘日而播州平初子章許疆臣以滅  
播後還播所侵水西烏江地六百里以酬功而水烟天旺

增修仁懷廳志

卷之四

政績

九

者本播州地也應龍祖以內難走水西客死疆臣祖萬銓  
挾之索是地聽還葬其地遂爲水西所據至是化龍分播  
州爲遵義平越二府分隸蜀黔以渭河中心爲界而命疆  
臣歸播侵地代化龍者爲王象乾主畫地而子章以爲侵  
地始於萬銓而非疆臣安氏迫取於楊相喪亂之時非擅  
取於應龍蕩平之日且已許其裂土今反奪其故地臣無  
面目以謝疆臣願乞臣去象乾疏言疆臣征播殲應龍子  
惟棟不寔冒功可知至佯敗棄陣送藥往來欺君助虐迹  
已昭然今還侵地不告旣往已屬國家寬大若因其挾而  
子之彼不爲恩我且示弱疆臣旣無功不與之地正所以

示撫臣之信宜留撫罷臣以爲重臣無能以蕞爾苗疇沓者之戒於是清疆之議累年不決言官抵象乾貪功起釁科臣復劾子章納賄縱奸子章求去益力象乾遂執疆臣所遣入京行賄之人與金以聞時四川巡按李時華貴陽人也諗其事遂上疏曰征播之役水西不惟假道且又助兵矧失之士司播固輸糧水亦納賦不宜以土地之故傷字小之仁地宜歸疆臣兵部尚書薦大亨主之竟從子章議未幾議鎮雄子章令隴澄復姓名安堯臣挈妻子還黔代兄爲宣慰而鎮雄還隴論者稱子章慮遠謀深功高事苦於所以處水西者見之矣平播後勦永從皮林苗獲吳增修仁懷廳志

卷之四 政績

十

國佐石纂太等斬首五百餘級討東西二路苗及水銀山苗盡平之撫黔垂十年正直仁恕經濟卓然著黔記六十卷陳情終養九上始得請晉秩兵部尚書世襲錦衣衛指揮同知

吳廣廣東人以武生從軍累著戰功歷官四川總兵萬曆二十八年討楊應龍川師四路碁江路屬劉綎南川路屬馬孔英廣出合江以參將徐世威等隸參議劉一相監之副將曹希彬受廣節制出永甯以參將吳文傑永甯女土官奢世續等隸參議史旌賢監之參政謝詔護永合軍事參議熊甯奇督餉永合與黔帥童元鎮李應祥楚帥陳璘



刻期進師廣以二月自重慶督兵從合江屯二郎埧大行  
招徠賊驍將郭通緒迎戰襲走之陶洪安村羅村三寨土  
官各出降他部來歸者數萬廣擇其壯者從軍通緒扼穿  
巖圍廣督士漢軍擊破之縱孔英已入播廣猶頓二郎埧  
化龍趨之乃議分四哨進攻崖門別遣奢世績等督夷兵  
二千挽桑木埡諸要害以防饜道連破數圍進營母豬塘  
應龍使通緒進發關外兵拒戰廣伏礮手五百於磨槍埡  
外南岡下而遣裨將趙應科挑戰埡兩山相夾中甚隘通  
緒橫槊衝應科應科佯退通緒追出埡遇伏急旋馬中礮  
墜方躍上他馬伏兵攢槊刺之殪賊潰奔廣追之賊盡降  
增修仁懷廳志

卷之四

攻廣

十一

遂薄巖門徑小止容一騎賊萬餘人出關迎戰希彬懸賞  
千金攀巖競進追至第四關關上男女盡哭賊黨自殺其  
魁羅進恩率衆降其第一關猶拒不下廣乘夜疾進奪其  
關關內民爭獻牛酒廣合希兵軍連戰一碗水土崖分水  
關皆捷進營水牛塘距海龍圍纔數十里時蜀兵入關去  
圍尚遠黔楚兵在關外絕不相聞應龍知廣孤軍深入謀  
欲襲之乃遣人詐降廣測其詐堅壁待應龍擁衆直衝廣  
營廣殊死戰會縱孔英軍賊始遁廣遂據主圓山山倚海  
龍圍高圍數十仞應龍所恃爲左右望者部苗衆萬餘列  
柵堅守廣督希彬等奪以勁兵綦南二路各發兵三千助

之據此山之上俯視國中樵沒斷絕蜀兵四路併攻連破  
養馬養雞諸城海門龍鳳諸關應龍不敢復格闢灑淚幸  
妻子夜上圍以鐵鑄關爲守廣合諸將攻鐵鑄關破之賊  
見勢急詭令婦人於圍上拜表痛哭云田氏且降詐爲應  
龍仰藥死報廣廣遠信之緩攻已覘知田氏詐降而所云  
應龍死乃蜀兵攻圍以火礮擊死之楊珠也化龍檄責廣  
充爲事官以懲其報酋死之誤廣畏罪攻益急六月六日  
璘夜四鼓啣枚從圍後登廣兵至應龍縊且自焚廣獲其  
子朝棟及妾田離鳳急覓屍出焰中廣中火毒失聲幾絕  
頃而蘇平播功縱爲最廣次之鎮四川踰年卒初廣之頓  
增修仁懷廳志

卷之四 政績

七

二郎坝也有言其受賄養寇者詔切責之後論功贈都督  
同知世蔭千戶王象乾字子廓山東新城人參議重光孫  
也隆慶辛未進士萬曆廿八年代李化龍爲總督時經理  
播州善後事宜議改土設流剏立郡縣繕城立學撫流移  
定田賦屢疏上聞區畫詳明並繪圖如式得旨報可播餘  
黨吳洪詭稱楊氏聚衆沙溪結水西爲亂設計討平之後  
遷少師兵部尚書今土城里有萬曆廿九年所立儒溪指  
揮袁起龍原管河西地方抵蘭州界碑奉象乾檄書立也  
朱燮元字懋和浙江山陰人萬曆二十年進士除大理評  
事遷四川右布政使司天啟元年就遷左將入覲會永甯

奢崇明反蜀王嬰燮元留治軍永甯古藺州地宣撫使崇周無子崇明以疎屬襲外恭內陰鷲子寅尤驍桀好亂時詔募川兵援遼崇明父子請行先遣士目樊龍樊虎詣重慶殺巡撫徐可求及參政孫好古總兵官黃守魁等據重慶反播州遺孽及諸亡命奸人蜂起附之全蜀震動賊黨符國禎襲陷遵義列城多不守崇明遂僭偽號設丞相以下官統所部及檄外蠻數萬分道趨成都陷新都內江盡據木梓龍泉諸隘口指揮周邦大降冉世洪雷安世瞿英戰死成都兵止二千餉又絀燮元急趨近道兵赴援斂二百里內粟入城偕巡按御史薛敷政右布政使周署按察增修仁懷廳志

卷之四 政績

三

使林宰等分陴守賊障革裹竹牌鉤梯附城壘土山上架蓬華伏弩射城中燮元用火器擊敗之又遣人洪都江堰水注濠賊治橋得少息因斬城中通賊者二百人賊失內應賊四面立望樓高與城齊燮元命死士突出擊斬三賊帥燔其樓旣而援兵漸集登萊副使楊述程以募兵至湖廣遂合安綿副使劉芬謙石砧女土官秦良玉軍敗賊牛頭鎮復新都他路援兵亦連勝賊亦益增日發塚擲枯骸忽自林中擁物如舟高丈許長五十丈樓數重牛革蔽左右置板一人披髮仗劍上載羽旗中數百人各執機弩毒矢旁翼兩雲樓曳以牛俯瞰城中城中人皆哭燮元曰此

呂公車也用巨木爲機關轉索發礮飛千鈞石擊之又以大礮擊牛牛返走敗去有儒生陷賊中遣使言賊將羅乾象欲反正燮元呼飲戍樓中與同卧乾象誓死報復總而出乃遣部將詐降誘崇明至城下伏起崇明跳免會諸道援軍至賊謀退兵燮元投木牌數百流錦江而下乾象因自內縱火崇明父子遁走瀘州乾象遂以衆來歸城圍百二日而解初熹宗聞重慶燮元擢燮元巡撫四川以楊愈懋爲總兵而擢河南巡撫張我續總督四川貴州雲南湖廣軍未至而成都圍解官軍乘勢復州縣衛所凡四十餘惟重慶爲樊籠等所據副使徐如珂率兵繞出佛圖關後

增修仁懷廳志

卷之四 政績

古

與良玉攻拔之守備金富廉攻斬賊將張彤樊龍亦戰死燮元所遣他將亦復建武長甯獲僞丞相何苦海瀘州亦旋復先是國禎陷遵義貴州巡撫李標已遣兵復之永甯人李忠臣嘗爲松潘副使家居陷於賊通書愈懋約爲內應事覺合門遇害賊卽用其家僮給愈懋襲殺之并殺順慶推官郭象儀里居同知宋柱國等再陷遵義殺推官馮鳳雛當是時崇明未平而貴州安邦彥又起朝議加燮元總督四川及湖廣荆岳鄖襄陝西漢中五府軍務兼巡撫四川而以楊述中總督貴州軍務兼制雲南及湖廣長甯衛永十一府代我續共辦奢安二賊然兩督府分閩治軍

川貴不相應賊益得自恣三年燮元謀直取永甯集將佐  
曰我久不得志於賊者我以分賊以合也乃盡擥諸軍會  
長甯連破麻塘坎觀音菴青山崖天蓬洞諸寨與良玉兵  
會進攻永甯擊敗奢寅於土地坎追至老君營涼傘鋪盡  
焚其營寅被二鎗遁樊虎亦中鎗死復追敗於橫山入青  
岡坪抵城下拔之擒叛將周邦太降賊衆二萬副總兵秦  
衍祚等亦攻克遵義崇明父子逃入紅巖大囤官軍蹙拔  
之連拔天臺白巖楠木諸囤撫定紅潦四十八寨賊奔入  
舊蘭州城五月爲膠將羅乾象所攻克崇明父子率餘衆  
走水西龍場客仲垣倚其女弟奢杜輝以守初賊失永甯  
增修仁懷廳志

卷之四

政責

五

卽求救於邦彥邦彥遣二軍窺遵義永甯燮元敗走之崇  
明父子竄深箐總兵李維新偕副使李仙品僉事劉可訓  
參將林兆鼎等搗龍場生擒崇明妻安氏弟崇輝寅國禎  
皆被創走進燮元右都御史時蜀中兵十六萬土漢各半  
漢兵不任戰而土兵驕淫不肯盡力成都圍解不卽取重  
慶重慶復不卽搗永甯及永甯蘭州並下賊失巢穴又縱  
使遠竄大抵士官利養寇官軍效之故賊得展轉爲計崇  
明父子方窘甚燮元以蜀已無賊遂不窮追永甯旣拔拓  
地千里燮元割膏腴地歸永甯衛以其餘爲四十八屯給  
降賊有功者令歲輸賊於官曰屯將隸於敘州府增設同

知一人領之且移敘州兵備道於衛城與貴州參將同駐  
蜀中遂靖而邦彥張甚四年春陷貴州巡撫王三善軍沒  
明年總理魯欽敗於織金貴州總督蔡復一軍又敗乃命  
夔元以兵部尚書兼督貴州雲南廣西諸軍移鎮遵義而  
以尹同皋代撫四川夔元赴重慶六年二月邦彥謀乘官  
軍未發分犯雲南遵義而令寅專犯永甯未行寅被殺乃  
已寅凶淫甚有阿引者受夔元金錢乘寅醉殺之寅既死  
明年老無能爲邦彥亦乞撫夔元聞於朝許之乃遣參將  
楊明輝往撫夔元旋以父喪歸偏沅巡撫閔夢得來代先  
是貴州巡撫王城謂督臣移鎮貴陽有十便朝議從之夢

增修仁懷廳志

卷之四

政績

十六

得乃陳用兵機宜請自永甯始次普市摩泥赤水百五十  
里皆坦途赤水有城可屯兵進白崖層臺畢節大方僅二  
百餘里我旣宿重兵諸番交通之路絕然後貴陽遵義軍  
尅期進賊必不能支疏未報而夢得召還代以尚書張鶴  
鳴未至鳴輝奉制書僅招撫安位不云赦邦彥邦彥怒殺  
明輝撫議由此絕鶴鳴視師年餘未嘗一戰賊得養其銳  
崇禎元年六月復召夔元代之兼巡撫貴州仍賜上方劍  
進少保世廕錦衣指揮使時貴陽經寇亂民不及五百家  
山谷悉苗種而將士多殺降報功苗不附夔元招流移廣  
開墾募勇敢用夢得前議檄雲南兵下烏撒四川兵出永

甯下畢節而親率大軍駐陸廣逼吉方總兵許成名參政鄭朝棟由永甯復赤水邦彥聞之分守陸廣鴨池三岔諸要害別以一軍趨遵義自稱四夷大長老號崇明大梁王合兵十餘萬先犯赤水燹元授計成名誘賊抵永甯急遣總兵林兆鼎從三岔入副將王國禎從陸廣入劉養勳從遵義入合傾其巢邦彥恃勇擬先破永甯軍還拒諸將急索戰四川總兵侯良柱副使劉可訓遇賊十萬於五峰山桃紅垠大破之賊奔據山巔諸將乘霧力攻賊復大敗又追敗之紅土川二年八月十有七日邦彥崇明皆投首捷聞帝以成名與良柱爭功賞久不行烏撒安效良死其妻

增修仁懷廳志

卷之四 政績

七

安氏招故霑益土酋安遠弟邊爲夫負固不服燹元乘兵威脅走邊遂復烏撒燹元以境內賊略盡不欲窮兵檄招安位位不決燹元卽將吏議曰水西地深險多箐壘蠻烟燹雨莫辨晝夜深入難出今當扼其要害四面迭攻賊乏食將自斃於是攻之百餘日斬級萬餘焚其室三年春位遣使乞降燹元與約四事一貶秩二削水外六目地歸之朝廷三獻殺王巡撫者首四開畢節等九驛位請如約率四十八日出降燹元受之貴州亦靖遂上善後疏曰水西自河以外悉入版圖沿河要害臣築城三十六所近控蠻苗遠聯滇蜀皆立邸舍繕郵亭建倉廩賊必不敢猝入爲

寇鷓池安莊傍河可屯之士不下二千領人賦土使自贖  
鹽駱芻麥出其中諸將士身經數百戰咸願得尺寸地長  
子孫請割新疆授之使知所勸帝報可其冬討平定番鎮  
甯叛苗乃通威清等上六衛及平越清平偏橋鎮遠四衛  
道路凡一千六百餘里繕亭障置游徼貴陽東北數里有  
洪邊十二馬頭故宣慰宋嗣殷地也嗣殷以助邦彥被剿  
滅乃卽其地置開州又奏復故施秉縣招流民實之四年  
阿迷州土官普名聲作亂陷彌勒州曲江所又攻臨安及  
甯州遷近震動爨元遣兵臨之遂就撫龍場坵者鄰大方  
邦彥以假崇明崇明旣滅總兵侯良柱欲設官屯守以自

增修仁懷廳志

卷之四

政績

六

廣而安位謂已故地數舉兵爭爨元未有以禦也巡按御  
史劉宗祥劾爨元受賄且以龍場永甯不置邑衛爲欺罔  
帝以責爨元爨元乃上言禦夷之法來則安之不專在攻  
取也今水西已納欵惟明定疆界俾自耕牧以輸王賦若  
設官屯兵此地四面孤懸中限河水不利應援築城守渡  
轉運煩費且內激蘭州必死之關外挑水西扼吭之嫌兵  
端一開未易猝止非國家久遠計帝命勘其地果如所議  
論桃紅坵功進少師世廕錦衣指揮使一品六年滿加左  
柱國再議平賊功世廕錦衣指揮僉事十年安位死無嗣  
族屬爭立朝議又欲郡縣其地爨元力爭遂傳檄土目



邊域衆建諸蠻復上疏曰水西有宣慰之土有各目之土  
宣慰公土宜還朝廷各目私土宜畀分守籍其戶口徵其  
賦稅殊俗內嚮等之編氓大方西溪叢里北那要害之地  
築城戍兵足銷反側夫西南之境皆荒服也楊氏反播奢  
氏反蘭安氏反水西黔之定番小州耳爲長官司者十有  
七數百年來未有反者非他苗好叛逆而定番性忠順也  
地大者跋扈之資勢弱者保世之策今臣分水西地授之  
酋長及有功漢人咸俾世守虐政苛斂一切蠲除參用漢  
法可爲長久計因言其便有九不設郡縣置軍衛因其故  
俗土漢相安便一地益墾闢聚落日繁經界旣正土首不

增修仁懷廳志

卷之四

政績

七

得侵軼民地便二黔地荒确仰給外邦今自食其地省轉  
輸勞使三有功將士酌以金則國幣方匱酬以爵則名器  
將輕今錫以土田於國無損便四旣世其土各圖久遠爲  
子孫計反側不生便五大小相維輕重相制無事易以安  
有事易以制便六訓農治兵耀武河上俾賊遺孽不敢窺  
伺便七軍民願耕者給田且耕且守衛所自寔無勾軍之  
煩便八軍耕抵餉民耕輸糧以屯謀耕不拘其籍以耕聚  
人不世其伍便九制曰可十一年春卒於官年七十三燮  
元長八尺腹十圍狀貌奇異飲噉倍十餘人鎮西南久土  
司以壺漿乾肉迎車前相接於道憂傾盤倒甕一無留餘

衆皆驚歎曰此天人也軍資贖緩歲不下數十萬皆籍之於官治事明果軍書絡繹不假手幕佐行軍務持重謀定後戰尤善用間使人各當其才卽親愛犯法必誅有功卽廝養不遺也禦蠻一以忠信不妄殺苗民懷之初官陝西按察使遇一老人載輿歸盡得其風角占候遁甲諸術將別語癸元曰幸自愛異日西南有事公當之矣內江有半康民者奇士也兵未起時語人曰蜀且有變平之者朱公乎已而果然

國朝

張廣泗奉天人貢生知恩州府雍正五年署黎平府平謬

增修仁懷廳志

卷之四 政績

三

冲寨苗總督鄂爾泰奇其才檄往古州相機招撫生苗六年陞貴州按察使尋奉

命巡撫貴州以次平定八寨清江丹江九股古州上下江諸苗設古州台拱入寨清江丹江都江六廳陞湖廣總督十三年古州台拱清江賊苗糾衆復叛陷凱里黃平州清平餘慶清溪諸城

詔廣泗爲經略乾隆元年凱旋奉

命總督貴州兼攝巡撫事務十年以滇黔銅鉛每歲由陸路輪運節節皆山駝載艱辛腳費浩大且黔省不產食鹽須從川地肩挑運至猿猴發販議將赤水河道疏鑿開通使

入京銅鉛客商鹽貨俱由水運上以節省

帑帑下以利濟民生疏請借用間欵銀三萬八千六百四十二兩五錢有奇上游自天鼓巖至新龍灘二十七灘檄大定府知府王九浩辦理下游自鹽井等灘至雞心等灘四十一灘檄遵義府知府陳玉璠辦理自乾隆十年十一月初一日興工至十一年閏三月初一日工竣廣泗親行履勘題報十二年三月

誥授川陝總督由貴州取道赴四川十三年征大金川大學士經略訥親及廣泗久無成功獲罪今滇銅由威甯川五程運至鎮雄州由鎮雄州五程運至羅星渡下船由金沙增修仁懷廳志

卷之四 政績

三

江八程運至瀘州黔鉛仍由威甯州十一程運至敘永廳水運至瀘州川鹽每歲由河運至仁懷縣茅台村登陸販賣源源接濟至今鹽價較平開河之力也

陳玉璠字省庵山東歷城人蔭生乾隆初知遵義府府境山多橡樹玉璠遣人購山蠶繭於山東教民養蚕凡三往反然後蠶事以成利垂永久奉臺檄開赤水河自二郎灘以下至雞心灘盡心疏鑿以利舟楫境內立祠祀之

陳于璉湖北黃坡人歲貢生康熙三十三年知仁懷縣時西南甫定學校頽廢前官趙洪基創建未成于璉下車倡捐鳩工庀材期月告竣士民德之

李鍾莪字雪原四川通江縣人康熙中授仁懷縣學教諭  
丙戌成進士擢翰林院庶吉士任廣西學政厯官至太常  
寺少卿著有垂雲亭文集

李曜福建海澄縣人由貢生授武平縣訓導雍正三年選  
授按察司照磨六年陞黃草垵州判雍正七年陞畢節縣  
知縣十三年陞遵義府通判七月到任是時仁懷縣移治  
新邑曜以通判分駐舊治下車繕修學校乾隆元年四月  
領運京鉛二年七月回任尋撥新縣之仁懷河西土城三  
里歸通判就近管理

胡國英浙江山陰縣人監生乾隆六年選授遵義府通判

增修仁懷廳志

卷之四 政績

三

十一月到任葺城垣修街道勸民種橡養蚕詳請開赤水  
河商民便之乾隆十二年十二月離任蒞職六年餘紳耆  
立石頌之

楊賡颺江西建昌人乾隆二十五年進士知甘肅碾伯縣  
四十二年署河州知州查拿逆匪王伏林一案當事偉其  
功四十三年六月送部引見奉

特旨補授貴州仁懷直隸同知是年十月由四川到官四十

四年十二月以才望署貴陽府四十五年六月回任貴陽

省會最繁要賡颺爲太吏倚重談笑指揮無漏失至廳務  
持大綱不屑屑簿記名法公暇與幕僚飲酒飲酒必醉或

岸積長嘯而吏事修舉地方安堵四十六年遷黎平府  
吳玉輝字小谷浙江錢塘縣人乾隆庚寅順天舉人博學  
工詩乾隆三十八年開四庫館玉輝進書一百種以上蒙  
恩賞給內府初印佩文韻府一部選授太平縣教諭乾隆五  
十一年陞貴州天柱縣知縣五十四年調遵義縣保舉卓  
異五十七年陞松桃同知五十九年署廳事以清慎聞  
許雲霄甘肅甯夏人初爲雲南裨豐縣典史辦理青谿縣  
教匪陞雲南景東廳經歷尋陞貴州平越縣知縣辦同仁  
興義軍務大吏上功狀

賜花翎擢平遠州知州嘉慶十七年署廳事雲霄爲人精

增修仁懷廳志

卷之四政績

三

幹明悉吏條政聲錚錚然赤水河鹽船自城下至猿猴鎮  
險灘林立貧民多以牽纜營生有無賴子數人借收殮浮  
尸爲名糾衆斂錢購房屋於東門外私建神祠需索益甚  
伺船戶募絳夫則爲之居間而高其直以是附從者日衆  
會有鹽船至夾子口索錢不遂奪其船具而去其人呼籲  
於官前政雙壽拘無賴子痛懲之而抗橫如故飾詞訴於  
行臺省檄飭提解雲霄廉知嗾訟者主名偵獲之訊立伏  
星夜捺治惡少年數十輩盡予杖察其尤者加三木示河  
干毀其祠屋入官鬻地基追餘資得白金二百餘兩發繕  
學宮並買尚家灣地土以擴官牆士民快之

陳熙字達莊雲南彌勒縣舉人乾隆五十九年雲南鄉試中嘉慶二年大挑一等分發貴州補天柱縣調貴筑縣擢仁懷直隸同知十八年到任熙爲政廉平接見學官子弟諄諄然皆有厚意而內行淳篤尤人所難能方至廳時母氏年垂七十迎養官舍朝夕奉起居母故賢知政體熙出判事母柱竹杖從屏門後窺之見兩造悅服喜見於色或勘獄不實及笞杖過當母以竹杖微扣屏門熙覺卽停判入請命母具言所以覆按果如母言以是聽斷益慎會以事赴省行至茅苔村途次聞母疾星夜回署侍湯藥閱日始屬曠吏民皆謂至性所感也河西里有私佃迴龍寺田

增修仁懷廳志

卷之四 政績

三

者訟於官熙判爲絕產變價得白金三百兩置養正義塾其餘金存子錢家取息并撥寺租給脩脯貧民子弟賴之未一年持服歸服闋補普安直隸同知遷大定府

徐玉璋字南垞浙江湖州府烏程人嘉慶五年舉人鄉試大挑一等分撥貴州補安平縣以治行著遷仁懷直隸同知道光五年到任未幾署大定府七年回任性精敏有識斷終日據几危坐判牘人不能欺增益書院膏火舉行賓興禮設育嬰堂先捐廉四百餘緡紳耆樂於從事手定一切章程皆有條理務垂之永久收葬枯骨建積骨亭於城南門外之官山廳人德之遷興義府知府

附修河碑記

昔禹疏九河山川始奠造化之所不及禹實補之明德之歌遍於河洛及秦漢開闢鴻蒙頓起載之史策間班班可攷惟黔蜀赤水一河介在天末映井參之精華而上通滇壤下接蜀疆其中六十八灘怪石阻隘驚濤洶湧舟艇難行千百年來未聞有能疏決者歲甲子總督貴州部院張廣泗抱文經武緯之才豐功偉烈昭如星日乃猶羽儀念切新開赤水河道以資運務揀凱里營都司劉奇偉威甯州吏目王步雲遵義縣尉諸曜鎮遠標外司張貴查勘繪圖攄精籌畫越乙丑疏請開

增修仁懷廳志

卷之四

三

修奉

旨俞允各上憲志切匡襄檄委遵義府陳玉璽大定府王允浩都司劉奇偉遵義通判胡國英總理河務詳選文武官員分派各灘卜吉於孟冬朔一日同施興作當斯時也總理善爲指揮工員力圖報効不數月而河工告成破猿鵠之危巢堪同坦道排魚龍之幽窟儼若平淵自是舟楫通行鉛銅輸運米鹽之挽販商賈之往來上濟國務下利民生慶安瀾而歌永賴斯我憲福造萬年恩垂千古克繼禹功德駕秦漢而上之爰貞珉於廟以誌不朽云爾

荔枝縣縣丞嚴文烈

威甯州吏目王步雲

臺拱營千總鄭洪興

鎮遠鎮把總張貴

候補守備 劉朝棟

候補守備 蕭振統

候補守備 曹思文

候補守備 孔文秀

候補守備 王太臨

候補守備 郭英

大定府司獄衛 劬

黔西協千總施國元

安籠鎮外委劉廷方

遵義縣典史諸曜

長寨營千總劉太岳

綏陽縣教諭周挺

撫標千總 姚宗璧

仁懷縣教諭薛鳳仁

仁懷營千總周國柱

畢節營把總甘彥邦

增修仁懷廳志

卷之四

政績

三

桐梓縣典史顏光剛

撫標把總 張起敖

清江協外委郭元章

遵義協千總房育昆

遵義協千總鄧士林

凱里營外委周朝貴

乾隆十一年歲次丙寅春王月

穀旦

鮑棟湖北人由都江通判署仁懷通判治稱嚴明先是通判與遵義府同城專司糧捕稅務雍正九年移仁懷縣治於生界之亭子垣改通判分駐舊城爲仁懷廳治乾隆三年撥仁懷河西土城三里地方就近專轄一切公事仍由府核轉路途紆遠文移往返羈遲知府于遇事駁飭棟親至行省面罄情形巡撫裴宗錫主棟之說札司查明詳覆



均以官民不便應如議改爲直隸同知巡撫裴奏聞飭知棟乃會地方文理略順均飭考試不取分文是年童生共得一百八十餘人詳報大憲請定學額棟接署直隸同知官制學校諸事宜皆棟所裁定訖有條理至今士民感之嘉慶初改松桃隸貴東道改普安隸貴西道皆仿照仁懷始也

張鳳枝字東生一字槭齋江蘇無錫進士乾隆三十五年署仁懷通判卓有政聲至五十一年復署同知政治初凡三里渡口無不設法興舉詞訟嚴明寬猛相濟百姓悅服人皆呼爲張青天至今父老猶稱頌之

增修仁懷廳志

卷之四

政績

三

陳熙晉字西橋浙江義烏優貢由教習揀發貴州補用龍里縣知縣卓異題陞補仁懷同知道光二十年到任創修志書培補城垣興設賓興捐增芑照土城義渡土庶至今稱之

楊鉅源字濬川江西清江舉人署仁懷同知興設及幼堂義學優待士子以仁懷文風短於詩賦捐奉錢一百千發典生息以作詩賦課膏火後因軍務汪申祿提作公用此舉雖廢而濬川加惠士林之德誠不可忘也

譚煒字鍊梅江西德化縣人道光乙酉拔貢特授仁懷同知道光二十四年到任因見仁懷應試人少倡首捐廉銀

一百兩札飭首事勸捐置買卷田所需甚鉅鏡梅不憚勤勞親詣下鄉踏勘田畝甫五月而功成上年考試不過百名次年便至二百人之多迄今寒士皆利賴之

沈西序字秋帆四川開縣人道光甲辰聯捷進士卽用知縣補貴州畢節縣知縣題陞仁懷廳同知咸豐八年到任時值貴州號苗各匪竄擾遵義各屬楊經餘黨復據仁懷縣要隘時散時聚秋帆下車後以保衛地方爲重詢知三里保甲廢弛卽札飭地方約客保舉公正紳糧充當團正團副先行驗看始行札委又於團正中擇其尤者充當團總以爲統率凡團總正副公事稟見抗禮分廷衆感其優增修仁懷廳志

卷之四

三

禮相待皆畏其嚴明服其恭敬凡大小公件不敢虛言妄稟亦不敢容隱不報因此並無搶盜人命等案迨後奉

大憲札飭舉辦堅壁清野民皆踴躍不數月而三里之寨堡皆竣並禁止差役滋索每案原被二家規費每家不敢逾十千如逾十千差役以搗搥論許錢者以行賄論故己未庚申等歲苗號諸匪擾於黔短辮李逆擾於蜀或去或來時近時遠廳民之相安不恐者皆賴興團甲之德政耳賈迪之汪循陔照章辦理廳民亦皆保全而民不知也及至賊來遭害始歎前數官德政之善至於修武廟文昌宮及廳斷廉明受刑者無怨受恩者悅服皆餘事也後署臬

附錄沈秋帆同知團規

特授貴州仁懷直隸軍民府卽用府正堂加五級紀錄十次沈 爲  
編甲齊團以除盜賊而安良善事照得府屬地連川界  
河達川江盜賊最易竊發與其被獲於事後擾累已深  
曷若防範於機先身家共保計惟有認真編甲齊團使  
民自爲守庶足以拔盜賊根株况現在遵郡逆匪未靖  
迭奉

憲札欽遵

上諭告誦諄諄均以保甲團練爲要務茲本府因地制宜定  
擬章程十二條開列於左

增修仁懷廳志

卷之四 政績

三

一編查戶口最足以清盜源每戶口懸一門牌年歲丁口  
生業照式填寫十家擇一牌首月懸一總牌小村不及  
二十家及不足十家者卽編爲一牌僅止一二疇零之  
戶附入就近總牌無論紳糧民苗兵役僧道等一體編  
聯或千餘戶或數百戶各就地勢可以聲息相通者爲  
一團本府每團置總甲循環簿二本交團長承領凡團  
中人戶詳細開註送府欽印過硃一本存署備查一本  
給該團長收存如遇遷移之戶增減人口牌首告知團  
長添註每年封印前赴府繳換循去環來務須核對清  
楚本府自備夫馬隨時下鄉抽查如有錯誤惟團長牌

首是問

一每團視人戶之多寡公舉正派能幹者或二人或四人爲正副長無論紳耆人民均准充當又合數團爲一總團由本府遴選才品兼優衆所欽服之紳耆爲團總經理團中捕盜詰奸諸事團長等如果辦理妥善一年無過者記功三年無過者詳請優獎儻有藉團滋事營私不法者准聲明實據互相舉發以便革究另選承充一此次編甲齊團務須官民一氣相通所有團總團長與舊日鄉約客長不同本府定以優禮相待無論仕宦科名均可承充其應編門牌團簿限半月造齊繳簿卽寫

增修仁懷廳志

卷之四

政績

三

懸掛不准胥吏需索分文

一每團製備大旗數桿上面橫寫府正堂沈四字中間排寫聯甲齊團嚴拏盜賊八字送府用印領回懸掛並置銅鑼數面交團長牌首收存如遇賊匪入境以鳴鑼不住爲號各家出人圍捕務期弋獲勿任逃逸其捕盜器械准製撓鈎鏢桿木棍三樣獲盜之後交團長解城本府隨到隨問旣免人多往返亦不稽延守候如係真正大盜自當立置重典決不放回貽害並酌賞捕盜之人以示獎勵

一各團地方有應當設卡之處及應巡更之時由團長隨

時酌辦所有經費並備製旗桿器械解賊進城不無費用該團長等只向有力之家酌量勸捐不得沿門挨派仍將進出銀錢開單貼於公所以明心跡如有浮派私吞查出定干罰究

一黑夜遇有賊匪竊發被盜之家密報團長牌首卽速鳴鑼團中亦鳴鑼接應各糧戶須平日議明誰人堵截隘口要路誰人跟踪追捕其老幼婦女人等須閉門安坐毋得出外窺視儻賊匪敢於持杖拒捕照例格殺勿論如團中有推諉不前致盜賊縱脫者卽以通盜論送官究治

增修仁懷廳志

卷之四

政績

三

一團內每日須派一人赴隣團會查哨探以通聲援如遇大夥盜匪或遵郡潛來逆匪該團長查深確實立卽報會隣團分頭堵截合力殲擒一面飛報本府刻卽會營攜帶鎗礮馳往督辦務期殄滅醜類毋使一名漏網在事出力之人自當計功論賞但不得輕信浮言妄稟干咎

一府屬五方襟處匪徒最易溷跡現編聯團甲應責成團長牌首協力稽查其客店棧房均須設立循環號簿凡往來住宿之人問明來歷登註簿內以憑稽查儻該店戶不查明來歷情意登註任聽匪徒投宿一經發覺定

行從嚴究治

一船隻往來尤易藏奸况春水漲發時下水船隻瞬息百里難保無盜賊事發藉船逃遁自應一體編聯其裝鹽之船責成鹽號飭令十船爲一牌設立牌首互出保結如船戶水手爲匪以及貪財裝載贓盜護庇出境者一船有犯九船連坐仍於抵關時將船上主客若干人姓名開單一紙交稅書核明按旬送府備查其雜貨小船責成河差查明來歷照鹽船章程一律編聯該河差等如敢藉索錢文及顛預了事一經查出定予枷責嚴辦決不寬貸

增修仁懷廳志

卷之四 政績

一團內除著名巨匪積慣窩家立即稟拏究治不准編入牌甲外設有向來不務正業曾犯小竊之人如能改悔許向團衆寫立服約一體編聯令其自新該團首牌長等仍不時稽察儻再有盜竊以及招留行跡詭秘之人准牌首告知團長稟官加倍究懲

一團內如有外來奸細行跡可疑者留心盤詰逐毋使潛匿境內儻查有違法邪書干禁凶器等實據立即通知團長送官審究至外來年壯惡丐及遊方僧道耍戲法唱蓮花落捧乾龍船等類估化硬討許團長驅逐出境不准片刻停留抗違者送究

一此次編甲齊團係專爲拏治盜賊 奸細而設凡團內  
戶婚田土事涉詞訟經官稟傳該團總團長等不得干  
預把持儻有奸徒創立牛叢火桿名目私用非刑疑竊  
拷撻及與 有仇藉端報復轍糾團衆持械爭鬪者一  
經告發或被訪問定行按名拏究決不寬貸至團長人  
等挾私誣良亦定照誣告例究辦另舉承充

右十二條簡便易行合行示諭爲此示仰閭府紳耆軍  
民人等知悉此乃各保身家切己之事務協力同心認  
真遵辦從此奸究潛踪咸享太平之福本府實有厚望  
焉儻有抗違不遵從中阻撓或輕訾條規或虛應故事

增修仁懷廳志

卷之四 政績

三

一經查出或被團長稟報立即提案嚴究決不姑寬再  
鄉風各有所宜各該團中或舊有簡易章程或更有隨  
時變通確見均詳細稟明本府虛衷採擇期於地方實  
事有濟是爲至要各宜凜遵特示

劉啟瑞字星閣湖南湘潭縣甲子科舉人光緒六年到任  
八年調羅斛廳九年二月復任時廳中寒士入學所需教  
官紅銀稟保贖見必先交關清楚方得覆試當在者措辦  
裕如貧者無資必立券付學官廩保約定歸家付還及歸  
稱貸無門學官廩保屢問無償稟官押追星閣覩此情形  
大加憫惻集三里首事商議提撥各廟公款又先倡首捐

俸銀一百兩並募捐銀一千數百兩置買田地將屢年租息以作紅銀贄儀規費至今寒士德之

陳澧字鏡秋四川筠連縣監生光緒十四年署仁懷廳同知到任因見三里地方糧務由書役專主作弊或浮收或勒派以致良民受害又或以數釐數毫微糧積欠限內故爲寬縱並不追問及至違限遂稟請差提將欠糧之家鎖押市店任意搞括多必數十千少亦十餘千而後止鏡秋察其弊申明大憲立定章程剔除弊端較之從前少輸一半當時四民頌聲載道至今猶贊歎不置所謂德在一時名傳後世也爲政之道不於此可鑒歟至於仁懷考棚增修仁懷廳志

卷之四 政績

三十五

前同知敖京友興修不數年而全局敗壞渺無存焉鏡秋另爲置買街房地基興修兩廊考棚前鼓樓頭門龍門大堂二堂及耳房各號棹生童便之

武職

李騰龍四川涪州人父世茂天啟壬戌武進士授明威將軍崇正十年同總兵侯良柱等二十七人與流賊戰於綿州陣亡騰龍襲職後官至參將崇正末年騰龍招聚鄉兵築土城於瀘州趙雅鎮順治初奢寅弟辰

又名保壽李氏譜作余子修

竊踞鎮雄窺永甯騰龍率兵攻之保壽潛遁十四年七月授仁懷路遊擊十五年三月卒是年五月王師復遵義



楊名卿陝西人康熙十九年授仁懷參將是時兵燹甫定百姓凋敝野多虎蛟人名卿先祝神祠帥數騎取虎殪之遂無虎患鄉紳袁尚黃等建碑述其事

葛文炯山東人康熙癸酉科武鄉試第一庚辰科武進士性英邁有才略官仁懷營守備時年尚少潔已率物伍無游惰八年於茲士民爲立德政碑

紀鐘直隸人武進士由侍衛爲仁懷營都司好讀書工書法孝廉傅師瞿師事之

稅課

本城土城生界漁灣各關稅三千四百七十八兩八錢七分除書巡飯食燈油紙筆銀一百二十九兩六錢實解銀三千三百四十九兩二錢七分遇閏加徵銀一百二十九兩七錢六分除書巡飯食燈油紙筆銀十兩八錢實解銀一百一十八兩九錢六分後光緒三年四川總督丁寶楨奏請鹽務官運商銷將稅課提出至今只上雜課銀兩又隨時更改不能定一只載原日稅課

川鹽入黔向分四岸從永甯河入者爲永岸從綦江縣入者爲綦岸從涪州河入者爲涪岸從仁懷廳河入者爲仁岸仁岸行邊引一千五百六十張每張載鹽五十包每引一張徵課銀三兩四錢五釐陸引每張載鹽四十包徵課銀二兩七分二釐四毫以及關稅等項所需每張約計需銀二十餘兩迨後販商作弊以重報輕道光三十年清釐鹽務奏准每包連渣滓皮索共重一百六十觔咸豐初川黔兩省屢遭兵燹行引滯積以致行商及竈戶生意淡泊稅課減色始抽收釐金以充軍餉疵弊叢生每引一增修仁懷廳志

卷之四 鹽政

三

張約需銀五十餘兩引滯難銷光緒三年四川總督丁寶楨奏准改爲官運商銷將釐卡裁撤不納釐稅沿途以鹽運鹽多寡不能定今瀘州設總局合江設分局仁懷亦設分局此入仁岸之鹽也

鹽船由瀘州合江湖流而上均停泊於沙灣卸鹽上岸自崇盤塘七里坎旺隆場葫蘆腦諸處經猿猴而達於新城乾隆初疏鑿河道商船直抵新城之茅苔村蜀船俱泊城外東關易船轉運商民便之

鹽之舟運者由合江入赤水河而廳城而猿猴而二郎灘而新隆灘然後至仁懷縣之茅苔村凡三易舟而後達灘

鱗次舟俟水始行難以時日計鹽少則病在民鹽多則病在商昔年鹽商凡二十餘家今僅六家皆約夥朋充淮浙之鹽熬波閩粵之鹽積鹵淮南之鹽煎淮北之鹽曬山東之鹽有煎有曬甯夏之鹽刮地得之解州之鹽風水所結滇蜀之鹽汲之於井黔介滇蜀之交獨無鹽取給於蜀惟黎平一府行粵鹽餘俱行蜀鹽鹽產自蜀固不能比於浙江之煮海亦難同於秦晉之鹽池穿山裂石開淘鹽井康熙初定每包一百觔加耗鹽十五觔屢次更改至今每包仍一百七十觔

木政

前漢書屬郡嚴道有木官而西京宮殿未聞以岷嶽檀栢  
岷山梓栢輸將作者史冊中惟唐開元間漕西山竹木至  
明嘉隆乃屢下蜀中採木之議而遵義木場遂與馬湖等  
處併受其厄力復之費動數百萬勞民傷財極矣雖擇近  
水者乘潦而下而萬千中僅一二達京師督採官且有老  
死於山箐中者非無益之酷政歟

聖朝勤恤民艱縱有

飲工節費節勞無稍擲累邇來

堯階禹室更無所需懸嶂陰巖桐生茂豫轉歎良材美木產

增修仁懷廳志

卷之四木文

三

此無用區而猶塵

聖天子之仁育也顧不幸哉

明

嘉靖二十六年奉天殿災遣工部侍郎劉伯躍開府江陵  
總督湖廣川貴採辦大木旋以憂去以左副都御史李憲  
卿代之乃分派參政繆文龍入播踏勘儒溪仁懷並建昌  
天金鎮雄烏蒙龍州蘭州之木四川巡撫督率採運見歸

左副都御史  
李公行狀

永樂四年少監謝安在威遠衛地名石夾口十丈洞採辦  
大木親冒寒暑播種爲食至二十年乃還

嘉靖己未年四川新津縣知縣黃德倡字克明到銅鼓溪採木刻論文於石巖上至今猶存

吳仲禮官四川僉事嘉靖中入永甯迤西落洪班鳩井鎮雄督木

朱賢江浦人進士官貴州巡按御史嘉靖中歷永甯赤水採木

萬曆十四年播州宣慰使楊應龍獻大木七十材美賜飛

魚服

明吏土司傳

二十三年播州宣慰使楊應龍論斬得贖輸四萬金助採

木

王鴻緒明史稿

增修仁懷廳志

卷之四 木政

四

三十五年巡撫喬壁星兼督木

四川通志

天啟間設督木道一員駐札涪州招採木商人任文鼎等領銀入遵義屬採辦無成拘任文鼎等下涪州獄追銀明

末張賊入川始越獄逃去

陳志

康熙六年工部議建

太和殿需大楠木請

勅下四川湖廣等處督撫稽查現有採就木植或山中出產

木植長徑尺寸根數需用錢糧確估限文到兩月內報部酌議七年四川巡撫張德地親至遵義等處踏勘旋據署

四川布政司事按察使李紳霄呈稱康熙六年八月十四

日准遵義道移稱據遵義府據正安州申稱云云又據桐梓縣申稱云云又據綏陽縣申稱云云又據遵義縣申稱云云又據仁懷縣申稱屬雖有所產楠木皆在深嶺人跡不到之處至於砍伐非比平地木植可以隨用斧斤高箐之中必須找廂搭架多人夫纜索方可修嶺去頂盤根砍木之難一也若夫產木處所盡屬危巖峭壁卽空行尚須攀藤附葛楠木一株動須人夫百千方能拽動而山路險窄亦難立足山勢曲折不能并走勢必開山填砌找廂搭架所用人夫非比泛常拽運工程難以日計此搬運之難二也至於上箐之處必由溪河水道而山谷一線涸水

增修仁懷廳志

卷之四

木政

四

皆係亂石填阻若非天雨旬日則水不盈尺勢必從下流築隄截壅蓄水丈餘方可順流拽運然須逐路築隄蓄水始能前進若遇大石阻擋又必多用石匠鑿去相地形之高下用轉移之權變事難程限此上箐之難三也憲行駁查不得不據實申報各具甘結等情到府轉司由司申詳四川撫臣張德地會同督臣苗澄以前事緣由合詞具題伏乞

皇上睿鑒勅部議覆施行

見遵義志

康熙八年二月內奉

旨修造宮殿所有楠木不敷酌量以松木湊用已經有旨令着停止採取該撫速回省城料理地方事務乃罷按李德

地先後題報三疏備陳艱險得蒙

上聖明竟止此役

雍正四年奉

旨建造

萬年吉地需用楠杉木植四川巡撫憲德等遴員遵辦自六年起十一年止共採合二楠木一千七百三十八件半黔江縣知縣鄧川彥夔州府通判汪志敏保甯府同知王愿彭縣知縣王煥墊江縣丞彭昨等先後分運赴通交收乾隆十五年

萬年吉地工程需用大楠木一十二根夔州府知府許國棟

增修仁懷廳志

卷之四 木政

四三

於黔省桐梓縣屬之平頭山石笋溪等處採辦一十二根餘木二株保甯府通判楊道國管運赴通交收二十四年復需大料楠木六根重慶府知府林興泗江津縣知縣彭維銘於黔省桐梓縣屬之石河觀夜郎坡等處採獲六根候補同知孫暉管運進京

並同上



蠲政

康熙二十二年免康熙二十二年二十三年錢糧

上諭黔省爲滇南孔道地瘠民貧大兵凱旋輓輸芻糗供應夫人極其浩繁且起解兵逆家口絡繹運送不無苦累恐小民竭力供億生計維艱朕心深爲憫惻所有本年秋冬及來年春夏應徵地丁正項錢糧盡行蠲免以示朕勤恤民隱至意欽此

康熙二十五年免二十五年二十六年錢糧

上諭自古帝王撫馭九有軫念民依凡鞠謀生養爲計甚周猶以賜復蠲租爲布德行仁之要務朕嘉惠海內元元增修仁懷欽定四庫全書卷之四蜀文 三

共圖樂利弛徵減賦時厯於懷惟頻渙恩施俾萬姓得沾實惠念直隸畿輔重地天下根本寬租之詔屢沛往年順永保河四府較之畿南諸府差役倍多供億尤劇應再加軫恤又湖廣湖南福建四川貴州地方昔年爲賊竊踞民遭苦累今雖獲有甯宇更宜培養以厚民生一體蠲免用昭愷澤直隸順永保河四府及四川貴州兩省所有康熙二十六年應徵地丁各項錢糧俱着蠲免二十五年未完錢糧亦着悉與豁除湖廣湖南福建兩省所有康熙二十六年下半年二十七年上半年地丁各項錢糧及二十五年未完錢糧亦與盡行豁免爾

部速行該地方官通行曉諭務使人民均被 恩賞以副朕愛育民生至意如有不肖有司官役借端朦混及私行重徵者該督府指名提參從重治罪如該督府狗隱不行糾舉或經參奏或被告發定行一併從重治罪特諭

康熙三十二年免三十三年錢糧

上諭朕撫馭寰宇蚤夜孜孜惟以實惠及民俾登康阜爲念廣西四川貴州雲南四省俱屬邊地土壤瘠瘠民生艱苦與腹內舟車輻輳得以廣資生計者不同朕時切軫懷歷歲以來屢施恩恤廣西省康熙十六年通省錢糧

增修仁懷廳志

卷之四

錢政

四

十七年十八年民欠錢糧貴州省二十二年秋冬及二十三年春夏地丁錢糧又貴州四川二省二十五年未完及二十六年應徵錢糧雲南省二十七年以前屯地積欠錢糧俱經次第蠲豁茲朕念育民之道無如寬賦矧邊省地方非再沛優恤之恩則閭閻無由充裕所有康熙三十三年四省應徵地丁銀米着通行蠲免仍行文該督撫偏加曉諭令人霑實澤以稱朕加惠遠省民生至意如有不肖有司藉端朦混私自徵收者該督撫指名奏劾從重治罪特諭

康熙四十二年三月十八日

恩詔雲南貴州四川廣西四省蠲免四十二年應徵地丁各

項錢糧

康熙四十九年十月初二日

詔曰朕躬膺

天眷祇承

列祖鴻庥統馭萬方子育兆庶厯懷致治宵旰靡甯幸除海  
宇同風邊隅嚮化遐邇中外貼然衽席之安者皆仰荷

天地

祖宗福祐之致也方朕入齡踐阼之初

太皇太后問朕何欲朕對臣無他欲惟願天下治安生

增修仁懷廳志

卷之四 蠲免

四

民樂業共享太平之福而已迄今五十年矣憐憫此心  
未嘗一日少釋每思民爲邦本勤恤爲先政在養民蠲  
租爲急數十年以來除水旱災傷例應豁免外其直省  
錢糧次第通蠲一年者屢經舉行更有一年蠲及數省  
連蠲數年者前後蠲除之數據戶部奏稱通共會計已  
逾萬萬朕一無所顧惜百姓足君孰與不足朝廷恩澤  
不施及於百姓將安施乎朕每歲供御所需概從儉約  
各項奉銷浮冒亦漸次釐革外無師旅餉饋之煩內無  
工役興作之費因以歷年節省之儲蓄爲頻歲渙解之  
恩膏朕之蠲免屢行而無國計不足之慮亦恃此經畫

之有素也比來省方時邁已歷七旬南北人民風俗及  
日用生計靡不周知而民生所以未盡殷阜者良由承  
平既久戶口日蕃地不加增產不加益日用不給理有  
必然朕洞矚此隱時深軫念爰不靳敷仁用甦民力明  
年爲康熙五十年思沛大恩以及吾民原欲將天下錢  
糧一概蠲免因衆大臣集議恐各處需用軍餉撥解之  
際兵民遞益致煩苦細加籌畫悉以奏聞故自明年始  
終三年以內通免一周俾遠近均沾德澤直隸奉天浙  
江福建廣東廣西四川雲南貴州各巡撫及府尹所屬  
除漕項錢糧外康熙五十年應徵地畝銀共七百二十  
增修仁懷廳志

卷之四

蠲政

吳

二萬六千一百兩有奇應徵人丁銀共一百一十五萬  
一千兩有奇俱着察明全免並歷年舊欠共一百一十  
八萬五千四百兩有奇俱着免徵其五十一年五十二  
年應蠲省分至期候旨遵行民間舊欠既經豁免嗣後  
每年額徵錢糧務如數全完倘完不及額或別有虧空  
託稱民欠則負國甚矣卽責令督撫以下官員償補仍  
從重治罪夫地方大吏以及監司守令皆與吾民誼均  
休戚者也誠克體朕孳孳保赤之懷實心愛養力杜侵  
牟賧削則閭閻咸得衣食滋殖無有失所而爲官吏者  
亦身名俱泰豈非昇平樂利之盛歟爾部移文各督撫

諭旨到日卽刊刻頒布 窮簷令咸知悉特諭

雍正五年四川隱匿田地奉

旨准自行首出將從前欺隱之罪悉從寬免定限一年首報  
統於雍正七年入額徵解六年崇慶州奏運軍糈奉

旨將崇慶州雍正七年錢糧全行蠲免崇慶州百姓願將自  
首田地已徵之糧仍於本年抵銷丈量未畢者亦於本  
年一體輸納七年瀘州請照崇慶州輸納奉

旨崇慶州已徵之糧留抵庚戌年正課其丈量未畢亦俟庚  
戌年輸納已有旨了這所請瀘州屬願輸錢糧着照崇  
慶州之例行該部知道

增修仁懷廳志 卷之四 調政  
雍正七年六月奉

四

上諭朕愛養黎元遐邇一體而邊遠之地小民家計不及近  
省尤朕心之所繫念數年以來甘肅四川雲南貴州廣  
西五省有用兵西藏及勦撫苗蠻等事其一應軍需皆  
動用公帑備辦秋毫不派及於民間而糗糧轉輸亦有  
資於民力今藏地苗疆俱已甯謐朕心嘉慰特沛恩膏  
着將庚戌年甘肅額徵地丁銀三十一萬六千三百兩  
零雲南額徵地丁銀一十四萬一千六百兩零貴州額  
徵地丁銀七萬四千二百兩零廣西額徵地丁銀三十  
五萬三千九百兩悉行蠲免其西安各屬地方亦有預

備軍需之事朕心軫念着將庚戌年額徵錢糧蠲免十分之三共計銀四十七萬九千九百兩零此六省督撫大吏宜仰體朕心轉飭所屬有司敬謹奉行務使閭閻均霑實惠如有奉行不力被不肖有司暗飽私囊或被奸胥土棍強紳劣矜包攬侵蝕者朕必訪聞得知將通省大小官員分別從重治罪至於國家設官本以理民官有恤下之責民有奉上之義若設官而不爲計及養廉之資則有司之賢者將窘迫而莫能支不肖者又將橫取而無所檢束矣是以酌定以錢糧耗羨均給各官養廉之法此揆情度理上下相安之道但思加恩百姓增修仁懷廳志

卷之四 蜀政

四

蠲免正賦若將耗羨一並蠲除是民雖邀格外之恩而官轉有拮据之苦上司或因此稍有寬假則必致巧取苟索於民流弊種種轉多於耗羨之數於吏治民生均無裨益常見庸劣之地方官每以蠲免錢糧爲不便於己心懷悵快卽此意也着於庚戌年爲始凡遇特恩蠲免錢糧者其耗羨仍舊輸納諒必民所樂從若因水旱蠲免者不得徵收耗羨將此永著爲例欽此

雍正十三年免本年錢糧

上諭從前經理苗疆之意原因苗性凶頑久爲地方居民之害是以計議剿撫爲安百姓之計若云利其民人則

其人不過如鳥獸之屬若云貪其土地則其地本在吾  
版圖之中縱使日久之後苗衆抒誠向化輸納少許錢  
糧計筭尚不及設汛養兵萬分之一然則國家果何所  
利而爲此哉乃經理之始旣多疏虞而善後之策又復  
草率卽如逼近苗疆之緊要州縣設兵不過三四十名  
全不足以資捍禦而逆苗萌動之時文武官弁又皆在  
睡夢之鄉茫然一無知覺今逆苗突入內地勾引熟苗  
肆行搶掠良民遭其荼毒以安民之心而成害民之舉  
朕與前後經理之大臣安能辭其過耶每當讞獄之時  
週身獲重罪之犯應加刑辟者朕與執法之臣皆再四  
增修仁懷欽定四庫全書 卷之四 獨政 卍

推研求其生而不可得然後置之於法此心尚應惻然  
其見小卑劣者尚欲賣法以爲陰德今黔省被害之民  
皆無罪之良民也我君臣目視其遭凶苗之慘禍如蹈  
湯火朕言念及此幾爲淚落實無言以對被害之黎庶  
也不知代朕經理之大臣又何如存心矣其幸得保全  
之民人此時當竭力撫綏以贖吾君臣從前之過勿憚  
煩勞勿惜公帑期登災黎於衽席若再稽查不力董率  
無方以救災恤困之資或飽汚吏貪官之腹不令窮民  
得沾實惠經朕訪聞必將大小官員在該省卽時正法  
以示衆或有但知潔己而不能安撫貧民者着該督撫

卽以溺職題參不必論其向日之官聲稍爲寬貸其災  
黎避往之地方亦照此旨一體料理若視爲鄰省之事  
稍存怠忽之心朕亦必治以溺職之罪若將賑恤之項  
借名侵蝕者亦必卽行正法貴州既有被害之州縣則  
運餉募夫俱須鄰近接濟着將今年黔省錢糧通行蠲  
免其被賦殘害之州縣蠲免三年錢糧若有已徵在官  
者准抵下欠應徵之額賦着將此旨通行曉諭各省官  
弁軍民等咸使聞知特諭

雍正十三年奉

旨賑恤難民口糧米折寒衣等項銀四十五萬一千二百三

增修仁懷廳志

卷之四 蜀政

五十一

十八兩有奇濟急難民牛具籽種銀二萬一百二十二  
兩有奇借給復業難民麥種及運腳等項銀三千六百  
二十兩有奇賑恤被水災民米折並借給牛具籽種銀  
四千七十八兩有奇

乾隆元年七月二十日奉

上諭着將古州等處新設錢糧盡行豁免永不徵收

乾隆十一年奉

上諭將乾隆丙寅年直省應徵錢糧通行蠲免其如何辦理  
之處着大學士會同該部卽速定議具奏欽此

大學士等議請照康熙五十年之例分作三年以次



施行

乾隆三十五年奉

上諭自乾隆三十五年爲始將各省應徵錢糧通行蠲免一次其如何分年遞蠲之處著大學士會同該部卽速詳議具奏欽此經大學士議奏分作三年扣蠲除蘆課漕項錢糧不在蠲數外計直省地丁錢糧額銀共二千七百九十四萬有奇內直隸河南安徽湖北湖南貴州雲南等處七省地丁錢糧共銀九百七十二萬四千四百兩有奇於三十五年蠲免江蘇江西福建陝西甘肅廣東廣西四川等省地丁錢糧共銀九百四十九萬四千增修仁懷廳志

卷之四 蠲政

五

三百兩有奇於三十六年蠲免奉天山東山西浙江等四省地丁錢糧共銀八百七十二萬七千八百兩有奇於三十七年蠲免又戶部奏貴州地丁項下改徵備支兵糧米三萬三千六百石有奇原係地丁款內改徵之項同地丁銀兩一體蠲免等因欽此

乾隆四十二年奉

上諭前因

聖母萬壽特宏錫類之仁普蠲各直省錢糧以昭慶惠朕本欲俟恭祝

聖母九旬萬壽之年再普恩施一次著者

仙馭升遐此後更無可推廣

慈仁之處現在部庫帑項積至七千餘萬着再加恩自戊戌年爲始普蠲天下錢糧仍分三年輪免俾寰宇億兆人民仍得共被

慈恩永申感慕而朕終天罔極之忱雖不能仰酬於萬一庶幾藉茲稍展其如何輪派年分着戶部卽速悉心核奏遵行欽此經戶部議奏除蘆課漕項錢糧不在蠲數外計直省地丁錢糧額銀共二千七百五十九萬兩有奇內直隸江蘇安徽四川陝西甘肅雲南貴州等八省地丁錢糧共銀九百二十八萬有奇於四十三年蠲免山

增修仁懷廳志

卷之四

蜀政

三

東浙江江西湖北湖南等五省地丁錢糧共銀九百四十七萬六千兩有奇於四十四年蠲免奉天吉林所屬山東河南福建廣東廣西等六省地丁錢糧共銀八百八十三萬七千兩有奇於四十五蠲免

乾隆五十五年奉

上諭今歲朕屆八旬壽辰數錫兆民普天臚慶特降

恩旨將乾隆五十五年各直省應徵錢糧通行蠲免農民等皆可均沾惠澤因紳衿富戶田產較多之家皆有佃戶領種地畝按歲交租今業主旣概免徵輸而佃戶仍全交租息貧民未免向隅應令地方官出示曉諭各就業

主情願令其推朕愛民之心自行酌量將佃戶應交地租量予減收亦不必定以限制官爲勉強抑勒務使力作小民共享盈甯以副朕孚惠閭閻廣宣湛闈至意欽此

乾隆六十年奉

上諭朕臨御以來勤求民隱日有孜孜惟期藏富於民家給人足仰荷

昊蒼眷佑

列祖貽庥寰宇昇平重熙累洽行慶施惠闡澤頻加節經普免天下漕糧三次地丁錢糧四次其餘遇有災隨時蠲

增修仁懷廳志

卷之四

調政

三

賑不下千億萬兩近將各省積欠錢糧概行蠲免又復數千餘萬兩所以子惠元元休養生息者至周且渥今朕紀年慶符周甲丙辰元旦舉行歸政典禮爲嗣皇帝登極初元大廷授受篤祜延釐寔爲曠古吉祥盛事尤宜廣沛恩綸俾薄海羣黎共沾湛愷本欲於新正傳位後降旨但思二月間卽屆開徵之期恐遠省接奉稍遲着卽將嘉慶元年各直省應徵錢糧通行蠲免以示朕於嗣皇帝愛育閭閻同沛恩施至意其如何按年輪免之處該部查照向例核議具奏施行欽此欽遵

乾隆六十年九月內奉

上諭前經降旨普免天下積欠令各該督撫查明具奏節據  
各督撫查奏各省未完節年地耗正糧等項共銀一千  
七百十餘萬兩糧穀等項三百七十五萬餘石零俱已  
加恩全行豁免內奉天江西四川湖南貴州廣西等省  
向俱年清年款並無積欠朕臨御六十年普免錢糧四  
次漕米三次其餘水旱偏災蠲賑兼施所費帑金不下  
億萬所有藏富閭閻爲兆民謀生計者無微不至此等  
年清年款省分小民踴躍急公輸將恐後今轉以並無  
積欠未得一體邀恩不可以昭平允所有奉天山西四  
川湖南貴州廣西向無積欠六省着加恩於下年正賦  
增修仁懷廳志

卷之四 蠲政

五

寬免十分之二該督撫等務宜董率所屬均勻減免酌  
定章程報部查核以副朕愷澤頻施恩加無已至意  
欽此

經費

額載每年條糧銀內存留廳庫春秋祭祀

文廟

社稷山川邑厲等壇銀一十六兩

貢生坊儀銀三兩

廩生八名膳銀四兩

同知每年春夏二季俸薪銀四十兩役食銀四十八兩

照磨俸薪銀一十五兩七錢六分役食銀十二兩

訓導俸薪銀三十五兩三錢三分三釐

存留備支共銀一百七十四兩九分三釐

增修仁懷廳志

卷之四

經費

五

起運布政司條丁糧銀三百六十八兩三錢二分八釐

地丁耗米變價銀二十六兩九錢四分

地丁耗羨銀八十一兩三錢六分三釐

二共銀一百八兩三銀六分三釐

遇閏年分起運閏銀六十九兩八錢六分五釐

遇閏耗銀九十一兩八錢四分二釐耗米變價共解銀

一百一十八兩七錢八分六釐

一遵照

題定經費直隸同知一員歲支俸薪銀八十兩養廉銀八百

兩

額設民壯十二名門役一名捕快四名皂隸四名  
轎傘夫七名每名歲支工食銀六兩共銀一百六十八  
兩

一直隸廳照磨一員歲支俸薪銀三十一兩五錢二分養  
廉銀六十兩

額設門役一名皂隸二名馬夫一名歲支工食銀六兩  
共二十四兩

一直隸廳訓導一員歲支俸薪銀四十兩

額設齋夫一名歲支工食銀十二兩膳夫一名銀六兩  
六錢六分六釐門丁一名銀六兩喂馬草料銀六兩六

增修仁懷廳志

卷之四

經費

三

銀三十兩零六錢六分六釐

已上均照向章書錄迨後裁減係因時制宜不得援引  
爲例故未書載

直省收養孤貧皆有定額州縣境內凡有鰥寡孤獨殘疾無告之人照額收入養濟院給與養膳銀米人多於額以額外收養其銀米遇閏加增小建扣除按季散給所收孤貧察明的實取具鄉約鄰右保狀收入人給格印年貌腰牌於散口糧時查驗患病官爲撥醫調治故給棺掩埋所遺名缺照額補補年底申報上司查考法至善也廳治收養孤貧向無定額係由地方官捐給乾隆四十二年署同知鮑棟詳報凡十二名口歷任並無報銷案牘或增或減未能詳也嘉慶十八年同知陳熙收養稍多分別全領及

增修仁懷廳志

卷之四

普濟

七

大小名口全領十四名大口六名小口五名共二十五名二十五年同知普恩申報大小孤貧二十五名時多時少難以定數道光十年同知劉嗣矩因普濟堂朽敝捐錢八十緡並育嬰堂餘資十八緡修理十七年署同知石煦詳報收養孤貧三十名口十八年署同知馮紹彭籌添孤貧十名口共四十名口因捐資有限而孤貧人數無定訪得石梅寺紹興寺天臺山萬壽寺尖峰寺南景天古佛寺諸處廟撥市石穀一百石等處俱多間田從前施主亦無可攷稟請裁廟田以充此項公用中丞善化賀公謂以各廟餘田贍養孤貧旣免寺僧濫費窮黎又得資生實屬一舉

兩得批允其請每年撥寺租得市石穀一百石計可添養  
孤貧三十名又王克隴胡源光等充公田土市石穀七石  
二斗苞穀六斗經費稍裕矣今將充公田土數條列後於  
乾隆五十七年承買胡廣贊一業地名瓦窰田茶岡共一  
業載條糧銀五釐載種八斗載課六股均攤在李恒一戶  
內上納價銀二百八十五兩東界自規漕溝遊上抵三鍋  
莊曲轉抵任姓之界西界跟任姓之界跟嶺埂遊下巖崙  
抵楓香樹斜下抵溝跟溝遊下抵王姓之界北界跟王姓  
之界抵浸水巖毛崙斜上抵石堡跟巖坎橫過抵溝跟溝  
直上抵堰頭溝坎斜下抵跟插蠟田坎橫過斜下土橫過  
增修仁懷廳志

卷之四

音序

天

抵溝跟溝直下上抵小堰溝遊過抵人行路斜下限田塍  
腳遊過仍合東界爲界

乾隆六十年買劉榮華一契地名土地垣載條糧七釐栽  
種八斗價銀二百八十二兩東自河溝由上插蠟樹崙坎  
橫過抵大堡遊上文姓田角自文姓小面左邊田塍斜過  
抵上面田坎塍轉斜過抵龍井文姓田角跟文姓堰溝曲  
轉上田坎跟本界田塍斜過抵倉堡斜上橫過抵黃泥田  
抵石界溝跟石界溝遊上抵王姓石界爲界南界跟王姓  
上面田塍橫遊過抵雙夾石爲界西界自雙夾石跟人行  
大路遊下抵王姓之墻垣遊下抵王姓之田角遊下抵崙



坎跟本界崙坎斜過文姓田角下坎抵龍井跟冷水溝遊  
下抵石界小溝遊下抵大石盤直下河心爲界北界自河  
心直下仍合東界爲界

嘉慶三年買文子倫一契地名田塆一業載條糧一釐栽  
種三斗價銀四十八兩東界抵翁姓田塆跟溝遊上抵大  
石堡轉南界抵堰溝由仲兄田塆橫過抵宅後陽溝坎齊  
中堂劈破直下抵大茶樹園邊橫過抵慈竹櫬大石堡抵  
萬壽宮之界西界跟溝遊下抵翁姓上面田坎北界跟翁  
姓田塆橫過仍合東界其有堰水一道在其仲兄之土內  
接流學堂塆水田九坵堰水一道在其仲兄之土內接流  
增修仁懷廳志 卷之四 普濟 五九

上段山土一幅東界跟溝遊上抵小溝轉抵大石堡遊上  
抵垠南界抵吳姓之界西界跟垠遊下抵石甲口橫過抵  
人行路抵溝仍合東界

嘉慶四年買文子龍文子鳳文子倫弟兄一業地名學堂  
塆載條糧九毫載種二斗五升價銀四十八兩東界從本  
宮置田角直上茅草幹上堰坎斜過抵插蠟椿遊上乾溝  
直上抵吳姓界爲界南界橫過崙坎腳石界遊下大巖腳  
橫過抵石界土坎直下大溝爲界西界跟大溝直下抵斜  
石板爲界北界跟土崙坎橫過本官田角遊上本宮田坎  
橫交東界合界是年又買文子鳳一業地名田塆載糧九

毫載種二斗五升價銀五十九兩東界從本宮田坎茶樹直上坐宅後簷坎跟坎橫過抵大溝直上抵人行大路曲轉跟埂直上抵王姓界南界跟王姓界橫過斜下巖墻石界直下抵溝爲界西界跟大溝直下抵本宮石界爲界北界仍跟本宮石界上面田坎橫過抵茶樹交東界合界爲界外欄杆田下零星田一塊在內

嘉慶十五年買彭觀明一契地名烟蓬三岔河二處載糧五釐栽種五斗價銀一百一十兩東界跟大梁子橫過抵胡姓之界南界跟胡姓之界直下抵岩崙西界跟大崙橫過抵溝北界跟溝康姓之界遊上大梁子仍合東界交界  
增修仁懷廳志 卷之四 普濟 卒

爲界  
以上六契共價銀八百三十二兩載糧三分六釐栽種二石九斗每年收租穀若干原志未詳載無從查核

育嬰堂 在城內

蓋闡大道之行幼有所長今廳屬每有待哺赤子棄置道左甚非所以體 天地好生之德也本府擬創置育嬰

堂僱乳媪數人給以口食工價如實有不能舉子者官爲收養取具父母供結備案至稍長時或有保養或認領歸宗其無人顧盼者許放作僱工養媳吾聞君子恥獨爲君子如有同志樂施者姓名捐數登之此册事成之後刊刻

以垂永久其酌議款目亦各抒所見本府必虛衷採擇焉  
是爲引 同知徐玉章撰

廳治向未設育嬰堂道光九年同知徐玉章躬自捐廉及  
紳士張大晟等樂輸獲錢一千五百餘緡買地創興十年  
同知劉嗣矩捐錢一百餘緡十八年同知馮紹彭勸捐銀  
一百四十金發當商生息以給幼孩棉衣

買劉光宗桐梓林田土取穩租銀五十兩每年收租穀十  
二石

買楊映魁桐梓林田土取穩租銀五十兩每年收租穀十  
二石

增修仁懷廳志

卷之四 普育

六

光緒四年奉 藩憲林札辦義積穀數目

本城五甲存義穀一百四十五石積穀二百二十石

天臺寨存義穀四十五石一斗七升積穀七十七石七斗

三升

興隆團存義穀二十八石積穀三十八石

復興場存義穀二百石積穀一百四十二石

五皇廟存義穀五十石

大安埧存義穀二十四石

七里坎存義穀十八石

磨堯寨存義穀十五石五斗積穀五石三斗

鳳凰山存義穀二十二石四斗積穀十石零八斗

發明寺存義穀共三十石零五斗

保月寺存義穀共八石六斗

旺市場觀音庵存積穀二十石

旺市場六甲存義穀三十七石一斗積穀五十二石

觀音壩存義穀三石九斗積穀六十石零八斗

大豆埧存義穀八石四斗

轉龍山存義穀八石四斗

紅巖埧允和甲存積穀六石一斗

鳳鳴園存積穀五石五斗五升

增修仁懷廳志

卷之四

三

允和鳳鳴兩甲共存義穀二十三石一斗八升

信義甲存積穀七石二斗

葫市場存積穀四十五石

河里大洞場存義穀二百九十石六斗五升積穀五十八

石五斗

文華寺存義穀一百四十三石六斗一升積穀十一石九

斗

朝陽山存義穀六十九石六斗八升積穀十二石

會水村存義穀二十三石三斗七升半積穀四石八斗

普陀寺存義穀二百零五石五斗八升積穀二十八石

迴龍場存義穀一百二十八石九斗三升積穀四十五石  
寶源場存義穀一百三十五石六斗四升積穀五十五石  
龍泉寺存義穀一百石積穀十石

大垣山存義穀一百零一石三斗七升半積穀二十石零  
一斗七升

三義山存義穀一百零五石積穀四十五石

聚義村存義穀四十二石

鼎山寨存義穀十一石八斗積穀三十一石八斗

泐市場存義穀共八十二石

上里大金沙存積穀三十石零四斗

增修仁懷廳志

卷之四 育嬰

三

猿猴場存義穀二十石零一斗九升

大石頭存義穀十六石五斗

陞詔甲存積穀二十一石

土城場存義穀八十二石積穀五十五石六斗

風村場存義穀四十二石積穀十二石三斗

雷寶山存義穀十二石積穀三石七斗

頂新寨存義穀十六石積穀十九石五斗

土地垣存義穀八石六斗積穀十三石八斗

牛場垣存義穀十三石積穀十三石二斗

銅鼓溪存義穀五石積穀四十三石二斗

唐朝埧存義穀十七石八斗積穀三十石零二斗

洗腳溪存義穀十四石二斗積穀十五石零九升半

石板溪存義穀八石積穀九石六斗

臨江場存義穀二十五石五斗積穀二十一石

順江場存義穀二十二石積穀十六石

螞蟻溝存義穀二十石積穀十石

東皇場存義穀十二石零三斗積穀十石零五斗

圖書埧存義穀六石積穀十石

大埧甲存義穀四石

張家場存積穀四石八斗

增修仁懷廳志

卷之四

育

百

增修仁懷廳志卷之五

人物

宋

王震孫太原人宋瑞平初元兵犯蜀震孫率眾禦蜀隘解  
難息民事聞授從義郎總重慶路兵馬鈴轄

見貴州通志

又王

夢麟譜云同太原嫡系入播者有一祖震孫總重慶路兵  
馬提轄與余玠犄角保障川東當卽播州長官司王氏祖  
也又嘉靖間楊烈與水西構難並殺其長官王黼李化龍  
疏播州長官司王積仁以附播被擒與楊氏俱滅無攷

明

增修仁懷廳志

卷之五 人物

一

李化龍疏云有投降夷目原非官長本無冠帶但賞格曾  
坐名開諭轍爾先事歸誠亦宜少示眷酌以明恩信如上  
赤水里頭目袁年父遭酷禍投降最早宜授以所鎮撫職  
銜下赤水里頭目袁鑿仁懷里頭目王繼先安羅二村頭  
目羅國顯安鑿以上五名念其返誠歸正量授冠帶總旗  
袁鑿仁懷縣人官遊擊襲威遠衛指揮僉事宋有袁世明  
豫章人官總制理宗時播州之唐朝坨古磁仁懷諸蠻夷  
出擾爲邊民患世明方視兵江淮魏了翁薦於朝令領兵  
入蜀正月師至五月奏凱留世明鎮其土壘卽其裔也於  
天啟二年奢寅叛陷蜀州縣鑿克復重慶合江仁懷

縣志復

與賊相拒于仁懷之竹瓦寨血戰三日夜兵盡被擒

貴州通志

寅說降大罵不絕口遂支解之

採事

聞命于其戰地立忠

勇祠祀之蔭其子蕙芳參將仍世襲指揮僉事後又命與

陳王謨同祀府城忠烈廟

貴州通志芳僉事三字依採冊增

蕙芳仁懷縣

生員蔭襲後痛父之死自請爲前鋒直搗奢氏巢掘墳鞭

尸以雪憤繼以兵復遵義援黔救滇其功爲多

採冊

袁奎

之兄萬曆年間討播磨獻地投誠率屬從征戰水牛塘破

海龍壘與有勞焉

採冊

天啟間爲分防隘渡領兵遊擊

高巖山碑

官至副總兵袁勳爲威遠衛守備

高巖山碑

唐乾符二年有安朝何者從征南詔有功世爲懷彝長厯

增修仁懷廳志

卷之五

人物

二

宋元明世有今仁懷縣地後又改爲懷德長官司萬曆二

十八年征播長官安鑾投誠爲鄉導地方賴以不擾播平

改威遠衛長官

常有千戶二字

崇禎十二年有長官安在當時遵

義民郭士奇吳尚才倚水西降將趙國勝爲虐官捕繫士

奇獄其黨聚眾劫士奇走知縣王佐聖遇害知府常三錫

率鄉勇擊不克在嵩助擒之十三年水西復叛防禦南關

十六年赴援永甯十七年援川北俱有功

採防冊

按懷德長官吏於播州不書仁懷安氏在明爲夷目非長

官李疏亦甚燎而仁懷縣建置云嘉隆間領以長官隸播

州豈當時會增設長官而旋廢歟明史烏蒙等軍民府土



官傳嘉靖七年有懷德長官阿濟望隴勝得一職以存隴  
後當別一懷德也又按心齋隨筆載唐時入播七姓楊端  
太子少師羅榮後軍鎮武總戎鄭畋之子開龍皆已見一  
曰安增將軍廣平清河人疑卽此安氏之祖又令狐瀉太  
原人中軍左護衛將軍成展交城人軍右護衛將軍楊  
威清河人前軍副元戎三人之後當亦世爲土官今無攷  
矣桐梓縣令狐成姓最蕃卽其裔採册唐僖宗乾符三年  
南詔陷播巢賊並起帝奔蜀都成展勅封中軍右護衛將  
軍總領鎮戎侯平播奏凱旋師其後裔成昌在元時勅封  
賢平播參軍追封奉議大夫賜劄安居子成俊襲職籍管

增修仁懷廳志

卷之五 人物

三

提調重慶播州等處地方太傅宰三世成嗣宗襲職管軍  
陞授同知都勻軍民府司馬大夫又授雲騎尉陞奉議大  
夫其墓俱在澗坝村子孫世居其官稱不可曉

劉氏武功世錄劉縱本宋侍御史龔祀後父顯賚於劉縱  
其姓劉後請復姓神宗不許謂復姓則掩乃父功欽賜姓  
劉卒年六十七其平播時賜功賞銀四千二百兩止給二  
千兩其餘二千二百兩以遵義仁懷田土酬折作賞後次  
子佐官貴州都司崇禎中歸居縱功田之在合江者

袁壘字寶臺祖崇簡由磁城千戶所遷唐朝坝世襲儒溪  
長官司壘職後萬曆中建金字固以爲保障誥封懷遠

將軍弟初字仙臺亦封懷遠將軍

並據袁氏族譜乃切字也

袁起龍字騰海奎長子萬曆二十八年平楊應龍起龍爲儒溪歸化保指揮二十九年川湖貴州總督王象乾清理播州疆界起龍所轄河西地方張家坝抵蘭州青杠寨爲界至今碑在麻柳灘

張顯光事母至孝母病醫藥罔效晝夜叩禱母病尋愈縣令旌其孝

王繼先仁懷里人萬曆二十七年征播州繼先與赤水里袁登安羅二村羅國明先事歸誠總督李化龍給以冠帶羅乾象字紹治一字安邦其先自江西南昌遷仁懷縣之

增修仁懷廳志

卷之五人物

四

土城遂家焉初永甯宣撫司奢效忠死無嗣以族人崇明承襲崇明微賤突起謬爲恭敬見乾象愛其才納之天啟元年九月崇明及其子寅遣黨與樊龍張彤殺四川巡撫徐可求據重慶以反僭僞號大梁改元瑞應設承相五府等官統所部及檄外諸蠻數萬衆分道趨成都四川布政司朱燮元攝巡撫徵諸將用礮擊之乾象在賊營用爲將而志在反正會有儒生孔之譚陷賊中遣使於燮元謂乾象輸欵願殺賊自效乾象與之譚至燮元所燮元呼乾象飲戍樓中不脫其佩刀與同卧酣寢乾象誓死報復繼而出自是崇明舉動乾象輒密以聞乃遣部將周斯盛詐降

誘崇明至城下伏兵起崇明跳免會諸援軍至崇明謀退  
兵燹元投木牌數百流錦江而下乾象因自內縱火焚營  
崇明父子逃走瀘州錢帛穀米委棄山積窮民賴以得活  
乾象因與其黨胡汝高謀以降城圍百有二日而解除乾  
象參將統攝各路官兵爲先鋒乾象潛誘賊目張令結宋  
武等乘間擒其僞丞相何若海來降進攻永甯敗寅于土  
地坎迫至老軍營涼傘舖令范祖文鄒蔚等夜焚賊營崇  
明父子逃入紅巖大區官軍感之連拔天臺白巖楠木諸  
匪撫定紅潦四十八寨賊奔入舊蘭州城乾象攻克之焚  
九鳳樓覆其巢崇明踉蹌率其眾走水西糾合夷目安邦  
增修仁懷廳志

卷之五

人物

五

彥據險以守而邦彥令其子孝良出兵過河分爲二一由  
鎮雄乘永甯之後一由普市入新寨攻永甯之前崇明與  
邦彥分犯雲南遵義而令寅專犯永甯未行寅淫凶日甚  
乾象與張令胡汝高密許夷人阿引金錢乘寅醉殺之並  
斬孝良首以獻乾象遷仁合路總兵崇正元年燹元總督  
川湖南雲貴廣西五省軍務二年燹元檄滇兵下烏撒蜀  
兵出永甯畢節而親率大軍駐陸廣時崇明號大梁王邦  
彥自稱四裔大長老其下歹費阿鮮等各號元帥悉力趨  
永甯先犯赤水燹元令許成名引賊深入度賊已抵永甯  
遣林兆鼎從三岔入王國楨從陸廣入劉養鯤從遵義入

乾象奇兵繞出其後急擊之賊大潰斬邦彥崇明於五峰山桃紅埧時八月十七日也蘭土平論功封衛遠侯標騎將軍控制馬湖鴨池等處地方仍統仁合瀘驛漢土官兵兼理軍民糧餉事變元及監察御史陳虞謨永甯監軍劉可訓爲乾象建坊於蘭州刻奢賊舊坊聲先嘉譽四字改題平蘭元功以旌表焉崇正十年卒年四十七妻陳氏生長子文垣妾周氏生次子文才平蘭之役皆死於軍繼從弟庠生彥象之子干萃襲總兵職兼知龍安府事崇正末感先世殊遇憤惋以歿後裔至今繁衍

國朝

增修仁懷廳志

卷之五

人物

六

鄭之僑字惠人一字東里性聰敏嗜學善文章少補博士弟子員才思日進康熙五十年辛卯四川鄉試中式第七名舉人明年壬辰會試中式第一百一十名進士授翰林庶吉士散館授檢討未幾卒士論惜之詩賦華瞻多不存稿書法學唐人遠近珍其片楮如拱壁

周德湖廣人明季避劉寇之亂至仁爲威遠衛總旗後入本朝裁威遠衛德遂家於衛地今河西里是也

韓仕鵬四川宜賓縣人明季避亂隱於威遠衛河西屯入本朝家厚溪鮑家橋康熙中卒子衛道遂入河西里籍

袁斯恭河西里人爲諸生有聲庠序間康熙二十五年四

川鄉試中式第四十六名舉人官新津縣訓導陞江南儀徵知縣以治行聞

王屏首里人讀書工舉業康熙五十年辛卯四川鄉試中式第四十五名舉人官河南彰德府安陽縣知縣有政聲解組歸饒林泉之樂者望爲士林推重

傅之奕字嗣期少有志於經術之學入桐梓縣庠康熙五十二年癸巳 恩科舉人四川鄉試候選知縣善治春秋著有麟經摘要深得謹言之旨

楊天運字介繁少讀書尋棄舉子業習武舉康熙五十三年甲午四川鄉試出師西藏平定青海天運功最多擢參

增修仁懷廳志

卷之五

人物

七

將加副將職銜授湖廣常德營參將歷廣西柳州營參將工書法行草直入晉唐人之室畫學米南宮淋漓滿紙生氣遠出收藏家珍如吉光片羽焉

楊廷琚少嗜學手一編不輟康熙五十六年丁酉舉人官學正吟自若指授諸生爲文法度不少倦老歸終於家

楊拱字漣溪歲貢生有文名尤究心於梓里文獻雍正中仁邑移治生界撥通判分駐舊城拱著有仁懷廳縣志稿

張淳字鑒華國子監生其先本甘肅固原州人國初避亂遷於仁懷縣之生界後遷於廳城遂爲廳人性質重無浮華習氣居家以孝友聞黔無鹽仰給於蜀廳介黔蜀之間

蜀船由合江載鹽至城東之沙灣上岸肩挑背負半月餘始達省會黔人以鹽來遠而價昂淡食者比比也乾隆初開赤水河自白沙至沙灣凡七百餘里然路遙灘險蜀中舟子不能至而二郎灘至新龍灘三十里不可舟水陸遷賢行旅難之以是官招商船行鹽仍無應者涪精心設計乃相水勢規造鹽船以茅苫村爲總滙而猿猴鎮至二郎灘及新龍灘均置有房屋分遣人經理之秩然有法度由是入鹽之邊引大增而其價亦較平自涪之水運始也涪自奉極儉約於鄰里鄉黨不吝施與延師教其子讀書奮志仕進以子必琳貴 誥封奉政大夫卒年七十五涪三

增修仁懷廳志

卷之五 人物

八

子必琳其長子也次必懋幼必楚必琳字璞菴容貌甚偉聲如洪鐘補博士弟子操鹽筴出入洞悉利弊人樂爲盡力倍助贏焉以同知分發浙江署紹興府海防同知周覽越中山水之勝而吏事具整官於浙江三年歸必琳素寬和居家時嘗有犯以非禮者必琳怡然引過其人始聘貽終乃大服其雅量率類此必琳三子長大晟候選詹事府主簿次大昌雲南陸涼州知州幼大疇刑部四川司員外郎必懋字勉齋嗜學善書畫候選布政司經歷因足疾遂絕意功名以子炳南官戶部胡廣司員外郎

誥封朝議大夫必楚字蔚亭容貌溫雅修髯過腹篤於孝友

不慕榮利以必琳主家政且有三子而必琳與必懋只一子諸多推讓有薛包之風焉以子大昭貴

詰封朝議大夫張氏自淳以醴商起家修學校治道路葺橋梁及育嬰掩骼諸義舉皆首先樂助云

王天祿號廉輿爲人忠厚心地坦白其先代本太原人也居江西南昌府豐城縣宋端平二年先代同袁羅二姓先祖輩由川入黔從合江苦竹溪至土里袁居水榭坦羅居銅鼓溪王氏居東皇殿萬曆二十七年三姓先事投誠率衆來歸總督李化龍給以冠帶明末奢酋父子作亂王氏遂隱居土里猴子壩

增修仁懷廳志

卷之五

人物

九

國朝康熙間天祿奉母吳氏遷居首里水西垵天祿三子長助仁次勳仁三懷仁次房勳仁生五子長繁昌乾隆壬子副榜次榮昌文生三祚昌文生五德昌文生惟四房澤昌讀而未成繁昌之孫廷超武庠次榮昌之子王椿同治丁卯舉人椿子良鼎戊子舉人良藩文生良鼎之子毓林文生三房祚昌之子王燦乙未歲貢四房澤昌之孫良善武庠五房德昌之子王理候選府經歷王理之姪王良權癸酉拔貢其助仁之孫王珍文生珍子良臣文生又助仁之八房曾孫王良翰同治丁卯副榜今首里水西垵王氏皆其後也

袁術誠字芷水河西里人由敘永廳籍領乾隆甲午科四  
川鄉薦官雲南嶧縣知縣術誠性厚重學有原本解組  
歸卒年八十六

吳登舉米糧渡渡夫也上下赤水河數百里於水道險易  
遠近盡得其要乾隆八年貴州總督張廣泗議開赤水河  
下其事於仁懷縣登舉至縣具言開河狀甚悉縣上之大  
府檄登舉至省垣詢以開河利弊登舉因言開河次第皆  
確鑿可行刺指血書一家兄弟子姪一十八人名所開河  
不如其言者一併連座大府信之奏

聞報可九年檄遵義府陳之璧大定府王允浩遵義府通  
增修仁懷廳志

卷之五 人物

判胡國英凱里都司劉奇偉領其事選文武二十餘員并  
分派各灘而登舉支白金募衆工十一年開河工竣廣泗  
自省垣至仁履勘沿河至兩河口登岸問登舉願官否登  
舉曰某未習詩書苟公厚恩得免罪戾足矣敢望官乎廣  
泗悅書忠耿過人四字贈焉二十二年卒

張大昌字子蕃浙江候補同知必琳子也幼嗜學博覽經  
史尤耽詩由中書科中書授雲南陸涼州知州陸涼故蠻  
地大昌以誠悃接其土民一境翕然公餘手一編吟哦不  
輟初大昌官京師卽以詩知名長安公卿中旣而遠歷江  
山崎嶇絕徼性情所至輒以五七言字寫之著有蕉月山



房詩稿如解悟云大夢百年中醒者能有幾送友云陽春  
在兩袖敢恃三尺醒廉吏不可爲子孫蒙其福感懷云身  
負人間多少恩捫心都是懷慚處浩歌云我願形醉毋心  
醉醉裏自吐胸中奇巴陵舟次云水勢全吞楚濤聲半入  
吳白帝城云峽勢撐中外江聲送古今默座云未知生是  
夢但覺曰如年早園云種竹多還俗吟詩澹轉工江景云  
懸巖藏佛寺深霧出江船蟋蟀云一燈明滅夜四壁淺深  
秋有所思云短笛一聲剛入破新愁壓土玉蘭干暮春舟  
次云啼鳥不知行客意聲聲歸去勸人多皆瀏亮饒有遠  
致其姪婿涪州侍御陳熾序其詩謂清爽之氣如滌筆於  
增修仁懷廳志

卷之五 人物

七

冰甌雪盃中信然子瑄字春荃候補郎中

傳同形字爰立一字肖野又字鶴亭歲貢生博覽好吟咏  
北遊燕過大梁浮洞庭足迹半天下歸杜門不出十餘年  
復自蜀之南平遊東川諸勝歸築開雲草堂於上城吟咏  
其中自得也輯平生所著詩取東坡人生到處知何似有  
似飛鴻踏雪泥之句以名其集曰雪鴻草雪鴻續草年九  
十餘卒

羅造幼習誦讀長而服賈爲人以質直聞子清英沛英孫  
九舉九如九圖年逾耄耄下見會元道光八年同知徐玉  
章上其事奉

旨給七葉衍祥匾額賞緞疋銀兩年九十七卒於家

傅師瞿字又瀄一字恕菴性嗜學博覽載籍日手一編不輟爲諸生有文名尤酷好爲詩與人交無城府邊幅乾隆四十五年庚子 恩科貴州鄉試中式赴禮部試連報罷選授印江縣學教諭學舍湫隘師瞿葺四楹軒三楹與諸生罇酒論文嘗有句云不愁俸薄先增屋爲愛官閒好讀書其風致如此嘉慶二十三年陞授直隸定興縣知縣定興畿輔衝途迎送往來無暇日師瞿年八十精力尚壯庶務能整理而事多疆直自遂爲上官所厭未一年解官又踰年始歸至湖北松滋病卒行李破書數篋而已著有四增修仁懷廳志

卷之五

人物

三

梧軒詩集子代曠廳學廩生代鏞監生師瞿之罷縣也留滯會垣一年餘益困無何鏞以上官及家人違格狀訴於都察院奏

聞

詔命大學士會同刑部覈其事已革知府坐索規禮戍塞外總督家人坐索門包戍邊遠而鏞以挾嫌訐告戍近邊師瞿並不知情仍改教回籍鏞戍松滋師瞿歸自直隸見鏞於戍所病不能行未幾卒鏞旋遇赦沿途告貸扶櫬歸里時蠡太史銑敏張大令錫穀憐其孝皆爲詩贈之

周相國少孤家貧年十八入行伍二十一出師金川被重傷金川平恤典給百總餉銀之半終其身生平瀉謹行坐

皆有矩度言語未嘗戲謔取家中所有施諸人不倦督其  
子世翰讀書充學官弟子年七十餘卒

鄭錫福字疇五首里人積學善屬文性峻潔家貧至不能  
具饋窮寒如也由優貢考充鑲白旗教習選永甯州訓導  
勤於課士門人弟子著錄者舉趾相錯嘉慶初南龍苗蠻  
渡盤江鐵鎖橋而東焚掠州城學舍燬於火錫福僦居民  
閨猶日講貫不倦云

胡起泰字彙征一字亦園首里人 恩貢生工舉子業弟  
子從遊者甚多性接人以和不立崖岸田翁賈子皆樂就  
論說精於醫治方藥療有疾者所活甚多

增修仁懷廳志 卷之五 人物 三

羅德岡字純龍土里人由江西泰和縣來此買遷生平樂  
施尚義周卹鄰里饑寒遇人患難或爭訟事必極力和解  
修造橋路施衣施棺土里多稱其惠子餘枝監生餘棟廩  
生俊章副榜

段廷槐字蔭階本城人性謹飭不喜紛華口吃多智爲人  
知大體城中義舉竭力伙助子四長星燦字斗亭由庠生  
官江蘇常州總捕同知有政聲次星煥州同三星耀四星  
煌俱監生曾孫皆業儒三房曾孫世椿廩生二房曾孫世  
模癸巳 恩科舉人

余道醇本城人增貢生事親孝居家恭謹子文顯由庠生

官浙江布政使經歷次文達雲南吏目

陳兆先本城人性恭儉居處必衣冠盛暑亦然一言不苟雖童子亦必禮敬之凡城內公事任勞任怨多解囊襄助毫不染私人以是多德之

黎碧泰土里人由福建上杭縣遷土城里之後槽植杉竹爲業宅心仁厚置葫市堰溪義渡居民至今賴之夫婦俱八十而卒子文亨孫庶安俱邑庠生

王繁昌號晉康勳仁長子乾隆壬子副榜生平秉性純正規言矩步絲毫不苟遊泮後卽以訓徒爲業遊其門者衣冠言行悉循古道因同知徐玉章亦以壬子副榜爲同年增修仁懷廳志

卷之五 人物

古

友重其品學延請主講雙城書院數年選授龍泉縣教諭以年老辭不就職士之出其門者選拔則有李諭謝一樑訓導周之楨進士則有謝本嵩恩貢王志純歲貢鄭奇珍王臻孝廉方正黃秉鈞廩增附生則有江文宗鄭昌齡李咸宜黎文亨黎庶安王大位王大任王大介王珍王子寅王良臣王國瑞聶象璋川省有曾映奎何鳳儀毛扛舉至拜門就正者不能悉記士論歸之年九十以無疾終

王榮昌號華國勳仁次子十七歲遊泮後卽染吐血症遂棄舉子業精習岐黃及勘輿諸藝所生七子長幼皆亡僅遺第六子瑤因此決意行善著便易錄勸世行功過格數

年施陰地理葬貧民數百塚收買殘書字紙焚化江中鄉  
間貧無棺葬者所求必與如家無木片卽拆樓板以與之  
嘗自吟云單傳一子意懸懸只積陰功不積錢莫謂吾家  
無厚產讀書勝似買良田瑋更名椿同治丁卯舉人孫良  
鼎光緒戊子科舉人良藩庠生良鼎之子棫林庠生卒年  
七十八歲至今孫曾林立人丁漸盛

謝一樑字杏園自幼聰敏年未二十卽遊泮嘉慶癸酉選  
拔秉性正直凡鄉中是非口角質之卽爲決斷人皆敬仰  
又急公好義從前阿蘭寺出息無幾官扎杏園管理遂至  
積累銀錢置買田地收租一百餘石管理葫市萬壽宮修  
增修仁懷廳志

卷之五

人物

五

建廟宇並撥阿蘭寺廟穀興設培風義學不辭勞苦事繼  
母以孝聞長子本嵩道光壬辰 恩科舉人丙申進士官  
廣西平南北流鬱林陸州等處州縣道光丁酉履子本嵩  
任歸里時四民作序以紀之逾年本嵩卒於任親友到其  
家唁慰杏園曰修短有數功成者退處之泰然談笑自若  
於地方公事善舉愈爲贊助道光二十五年同知譚煒興  
設卷田尤倡首爲之迄咸豐壬戌髮匪竄擾猶稟請防堵  
其關係地方之念未嘗頃刻忘也卒年八十以子貴

誥封通奉大夫次子本嶽例貢三子本崑四子本崙俱廩  
貢五子本嶙咸豐辛酉選拔六子本嶸五品軍功七子本

崇花翎軍功八子本岡例貢九子本嶽翰林院孔目孫紹  
勳廩生紹蒼紹憲俱文生曾孫遴選廩生

王子寅號敬之家貧父母俱在年十四即以教書爲業供  
親饘功課之暇自爲誦讀凡詩文之佳者無資購買不分  
寒暑日夜抄謄熟記於心二十四歲遊泮仍以訓課爲業  
父母歿以禮安厝其幼曾受業於廩生庠廷槐本傳姓廷  
槐病篤以子傳代都囑之曰吾只此骨血今託囑於爾爾  
善教之吾家餘資無幾除束修免送外聊藉火食言畢而  
卒代都年甫十一殯葬父後即隨子寅赴館肄業每年火  
食隨便並不與較至十七歲代都發府案遊泮子寅不負  
增修仁懷廳志

卷之五 人物

六

師託如此其生平教書每於講解時先將文昌孝經或覺  
世經陰騭文感應篇擇切於時弊者二三段講解之然後  
講四書經書雖夏天極熱不露體不單着汗衣教訓子弟  
盡心竭力日無暇時士之出其門者恩貢周國敏王志純  
舉人王椿歲貢張德中生員王國瑞余桂森蘇紹瞻餘不  
能悉記卒年八十二至今士林嘗思慕之

謝本嵩號峻莽一樑長子也少穎慧爲諸生時同知劉嗣  
矩器重之招入署中受業道光壬辰 恩科舉人丙申

恩科進士官廣西平南北流鬱林陸州等州縣有政聲丁  
酉調廣西內簾同考官後以捐資辦理城垣蒙上憲賞給

公好義區額年三十六卒於北流任所子紹藩太學生孫

遴選廩生

袁履和號響泉土里歲貢生自幼貧而好學秉性光明言語坦白遊泮後專以教書爲業從教者甚衆成名之士多出其門同治壬戌四月髮匪猝至履和全不畏避以大義責之賊不服履和罵之爲賊所殺真士林中之罕見殆所謂舍生取義者歟

張大昭必楚子也生平謙恭和遜與物無競凡修廟修橋修路諸善舉莫不倡先樂助並刻胎產心法醫書傳世長子益鑿號春丞太學生官四川嘉定府經歷保陞知縣後

增修仁懷廳志

卷之五

人物

七

因公出差卒於途大昭次子廷奎號春林道光己酉拔貢朝考一等授甯安縣教諭因軍功保舉選授四川丹稜縣知縣以赴任違限開缺在川候補卒於寓所大昭三子廷塏字春皋文生保舉知縣高潔到四川貢井隱居卒廷筠長子書錡文生保舉同知書錡子駿文庠大昭四子廷筠文生候選同知大昭五子廷埽太學生廷埽二子張書銓張書聖俱文庠

李諭號恕堂道光乙酉選拔官雲南五槽州州判署臨安

同知鶴慶州知州秉性儉約不尚奢華爲官二十餘載廉潔自矢後以目疾致仕歸里兩袖清風專以詩書課子至

咸豐甲寅號匪竄境巡撫劉岳昭撥兵防堵有商同知門  
丁周天元總役楊高二人藉兵米名色詐磕富民幾致激  
成民變李諭爲大局起見欲揭稟大憲因貴州路途梗塞  
遂詣丁往四川總督駱衙門巡撫劉行營貴州學政黎寄  
川寓備呈惡蹟俱咨貴州巡撫提天元楊高到省訊辦其  
害始除四民感之卒年八十子鳳翰舉人孫培瀛文生  
謝本崙號竺巖一樑四子也廩貢生分部主事三品花翎  
銜歷官雲南甯州雲龍羅平潞南知州政聲昭著兼精岐  
黃園園中得染瘴癘者施方調治無不全愈上憲刊其方  
布各州縣又自著痒痧等書傳世年六十四卒於任所官

增修仁懷廳志

卷之五

人物

七

囊空乏欠欸數千子廩生紹薰多方籌措越三載鉅欸始  
清歸父葬後旋以疾卒

廖繼泰號免驕河里監生通經史知醫道生平好善以良  
方壽世以苦口勸人作勸孝歌戒淫歌忍氣歌醒閨編公  
門報諸書遠近流傳卒年七十餘歲

羅友松號徠山更名俊章號守愚道光辛卯科副榜秉性  
光明磊落心地坦白毫不欺人主講雙城書院每日持功  
過格到每月痕必將所爲諸事俱載疏文向文昌帝君焚  
化以表心跡真有前輩典型遺風卒年七十子亮卿能繼  
父志爲土城團總辦公任勞任怨卒時人皆悼惜亮卿之



姪光祖保舉訓導

王述聰號聽堂河里從九王懷鳳長子也生平處事寬和爲人孝友推有濟無爲鄉隣所愛慕當寶源場團總同治元年四月髮匪竄擾聰帶練防堵保全地方至七月賊又由永甯竄至大洞場因王椿在長生圳防堵賊不能過遂於大洞場住紮十餘日川兵於七月十二日追至大洞場賊敗前有長生圳之防堵後有川兵之追前後無路竄往新橋與聰打仗因衆寡不敵聰當時陣亡其子王世清亦陣亡團首袁長春與團丁同死者三十餘人賊去數日各家清屍獨聰顏色不變如生同知恩彬贈以輓聯云願充增修仁懷廳志

卷之五

人物

九

黔北干城急公快傾囊人家多資舉火誰如其仁誰如其義職守河西門戶殺賊不避鋒父子無愧爲人 此之謂孝此之謂忠

李開先號秀山河里恩貢生秉性誠篤與物謙冲性至孝父母歿廬墓三年生平立四箴以自勵一端心術二正品行三嚴幽獨四戒自欺並舉此以教人遊其門者多恂謹之士晚年倡募刊刻文昌聖典全函卒年七十四歲子李藻孫繼高均文生

劉照葵號校亭更名翼墀號培初道光己亥恩科舉人大挑選畢節縣教諭後官福建南雄州州同其爲諸生時文

理清順平常己亥入闈後有首里同學生余桂森夢入一大廟壯麗巍峩侍衛甚衆文昌帝君坐其上按册點名下有二婦人伏地爲照藜哀求錫予帝君翻册良久允之桂森醒後遇人便說今科劉某必中式也並述夢壯人皆以爲妄談迄揭曉照藜果中二十三名舉人衆詢劉氏族房及隣里始知照藜母及祖母兩世苦志守節乃有此報當時同學諸人傳爲美談惜其母及祖母姓氏忘卻無攷

王志純字子范首里恩貢生精文藝屢薦未售遂退而教讀從遊成名者甚衆生平見義必爲急濟解難凡修廟修橋修路諸善舉罔不倡首捐募性喜排解貼銀錢弗吝鄉

增修仁懷廳志

卷之五

人物

三

人以其事聞於官黎方伯賜以望重鄉閭匾額舊聖廟低窪劉侶鶴任內建議與文昌宮易地興修合紳耆稟請申詳並募化鳩工庇材廟成後遂病時年七十臨終囑子優貢培森孔目德馨曰聖廟落成當以青杠溪田業二股捨作祭田培森弟兄恪遵遺命稟官立案父子弟兄

同爲善舉

陳步雲首里武生年十七父染淋症小解閉塞痛楚難堪醫生診視謂步雲弟兄曰若有人吮出陰莖濃血卽可用藥立效免致痛楚時步雲及兩兄皆在傍二兄有難色不語步雲向前曰父之身子身所從出吮之何妨遂向前以口吮之濃血卽出其疾尋愈嘉慶甲戌步雲遊武庠兼習

堪輿精於選擇延甚康光緒甲申卒年九十七歲

王大佐號彷彿河里例貢生秉性寬和爲人謹慎言不妄發與人排難解紛不憚周詳鄉里悅服晚年倡募捐刻功過格善書培修寶相寺廟宇卒年七十六歲子振統振鐸俱文生孫王家槐光緒甲午科舉人

張廷塏號春臯文生保舉知縣充當本城局士同治元年四月髮匪猝至同知恩履中初接事民情未熟銀錢空虛全賴廷塏贊助籌畫招募練丁於城外四門防守七月髮匪復至廷塏仍設法保全城池同治四年號匪竄攻廳城廷塏毀家紓難極力堵禦晝夜巡查不辭勞苦至於各款

增修仁懷廳志

卷之五人物

三

防堵並勸捐軍需及培修文武廟公件善舉均著勞績卒年七十三歲同知崇志齋輓以聯云避異地以求安數載潛修消歲月幸故鄉之無恙當年偉績付雲煙子書騎文生保舉同知孫駿文生

黎良典字國治土里監生秉性耿直重義輕財子姪貧困常爲分潤族隣婚葬竭力扶持每以利濟勸人以善行囑子孫廳人士皆欽其氣度和平卒年九十一歲

明翰朝更名翰荃號聘珊定慧之子道粹之孫也首里舉人光緒辛卯入闈夢至公堂樹一紅燈高百餘尺旁人指曰此汝家節孝燈也翰荃卽攀援而上攜燈以歸懸於門

首其光熒熒揭曉果中四十名舉人間者稱爲節孝之報  
中舉後以教讀爲業務令從學者以經史爲根本不拘拘  
于尋章摘句專尚文詞間有貧不能讀亦嘗資以膏火至  
鄉鄰忿爭從中排解人皆佩服卒年三十二歲

張廷祥張廷任異母兄弟也廷任年長娶妻羅氏生育男  
女而繼母李氏始生廷祥甫逾月父母俱故廷任命妻羅  
氏同子共乳及長廷祥事兄嫂如事父母飲食衣服必先  
兄嫂而後及已廷任亦友愛愈篤歷四十餘年如一日迄  
後廷任歿廷祥與姪輩析產先將嫂羅氏養饒提出得值  
二千餘金始行分業廷祥歿後族隣思友恭之風著於鄉  
增修仁懷廳志

卷之五 人物

三

里因白其事於官廳主崇給廷祥匾額曰讓產報恩給廷  
任匾額曰鞠叔以慈夫重倫輕財實地方中之罕有極登  
之以爲世勸

黃燦字桂清明末舉人官教諭江西臨江府清江縣人甲  
申之變懷宗帝後遇難私遁於黔家無知者其子黃通泰  
字瑞光燦之第五子也順治五年桂清私遁通泰辭母並  
兄歷寒暑三年踰越四省至黔尋見遂家於黔奉養以終  
生員蘇紹瞻道光十八年戊戌遊泮光緒二十四年戊戌  
重遊泮水訓導華之鴻詳學憲傅增淸賜以古播靈光匾  
額現年八十五歲

王銘妻鍾氏銘遺孤四歲家計寥落氏辛勤紡績孝事翁姑訓子成立孀居五十年

李睿妻胡氏睿好獵氏泣勸感悟年十七夫卒閱四月生遺腹子嘗值歲旱襁負箐中採蕨療饑年六十六卒

王端妻方氏歸王一年夫病篤囑曰汝待婉或男女皆改嫁氏泣曰天若不絕君嗣願相依為命端曰若此任汝為

之遂死氏生子撫之成立守節終身並陳志

國朝

增修仁懷廳志

卷之五 人物

三

岸生安炯妻卞氏舉人貞女氏自幼淑慎年十八歸炯姑已亡翁年七十氏恪供婦職俾炯得專志攻苦旋炯沒氏時二十四歲願翁老遺子無依乃不果殉越三年翁卒氏盡哀盡禮六親歎息子稍長動輒繩以禮法成清謹士於乾隆二十五年題旌

楊氏苗民王大妻也乾隆三十一年四月王大死楊氏自縊殉節署通判高偉詳請 旌表

鄒氏李再端繼妻年二十三歲夫故鄒氏矢志守節前室子幼撫之如所生道光八年同知徐玉章請 旌

陳氏范帝相妻年二十五歲帝相卒是時翁逝姑老二子

幼陳氏奉姑撫子道光十八年署同知馮紹彭請 旌

梁氏黎洪興妻年十五歲適洪興二十九歲洪興卒梁氏  
孝事翁姑慈育三子婦德母儀里黨稱之後長子庶安補  
增廣生次子旣安幼子靜安耕讀傳家道光十八年請旌  
袁氏陳廷僕妻遵義府生員袁文明女也年二十二歲于  
歸二十六歲夫卒家貧姑老生一子新猷袁氏善事衰姑  
課其子登庠序道光十八年請 旌

鄒氏鄒洪仁女也年十五嫁柳楊仲楊仲卒鄒氏年甫十  
九歲翁姑在堂生一子尚襁褓鄒氏事姑年六十八歲卒  
翁年九十五歲卒撫子鳴貴克家道光十八年請 旌

增修仁懷廳志

卷之五 人物

五

羅氏羅理女也年十五嫁吳朝樑二十一歲夫故羅氏上  
事翁姑下撫三子婦道母道爲里人所稱子光照光烈光  
燾入庠道光十八年請 旌

羅氏黃金碧妻羅奇昭女年十六于歸二十六歲夫故上  
事翁姑養葬盡禮撫二子雲新雲慶勤儉克家諸生遠矚  
皆內訓所致也年七十二歲卒道光十八年請 旌

鄭氏劉祖相妻鄭玉周女年十五于歸十七夫故時翁與  
嫡姑先歿生夫之姑學氏年六十餘歲兄不才失業鄭氏  
誓志不嫁遺腹生一子忠堂奉衰姑年九十終撫子成立  
道光十八年請 旌

李氏陝西長安人李萬成女故雲南陸涼州知州張大昌妾也年二十六歲大昌納爲妾奉大昌母邱氏及嫡妻羅氏惟謹次年大昌卒李氏依羅氏守節撫嫡所出子瑄成立今官三品銜候選郎中道光二十一年請旌

梁向氏梁錦震之妻孺童向文魁之女十九適錦震甫二載錦震赴遵赴試舟覆溺亡氏毀容盡禮矢志守節孝事祖姑及翁姑繼夫姪春和爲嗣折產分居氏僅受應得之半鄉里稱其讓卒年七十七同治六年請旌學院黎培敬贈有節並松筠匾額孫宗燾爲優增生宗琛廩膳生

徐曹氏徐建盈之妻邑人曹國治之女年十八適建盈甫

增修仁懷廳志

卷之五

人物

三

一載夫亡曹氏矢志守節上奉翁姑下撫遺腹子現年七十六歲孫曾繞膝雍穆一堂同治九年請旌

梁黎氏梁德林之妻年十九夫亡遂矢志守節奉翁姑至孝撫孤子成立教曾孫宗緯入邑庠卒年九十四歲親見五世同堂光緒十八年同知陶春霖題旌

翁羅氏翁紹蘭之妻邑人羅文勳之女年十九適紹蘭壬戌髮匪入境紹蘭被賊擄去未知存亡終無消息氏年二十四矢志守節上事翁姑下撫遺腹子成立卒年五十三歲光緒十九年同知請旌

王趙氏王永秀之妻邑人趙朝友之女年十八適永秀甫

六載夫亡遂矢志守節上奉翁姑下撫遺腹子卒年八十  
光緒三年請旌

王劉氏邑庠王紹業之妾劉國伸之女十八適業二十八  
業亡因業生前好義家產傾頽業又無出氏乃撫弟紹基  
之子祥一線雙桃爲嗣儉儉勤勤復亡人已失之業裕子  
孫未艾之謀光緒七年由廳主題旌

蘇段氏蘇廷榆之妻州同段星煥之女年二十七守節六  
十一歲身故光緒十八年內閣中書楊樹請旌

蘇王氏蘇紹環之妻恩貢生王志純之女年二十守節卒  
年二十九歲光緒十八年內閣中書楊樹請旌

增修仁懷廳志

卷之五 人物

三

黃王氏黃正寅之妻生員王德昌之女二十六歲夫亡矢  
志守節卒年七十歲同治十二年請旌

謝本岡之妻羅氏同治二年夫故時氏二十六歲矢志守  
節歿於光緒九年守節二十一年光緒十八年請旌表

馬正銜之妻鄭氏咸豐辛亥年夫故時氏年二十四歲計  
守節四十三年於光緒十八年請旌表

羅黃氏文生羅德音之妻夫故時黃氏二十餘歲矢志守  
節已奉旨請旌表

王張氏王大璠之妻文生張榮椿之女同治元年四月爲  
髮賊所擄身負嬰孩同衆婦女行至最險地方望空跳水



登時氣絕節烈可嘉光緒九年巡撫部院林具題十二月十七日奉 旨准入節孝祠一體享祀

李黎氏李鳳翹之妻黎超元之女夫故時氏年十九矢志守節五十歲卒光緒十八年四月在部請 旌表

溫官氏溫吉源之妻年二十八歲夫亡守節三十二年卒同治八年請 旌表

王張氏王璈之妻副貢王良翰之母二十八歲夫亡矢志守節卒年五十九歲守節三十一年同治九年在部 請

旌表

溫梁氏溫吉河之妻二十五歲夫亡矢志守節卒年六十

增修仁懷廳志

卷之五 人物

七

六歲曾已請旌有案

王唐氏武生唐虎臣之女王東山之妻夫亡二十二歲氏終身茹素善事翁姑和妯娌年六十尚康強已請准旌表

馬袁氏馬雲龍之妻青年夫故守節六十六年九十八歲卒曾請 旌表

向何氏向文燦之妻二十八歲夫亡矢志守節卒年七十 三歲曾請 旌表

明蘇氏明道粹之妻年二十二歲道粹病故遺子定慧甫

二歲族人以氏寡居欲圖產業謀害定慧氏設法保全誓以守志不渝九教子有方慈惠好施卒年六十八歲慧子

翰荃辛卯舉人夢到至公堂見紅燈高百尺旁指之曰此汝家節孝燈也後果中式次翰藻己丑舉人三翰芸文庠蔣鄭氏文生蔣文林之妻同治元年四月初八日髮匪突至旺市氏負子泰麟逃走見賊追逼脅令同去鄭氏不從跳巖自盡曾請 旌表

蔣鳳麟蔣文彬之女蔣嘉猷之孫女也年十五同治元年四月初八日髮匪突至旺市同母隱入山林中見賊追至恐被污辱奔出林外旁有一井遂投井而死曾題請 旌表有案

袁張氏袁慶餘之妻張毓枝之女二十八歲夫故所生遺  
增修仁懷廳志 卷之五 人物 其

腹子一歲而殤張氏勸翁納妾生子不存復勸再納得夫弟蔭餘妻賴氏撫養成立歷計一生辛苦備嘗孝志堅貞卒年八十三歲曾請 旌表

蘇張氏蘇廷椿之妾張瑀之女二十八歲夫亡守節四十五年現年七十五歲光緒二十一年請 旌

王黃氏王紹賢之妻年二十四歲夫故守節三十載曾請 旌表

李劉氏廩生李藻之妻二十八歲夫故卒年五十八歲曾請 旌表

王黃氏王光國之妻二十五歲夫故現年七十餘歲曾請 旌表

旌表

王夏氏增生王振統之妻二十八歲夫故守節卒

曾請

旌表

張陳氏業儒張鎧之妻陳仕敏之女年二十夫故氏立志苦守教訓其子國輔候選分縣次孫永江庠生皆陳氏堅貞守節之德也卒年七十三歲曾請旌表

王何氏王洪泰之妻二十九歲夫亡守節現年七十三歲

曾請旌表

張江氏四川巴縣江正綱之女候知州張必楚之妾必楚身故時年廿七歲守節卅四年卒同治八年請旌

增修仁懷廳志

卷之五 人物

无

張王氏候選詹事府主簿張大晟之妾道光十二年大晟身故氏年十九歲守節同治元年請旌

張李氏太學生張廷塈之妻咸豐九年廷塈身故氏年二十六歲守節有子尚幼撫養成立教訓有方長子張書銓次子張書聖俱庠生光緒九年提督學院孫給有菑心獨抱四字匾額光緒十五年請旌

張冉氏太學生張廷塈之妾咸豐九年廷塈身故氏年二十五歲守節光緒十五年請旌

張王氏太學生張廷塈之妾咸豐九年廷塈身故氏年二十一歲守節光緒十五年請旌

未請旌節婦

鄭氏河西里袁維璐妻翰林院檢討鄭之僑妹也維璐祖袁尚黃明季兵部武選司員外郎父袁斯升貢生鄭氏幼習壺儀不苟言笑歸維璐生二子長道明次道遠未幾維璐卒鄭氏年方二十一歲慟哭不欲生毀容盡禮撫其二子教之讀書後道明以明經爲四川甯遠府會理州校官道遠餽仁懷縣庠生述誠領乾隆四十年四川鄉薦官雲南臨安府嶠峨縣知縣術慎饒敘永廳學鄭氏年七十八卒葬於河西里之石垵頭

劉陳氏廳人劉五壽妻年十五于歸二十三夫卒遺腹生

增修仁懷廳志

卷之五人物

三

子陳氏誓志撫孤教養婚娶皆仰給於女紅後子克家孫亦成立以壽終署同知王緒崑給以松柏表貞匾額

陳張氏廳人陳恩明妻二十八夫卒張氏方舉子守志堅貞奉翁姑撫孤孩年屆七十孫曾林立署同知王緒崑給以可對九原匾額

袁陳氏遵義人陳文輝女遵義府庠生陳讓之妹幼歸袁儒相生二子翁姑相繼歿家貧不能自存夫往外貿易病故陳氏年二十三爲人傭工撫二子成立督孫履謙讀書補弟子員年八十歲同知劉嗣矩給節永孫枝匾額

聶陳氏聶楠妻也嫁甫一歲而楠卒家貧無子撫姪爲子

磨麥度活撫姪教養婚配無怨言守節至八十餘姪亡媳  
出陳氏悲慟里人憐之請於官給飲冰茹苦匾額臨終曰  
恨不能爲夫家延一線耳越數日潔衣服徧辭戚黨而逝  
黃王氏王璉之長女也年十八適黃聯二十五歲聯卒時  
翁姑年老長子四歲次子二歲一女甫二月王氏矢志堅  
節以女工奉甘旨課二子讀書翁姑歿葬祭如禮依母家  
居無何二子相繼死撫孫成立年八十九卒

劉王氏王璉之季女也年十七適劉仁病終王氏年廿二  
生一子遺腹生一女家貧翁姑憐其少艾令再嫁王氏誓  
曰婦人從一而終死且不易况家貧手不負乎奉翁姑生  
增修仁懷廳志

卷之五 人物

三

事葬祭撫子女婚嫁皆十指所出依母氏居躬紡織課子  
力田卒年九十八眼見五世人以爲節孝之報云

羅傅氏定興縣傅師瞿之姪孫也幼適例貢生羅崇相數  
歲無子傅勸崇相納妾袁氏傅氏與袁氏聰慧知書崇相  
病卒時傅氏年二十二歲袁氏年十九歲俱無所出傅氏  
偕袁氏毀容守節朝夕對亡夫神主泣抱族中子爲嗣撫  
之成立里人羅俊章贈詩云河舟永矢重泉淚井水難移  
一片心蓋實記也

黃蕭氏童生黃玉壽妻年十八歲適玉壽二十六歲卒蕭  
氏事舅黃楷姑楊氏繼姑袁氏曲盡孝道撫子玉品成立

充國子監生未幾玉品病亡僅生四女蕭氏擇次房次子  
爲後

陳商氏四川合江縣人商文明之女年十六嫁廩生陳廷  
偉爲繼室商氏孝事舅姑撫前室子新策如己出廿三歲  
廷偉卒商氏以死自誓權持家記淚沾枕席未幾自縊死  
時嘉慶九年十月二十日夜也商氏年二十四

桂趙氏桂三槐妾四川合江縣民趙敬生女年十四歲二  
槐納爲妾生九男二女事嫡袁氏以禮年二十九夫故事  
姑教子皆能事盡道道光十八年旌趙氏年八十三歲矣  
李戴氏李懷德妻年二十七夫故長子文林五歲次子文  
增修仁懷廳志

卷之五 人物

三

彬三歲家苦貧戴氏守節四十餘年躬親女事教子成立  
孫開先食餼於庠年七十五卒

胡桃英胡秉朝之女原籍湖北麻城尋其兄秉智至廳城  
秉智已故不能歸造錫器營生娶廳民王登榜女爲妻遂  
家焉桃英性至孝幼侍父母須臾不離左右桃英年十歲  
弟文斗生十七歲弟文聰生桃英以父母老弟幼不肯嫁  
媒灼登門桃英日夜啜泣曰不離父母也後父年至八十  
先卒母六十卒桃英年六十餘年卒

陳曾氏陳心才妻年廿三歲夫故曾氏矢節撫二子宅安  
宅宜四十三卒宅安餼於庠有文譽宅宜亦餼於庠善書

王劉氏邑處士紹基之妻劉詠之女年二十適紹基生祥二十六基亡氏誓守柏舟三十餘年咸豐元年始故

李張氏邑處士李世林之妻十六于歸世林二十六亡所

遺一子年方數歲氏矢志守節三十一年上事翁姑下撫

孤子無不克盡其職

王盧氏敘永人盧仕陞之女十六邑庠王述釗納爲妾二

十八歲釗亡所遺一子尚在襁抱氏上事翁姑下撫孤子

三十餘年伊子業儒未就伊孫現叨庠及今年已八旬體

猶康健

王張氏邑處士王世清之妻二十一歸清同治元年髮匪

增修仁懷廳志

卷之五 人物

三

擾境伊翁述聰奉札督團清與伊父防禦於新橋隘口父

子陣亡時氏年方二十四聞訃呼號所遺一子未滿週歲

氏矢志守節上事孀姑下撫孤兒三十餘年呼一門節孝

兩世忠貞本年族隣等始報

賈周氏賈玉振之妻十六于歸玉振生二子二十一玉振

亡立志守節三十一年因家貧無力請旌

江官氏官帝輔之女于歸適江錫福夫亡守節八十四歲

而卒

董陳氏董朝輔之妻董文瑞之母十九歲于歸朝輔二十

三歲夫亡守節六十三歲卒

向官氏官帝輔之女向文福之妻十九歲于歸二十六歲夫亡守節八十四歲卒

黃楊氏監生楊正荃之女黃正品之妻十七歲夫亡無子繼長房黃天蔭守節五十七年

黃鄭氏歲貢鄭紹遠孫女黃天蔭之妻二十九歲夫亡守節三十餘年卒

文龔氏文成儒之妻二十四歲夫亡守節已逾三十年卒官王氏重慶悅來場例貢生王佐之孫女王億成之女十七于歸官正高二十歲夫故守節三十餘年卒

余黃氏文生黃廷杰之女十八歲于歸余姓十載夫亡守

增修仁懷廳志

卷之五

人物

三

節三十二年卒

李聶氏聶世德之女李治之妻二十九歲夫亡守節四十九年故

趙楊氏監生楊正荃之女文生趙世隆之妻二十九歲夫亡守節三十五年同治癸酉身故

陳龍氏四川龍祿魁之女陳宗之妻二十三歲夫亡庚戌年割股救姑守節四十二年卒

楊萬氏楊茂楷之妻二十五歲夫亡守節三十餘年卒梁鄧氏梁錦年之妻十九歲夫亡守節六十餘年卒

謝羅氏副榜羅友松胞姪女謝維宣之妻十九歲夫亡守



節五十一年卒

黃鄭氏黃邦祁之妻二十九歲夫亡守節四十一年卒

江蘇氏江錫貢之妻二十三歲夫亡守節三十八年卒

張萬氏邑民張文祿之妻年十八夫亡適值同治元年髮

匪擾境與嫂何氏俱有孕躲避巖洞中賊逼近恐受其害

相約跳巖越高巖數重恍惚如有神助由是得生並未見

賊身孕亦無恙後數年別疾致死年已二十五矣

謝黃氏監生謝紹藩之妻廩生遴選之母年二十八夫亡

矢志守節三十餘年茹苦飲冰教子成名至今六十猶康

健焉曾咨部待旌

增修仁懷廳志

卷之五 人物

五

馬正洪之妻龔氏壬戌年正洪身故時氏年三十歲計守

節三十八年

黃徐氏年二十五歲配夫黃鳳蟾相敬如賓夫亡時氏幾

不欲生賴腹中有子俟四月始誕撫歲半囑祖撫養氏以

爲不乳可活日夜啼哭自盡子瑞堂從九品銜

王游氏邑民王廷璋之妻年二十四夫亡遺一子矢志守

節夫眷屬暗謀再嫁已成訂期氏聞知自縊全節事道光

十二年五月初四日

冷郭氏邑民冷成楷之母其夫不知何名年甫二十二夫

亡遺一子氏矢志苦守同治元年髮匪入境子與二孫自

連自玉皆遇害氏免勵子媳羅孫媳劉共矢冰霜撫曾孫二人至同治八年氏卒時年八十歲通計苦守六十年至今曾孫均已成立

李黃氏邑民李國材之妻年二十二夫亡守節卒時七十有餘計守節五十餘年

王戴氏邑民王登榮繼妻于歸四十日夫故誓不再適撫前室子王金元至成立同治元年髮匪入境氏翁王言與子金元俱遇害氏矢志愈堅計夫亡後守節四十餘年

王陳氏邑民王志祖之妻住居地名河溝頭距圖書埧場約半里志祖歿矢志守節計生於丙申年至光緒元年已

增修仁懷廳志

卷之五

人物

三

晉百歲後始卒人人共稱上壽罕見

李劉氏邑民劉子芳之女岸生李繼高之妻同治元年高殉難死氏十八歲無子其祖李開先許他日以幼弟繼宗之子承桃氏謹遵祖訓至同治十二年宗果生子遂繼嗣至今人無閒言

陳段氏邑民段宥之女陳立仲之妻十七歲于歸立仲二十三歲天故繼胞姪陳廷昌爲嗣卒時八十七歲計守節六十四年

倪羅氏邑民羅永祥之女倪之杰之妻嘉慶十四年夫故守節五十六年至同治三年卒

袁羅氏邑武生羅鳴皋之女袁文禮之妻道光十年夫故時氏二十五歲守節至七十餘年始卒計守節四十五年趙黃氏邑民黃錫純之女趙鵬俸之妻道光十年夫故守氏二十八歲七十五歲卒守節四十七年

羅袁氏邑人袁權之女例貢羅光烈之妻夫故於道光九年氏二十五歲計守節四十八年

王周氏邑人周朝祿之女王祚猷之妻丙子年夫故時氏二十七歲卒於同治九年計守節六十三年壽九十

王張氏邑人王登佐之妻年二十八歲夫亡守節卒年七十歲

增修仁懷廳志

卷之五 人物

三

羅張氏邑人張毓枝之女羅玉美之妻道光二十六年于歸玉美二十七年夫故氏年二十二歲守節三十九年卒劉鄧氏邑人鄧芝居之女劉元貴之妻乾隆五十七年于歸元貴嘉慶六年夫故氏年二十六歲咸豐十一年卒守節六十一年

錢范氏邑人范帝賓之女文生錢文聰之妻嘉慶十九年于歸文聰道光四年夫故氏二十八歲至光緒元年卒守節五十二年

袁陳氏邑人陳偉之女袁崇貴之妻嘉慶七年于歸崇貴嘉慶十年夫故氏年九十歲至同治四年卒守節六十年

袁陳氏陳珪之女袁玉廣之妻乾隆二十九年于歸玉廣  
乾隆五十年夫故氏年二十一歲至咸豐三年卒守節六  
十八年

曾王氏曾朝翰之妻道光三年于歸朝翰道光十四年夫  
出外身死氏年二十七歲至光緒三年守節四十四年

韓袁氏袁文仲之女韓鶉之妻嘉慶五年于歸韓門嘉慶  
十二年夫故氏年二十八歲守節三十年

羅張氏羅玉美之妻夫故時氏年二十餘歲矢志守節符  
例尙未旌

羅倪氏羅玉方之妻年二十餘歲夫故時氏矢志守節符

增修仁懷廳志

卷之五

人物

三

例未旌

溫翁氏二十八歲夫亡守節五十九歲卒計守節三十年  
傅王氏傅子棟之妻年十八歲夫亡氏矢志守節四十六  
年至今現在年六十四歲現已請旌未奉行知

龔曾氏文生龔正良之妻處士曾學開之女二十三歲夫  
亡矢志守節卒年八十七歲計守節六十四年

趙袁氏趙聯榮之妻年二十六歲夫亡矢志守節過繼胞  
兄聯科之子承祧現年五十七歲

袁聶氏袁步崙之妻年二十歲夫亡抱胞兄之子承祧矢

志守節現年五十四歲

向王氏向朝之妻年二十六歲夫亡矢志守節現八十歲  
袁陳氏年二十三歲夫亡矢志守節現年五十歲

李節姑敘永廳李國安之次女許字副榜羅俊章之曾孫  
訓導羅光祖之子羅善愷爲妻將及嫁而善愷故聞信痛  
哭欲絕卽奔喪守節地方紳耆具稟同知丁步賢賜以風  
高紫玉匾額于庚辰年病故

劉朱氏朱正錫之女劉公亮之妻夫亡時年二十七歲撫  
遺腹子孝養翁姑至今七十三歲現存

劉姚氏姚萬春之女劉公弼之妻夫亡時二十歲繼三房  
子劉嘉高承嗣育子奉姑並無異志

增修仁懷廳志

卷之五人物

三

牟貞女葫市牟萬順之女許字炳市陳光遠納采綬光遠  
病故女聞信稟明父母造陳宅詣姑行禮立志守貞

賈周氏賈朝坤之妻二十五歲夫亡守節卒年九十歲

游楊氏游天福之妻二十四歲夫亡守節卒年八十歲

羅周氏羅洪仙之妻二十六歲夫亡守節卒年八十歲

羅劉氏羅光明之妻二十歲夫亡守節卒年七十七歲

戴余氏戴正美之妻夫亡守節現年九十歲

羅黃氏羅洪維之妻夫亡守節卒年八十歲

姚馬氏姚輔任之妻二十一歲夫亡守節現年六十歲

姚陳氏姚輔世之妻二十二歲夫亡守節現年六十二歲

王許氏王明月之妻二十四歲夫亡守節現年六十五歲  
陳顏氏土里陳在元之妻顏以禮之女二十六歲夫亡守  
節卒年七十七歲

李杜氏吏員杜雲漢之女李應濃之妻十八歲夫亡守節  
現年五十六歲

李黃氏李國標之妻二十五歲夫亡守節卒年七十五歲  
翁羅氏武生翁紹琮之母二十八歲夫亡守節撫子成立  
始卒

翁譚氏武生翁紹琮之妻夫歿決以死殉家人勸阻乃止  
旋以哀痛成疾而卒

增修仁懷廳志

卷之五

人物

早

喻劉氏武生喻元麟之妻二十一歲夫亡守節現年五十  
五歲

陳王氏陳欲賢之妻二十五歲夫亡守節現年五十八歲

戴王氏戴成璋之母十八歲夫亡守節卒年四十八歲

黃羅氏黃榮森之妻二十五歲夫亡守節卒年六十八歲

黃蔡氏黃斌盛之妻二十六歲夫亡守節卒年六十歲

高羅氏高福之妻二十八歲夫亡守節卒年七十四歲

范馮氏文生鄧瑚之女范維崑之妻二十七歲夫亡守節  
卒年九十四歲

羅張氏羅王美之妻張毓枝之女二十二歲夫亡守節過

繼玉墀之子爲嗣矢志堅貞現年七十一歲

袁羅氏袁文禮之妻武生羅鳴皋之女二十七歲夫亡守節卒年七十二歲

賈胡氏胡天鈺之女賈貴之妻二十七歲夫亡矢志守節四十三載卒年七十歲

蔣溫氏蔣嘉謨之妻溫衍映之女二十一歲夫亡守節始終不渝竟因疾而終

楊張氏張金璽之女楊泰榮之妻二十六歲夫亡守節卒年七十四歲

倪傅氏倪繼之妻二十六歲夫亡守節卒年八十二歲

增修仁懷廳志

卷之五 人物

三

顏黃氏顏國祿之妻二十九歲夫亡守節卒年七十歲

趙孔氏趙維周之妻二十九歲夫亡守節卒年八十五歲

熊陳氏熊紹疆之妻貢生陳宅安之女十五歲于歸夫亡守節迄今三十餘年

向鄧氏鄧傳心之女向登祿之妻年二十九歲守節光緒二十四年亡故

張羅氏張維漢之妻二十三歲夫亡守節卒年六十五歲

曾請 旌表

張朱氏太學生張書銘之妻同治七年書銘身故氏年一

十六歲守節

殉難婦女

黃鄒氏住居毛香溝同治元年四月髮匪至其家欲姦汚之鄒氏大怒與賊鬪殺身亡

張趙氏住居襪子田同治元年四月髮匪到其家欲姦汚之持力殺賊賊破其腹而亡

李王氏同治元年十二月髮匪入境被執不屈被殺何史氏同治元年四月髮匪入境被賊所殺

夏黃氏同治四年十二月爲號匪所殺

黃楊氏同治四年四月被號匪所執不屈被殺

王張氏王福壽之妻同治元年四月爲髮賊所殺

增修仁懷廳志

卷之五 殉難

三

陳黃氏住居康和團同治元年四月遇賊不屈被殺

薛張氏住居天臺山保和團同治元年四月髮匪入境投

江而亡

趙黃氏同治四年十二月號匪入境被殺

楊羅氏同治四年十二月號匪入境被殺

王黃氏同治元年四月髮匪突至投河全節

王陳氏同治元年四月髮匪突至投河全節係王朝興王

朝斗之母

萬陳氏同治四年號匪至境白縊全節

童杜氏同治元年四月髮匪至境遇害童世禮之妻



童楊氏同治元年四月髮匪至境遇害童週崑之妻  
王丁氏王太傅之妻同治元年髮匪至境不屈被殺

陳徐氏同治元年四月髮匪至遇害

鄧童氏同治元年四月髮匪至遇害鄧文榮之妻

夏王氏同治元年四月髮匪過氏匿青杠坝側生基丙賊  
用煙薰死

黃門節婦年二十餘從夫黃姓住居洞坝山同治元年四  
月髮匪至擄其翁而去氏扶姑負子逃避巖洞賊搜及姑  
先跳巖氏亦跳巖及下見姑已死遂自縊於樹樁子亦死  
於傍因全家被害無從得其夫名及母家姓氏亦無人收

增修仁懷廳志

卷之五 殉難

聖

堇延越八日地至范宗儒尋見氏面容如生備棺掩埋黃  
氏姑媳同日全節

李黃氏同治元年髮匪至脇之不從賊破其腹

李姑年十二歲亦於是年同日爲髮賊所殺

胡易氏同治元年賊至不屈罵賊被殺

鄧張氏同治元年賊至全節自縊

張六姥年七十二歲同治元年賊至跳水而亡

羅黃氏同治元年被髮匪所殺

李黃氏同治元年被髮匪所殺

向六姥年七十四歲同治元年被匪所殺

冷羅氏同治元年被髮匪所殺

袁牟氏同治元年被髮匪所殺

吳羅氏年二十二歲同治元年被髮匪所殺

范李氏同治元年被髮匪所殺

余楊氏同治元年七月二十四日髮匪竄擾與余辛蠻同

日被殺

王袁氏號匪入境同治三年在巖口下被賊殺斃

王劉氏同治三年號匪入境在巖口下被賊殺斃

王黃氏同治三年號匪入境在巖口下被賊殺斃外有十

餘人均被賊以辣椒硫磺薰死不知姓名

增修仁懷廳志

卷之五 殉難

四

王蘇氏孀婦同治三年號匪至家被逼不從爲賊所殺

王禹氏同治三年號匪至家被逼不從爲賊所殺

王禹氏同治三年號匪至家被逼不從爲賊所殺

王大女同治三年號匪至家被逼不從爲賊所殺

王周氏同治四年號匪竄境在沙子洞躲避賊以辣椒硫

磺燄硝等物燒煙薰死

王斯氏同治四年號匪竄境在沙子洞躲避賊以辣椒硫

磺燄硝等物燒煙薰死

王羅氏同治四年號匪竄境在沙子洞躲避賊以辣椒硫

磺燄硝等物燒煙薰死

殉難

車代照同治元年壬戌被髮匪竄猿鎮妻陳氏同時殉難  
聶體元同治壬戌年髮匪竄猿鎮不屈被殺妻楊氏同時  
投水殉難

客陳明映在猿鎮辦公賊來被殺妻羅氏同時盡節殉難

向么蠻被賊殺於平石埧

羅洪銘在外訓蒙同治四年十一月聞賊至回家看母遇

苗匪於二郎灘被殺妻陳氏亦投水死

凌乾太避賊麻窩頭賊至持矛拒之被殺

趙 四被賊殺於麻窩

增修仁懷廳志

卷之五 殉難

又

陳文仲被賊殺於猿市場

道人黃慶芳賊至殺於猿市場後

趙三裁縫胡娃娃兒二人避賊洞中賊圍半日始去二人

遂出洞探望賊復反二人均被殺

李紹松被賊殺斃

劉洪發張貴喜二人被賊殺於小坪子

李項二被賊殺於小金鐸

顏正祥被賊殺於土城

張有生 舒建文 舒建魁 趙玉福

以上四人被賊圍至半途均被殺

張 鬻被賊殺

李應良被賊殺於鍋粑巖

鄧連貴被賊殺於麻窩

蕭陳二被賊殺於石灰溪

陳明林同妻張氏被賊殺於楊氏巖

探丁韓起緯遇賊被殺

李文華被賊圍至半路殺之

趙安邦 王 福 李 三 梁小二

以上四人均遇賊自縊盡殉難

同治四年乙丑十月二十四日賊破翻平寨殉難諸人

增修仁懷廳志

卷之五

殉難

又

楊 聲 張仕貴 張世鳳 張世良 李廷貴

文祥亨 李錢貴 李 戍 馮祖遼 張世黃

文奇連 馮祖成 馮心元 馮祖應 馮 申

馮德潤 張世金 張世難 李思鴻 張 雙

周國璽 袁克連 張宏福 譚仕元 王尚廷

羅成啟 向文珍 傅懷能 袁林太 斯萬順

鍾躬子 鍾 四 陳牛兒 陳 三 楊洪順

李國饒 羅 椅 楊 哇 袁石貴 趙炳元

王桃四 趙未元 黃鳳儀 鍾世鳳 李志達

袁步才 張德先 錢益武 楊廷弼 陳如富

陳如普 陳第錫 楊長喜 許廷科 陳登奇

陳新貴 袁珏 袁如玠 袁瑣 袁琿

馮祖然 陳登元 張我發 孫宏開 文銀

馮祖成 陳元富 王之金 余學信 余學惠

余學陞 余學柄 鄭奇隆 余學禮 余學仁

鄭瑞愷 鄭瑞歡 王之輔 羅世發 袁如琿

劉潤龍 袁金 余布祥 劉自元 鄭雙

曹玉愷 馮沼 廖世珍 袁任魁 袁任海

袁鑽 劉國發 王玉亨 曹文賢 劉二龍

陳子元 王尚武 王尚年 斯富孺 王志全

增修仁懷廳志 卷之五 列難

又 聖

王志發 王志欽 劉國發 張德金 陳天星

魏覺模 王尚銅 曹玉貴 熊奇儻 王德明

王尚僚 吳坤元 陳宗蠻 彭祖英 陳如清

劉世慶 劉年春 李應珍 顏登最 劉鑲

陳宗棣 馮湫 陳宗孔 馮祖然 馬元福

王應先 王之順 王金聲 馮祖畫 顏杰

文奇金 文連貴 文奇珍 顏宏近 張子元

王成先 李太貴 李成貴 王玉山 袁仕舉

簡國賢 馮祖珍 蔡洪順 馮祖瑛 馮德廣

陳德元 陳福元 王之安 李世煥 李廷富

李洪春 李洪貴 李廷貴 文玉和 聶文元

馮浣 馮潰 王之遠 傅宗品 王品先

王美先 王自先 韓玉義 馮德省 王明鏡

謝賢杰 張維宣 穆正太 王紹修 王朝卿

王朝桂 王潤祥 袁雙元 夏友乾 趙登富

曾振遠 潘榮 趙國言 趙春開 趙國金

趙本國 聶亨元 聶儒學 袁之澤 袁華玉

曾福興 方廷碧 袁之和 訾儒通 訾儒權

范維泮 袁之邦 袁之信 方仕清 袁步洲

袁楷 蔣六 袁之柱 張凌琬 劉世珍

增修仁懷廳志

卷之五 殉難

又

王朝相 胡正卿 王志春 王志聰 周卯生

范啟文 徐三 王曰望 趙得應 趙國榮

趙榮品 楊興發 劉榮陞 聶清源 黃錫應

袁礪山 許朝榮 王友貴 袁志全 周國璽

袁克仁 陳第連 張洪福 康仕元 王尙亭

劉鐘 袁琨 袁曰淳 袁曰法 劉代光

劉代金 劉世乾 羅世先

以上諸人均係同治元年髮匪入境同治四年苗匪入境  
破翻坪諸寨殉難甚眾惟翻坪死者一千餘人今止記其  
知姓名者餘人不知姓名故未全錄

王游氏同治四年號匪竄境在沙子洞躲避賊以辣椒硫磺燄硝等物燒煙薰死

王傅氏同治四年號匪竄境在沙子洞避躲賊以辣椒硫磺燄硝等物燒煙薰死洞內共二十四人餘人不知名姓袁潤秀袁儒燧之女同治三年號匪至投水而死時年十七歲

鍾滿英鍾貴華之女同治元年遇賊投水而亡年十五歲車陳氏於同治元年七月十二日髮匪入境被執不從爲賊所殺時年二十四歲身死月餘面色如生

陳羅氏客長陳明暎之妻同治元年壬戌髮匪入境明暎增修仁懷廳志

卷之五

殉難

聖

被賊殺死氏痛夫慘死投水身亡

蔣段氏州同段星煥之女蔣文彬之妻同治元年四月初八號匪至旺隆場氏見勢凶恐受污辱遂携二女同赴宅後井中淹死

袁楊氏袁長青之妻同治元年四月初九髮匪至泥池將氏提鎖房中氏知難免先將背負小兒縊斃始行自縊賊聞聲破門乘縊殺斃

劉張氏張鶴亭之女同治元年四月初八髮匪圍捉婦女氏知難免自行縊斃全節

王許氏許仕昌之女王福壽之妻住鹽井口同治四年十

二月虜匪入境被獲氏大罵賊怒殺斃置屍於野

張何氏邑民張文福之妻年二十五歲髮匪擄境與弟婦萬氏俱懷孕躲避巖洞賊逼近恐遭污辱跳巖若有神佑因此得免後數年夫亡氏矢志終守

冷劉氏邑民冷自連之妻二十二歲遇髮逆翁夫與弟均遇難氏勤苦紡績衣食漸充人稱其賢姑亦康健

王引弟年十九歲王璵之女壬戌年四月在地名中嶺墀遇髮賊不受污辱被賊殺死

黎趙氏年二十四歲係仁懷廳人黎澤潤之妻於壬戌年

四月初九日在復興場遇髮賊所獲不受污辱被賊殺死

增修仁懷廳志

卷之五

列難

巽

王周氏王文壽之妻年三十四歲係仁懷廳人於壬戌年四月在地名大巖頭被髮賊殺死

周郭氏周家彥之妻於壬戌年四月初九日在地名雷打樹遇髮賊恐受污辱投水身死

楊周氏楊正銓之妻壬戌年四月初九日在地名仁友溪遇髮賊恐受污辱投水身死

萬陳氏萬榮春之妻壬戌年四月初九日在地名石樑上遇賊不受污辱被賊殺死

鄧陳氏鄧仕德之妻壬戌年四月二十五日在地名八斗

四遇賊不受污辱被賊殺死



周氏周廷興之妻壬戌年四月初九日在地名魯班灘  
遇髮賊恐受污辱投水身死

王妹王太學之女壬戌年四月初九日在地名水井灣遇  
髮賊投水身死

譚戴氏同治元年四月初十日遇賊逼近罵賊冒刀而死  
胡易氏胡朝宗之妻同治元年髮匪入境罵賊殉難

崔姑監生崔耀奎胞妹髮匪入境在雞啄嘴聞賊至自縊  
張何氏張文福妻同治元年髮匪入境躍巖得不死現存

張萬氏張文祿妻同治元年髮匪入境同何氏躍巖而歿  
向曾氏河里人年九十四歲同治元年四月遇髮匪被殺

增修仁懷廳志

卷之五

殉難

七

劉黃氏儒生劉啟貴之妻首里旺市場人同治元年爲髮  
賊威逼欲污氏奪賊刀自刎得保全節

黎黃氏土二甲上後漕人其夫橫死氏年幼守節奉孀姑  
黃氏克盡媳職光緒十一年姑病醫藥罔效氏割肝煮湯

以進姑一服病愈府主星闈劉公同儒學賜以匾額 旌  
表其閭

附錄堅貞婢女

蕭櫻桃自嘉慶初年俸侍蕭高泌母劉氏時年六歲劉

氏故後又俸侍高泌之妻陳張賈王四氏兼撫其子廷

芝毓芝及後廷芝身故撫蕭傑姊妹四人均係櫻桃替

王撫成力經四世矢志忠貞卒年八十六歲

伍許氏年七十逼賊麻窩賊至許氏大罵被殺

聶楊氏聶體元之妻同夫遇賊投水殉難

羅陳氏羅洪銘之妻於二郎灘因夫遇賊被殺投水殉難

趙張氏遇賊殺於小坪子

羅許氏遇賊殺於麻窩

陳張氏陳明林之妻夫婦遇賊均殺於楊四巖

傅陳氏賊至被殺於猿市街上

袁長英袁銀鳳二人見賊來先行自盡

張王氏 李胡氏 李謹氏 李袁氏 馮余氏

增修仁懷廳志

卷之五 殉難

七

王小姑 余胡氏 劉王氏 向曹氏 曹李氏

王曹氏 曹劉氏 鄭方氏 李馮氏 甘馮氏

李陳氏 王袁氏 李袁氏 李顏氏 李馮氏

柳楊氏 馮王氏 劉李氏 馮王氏 陳李氏

王顏氏 陳冷氏 顏劉氏 柳王氏 王袁氏

馮鄭氏 何向氏 陳袁氏 胡袁氏 顏袁氏

羅陳氏 何王氏 王陳氏 李王氏 王楊氏

陳張氏 馮王氏 馮王氏 袁陳氏 柳王氏

袁李氏 劉李氏 袁李氏 柳楊氏 王陳氏

歐趙氏年八十八歲罵賊被害

陣亡

張起雲遵義縣人仁懷營外委乾隆三十二年出師雲南大小金川陣亡同時陣亡者馬兵五人

朱奇俸 許文樊 李 俸 楊輝儒 趙奇珍

步兵十三人

朱文輝 姜相牟 洪尚榮 庾華先 黃履吉

謝聖學 王在文 鄭 海 楊開榮 余 陞

蔡文英 趙奇盛

守兵十四人

增修仁懷廳志

卷之五 陣亡

四

董奇俸 王 榮 劉天明 張 俸 李應祥

龐 陞 藍國權 羅 亮 李仲先 蒲三才

蔡文舉 田茂榮 袁 寧 陳國相

以上出師雲南大小金川陣亡弁兵未入昭忠祠享祀

李登榮仁懷廳人仁懷營外委嘉慶二年出師興義陣亡

同時陣亡者步兵六人

黃世榮 黃世倫 鄧文魁 李文龍 劉 仲

曾之義遵義縣人仁懷營千總嘉慶三年出師四川陣亡

同時陣亡者外委一人董仲奇步兵九人

蔡崇元 李 彪 陳 順 董雲安 鄭國連

羅錢氏罵被殺

以上均係同治四年乙丑十月二十四日號匪入土里地  
方殉難節婦

增修仁懷廳志

卷之五 殉難

四六

熊芳玉 朱盛倫 陳 竒 劉文榜

守兵二十六人

劉 惠 李 章 蔣輝雲 周 俸 陳 敬

唐仲榮 楊得仲 徐文福 張思銳 傅恭齊

羅 順 向東陽 何 明 胡 元 陳國梅

黃世榮 馮國昌 張登華 姜 華 賀文才

黃在祥 劉 貴 張 順 龐 練 張子貴

以上出師川省陣亡弁兵現入昭忠祠享祀

趙貴俱文柏劉允隆俱仁懷榮兵丁道光十八年出師仁

懷縣溫水陣亡

增修仁懷廳志

卷之五

陣亡

完

一咸豐四年八月十九日在仁懷縣屬水塘高灘地方打

仗陣亡官兵五十名

把總壹員王明安 占兵二十三名

朱映奎 蔣 盛 陳天元 楊世標 余占春

安登榮 李懷陽 舒 發 舒 玉 蒲 順

安登俸 鄭其光 胡永宗 胡應春 余占貴

劉芳桂 賈 順 萬 坤 李世培 張 先

張世坤 王 榮 虞占鰲

守兵二十六名

賈廷洪 陳 昆 馬廷標 盧玉鰲 但洪發

劉朝相 王 玉 周仕燾 陳紹陞 王恩元  
但致鳳 馬化明 舒 順 馬化龍 呂朝陽  
林秋桂 陳 應 鍾 才 周占魁 李國珍  
胡永鎮 蕭 福 鄭其元 朱玉恩 蔣玉林  
舒應洪

一咸豐五年十二月初四日在仁懷縣屬沙崗嶺征剿土匪陣亡守兵一名任占魁

一咸豐六年二月初一日出師本省思南府安化縣屬雍五甲小地名一碗水打仗陣亡官兵十名內把總一員

唐現龍

增修仁懷廳志

卷之五 陣亡

五

占兵六名 羅含章 劉鳳翔 朱奇貴 王國英

鄭文貴 楊國樹

守兵三名 李 芳 虞順龍 陳 坤

一咸豐七年四月初一日出師威甯州屬公燈山打仗陣亡守兵三名李占雄 黃安拜 胡 至

一咸豐八年出師餘慶打仗陣亡守兵四名

孟有才 蒲占鰲 魯鳳章 陳 珍

一咸豐十年七月九月在貴陽府屬拐二軍榮鴨子場軍營打仗陣亡兵四名內占兵二名

尹 貴 陳玉順

守兵二名 蕭有義 陳占魁

一咸豐十一年七月髮匪竄撲仁懷縣溫水場汛打仗陣亡兵丁共十三名占兵九名

鄭松發 羅國玉 譚仲魁 馬耀廷 陳光榮

譚先 趙運祥 李復興 陳明

守兵四名 玉占鰲 穆占春 劉金龍 顧榮

一咸豐七年起至十一年止出師本省餘慶軍營批麻拐二等立功帶傷後積勞身故兵丁十九名占兵十三名

王嘉祥 鄧銳 蕭有壽 趙定國 曾學申

沈玉魁 庚成章 張廷標 朱桂芳 王鳳儀

增修仁懷廳志 卷之五 陣亡 五

陳金龍 李朝榮 陳紹鈞

守兵六名 王得芳 盧大順 舒連陞 朱占春

李燦山 趙華

一同治二年正月十七日土匪陳增旺直抵坭了打仗陣亡猿猴兵丁一名趙奇富

練丁四名 劉輝武 江占先 王廷魁

團胡道梅 弟兄父子五人

一同治三年三月初三日在河交溪打仗陣亡 溫水兵丁一名鄭

遇乾二十六月日差往偵探回匪在陽化礮被賊殺斃 溫水兵丁

漆聯陞六月初四日被賊殺斃 守兵一名史占榮又號匪竄撲

仁懷縣城失守陣亡新縣佔守兵三名占兵杜德林守蕭陞伍占

魁六月十七日陣亡新縣兵丁姜正朝顧恩培於二十二日新

縣把總艾定國在馬桑砍打仗陣亡又於十一月二十六

日夜縣城復失陣亡新縣占兵十二名

張仕順 陳洪陞 李安邦 陳占標 曾占魁

舒應春 謝正華 曾榮陞 余廷貴 羅先颺

趙奇貴 舒占魁

守兵九名 張仕乾 鄭開禎 蒲占陞 楊廷發

張占標 舒應舉 張仕萬 汪福 舒應發

占兵一名 林榮標

增修仁懷廳志 卷之五 陣亡

一同治元年七月髮匪竄境在葛藤塆打仗陣亡團丁練

丁共十一名

彭福元 游玉明 冉三 張本現 明定書

蕭廷春 李國林 陳祚文 錢洪順 周子貞

馬羸順

從九王述聰 王世清 袁長春 同治元年諸禦髮匪陣亡

牛鼻壩打仗陣亡練丁共十四名

梅金龍 帥仕洪 袁步澤 賴元順 項二苗

楊二娃 曹秀會 曹新佑 萬仕貴 曹福遠

易國信 李僕 張大 王二



咸豐庚申年

保舉知府銜熊錫彤熊書麟長孫八月十六日在河南汝甯府三官橋與賊打仗陣亡

同治元年壬戌四年乙丑土里團丁在各隘禦陣亡

王 蠻 聶么姑 袁壽喜 金仕太 王萬和

金仕仲 袁文構 王大双 馮德光 馮德映

袁子元 袁春貴 鍾級三 曾代照 楊么蠻

徐妹兒

以上十六名均係土里人在隘禦賊陣亡

增修仁懷廳志

卷之五

軍七

五

一同治元年七月髮匪竄擾在土城里泥了塔隘口等處  
共十九名

王紹仁 黃文連 王世舉 涂宅堯 陳老么

王和尚 王仲成 黃黑三 王 小 胡板橙

王世寶 羅 四 雷么蠻 胡壽元 王敏先

胡木匠 王陞富 陳 二 陳其才

一同治元年在石牛岡陣亡團丁一名葉 滿

探賊被殺共八名

史廷標 柳占標 周占魁 李新順 陳邦禮

龔文元 毛海山 趙廷彪

增修仁懷廳志

卷之五

陣七

五

一同治三年號匪竄大金沙打仗陣亡練丁團丁共三十

九名 郭占魁 雷占雲 羅占魁 李占先

鍾正興 瞿占恆 陳啟發 李開順 丁榮陞

明二順 苟清順 張占魁 王步高 楊福壽

余三順 陳占魁 唐玉奇 明定登 雷福和

陳應福 杜 回 鄧 瑜 苟廷魁 涂洪濱

袁慶三 裴玉光 韋金山 姚占魁 羅正三

穆占鰲 袁順倫 姚鴻賓 羅全盛 馬清華

張步雲 張玉才 劉長銀 明光斗 彭正坤

一同治二年土匪竄擾東皇場地名官渡河石壩地方同

城局練丁共六名

調胡芝梅 王良鳳 王陞乾 王玉金 王玉欽

王 開

一同治三年號匪竄擾東皇泥了壩陣亡團丁共十八名

首楊金貴 袁么蠻 王紹有 王陞文 袁 四

王大一 王卯貴 王三寶 何 貴 趙志林

任超儒 羅 春 何 喜 馬 大 羅 四

黃香匠 黃 東 馮 苗

一同治二年號匪竄擾在水榭壩地方與賊打仗陣亡共

十二名

增修仁懷廳志

卷之五

陣亡

五

武生王占魁 王占先 王鳴枝 張維玉 趙洪元

袁可欽 袁可玉 王亭山 袁光弼 張萬選

袁宗發 袁可傳

一同治四年在壩洞巖與號匪打仗陣亡共十三名

袁 宣 馮德應 馮德光 楊春貴 鄔成蛟

李逢堯 范丙元 范登發 李廷伋 胡朝福

王廷彥 桂二苗 陳登學

一同治四年正月號匪竄擾在羣獐箐地方打仗陣亡共

九名 王相儒 王正東 雷同貴 文么頭

王玉常 馮麻二 馮 三 王小三 王二齋

一同治元年號匪竄擾同王述聰陣亡練丁共三十六名

首袁長春 王世清 安德順 王 喜 唐金順

馬志才 李福壽 傅友順 楊 二 黃眉兒

丁孝先 劉登科 馬輝臣 盧正坤 曹應泰

何文芳 趙坤德 趙賢德 趙全德 王寅生

先洪順 王仕先 侯文星 祈元福 胡文燦

王登朝 侯 滿 唐純陞 黃文發 趙 東

胡順和 楊新順 韓長生 何友菘 鄔啟發

劉來保

一同治四年十二月十八日號匪竄撲廳城賊至抵城塘

增修仁懷廳志

卷之五 陣亡

五

塘沈國玉見賊即吶啤報信被賊殺斃

一同治七年攻克仁邑小溪里中箐頂土逆打仗陣亡水

守兵李占鰲於九月初四日圍剿逆陣亡守兵廖洪才

一同治十二年七月初六日圍攻小溪里雷打巖土匪王

小頭巢穴陣亡守兵蔡奇山

一同治元年陣亡紳士四名

文李繼高河西里人在四川地方獨力倡先敵賊被殺由

川省彙奏有案

團首周家駱河西里人獨力倡先敵賊於木耳洞地方受

傷身亡由滇省總督張彙奏有案

增 范光緒字續堂於同治三年統團丁堵禦號匪陣亡同

治七年御史景其濬出奏奉 旨建坊

文 袁之楚同治三年遇號匪拒敵被殺

殉難紳民

貢 袁履和 文 王 言 議 黃作賓 監 蔣嘉猷

文 蘇國泰 文 王國瑞 監 陳朝觀 監 官朝魁

陳光光 向宜浩 楊打更 王 璉 蘇妹兒

鄭文明 蕭 酉 張同德 帥仕珮 周鳳樑

唐興元 官國茂 蘇紹隆 王崇業 先洪順

王文開 趙文開 王贊元 楊福元 王良政

增修仁懷廳志 卷之五 庚

張聖高 張大疔 王應興 王作霖 官正榜

黃榮福 官正清 姚芝鳳 劉萬順 王永禮

馮正明 鍾老二 熊德隆 官國佐 陳步高

鄧觀有 羅朝宗 官文英 李 卿 黃正國

楊昌泰 李正貴 金文壽 趙其中 趙子明

王大順 何文魁 胡玉順 黃天寶 趙世臣

廖玉太 李正發 趙文開 曾文富 楊安洪

王小丙 馮正清 劉學海 楊 七 李大昭

冉定用 楊 貴 王國華 李德元 王明珍

先文高 先文斗 孔昭德 陳忠有 李正坎

向帝欽 王七 官天德 王五 王安靜

游國珍 王太興 王大陽 王正江 馮位元

蘇廷魁 姜逢盈 向木匠 胡二蠻 段成章

陳紹輔 黃春 康壽元 王文元 劉宗榮

雷永義 李邦達 何第先 羅林鳳 劉文金

王居仲 張文明 雷玉才 蕭廷春 王天才

傅元章 李廷貴 王宗寶 廖五 杜么妹

劉修富 鄭老二 胡觀盛 萬黑狗 黃金斗

王崇魁 黃天龍 余文宣 秦代照 潘榮華

潘榮盛 潘榮德 向帝德 夏德珍 宋玉光

增修仁懷廳志 卷之五 陣七 五

胡汝油 游錫慶 范其達 王汝正 黃道亨

任世倫 廖世臣 袁思相 趙邦國 陳仲軒

楊榮開 王朝順 王四 黃光富 桂永珠

胡登榮 陳興發 冷成楷 冷自連 陳彬

冷自玉 黃老七 黃老者 黃老太 李麻糖

李三木匠 熊大苗 黃犁頭 劉麻糖 王金元

蔡步程 蔡紹方 蔡步朝 陳永陞 先清和

羅星 羅五 李春懷 黃萬有 劉映欽

曹萬順 李四喜 王老七 王世週 周興發

王登茂 王汝海 曹辛壽 李春泰 劉應倫

袁萬興 吳福元 吳明倫 王蠻子 劉宗保

劉萬順 王薰吉

僧福恩 僧新昌 僧仁圖 僧方興 僧恆恩

張廷羽 劉玉德 王麻三 王五 陳洪祿

王際斯 雷大 袁有餘 王恩惠 王澤武

王澤昌 王榮發 馬么蠻 方文先 黃三

黃三女 韓石保 陳童生 韓么蠻 王榮誠

吳明倫 袁苗子 徐三蠻 馮寅生 穆九

羅正明 羅茂榮 羅鰲 王良啟

以上各名俱土里人

增修仁懷廳志

卷之五

傳七

庚

楊世福 王祖蛟 王二 王三

以上五人係同治四年號匪竄入坭了壩遇害同鄉男

女大小共一百二十八人入地名小洞子躲避被賊用

辣椒硫磺等物焚燒其煙薰入洞內致斃無一存者賊

退清查僅識世福五人餘皆不知姓氏

王啟槐 趙新喜 羅閩狗 余新蠻 袁儒陞

趙應起 袁甫安 趙德隆 袁思泰 袁志魁

趙同元 袁儒參 袁步乾 趙聯品 羅皮

王班秋 羅仕貴 郭東齋 尹常慶 陳化超

王四狗 范二 胡元揚 牟二山 蕭興交

謝天福 謝壽喜 趙五 朱國雲 徐洪寬

周鳳儀

以上各名均係土里人

鄧文泰 羅文學 童三三 胡成桂 劉貴

陳湯元 王振繹 張聖欽 楊文秀 曾仕華

鄧仕德 鄧仕仁 姜錫順 方思祥 王朝彥

張洪高 王朝柱 袁芝蘭

以上各名均係首里人同治元年被髮賊所殺

增修仁懷廳志

卷之五 陣亡

堯



仙釋

明

僧月溪江安人明宣德初來赤水投於陳百戶棲馬廐中夜轍有光陳異而遣之至唐朝垠印山見林麓洞壑負氣爭高含霞飲景幽窗差互中有磨刀溪大石橫亘水流其旁聲若奔雷鳴夔巘壁北立瀑掛爲簾三疊而注於溪遂結庵曰永洪居二載帝詔天下名僧十三人詣闕月溪與馬將別語弟子曰此中緇衆毋踰四十踰則不利抵京將召入上密令中使置佛經於地覆以錦裯諸衲皆履而入月溪獨趨趨不前上促之對曰非敢以方外自高懼藉經增修仁懷廳志

卷之五

仙釋

本

爲罪非上所以召臣意上異焉取經人賜以茶不飲而南灑問故對曰留都火焚四十八戶用襪之上未信後守臣奏火作如其語久之遣還至留都遂示寂後人廣其故居以爲寺繼流僅四十人過五人則一歿過三人則一病過一二人則一青莫能踰其數黔中稱異僧首月溪焉

國朝

王伯基俗呼王伯極江西人有道術禱雨輒應雨標山遺跡尙存康熙初土里一帶尙荒榛葛有赤豕出於渾溪口遍體赤毛如刺每出噬人不可近北極至其處跡得之以劍揮其首立斷視之乃一赤石其形肖豕也怪遂絕廳中

多收妖怪凡符碑所存遺蹟甚多景福寺前有潭毒龍居之北極昇鍾罩潭底遂無水患自此不知所之

庠生王如瓚首里人與法士王玄通同居遂認爲弟兄呼玄通爲兄乾隆初天旱官傳玄通赴城禱雨四鄉紳耆亦到玄通家延請時已被官傳去不過遂向如瓚白其狀如瓚曰道法我已全知不妨一試衆喜迎之便到雨標山將玄通法名具文設壇祈禱時方過午陡然雷電並作大雨如霍雷電不息衆皆驚避如瓚手執斗姆篆符於神棹下避之衆忙遣人報之玄通焚香默祝雷電始息如瓚遂請職行道法名曰一清自此誠心祀神歿後墓碑註有儒道增修仁懷廳志

卷之五

山澤

三

皆通四字

廩貢生謝本崑號元圃又號問陶土里人秉性誠實因鄉試未第遂淡於仕進訓子姪等以品行爲重文藝爲末生平尊奉張呂二仙恂恂然有二仙遺風幼習岐黃不論貧富專以救人爲心晚精六壬神課占驗必準鄉鄰敬重之皆稱爲陶道人年七十三歲無疾而終

人瑞九十以上至百歲

羅造 本城人五世一堂卒年九十八歲建有百歲坊

李占文 河西里人卒年九十八歲

任永富 土城里猿市人卒年九十九歲

柳朝亨 本城人卒年九十七歲

李恒甫 首里人卒年九十八歲

羅異貴 銅鼓溪人卒年九十六歲

傅代翼 從九武生子德予福之父卒年百歲

陳步雲 武生卒年九十八歲

王玉明 土里人卒年百歲

增修仁懷廳志

卷之五人瑞

奎

袁朝棟 土城里人卒年九十二歲

王天清 河里人卒年百歲

禹正倫 土里人卒年九十五歲

謝宗富 河里人卒年九十八歲

鍾永聚 首里人卒年九十歲

余興泗 首里人卒年九十五歲妻鄧氏亦九十四歲夫婦偕老

周文才 河里人現九十一歲妻趙氏現亦九十二歲夫婦偕老

李正春 河里人現年九十歲

易祥順 河西里人卒年百歲

王天祿 副榜繁昌之祖卒年九十六歲

王勛仁

庠生王珍之祖天祿之子卒年九十六歲

王顯仁

天祿之子勛仁之弟卒年九十六歲

王繁昌

首里人副榜卒年九十歲

王登龍

河西里人卒年九十七歲

車佐權

河西里人卒年九十六歲

翁占梅

河西里人卒年九十二歲

張應海

河西里人卒年九十二歲

趙官遠

河西里人卒年九十歲

陳登科

河西里人卒年九十歲

帥君佐

首里舊仁懷人卒年九十七歲

增修仁懷廳志

卷之五 人瑞

三

劉國明

首里人現年九十歲妻鄭氏亦現年九十二歲

楊瓊

夫婢借老  
兩市人卒年九十一歲

王子倫

旺市人卒年九十一歲

范思文

萌市人卒年九十二歲

范仲

萌市人卒年九十歲

陳洪書

首里人卒年九十六歲

周大興

首里人現年九十三歲

陳洪仕

首里人卒年九十二歲

陳洪倫

首里人卒年九十歲

李登聯

首里人監生卒年九十六歲

劉天星 首里人卒年九十歲

羅崇魁 土里人卒年九十六歲

謝志富 河里人梁清自愛卒年九十八歲

易祥順 河里人平生忠樸卒年九十八歲

游贊廷 河里從九興設廟會增修場市生平耿直卒年九十六歲

王思碧 土里人平生忠樸卒年九十二歲

劉景甯 首里從九卒年九十六歲

傅尚文 首里人卒年九十二歲

人瑞八十以上至九十歲

陳善道 土里人卒年八十七歲

王錫 首里人卒年八十六歲

徐國侯 土里人卒年八十六歲

黎升華 監生卒年八十六歲

趙鵬程 歲貢生卒年八十六歲

張雲先 恩貢生卒年八十六歲

楊泰佐 河西里人卒年八十四歲

陳國政 首里人卒年八十二歲

董振泰 本城人卒年八十二歲

增修仁懷廳志

卷之五

人瑞

壹

余信芳 庠生卒年八十二歲

王子寅 庠生卒年八十二歲

梁文彬 卒年八十一歲

曹澤瀛 庠生卒年八十歲

李榮富 本城人卒年八十歲

顏以禮 太卒渡人卒年八十歲

黎碧泰 土里人卒年八十歲

吳芝榮 土里人卒年八十六歲

熊維柱 河里人卒年八十六歲

沈毓浩 本城人卒年八十四歲

袁居鸞 土里人卒年八十四歲

羅寶珍 猿市人卒年八十三歲

羅子湯 銅鼓溪人卒年八十二歲

羅沛英 羅造之子卒年八十一歲

袁應 監生卒年八十歲

陳立中 善道之子卒年八十歲

徐仲玉 葫芦溪人卒年八十歲

姜文星 首里人卒年八十八歲

王顯榮 首里人卒年八十二歲

裴京元 首里人卒年八十四歲

增修仁懷廳志 卷之五 人端

六

羅天合 首里人現年八十一歲

張凌雲 增生土里人情性和厚樂易近人貴州按察使李給以品重士林匾額卒年八十四歲

張毓緯 字少伯土里人儒雅清端好善不苟室袁氏乃袁恩安之女恩貢袁之才之妹賢淑俱享壽入

十二歲 同故

許廷杰 歲貢生土里人卒年八十歲

黎大興 土里人卒年八十歲

梁開林 首里監生卒年八十四歲

梁錦雲 開林子監生卒年八十六歲

牟洪陞 首里人現年八十四歲

羅天鶴 土里人現年八十一歲妻劉氏亦現年八十歲 夫婦偕老

蕭天榮

土里人從九卒年八十七歲

溫衍璋

首里人卒年八十歲

蘇紹瞻

庠生本城人現年八十三歲

羅于湯

土里監生卒年八十四歲

羅崇椿

土里監生卒年八十三歲

羅熙

土里監生卒年八十一歲

羅姚

土里人卒年八十一歲

羅炳

土里人卒年八十四歲

羅崇應

土里人卒年八十二歲

羅崇有

卒年八十歲

增修仁懷廳志

卷之五人瑞

宅

羅崇珍

卒年八十歲

羅崇鴻

卒年八十歲

羅崇紳

現年八十一歲

羅壽

現年八十六歲

羅文寶

卒年八十一歲

王思珍

卒年八十六歲

羅燦

卒年八十一歲

袁應順

卒年八十三歲

郭文華

卒年八十一歲

袁諱

現年八十六歲



袁 燧 卒年八十九歲

羅崇楷 卒年八十一歲 以上均士里人

周新盛 現年八十歲

胡文仲 現年八十二歲

張文舉 河里人居心正直行事端方卒年八十四歲

張陞文 河里人秉性正直見義能為排難解紛人皆敬  
信卒年八十三歲

嚴光顯 河里歲貢生平生行端表正教書為業兄弟和  
睦並無鬪言卒年八十二歲

鄒明顏 士里人為入忠實卒年八十六歲

余文榜 首里人卒年八十六歲

王 軒 首里人卒年八十四歲

增修仁懷廳志 卷之五 人 端 六

陳紹星 首里人卒年八十三歲

鄒克順 首里人卒年八十七歲

萬登鑑 首里人卒年八十六歲

匡懷順 首里人卒年八十九歲

葉光稜 首里人卒年八十八歲

楊登仕 首里人卒年八十三歲

桂朝樞 首里人卒年八十七歲

楊有文 首里人卒年八十五歲

向帝珍 首里人卒年八十八歲蒙 賞正入品頂戴

周家鵬 河里人現年八十四歲

周家鳳

河里人現年八十一歲

劉天順

首里人卒年八十四歲文生劉殿鐘之祖父

朱金潤

首里人現年八十一歲

傅尚才

五品耆老現年八十歲

鄭登榜

首里從九鄭崇祿之父  
卒年八十五歲

范朝元

河里人卒年八十八歲

劉維元

首里從九卒年八十八歲

向文元

河里人性情溫和教讀為業卒年八十四歲

增修仁懷廳志

卷之五

人瑞

充

壽婦九十以上至百歲

顏黃氏

顏國祿之妻夫故二十九歲守節卒年百歲

馬袁氏

馬僂之妻卒年九十八歲

羅王氏

土里羅玉和之妻卒年九十歲

李趙氏

李運貴之妻卒年九十八歲

余周氏

余道行之妻卒年九十六歲

楊丁氏

楊如林之妻卒年九十五歲

周劉氏

監生周岐瑞之母卒年九十二歲

溫羅氏

例貢溫安宅之母現年九十二歲

鄭王氏

現年九十一歲

增修仁懷廳志

卷之五

人壽

七

周趙氏

周文才之妻現年九十二歲夫婦偕老

余鄧氏

余興泗之妻現年九十二歲夫婦偕老

劉鄭氏

劉國明之妻現年九十二歲與夫偕老

王鍾氏

恩貢王志純之母卒年九十二歲

聶王氏

聶步倫之母卒年九十四歲

朱杜氏

首里人卒年九十歲

陳羅氏

旺市人卒年九十一歲

楊李氏

首里人卒年九十二歲

汪羅氏

土里人卒年九十八歲

陳丁氏

首里人現年九十二歲

羅芍氏 首里人現年九十二歲

范鄆氏 交生鄆瑚之女維坤之妻二十七歲夫亡守節卒年九十四歲

宋吳氏 克廷之妻同知汪申祿給以壹茂百餘匾額卒年九十九歲

楊陳氏 河里人卒年九十四歲

曹韓氏 州同曹國明之妻卒年九十四歲

王頰氏 王紹榮之妻卒年九十四歲

黃劉氏 黃翰餘之妻現年九十二歲

石張氏 石有順之妻現年九十一歲

王翁氏 王玉寶之妻四世一堂現年九十六歲

黎劉氏 黎大興之妻卒年九十歲

增修仁懷廳志 卷之五人 主

梁黎氏 河里人梁德林之妻十九歲夫故守節五世同堂卒年九十四歲

陳何氏 首里陳紹炳之妻五世同堂卒年九十六歲

帥陳氏 首里人帥良疇之妻現年九十歲

李董氏 庠生李松之妻文生佩蘅舉人蔭蘅恩貢楫蘅之母卒年九十六歲

劉王氏 劉仁之妻夫亡守節五世同堂卒年九十八歲

羅王氏 羅熙之妻夫婦偕老卒年九十一歲

羅張氏 羅崇林之妻卒年九十六歲

羅黃氏 羅豫澤之妻現年九十歲

羅袁氏 羅應懋之妻二十七歲夫亡守節卒年八十三歲

羅王氏 羅銓隆之妻卒年九十八歲

羅張氏 羅燦之妻 夫婦偕老 卒年八十五歲

袁孫氏 袁應緒之妻 卒年九十二歲

袁何氏 袁梅之妻 卒年九十四歲

羅劉氏 羅銓之妻 卒年九十六歲

袁鄧氏 袁映瑞之妻 現年九十一歲

文余氏 文玉璠之妻 卒年九十八歲

趙高氏 卒年九十二歲

唐李氏 首里唐子壽之妻 現年九十歲

陳邱氏 首里陳永順之妻 現年九十歲

王翁氏 土里人 卒年九十六歲

增修仁懷廳志 卷之五 人端 七

鄭王氏 首里鄭良柏之妻 現年九十一歲

謝陳氏 癸酉科拔貢 謝一樑之母 一九十六歲 一九十歲

壽婦 八十以上至九十歲

王盧氏 王述釗之妻 夫亡守節 卒年八十歲

湯王氏 湯永信之妻 卒年八十四歲

顏周氏 顏奇聖之妻 卒年八十歲

王黃氏 王良誨之妻 卒年八十八歲

羅劉氏 首里人 現年八十歲

陳魏氏 首里人 現年八十六歲

劉周氏 首里人 現年八十五歲

李楊氏 首里人現年八十三歲

張丁氏 首里人現年八十二歲

陸王氏 首里人現年八十歲

王趙氏 王永秀之妻夫亡十八歲守節卒年八十歲

羅劉氏 羅天鶴之妻現年八十歲與夫偕老

劉鄧氏 鄧芝居之女劉元貴之妻矢志守節卒年八十歲

錢范氏 范桑賓之女文生錢文聰之妻文生錢玉森之妻青年守節卒年八十歲

袁陳氏 袁儒之妻夫亡守節卒年八十歲

黃王氏 黃聯之妻夫亡守節卒年八十九歲

張袁氏 上里張毓緯之妻現年八十一歲夫孀偕老

增修仁懷廳志 卷之五 人端

戴余氏 正美之妻夫亡守節現年九十歲

羅黃氏 洪維之妻夫亡守節卒年八十歲

羅蔣氏 羅崇榛之妻卒年八十三歲

羅陳氏 羅崇金之妻卒年八十六歲

羅張氏 羅崇相之妻卒年八十八歲

江王氏 首里人卒年八十九歲

王張氏 首里人卒年八十七歲

楊王氏 楊登仕之妻卒年八十八歲

馬胡氏 馬廷品之妻卒年八十六歲

陳劉氏 陳新輅之妻卒年八十九歲

陳王氏 卒年八十四歲

匡王氏 卒年八十八歲

唐余氏 卒年八十七歲

雷喻氏 卒年八十八歲

盈劉氏 卒年八十七歲

趙孔氏 維周之妻二十九歲夫亡守節卒年八十五歲

倪傅氏 土里人倪繼之妻二十六歲夫亡守節卒年八十二歲

劉王氏 從九劉修和之母現年八十二歲

劉姜氏 劉天順之妻卒年八十一歲文生劉殿鐘之祖

羅帥氏 首里人現年八十二歲

增修仁懷廳志 卷之五 人瑞 七

范王氏 河里范朝元之妻卒年八十八歲

劉陳氏 劉景宿之妻盲年九十三壽

劉羅氏 劉維元之妻盲年八十六壽

黃易氏 軍功黃天敘之妻現年九十歲

周蘇氏 周壁興之妻現年八十一歲

增修仁懷廳志卷之六

邊防



唐乾符三年南詔叛陷播州太原人楊端應募由瀘州合  
江仁懷入白錦軍高遙山據險立巖出奇兵復州世有其  
地傳至宋大觀楊文貴納土置義軍歷元朝世祖授楊邦  
憲宣慰司賜其子漢英名賽因不花爲播國公明洪武五  
年正月播州宣慰使楊鏗同知羅琛總管阿嬰蠻夷總管  
鄭瑚等相率來歸朝貢方物納元所授金牌銀印銅章詔  
勅賜鏗衣幣仍置播州宣慰使司領安撫司二曰草塘曰  
黃平長官司六曰真州曰播州曰餘慶曰白泥曰容山曰

增修仁懷廳志

卷之六 邊防

一

重安鏗琛皆仍舊職以嬰等爲長官司長官七年申書省  
奏播州土地旣入版圖當收其賦貢自洪武四年始歲納  
糧二千五百石爲軍儲帝以其率先來歸田稅隨所入不  
必以額徵之九月鏗來朝八年五月鏗遣其弟錡來朝賜  
衣幣十四年命齋勅符諭鏗率兵二萬馬三千爲先鋒南  
征十五年城播州沙溪以官兵一千人土兵三千人戍之  
改播州宣慰司隸貴州十七年鏗子震疾卒於京命有司  
歸其靈柩二十年十月徵鏗入朝貢馬十匹賜鈔五百錠  
二十一年播州宣慰使司並所屬宣撫司各官遣其子來  
朝請入太學永樂四年免播州荒田租七年宣慰司楊昇



招諭草塘黃平及重安所轄富科葛雍等十二寨蠻人來  
歸宣德三年昇賀萬壽節後期行禮部議予半賞帝以道  
遠勿奪其賜昇子楊綱襲職七年仍舊正統十四年宣慰  
使楊綱老疾以其子輝代景泰七年調輝兵征銅鼓五開  
叛苗賜勅諭頒賞成化十年以播州賊齋果等屢歲爲患  
時輝將入貢巡撫以播地連諸蠻輝難遠離留之十一月  
命輝子愛襲父職正統末苗蠻寇邊土同知羅宏奏輝有  
疾乞以愛代帝命愛襲職從總兵官剿賊部議以愛年幼  
請仍起輝暫理軍事又以輝難獨任宜勅都御史張瓚督  
理十二年張瓚督諸軍及輝攻敗諸苗設安甯宣撫司並  
增修仁懷廳志

卷之六邊防

二

懷遠宣化二長官司建靖南龍場二堡命輝董其役輝將  
所屬黃平土司等五千人分甓城垣將竣輝因各寨苗蠻  
頗乏畏懼恐工竣後大軍還難保無虞奏設守土兵一千  
五百人撥守懷遠靖南天漂龍場各二百人宣化一百人  
安甯六百人徙家屬同居爲因守計命子愛董之而聽已  
致仕詔從之時爛土諸蠻惡其逼遂引齋果等攻陷天漂  
靖南城堡圍安甯愛力弗能支兵部奏起輝再統剿之又  
勅川貴兵爲助十五年貴州巡撫陳儼奏請征剿兵部言  
四川興師五萬軍儲糧米山路險峻輸運維艱帝然其奏  
二十二年刑部侍郎何喬新以愛爲友弟宣撫所訐奏命

往勘因奏楊氏據播已五百餘年奢僭淫暴之罪無代無之今友愛兄弟相訐命臣勘問果係情重當於本州監候則獄卒皆其部下難爲防守使移於重慶則道途遙遠疊衆驚疑恐生他變宜提二人面對虛實聽候上裁免其監禁爲便從之二十三年喬新奏輝在日溺庶子友欲令承襲長官張淵阿順之安撫宋鞞謂楊氏家法立嗣以嫡輝不得已以職授愛又欲割其地以授友謀於淵因以本州懷遠故地爲生苗所據請兵取之容山長官韓瑄以土民安輯日久不宜征淵與輝計執瑄杖殺之前巡撫張瓚受輝賂於安甯設宣撫司以友任宣撫輝以所有金玉服用

增修仁懷廳志

卷之六邊防

三

莊田均分諸子輝歿張淵及弟深與友潛謀刺愛謀不果友遂奏不軌帝命斬淵深友因公擅殺且謀謀嫡盜官錢皆大罪謂愛信讒薄兄納贖復任友遷保甯羈管仍勅喬新從宜處治弘治元年增設重安守禦調土兵一千助戍守七年以平苗功愛與友有勞准勅加秩十四年播州宣慰使諷安撫羅忠等上其平苗有功楊斌又重賂劉瑾調爲四川按察使仍理宣慰事斌狡橫不受兩司節制踰年巡按余縉奏斌不宜受詔裁之仍原職由是友旣編置保甯愛資厚斂征取友向所居凱離地者甚苛同知楊才居安甯賤剝尤甚諸苗忿怨凱離民乃潛入保甯以友還糾

眾作亂攻播州焚愛居第及公私廨宇愛屢奏於官言命鎮巡官調兵征之會友死而征兵乃罷至是鎮巡官言友構亂罪大其子洪尚幼今稍長能悔過且善撫蠻衆其前爲友所焚殺者俱已賠償且還所侵奪地土乞授洪爲冠帶土舍協同播州經厯司撫輯諸蠻隸播州管轄并諭斌與洪協和不得再造釁端報可未幾貴州凱口爛土苗婚於凱離草塘諸寨構結山苗爲患賜斌勅令每年巡視邊境部議土官向無領勅出巡不准加斌爲昭毅將軍給誥命賜麒麟衣一襲時又爲其父愛請進階及服色許之旣而斌又爲其子相請入學並得賜冠帶十二年凱里土舍

增修仁懷廳志

卷之六邊防

四

楊拱卒與重安土舍馬綸等有怨誘苗蠻攻之互相仇殺貴州巡撫鄒文盛移文四川會官撫處踰歲不報文盛乃督致仕楊斌撫平之並言斌未衰宜仍起任事部議斌子旣代毋庸起盛所請難行而功不可誣十六年賜斌蟒衣玉帶嘉靖元年賜播州宣慰司儒學四書集註一部楊洪之弟張求襲父職部議張習父兄之惡幸免於辜若張悔過殺賊尚可量授一官遂許宣撫傳至楊相復籠庶子煦其嫡子烈之母張悍甚與烈遂相約走客死水西烈求父屍宣慰安萬銓因索要挾水烟天旺故地而後予屍烈陽許之及相喪還烈斬地不予遂與水西構難並殺其長官

王傲烈遂與敝黨李保治兵相攻約十年總督馮岳總兵石邦憲討平之真州苗盧阿項者亦久稱亂邦憲以兵擊攻之擒阿項父子斬獲四百餘人真州盜平地方安靖隆慶五年烈死子應龍請襲准姑予職萬曆元年給播州新襲宣慰使楊應龍勅書八年應龍請賜故宣慰楊烈祭葬從之十四年應龍獻大木材美賜飛魚服又復引其祖賜揮使銜授應龍十八年貴州巡撫葉夢熊疏請應龍凶惡諸事巡按陳效歷數應龍二十四大罪時方防禦松潘調宣慰土兵協守四川巡按李化龍疏請暫免勘問俾應龍增修仁懷廳志

卷之六邊防

五

戴罪圖功由是川貴撫按疏辨在蜀者謂應龍無可勘之罪在黔者謂蜀有私暱應龍之心十九年貴州夢熊主議播所轄五司改土爲流屬重慶與化龍意相左化龍遂引嫌求退應龍益滋嗜殺所轄五司七姓悉叛嬖妾田氏屠妻張氏並及母於是妻叔張時照與所部何恩宋世臣等告應龍反夢熊請發兵剿之而蜀中士大夫率謂蜀三面鄰播所屬以什百數且兵驍勇剪除未爲長策朝議命勸應龍願赴蜀不赴黔二十年應龍詣重慶對簿繫論法當斬請以二萬金贖巡撫王繼光至嚴提勘詰應龍遂抗不出張時照等復詣奏闕下繼光用兵之議遂決二十二年

繼光與總兵劉承嗣兵敗於婁山關會繼光論罷時四川  
新撫譚希忠與貴州鎮撫再議剿御史薛繼茂主撫應龍  
上書自白遣其黨攜金入京行間執原奏何恩詣綦江縣  
二十三年川貴總督刑玠至蜀察永甯西陽皆應龍姻媾  
而黃平白泥久爲仇讐宜剪其枝黨乃檄應龍當待以不  
死會水西宣慰安疆臣請父國亨卹典兵部尚書石星手  
札札示疆臣疆臣亦奉札至播招應龍四月玠檄重慶知  
府王士琦詣綦江趨應龍安穩聽勘應龍弟兆龍至安穩  
使治郵舍儲糒叩頭郊迎致餼牽如禮言應龍縛渠魁待  
罪松坎所不敢至安穩者恐墮安穩仇民不測之禍幸請

增修仁懷廳志

卷之六邊防

六

至松坎受事士琦曰松坎亦曩奏勘地也卽單騎往應龍  
果向縛道旁江請死罪至公館執罪人及罰金獻廷中得  
自比安國亨曩亦被許懼罪不出界故應龍引之士琦爲  
請於玠許之應龍乃縛獻黃元阿羔阿苗等十二人按驗  
抵應龍願贖輸四萬金助採木仍革職以子朝棟代受職  
次子可棟羈府追贖時倭未靖欲緩應龍事於松坎設同  
知治焉而以士琦爲川東兵備副使彈治之應龍益怙終  
不悛尋可棟死於重慶益痛恨促喪歸不得復檄完贖大  
言曰吾子活銀卽至矣擁兵驅十餘僧招魂分遣土目置  
關據險厚撫諸苗民名其健者爲硬手州人稍殷者沒人

其資以養苗苗人遂願爲出死力遂連年殘餘慶草塘二  
司及江津南州合江襲破偏橋敗都司楊國柱於飛練壘  
至二十八年總督李化龍巡撫郭子章始合八路兵討平  
之播州楊氏自唐乾符廿九世據八百餘年至應龍而亡  
三十一年播州餘逆吳洪盧文秀等叛總兵李應祥討平  
之

國朝

吳逆反全蜀陷沒賊數百人自遵義將由合江諸生董益  
笑曰毋恐第隨我行當令彼返走衆咸以爲妄益與一二  
奴子先行村民從之者僅數人負米徑逼賊賊軍有長身

增修仁懷廳志

卷之六

邊防

七

而髯者僞將也呼益四秀才將何往對曰昨聞清兵已抵  
合江村民暫入箐爲避兵計髯亟問曰此去合江路幾許  
曰二十餘里今尚欲至合江耶髯曰然益曰誤誤清兵初  
來勢甚銳環江內外壁壘相望諸軍豈能飛渡耶髯曰奈  
何適旁有一人爲髯控馬益知其嚮道者叱之曰若爲嚮  
道受重賞顧引軍入危地耶髯怒鞭其人益曰自此由間  
道通仁懷縣不過四十里速行薄暮可至矣髯深然其言  
益見賊部內掠得近村牛七頭背載男女各一約十餘歲  
因說之曰兵從仁懷兼程至永甯需四日騎步猶恐不相  
及何事驅牛負子女從行不若棄之便髯曰秀才言是盡

以付益亟回車去益返村舍訪子女父母及牛主還之益料賊從遵義來必不知江上消息假此語給賊官軍實未嘗至合江也

康熙十九年吳逆餘黨譚宏等再亂全川震動九月將軍吳丹還瀘州十月仁懷失守罷將軍吳丹以鄂克濟哈領

其衆

見東華錄

意此時仁懷又失而後復

嘉慶十一年仁懷縣屬地名牛欄溝與桐梓江津合江交界四面懸崖林深箐密上有平土三層可種山糧二百餘石嘉慶八年仁邑袁廷瑛與族袁伯玉自其祖父爭界不休至廷瑛受產後隙益深遂邀集苗民羅把土等多人盤

增修仁懷廳志

卷之六邊防

八

踞其上以壯聲勢日久弗散廷瑛勢無以支遂給籽種爲久遠計苗以類相招絡繹而至數幾盈千愈難酬給卽依崖立上中下三賊營各有頭目晝夜下山分路剽掠遠近牲畜牛馬被擄者甚衆莫敢誰何行旅亦爲戒嚴又於山上設立重樓卡子並滾木礮石備官兵勦捕黔中大吏風聞已久未悉虛實罔有先發其事者候補知縣張九穀署綦江聞之駭異十一年正月通密札於仁懷令崔本謂宜相機無貽養癰患時崔被別案牽連赴省典史王光祖覆書言已致函崔令俟其回再行協辦乃二月接崔手函謂蠢茲小醜烏用張皇且待鴟張之時再爲舉動復稱四川

省歲旱仁邑土廣民稀竄入者半係蜀人詞大與張頹齋  
不得已叠致同舟輔車之義勸其會哨溫水與桐津諸縣  
協理崔仍坦不介意賊獗愈甚會仁邑民與袁伯玉糾眾  
齊圍放礮擊賊反自斃一人張恐竄逸碁界或致繹騷乃  
專差防堵更令實訪人數並晝夜作何事差密以聞遂通  
稟於勒制府及司道各憲重慶知府王用儀爲移文遵義  
知府趙遵律飭仁懷縣帶領官兵約三月初二日會哨溫  
水先懸示各處賊猶怙惡及見大兵雲集始知驚懼張喝  
令嚴挈並折毀其重樓營卡兵差分應當捕獲羅把士張  
二王穆麻子等三十餘人一一就縛時遠近被害已久見

增修仁懷廳志

卷之六邊防

七

張除害無不人人欣躍致牛酒凡張上下爭爲扶昇肩輿  
如蟻之附且同聲呼張青天者三響應山谷觀者無不色  
動平定後案歸仁懷辦結崔徹底審究始悉廷瑛白玉爲  
爭界幾釀巨禍按律將廷瑛等充發界歸欵而賊黨遂平

碁江  
志

道光十八年九月仁懷縣逆匪謝法真穆繼賢等聚眾謀  
逆謝法真仁懷縣之小溪里人充道士其堂兄謝士倫生  
女謝富英招塔穆開先人贅道光十八年六月謝富英病  
狂稱有神人附體言謝法真必登大寶病痊後茫無知覺  
謝法真信爲神人指示起意糾眾謀逆與謝士倫及胞弟



謝世璧堂弟謝士奇並穆世清趙應松楊汝芳穆繼朋暨謝富英義父趙國彪約定分糾夥黨至十九年二月初八日起事謝法真恐人不信捏造符籙一本名爲天書書該逆當有天下並各符可以退兵等字樣又令謝富英捏爲真主出世不久卽有大劫之語向人煽惑穆孝與弟穆三忘子穆先俸及趙應山趙應周侯正權侯隴余夢人穆繼萬等陸續入夥七月謝法真又向僧道恩告知囑其糾人幫助先是穆繼賢於三月間因妻兄袁明倫素知醫理起意藉端騙錢捏稱得仙方能醫病並能知人禍福哄騙鄉民四月間穆繼賢村隣趙春姑與劉應珍通姦敗露劉應增修仁懷廳志

卷之六邊防

十

珍畏罪自盡有趙應彬卽趙應彩因與穆繼賢袁明倫有嫌唆令屍屬將穆繼賢等牽控閏四月署仁懷縣知縣王鼎彝將穆繼賢等獲案訊明正欲省釋縣差袁幅以穆繼賢妖言惑衆向稟屢訊不承招告無人呈控九月初旬將穆繼賢等保釋二十三日穆繼賢等糾同穆繼朋等四十餘人將趙應彬殺死洩忿屍親赴仁懷及川省碁江縣具報差拿穆繼賢欲行拒捕因人數甚少以謝法真糾衆謀逆商令人夥往邀幫助謝法真因是時所糾夥黨及謝士倫等各家雇工佃戶共有二百七十餘人穆繼賢又率眾相投合計已有三百餘人可以起事不必待至來年遂於

二十六日偕各影黨往與穆繼賢等會約因僧道恩住處較遠未向知會僧道恩亦未糾人前往謝法真令穆繼賢等將趙應彬頭顱割下懸杆示眾共推謝法真為主謝法真僞封伊子謝家運爲太子堂姪謝家品爲黑山太王穆繼賢爲困山大王袁明倫爲軍師謝世壁爲天師謝世倫爲左丞相趙應松楊汶芳爲大元帥時趙愾彪患病在家謝法真封爲右丞相遣人邀其入夥趙愾彪因病未往謝法真假托神佛易於聳動鄉愚遂稱謝富英爲千首觀音謝喬姑爲佛主觀音與伊姦好之穆袁氏爲抄手觀音謝士奇爲靈官穆世清爲黑神袁明倫稱爲袁天罡謝法真

增修仁懷廳志

卷之六 邊防

七

令穆繼賢帶領影黨先赴附近一帶搶擄十月初六日掠張二村初七日掠柑子坪初九日焚掠溫水將鄉民李永遠等裹脇入夥聚至一千餘人謝法真見人數已多遂派穆孝穆三忘穆先倖趙應山趙應周侯正權侯隴余夢贊余夢人穆繼萬爲頭目將裹脇之余茂超謝士舉汪庭禹謝多幅余茂趨楊升分撥穆孝等管領令其打仗服役又以穆繼賢穆繼朋搶掠出力僞將穆繼賢封爲川主穆繼朋爲困山大王令穆繼賢統領眾目嗣官兵漸集謝法真見方家溝山勢險峻穆元魁家屋堅固倉有積糧可以拒守統眾前往穆元魁攜眷逃避謝法真等踞住房屋掘濠

樹棚抵死抗拒希圖攻退官兵再往奪取川省十月十九  
二十一日二十二等日歷次拒敵官軍戕害弁兵十一月十  
六日夜攻撲營盤被官兵殺退十二月初七日我兵四面  
圍攻燬房室殲斃夥匪謝法真等先後被獲嚴訊定讞謝  
法真穆繼賢袁明倫謝士倫謝世壁謝世奇穆世清楊汶  
芳謝富英謝家運謝家品僧道恩穆繼朋趙幗彪等十三  
犯依謀反律凌遲處死余茂超謝喬姑穆袁氏穆孝穆先  
俸趙應山趙應周侯正權侯正隴余夢贊余夢人穆繼萬  
等十一犯比照謀反律凌遲處死余夢超等二百七十九  
犯及前獲之李永遠等十犯被脇入夥曾經拒敵官兵比  
增修仁懷廳志

卷之六 邊防

三

照謀反已行律均擬斬立決訊止被脇服役並未與官兵  
打仗之余茂超等三十七犯除謝世俸等十三犯業已病  
故外餘俱應於余茂超等斬決罪上量減一等發往新疆  
給官兵爲奴共計首從逆犯三百五十一名內謝法真等  
二十五犯問擬凌遲已在軍前正法二十名在省正法五  
名又余茂超等二百八十九犯問擬斬決已在軍前正法  
二百七十三名在省正法四名病故二名傷斃十名又余  
茂超等三十七犯問擬發遣此外恐尚有竄逸之人大吏  
飭各屬嚴拿究辦以期淨盡是年署同知馮紹彭圍集鄉  
民於土城里圖書垣東皇場銅鼓溪諸處堵禦

道光二十二年壬寅土匪曾响等二百餘人在合江江津  
地界劫奪擄搶兩縣會營捉拿賊黨仁懷縣官渡塘長沙  
壩川兵隨後追至便各執軍器刀鎗衝過廳屬葫市場涵  
市場兩地方居民驚惶飛報文武兩衙同知楊鉅源發丁  
跟踪查至迴龍場見賊在彼住扎卽會同都司彭長春帶  
兵往剿意欲嚇賊退走預爲傳令只放空鎗賊見空鎗無  
丸彈遂乘勢撲來彭都司見事危急令加丸彈放鎗轟斃  
二賊餘皆退走仍回合江江津兩處地方被江津縣剿殺  
一百餘人餘賊逃散土匪遂平

咸豐四年甲寅秋八月桐梓縣楊隆喜叛隆喜桐梓一差

增修仁懷廳志

卷之六

邊防

三

役耳其人善於迎合官長曲意順承並結交門印以通氣  
息前後各官皆以隆喜爲幹役均信任之衙中內外諸人  
悉惟隆喜之言是聽大小公事必先通知隆喜然後稟官  
鄉中富民一涉詞訟每案勒索不下百餘千及至數百千  
不等民間受害不敢告官卽或告官隆喜善爲彌縫內外  
調停而官亦不究隆喜又結盟拈香遠交四方匪黨因此  
勢盛猖獗於是年八月捏以貪婪名目逐官據城以叛始  
而千餘人愈脇愈多遂有數千人又仁懷縣差役楊經亦  
戕官據城而叛仁懷廳同知汪申祿聞報以軍務喫緊請  
領帑銀七鞘又稱軍餉支絀並將廳貯倉穀一萬七千三

百九十三石有奇并提前任各官奏積發典生息書院膏  
火銀六百兩提楊鉅源捐俸發典生息詩賦課膏火錢壹  
百千縫號掛八百件令城中舖家長櫃火房跑堂一概穿  
着以壯聲威舖家面言小的們止知貿易營生一穿號掛  
難免生意冷落衆皆鼓噪不從乃止適四川發兵兩路進  
剿蕭都司從廳境沔灘猴猴土城入蔣參將從仁懷縣由  
紅圈子入隆喜見川省有備不敢下竄遂直撲遵義攻城  
因城堅固難破遂竄擾大定黔西及近省一帶地方畏脇  
苗匪黃號白號相繼蜂起攻陷城池劫掠地方姦搶燒殺  
蹂躪殆盡黔省並無全善之區以致大道梗塞次年乙卯  
增修仁懷廳志

卷之六邊防

齒

鄉試兩主考由四川大道入黔行至合江縣因黔路不通  
貴州巡撫奏請停科兩主考返京咸豐六年丙辰十月申  
祿交卸署同知賈致恂接任循法視事軍民相安惟月課  
膏火俱廢復爲設法興行士林德之奉憲扎勸捐軍需銀  
二千數百金解省幫助時賊逼近貴陽等處四川亦無賊  
廳境清靜相安賈同知在任命盜二案俱無惟有戶婚田  
土詞訟而已丁巳年復奉憲扎仍勸捐軍銀二千數百金  
解省咸豐八年戊午十月交卸實任沈西序接任

咸豐八年戊午十月同知沈西序到任卽以興設團練編  
聯保甲爲重務飭令四鄉公舉公正勤慎之人充當團正

團副又於團正中選其辦事精明者充當團總飭其挑丁  
採習備辦軍器火藥預防賊至逐次向團總團首開導鄉  
愚黔省賊氛甚衆均由團練未整爾等當以身家爲重協  
力同心認真齊國民間醒悟踴躍樂從一呼百諾次年己  
未夏有血柏坪楊五欲萌叛逆沈同知訪聞楊五執火鎗  
軍器要到敘永廳鎮龍山勾引外匪入境滋事卽差兵役  
十餘人到土里捉回楊五審訊正法其隨同數人均係脇  
從釋放

咸豐九年己未九月李短搭搭藍大順藍二順等在敘州  
府地名調黃樓聚衆叛逆其時太平日久民不知兵凡敘

增修仁懷廳志

卷之六 邊防

五

府所屬州縣地方有身家者預先驚惶聞風搬竄以致無  
聊匪徒乘虛擄掠愈集愈多得有萬餘人在各屬攻城劫  
地官兵又素未經戰遇賊輒潰而江津合江日夜防城民  
不安枕時仁懷廳同知沈西序早已札飭各團嚴密盤查  
預爲防備適貴州巡撫通飭舉辦堅壁清野沈西序極爲  
認真修築寨堡逢十會團以壯聲威在任一載零數月雖  
隣近有賊民不驚恐真有夜不閉戶之風至今士民猶稱  
頌不置

咸豐十年庚申閏三月同知沈西序交卸署同知賈致恂  
復任仍依沈同知團規盤獲賊匪一人僞參將李雙二訊

明正法適李藍二逆攻陷榮昌隆昌永川各縣又據牛腹渡爲巢穴自流貢井兩處鹽廠均爲賊所毀將井閉塞廠內數十萬人皆失業多半混入賊夥仁懷各號無鹽聽鹽販繞道赴射洪等處販鹽入廳每勛價值約一百八九十文不等四月江津縣燕頭山劉仙人作亂復有王刀刀張五麻子張四黃地飛天和尚四路蜂起至冬月合江告緊賈同知札飭七角圩大溪口鱧魚溪瀟家溝各團於連川要隘防堵又復調復興場團總王椿督率周禮秀帶團丁一百名在長灣沱紮營沿河防堵並統管天臺山大洞場寶源場夾子口各處團丁一律沿河防堵王理鄭文田經

增修仁懷廳志

卷之六邊防

六

收口糧按日支發對河兩岸船隻夜間推至營盤打連封禁凡有過渡問明來歷不許妄渡一人因此盤獲賊目一人藍左將軍又名卜順身藏偽示賈同知訊實正法又陸續盤獲王良民鄭老么楊癸未陳雲亭張豐年施大文廖老庚潘天福王春佑李金順等十人均四川人被賊脅去乘間逃出盤獲不敢私放均皆送署訊明開釋又探得張五麻子夥黨在川黔交界太平渡地方搶擄賈同知會營札千總鄭占鰲從九梅春先帶兵五十名協同團首王榮泰並附近團丁共五百餘名紮住隘口四面兜剿該匪越四藏茂林中施放鳥鎗持械出敵當被團丁殺斃九人餘

賊浮水欲逃又被團丁追殺七人隨即跟賊赴水活捉趙四般六劉小狗龔元四人餘皆溺斃趙四係桐梓人造反多年曾在綏陽旺草坪將祥協台緝綁燒死後到孔鼻山因見官兵太多遂與四川內江人殷六劉小狗邀約三十餘人欲到李短甌笹營盤在路冒充練勇隨便擄搶燒殺賈同知將四人正法梟示太平渡之賊遂平至長灣沱防堵圍練於辛酉年春大兵到江津合江張五麻子張四黃地飛天和尙藍大順李短甌笹王刀刀分竄遂甯威遠江安內江涪州及成都丹嶺各處去廳較遠始行撤防至各隘盤查及各路探丁仍照前嚴密辦理是年防剿得手廳

增修仁懷廳志

卷之六 邊防

七

屬平安

咸豐十一年辛酉四月賈致恂交卸署同知汪先煨接仕適髮匪石達開率夥黨四十餘萬自湖北竄擾四川貴州等處六月至仁懷縣桑木圩與廳毗連汪先煨卽爲會營都司遼天培帶兵練前往石壕地方督率該處各團嚴密防剿汪先煨親至復興場面向王椿云稱石壕雖有蓬都司防剿但兵練太單恐其難敵下竄囑王椿帶團練二百名會同涵灘川風均陞照猿猴各團首挑選壯丁自備口糧沿途要隘防堵並札訓導劉德銘先到各處面諭團首務聽王椿提調指使毋得有違致干軍令一面發大令札



王椿以王理鄭文田在場局經收口糧十日一發王椿卽率團總理秀軍功姜文標管帶團練李鳳翰到營經發口糧幫辦筆墨在猿猴石灰溪紮營並會同猿猴團總貢生陳宅宜文生曾志超及職員徐洪順江洪泰趙聯科周朝開泖灘團首趙慶元陳義興陳德興王恒順陸照團首熊書文古家壩團首張天佐等沿途聯絡紮隘直抵土城又由土城團總羅亮卿及楓村垵團總武生王占鰲約束各團一律前後防堵二三百里營棚不絕嚴密盤查聲威甚壯賊不知虛實相持兩月餘之久退回南川綦江原路仍竄湖北距廳甚遠八月撤防適汪先煇交卸署同知曹

增修仁懷廳志

卷之六 邊防

六

琅接任不認真團務而各鄉團首亦皆疎懈至腊月土里毛步雲卽毛長生青年曾以武童應試未入取在外遊蕩呼大呼小於是月勾結外匪二百餘人在大石垵大白巖地方搜搶葫市拔貢謝一樾旺市貢生王志純星夜稟報曹琅札各團齊國防範首里紳糧稟稱各團自爲防範難專責成恐於除夕元旦等日賊乘各家度歲下竄騷擾不可不爲預防曹琅據稟始札王椿帶團練於寒棚垵防堵時已封篆王椿接札卽同李鳳翰陳殿元黃天敘傅作賓各團共四百餘人到該處紮營適天降大雪堆積數尺圍首及壯丁除夕元旦均在雪裡度歲至正月初三始晴各

團公議欲四面蕪剿尚未舉行賊聞風夜遁不見一人至元宵後始撤防

同治元年壬戌髮匪石達開至湖北被官兵打敗奔入川境分爲兩路一由涪州河入貴州一由大河上竄鄆都長壽忠州萬縣榮陽各州縣勢不可遏仁懷各團總欲稟官請設防堵有學中老生及無知生監等數人向衆稱說此次髮賊所圖在銀錢糧草廣聚之地瘠土小廳何足介意定然不來何必杞人憂天鄉中愚民一遇防堵必須捐助口糧一聞此言適合其意遂互相傳說把此言貫入曹琅耳中遂信外邊人言疑各團總逞才好事凡前任沈西序

增修仁懷廳志

卷之六邊防

七

興設發丁採聽賊情及一切章程團規俱廢城局及四鄉均爲懈怠冷落間有陳說賊情曹琅置若罔聞辦事諸人俱束手歎氣至三月賊到江津合江地界各團總具報賊勢猖獗宜預設防批示現值卸仕候移交新任辦理四月初曹琅交卸署同知恩彬接任賊至合江對河馬街子恩彬初來忙無所措局紳張廷瓊極力贊勸挺身在釐金委員李琛處借銀三千兩招募練丁五百名在城外紮營防守都司達天培在城堞口經理防守事宜初六復札王椿王志純各帶團丁一百名親赴仁懷廳同保城池王椿覆稟賊在馬街子勢必由插蠟蘭大石垣竄入兩路隘口一

夫撫關萬人莫過與其保城所全者少不如保隘所全者多恩彬然其說改札王椿帶團練到大石垵王志純帶團練到插蠟崗兩處防堵初七夜奉札卽知會各團於初八日王椿先至公所俟團衆齊集公議本日申刻起程各帶軍器口糧正會議間探丁飛報賊已於辰刻由大石垵直至旺隆場燒殺勢甚猖獗王椿恐其乘虛直入令周禮秀帶團練到寒棚坳住紮賊至泥池見寒棚坳有淮備是日仍退旺隆場於初九日賊分兩隊圍攻寒棚坳周禮秀見賊衆團寡退回復興場令船戶速將場中婦女小兒渡過對河上岸隨將船隻靠對河賊追至因無船過渡將復興

增修仁懷廳志

卷之六 邊防

三

場房屋燒毀大半又折毀民房於木耳洞搭浮橋過河逕至大洞場往敘永又賊一股由黃皮洞崇盤石樑上竄馬村處處皆賊團無偵探栽種農忙忽然賊至婦女被其姦污小兒填諸溝壑慘不可言自初八至十四聯絡過境晝夜不絕十五民見無賊各歸栽秧突於十八日賊後隊復至仍如前隊聯絡過境至二十二日賊紮馬村因被前隊劫掠一空四鄉搜尋無得遂起意來攻廳城各執火把行至半途大風忽起火把盡被吹滅城樓堞口燈火亦被吹滅達都司疑賊有邪術以白犬血禳之風仍如故賊遂退此天之加貺於仁懷者至也次日賊竄車網場及先市對

河由瀘州所屬瀘衛大埧地方竄至興文長甯諸縣賊雖  
遠遠百姓流離失所恩彬親詣各市鎮安慰未定忽聞髮  
匪被官兵打敗於六月中退轉分兩路一竄永甯一竄仁  
懷縣恩彬傳各處總團首到城面議公事團各團總遊賊  
深山未回差役覆稟只有王椿王述聰二人在家辦團恩  
彬親至復興場向王椿面諭永甯已被賊據仁懷縣魯班  
場亦有賊急宜設法防堵但復興場團丁單薄今將寶源  
大洞兩場各團及三義山鼎山寨沔灘場川風坵古家壩  
各團均歸吾兄一人管理提調以資防堵王椿接札令後  
卽親到沿河勘視地形長生埧地雖不險僅有一路下河

增修仁懷廳志

卷之六

邊防

三

又由河僅有一路到鹽井溪橋王椿令團丁於鹽井溪橋  
頭上築土牆高八尺攔斷來路於牆裡面半山紮營棚五  
座令丁看守如賊至踰牆以鎗礮轟之又令管帶軍功李  
發秀備礮船二隻兩邊用護板釘穩遮蔽賊攻鎗礮護板  
上鑿通大小各眼以便船上施放鎗礮挑壯丁一百人同  
李發秀在船歇宿看守長生埧隘口令周禮秀將各處團  
丁在沿河岸上搭棚支更傳令每棚相隔不出百步外務  
要彼此觀望可通聲音又令三義山王起泰王天泰帶團  
一百名防堵牛鼻壩隘口一面知會王述聰擇隘防堵自  
七角打起至沔灘止水陸各隘均王椿提調甫經準備完

好賊於二十九日由鄆家關天星橋曾家橋等處竄至大洞場於七月初一日來攻長生拘隘口當先一人手執大旗耀武揚威率領衆賊至半山坡礮船施放鎗礮當時旗倒斃命賊後一人將旗執起仍然向前礮船復施鎗礮旋亦斃命賊見不利仍退回大洞場修理營棚以爲長久之計初三日賊率大隊來長生均爭奪隘口王椿同周禮秀楊鴻柱張廷秀等率團丁數百人到河坎迎敵忽天起黑雲大雷大雨大風霎時河水陡漲數尺賊仍退王椿及團丁亦退衣衫盡濕大雨猶不止是夜水添漲一丈餘深礮船移動自如愈見有勢此天之眷佑生靈非人力所能爲

增修仁懷廳志

卷之六

邊防

三

也賊又每日近城對河施放鎗礮欲奪船隻千總鄭占鰲率團丁亦施鎗礮賊屢傷損仍退大洞場復攻打牛鼻壩隘口團丁出迎至半山賊勢洶湧團丁陣亡十四名賊追至山頂圍衆極力抵敵施放鎗礮賊始退四川帶兵蕭藩台探知賊據大洞場遂撥兵數千由合江地界直搗大洞場賊集賊敗官兵殺賊多人奔走孔家橋等處王述聰在隘衆寡不敵與子玉世清團首袁長春及團丁三十四人同時陣亡賊復竄四川大墳瀘衛等處去訖此竄永甯分股之髮匪也七月初石達開由仁懷縣地方竄至土城里東皇場泥了灣隘口有圍衆與賊接仗陣亡團丁王紹仁

黃文連等十九名賊乘勢沿途搶殺十四竄至猿猴鎮把  
總關申在彼防堵因賊衆兵單潰奔回城賊追至梁家山  
見軍功王延齡在彼防堵遂下竄馬村十五六等日陸續  
過境沿路不絕復興場團丁擒獲五十餘人王椿訊問內  
有伍方賊余恒信二人係廣西真正髮賊餘皆被賊圍去  
當時將二人正法餘盡開釋路途遠者給以路費路票以  
免關津阻滯十七日賊攻石牛岡隘口因賊詐敗團丁追  
趕埋伏忽起葉滿陣亡賊追至隘口團丁鎗礮齊施賊仍  
退去分竄乾峰嘴隘口在葛藤榜與磨搖山團丁打仗賊  
死數人團丁彭福元等陣亡十一人至二十日石達開大

增修仁懷廳志

卷之六 邊防

三

隊忽至在松林灣紫館內有婦女題詩七絕云纖纖弱質  
走風塵冷露淒霜苦至人回首江南家萬里金蓮一步一  
傷神接連數日賊不至復興場是日午後忽分一隊到復  
興場紫館王椿恐其燒毀房屋卽令隘口營棚各備火把  
數十捆俟復興場號礮响便點火把下走僻靜處將火把  
吹熄轉身復點務要接續輪流不絕並施鎗礮以助聲威  
王椿復到風溪團令王天泰齎振遠放礮船二隻每船用  
二十五人推至復興場泗灣沱向沙嘴棧房連放數礮卽  
便轉身是夜定更後各隘聽得復興場礮响一齊施放鎗  
礮各處火把下竄連接三十里之遠火光不絕轟聲震天

賊疑大兵已至遂皆奔走石達開於松林灣見賊衆奔走  
伊亦卽走前後數百人火把照耀奔趨出境惟有石牛岡  
下首草房聚賊百餘人不動圍丁乘其勢孤邀約各營棚  
同去將賊圍困燒燬草房賊出迎敵被圍丁殺斃五十餘  
人餘皆逃走獲鉛彈一百餘劔馬一疋大鎗一桿小鎗三  
桿內有圍去者當時逃出云稱此賊姓黃真正廣西人燒  
死婦女二人卽其妻小向來胆大今日落後爲圍丁所殺  
次日令周禮秀率圍丁追趕餘賊出境到四川地方及後  
到橫江癸亥年竄入紫打地爲官兵所擒委員阮恩濤貴  
州人將石達開解省宮保駱秉璋訊問正法川中髮匪始  
增修仁懷廳志

卷之六

邊防

五

平

同治二年癸亥正月土匪陳爭旺白小卯等在仁懷縣地  
名桑木圻又穆福高馮公大等在廳屬地方黃木坪聚衆  
假充號匪燒殺擄搶共二千餘人同知恩彬會同都司達  
天培札千總鄭占鰲軍功王廷齡外委彭王春帶兵練到  
東皇場堵剿並札三里各團自備口糧挑選壯丁擇隘防  
堵時王椿在養正書院掌教而稟恩同知現在賊匪未動  
令該處附近各團協同兵練堵剿至三里各團發丁偵探  
如賊有下竄情事再令各團星夜往剿恩然其說至二十  
日鄭千總與賊打仗殺斃賊首安二喜及夥賊三十餘人

團首胡芝梅團丁王玉欽陣亡陳爭旺馮公大等於二十  
五日竄擾白泥箐地方團首黃清治楊東順等截殺賊匪  
數十人活捉胡公大五王定邦李廷安概係陳爭旺夥黨  
訊明正法於二十六日團丁復去追賊殺斃李三大五烏  
驢蛇二人活捉三十二名均係賊夥亦並正法餘賊走散  
恩彬四月交卸撤防署同知李德莪接仕至十月十三日  
團首江紹秦稟報陳爭旺業已誅滅其羽黨任治邦穆福  
高在仁懷縣迴龍場搜搶與廳地大垣石夾口僅隔四五  
里署同知李德莪都司馬鈞會札溫水千總張永春軍功  
王延齡會同當地各團防剿二十八日賊竄至大垣石夾

增修仁懷廳志

卷之六邊防

三

口見有防堵退回洞口地方至十一月初五永春具報十  
月二十九日賊直撲溫水在羅漢埧之杉埧口與賊打仗  
殺賊十二名賊等始退穆福高同任治邦在仁懷縣滋擾  
戕官賊民無惡不作至同治三年秋福高被殺任治邦投  
誠此股土匪起散三年之久至此始平後任治邦亦伏誅  
同治三年甲子八月署同知李德莪交卸署同知商紹祖  
接仕十月號匪竄仁懷縣巖箕埧小巖一帶地方巡撫劉  
嶽昭在合江紮營聞報撥兵數千到該地追勦札委同知  
商紹祖運辦糧米以濟兵食因紹祖忠厚有門丁周天元  
前在軍門田興樹處保舉通判與紹祖掉帖弟兄見紹祖



委署仁懷廳更名周順充當門丁於是同紹祖及局紳張廷筠梅春先幕友謝子香到復興場囑王椿帶團丁一百名同到東皇場兼辦糧米防堵隘口王椿見商紹祖行爲全是門丁用事藉故推辭令周禮秀帶練一百名同往天元至猿猴土城等處見婦女美色便令差役楊高致意本夫令妻到寓同宿其夫不從便以別故將夫拘押得錢始放沿途滋擾不堪迄到東皇場接民婦李妹兒到寓逐日宣淫藉兵米名色勒捐軍需不從者用魚尾枷枷號示衆如逃避不面者令差役夜間闖房搜捉無論雇工小兒捉獲卽用魚尾枷枷號又用紙印火簽名爲輓簽先填名姓

增修仁懷廳志

卷之六邊防

三

令楊高隨身邊遇着卽提不由商官作主因此人人含恨怨聲載道時有前署雲南鶴慶州知州李諭以目疾致仕回籍同貢生張聲洪等商議貴州路途梗塞碍難稟報專丁到四川駱官保衙門及巡撫遂印告示百餘張沿途粘貼內云所辦兵米均係照市現銀付給並未累及民間何得影射軍營名色箕斂民膏將告示貼於甬牆一面催兵進剿直抵賊營殺賊數十人賊由桐梓出走川兵撤防賊聞兵退連夜竄回腊月中在東皇場泥圻灣隘口與團丁打仗團約楊金貴及團丁袁么壘等十八人同時陣亡團丁潰敗逾日又到水斯垸地方樓搶團衆與賊打仗武

生王占魁及王占先等十二人被賊殺斃陣亡商紹祖於  
臘月二十二日被天元慫使到合江劉巡撫行營饋送年  
節具備禮物值銀數百金到被一連三日不見禮亦不收  
至二十五日土里各處具報四鄉各團被周天元楊高二  
人之害衆皆解體賊至如入無人之境將至猿猴恐其乘  
虛直入時商紹祖在合江未回都司馬鈞聞信着驚卽往  
會周天元未在署中衆云現同李妹兒楊高在永安橋棧  
房飲酒吹煙馬鈞大怒趕至永安橋棧房叩門天元出言  
不遜馬鈞將伊抓出肆囑街坊開動頃刻間舖家及小兒  
婦女共一千數百人各執棍棒要將周天元楊高二人毆  
增修仁懷廳志

卷之六邊防

七

斃馬鈞見衆勢太兇帶二人至公局衆人追至局所將天  
元身穿狐皮二件扯爲粉碎掌爬亂打嘴上鬚鬚均被扯  
落未留一根局士張廷壘將衆勸散另雇人看守天元楊  
高是夜賊到猿猴燒房數間因聞川兵在仁懷對河富均  
紮營遂退出猿猴未至下竄二十六日紹祖回署提天元  
楊高去問當將帶魚尾枷者二十餘人在卡者五十餘人  
無論小兒長工糧戶俱皆開放天元楊高仍發交公局雇  
人看守至開篆後貴州撫憲接四川咨文提周天元楊高  
到省交貴陽府李德莪審訊將二人重責禁監竟死於貴  
陽監內

同治四年乙丑因上年賊匪雖退出猿猴尚在土里各處  
搜掠燒殺於正月初二日王椿帶大洞寶源及首里團丁  
二百人率團總周禮秀守備猶超軍功謝連三馮光玉到  
猿猴防剿並令土里各團均於要隘防堵至初十日王椿  
因母病歸家交周禮秀統率團丁賊見猿鎮有備漸漸退  
去至募猓菁地方團丁截賊打仗陣亡王相儒等共九名  
又到蠻洞巖地方遇團接仗陣亡壯丁袁宣等十三名賊  
因處處接仗遂退去王椿旋丁母艱守制周禮秀至二月  
撤防七月商紹祖交卸署同知周秉正接仕十一月號匪  
由仁懷縣竄入土里攻破翻坪寨死者千餘人周秉正仍

增修仁懷廳志

卷之六 邊防

三

札王椿提調防剿時王椿守制卽令周禮秀蔡振聲帶各  
團練丁數百人及該地附進各團丁共千餘人到土城防  
剿屢獲小勝因報賊據翻坪不退要由料狗洞羊樁巖小  
路竄風茅二溪王椿令楊全川協同三義山團丁一百名  
到料狗洞防堵又令周岐山帶團丁一百名到羊樁巖防  
堵王椿又親帶團丁五十名到羊樁巖料狗洞踏勘隘口  
遍歷鷲頂嶺等處深林野箐冒雪而行迄至羊樁巖因周  
岐山所紮營棚係屬平坦賊來甚易而我軍退步陡險甚  
屬可虞星夜調蔡振聲將練丁帶至上蔭江與賊對面防  
堵僅隔一溝以周岐山所帶團丁交蔡振聲並飭周岐山

歸家蔡振聲在上蘭江賊來攻隘屢次獲勝又於溝下用埋伏計殺斃賊黨十餘人王椿歸來知會周禮秀及各團欲從秉船地方直搗翻坪賊巢兩面夾攻約期舉事賊見前後均有圍練即便退出翻坪到塘朝垠銅鼓溪搜掠出境周秉正見賊退遠卽令撤防至十二月十七日賊忽入廳境王椿令周禮秀前往陞詔防堵迄至陞詔賊已下竄小金驛是日旺隆場磨搖山練勇團丁於大金沙地方遇賊打仗陣亡練丁團丁郭占魁等共三十九名賊因此停住十九日王椿令周禮秀蔡振聲星夜帶團練赴城保衛周禮秀紮馬半坡蔡振聲紮東門老關上至城已暮振聲增修仁懷廳志

卷之六邊防

元

紮營未定賊卽衝至便與鬪仗交桿賊不能勝兼以城上鎗礮齊施賊於三更後始退是夜汛兵沈國玉死之練丁史廷標死之賊退便乘夜攻破天台山磨寨野猪坪紅巖死者多人賊遂竄葫市場到仁懷縣地名石寶寺高礮口滋擾同治五年正月初二日軍門周達武撥兵數千由合江直入仁懷縣高礮口會同該地團丁值過歲之時出其不意攻斃賊匪三千餘人仁廳號匪至此始清

同治七年土匪馮半仙張三文羅毛蓋夥黨數十人在沔山約燕頭山餘賊相助定期三月十三日舉事團總羅玉墀訪聞得實飛報同知許大綸卽調各團練丁進剿馮半

仙張三文羅毛蓋見事敗露各自逃匿被脅入夥之人互相畏懼自行出首共三十餘人許大綸審訊均供爲首馮半仙以妖言惑衆鄉愚誤聽墮其術中今見事發半仙畏罪私逃許大綸訊問得實又見其自行出首情有可原其爲脅從無疑釋放歸農由是鄉民安靖馮半仙逃至河西里被鄉約王體恩捉獲送署斬首張三文羅毛蓋旋亦被獲伏誅土匪遂平

風俗

廳與蜀密邇擁資權子母者多托足焉醴商大約咸陽賈客居多竹木則本境貿易者十之七外來者十之三茶笋之利次之鐵及靛又次之惟是趨利者多峻宇連雲珍裘耀日歲時宴會率用海錯富者開此風貧者轉相慕倣物力既絀積重難返風俗亦有不可言者守土者念之

女工

廳屬山土多婦女嘗助耕於坡嶺故紡績之聲惟城內盈街蒲巷越在鄉居多半從事耘耨且一家巾履絲麻必資仰給日間盪畝荷鋤夜分針紉補葺力不暇紡績也市鎮增修仁懷廳志

卷之六 風俗

三

則食力於十指者固多近自舊仁懷至土城亦有栽桑養蠶者

婚禮

親迎禮久不行其於問名納采納吉請期類皆從俗將婚前二日燕客謂之待媒酒必請親族中夫婦齊眉及有名望者於次日賣衣飾各禮具鼓吹旗傘往以香燭牲酒告於女之祖堂女家亦具酒飲客男女兩姓各從宗族親黨皆具禮賀男家稱賀敬或銀錢豚酒尊輩賜拜見禮女家受賀稱匱敬亦送銀錢外或以綾繡等物謂之添箱又次日女至男女交拜於堂畢入房合卺次日行廟見禮後拜

舅姑其男女家筵席貧富不同豐儉亦異

### 喪禮

廳屬居喪小殮後柩停正室設幃別男女內外至族黨姻  
婭聞喪來弔主人匍匐哭泣拜客執杖未葬之先延卜者  
擇地取亡者生忌日合年月日時以符山向地定擇期乃  
訃於族姻開奠成禮用僧道修齋事具樂奏朝夕奠必生  
監贊禮神主聘鄉紳之老而有德者題之來祭者猪羊牲  
酒列柩前皆爲文以誄弔客皆以酒食惟一家茹素柩將  
發請賓祀大輿發喪賓祭祖道臨其穴請賓祀后土協其  
時下壙旣葬迎神主附於家堂未聞停喪至三五年而後  
增修仁懷廳志 卷之六 風俗 三

葬者士庶人家常祭清明冬至日其生忌日庶人或不記  
士人舉家齋戒供祭廳屬喪葬祭禮大概如此貧者衣衾  
棺槨安厝不治喪亦不緩葬

### 歲時

立春先一日有司迎於東郊祀勾芒兒童裝戲劇故事觀  
者爲堵至日出土牛繫之曰鞭春其牛色取立春干支納  
音爲之

正月元旦雞鳴早起肅衣冠拜神祇祖先畢幼拜尊長曰  
拜年爆竹開門向吉方拜曰出行沿門投刺曰賀新年

正月七日爲人日一日爲雞二日爲犬三日爲豕四日爲

羊五日爲牛六日爲馬七日爲人八日爲穀

正月初九日爲上九日凡鄉場村庄先於初八日暨銮杆謂之試銮或滿樹或九皇或三官每夜然點至十五夜爲滿十六日倒銮杆治酒沿村聚會謂之銮會

正月十五日爲上元節又爲傳柑節凡演龍銮獅子銮麒麟銮車子銮花銮均於初八夜起至十五夜雞鳴止謂之鬧元宵

二月初三日文昌帝君聖誕各處場市鄉村均同誠祭獻或用豬羊或用牲饌在廟祀神處處皆然

二月十五日爲花朝百花生日是日晴則百菓熟

增修仁懷廳志 卷之六 風俗

三月三日爲上巳 水濱修禊自古有之廳俗未之知也三月三日聽蛙聲上畫鳴高田熟下畫鳴

低田熟終日鳴高低皆熟唐人詩所謂田家無五行水旱卜蛙聲者也

清明節 前後十日人各上坟挂紙於坟上謂之挂青富者携婦女及小兒同祭坟上或左右有荆棘必被

之謂之拜掃

三月二十日婦人於是日謁娘娘廟求嗣土城香火尤盛

最宜禁止

三月十一日麥誕

立夏日 諺云立夏不下犁耙高掛宜雨

四月四日稻誕

五月五日爲端陽節食角黍飲菖蒲酒競渡戲舟相傳屈



原于是日投水故競渡弔之

夏至日宜雨

諺云夏至見青天有雨到秋邊又云夏至無雲三伏熱

五月二十七日廳屬以是日爲城隍誕日香火最盛男女

入廟祈禱者往來如織神像出遊簫鼓喧闐觀者如堵

六月六日

壽

鎮江王廟香火最盛醮商舟子俱入廟慶賀神

立秋日忌雷鳴各家均於立秋前後十日擇期嘗新以新

米煮飯供獻天地神祇及五穀之神然後奉之祖父母無

祖供之父母卑幼漸次而食

七月七日乞巧

七月十五日爲中元節俗稱鬼節釋氏設盂蘭會人民多

增修仁懷廳志

卷之六 風俗

三

具酒脯楮帛祭祖先

八月十五爲中秋節

俗以月餅相餽

九月九日爲重陽節

登高賞菊

立冬日

西北風來年大熟

十月一日

俗以紙作衣送往墓間焚之曰送寒衣又農家設酒肉饗牛王神蒸糯米飯入臼搗作團謂之糍粑獻神畢以二團

挂牛角謂之餉牛王

冬至日爲長至節

以是日祭祖先祠墓宰羊猪

十二月二十四日祭竈王

除夕

衣冠拜神祇祖先家中卑幼拜尊長曰辭歲一家團圓銜杯歡聚曰守歲

門神始自唐代今民間於臘月除夕夜貼春聯於門枋

去舊門神以新門神貼之蓋以代新桃符換舊桃符之意  
婚禮男持諾書以釵鐲等物到女家祀神謂之放話又曰  
插香女亦視家有無讀書者以詩文筆墨及冠巾等類酬  
之不讀書者亦視男平日所需之物酬之謂之回盒  
男開生庚於書帖託媒送之女家謂之請庚男將期選定  
亦託媒送之女家謂之報期

婚娶三日後新婦入廚新滌謂之下廚男女同往媒家或  
饋以豚肘謂之媒腿富者配以糖果禮餽之謂之謝媒

喪禮弔香者至靈前行禮而孝家剪白布與之纏頭曰開  
孝至親族兼衣以白衣謂之孝衣贊禮者衣以白袍謂之  
增修仁懷廳志 卷之六 風俗 三

孝袍此富家之喪也貧者則否

端陽節人皆飲雄黃酒菖蒲酒懸艾狗艾人於庭中挂蒲  
劍於門剪綵組爲五毒物及猴獼置小兒背肩後來出痘  
必稀又以雄黃抹小兒面謂避蚊

中秋節少年摘瓜送艱嗣者飲燕以爲娛樂

十二月二十三日夜送竈三十日辰刻迎竈凡場市聚會  
日謂之趕場十二月三十日閤家祀神謂之獻年飯

二三月釀金建道場禳瘟火謂之清醮

三月釀金以猪羊祀田祖謂之春祈

四五月紮草龍沿鄉鳴鑼擊鼓跳躍田間以驅蠹蟲又建

醮驅蟲謂之蟲蝗醮

廳屬遭喪之家凡將出柩之夜無論族鄰至親但是弔喪者均伴喪家同坐天明必待柩出始散謂之坐夜

民間婚禮惑於建除家言曰某日值翁姑新人入門時翁姑必遠走潛避不聞鼓吹聲以避其煞可笑尤甚是不獨仁懷廳爲然誠怪事也

凡鄉民每於神前惡誓曰賄咒用雞狗於敵家之門或神祠中斮斬其頸曰宰雞狗又取藏經布地身袞其上鳴冤求報曰袞經又有取神像供龕中或樹下朝夕焚香求報曰憑神此皆不明道理者所爲誠不可以爲訓

增修仁懷廳志

卷之六風俗

三

鄉民被盜凡家中進出人多無從查實便請巫師用桐油二勛入鍋煎漲隨卽咒詛待油沸騰凡同室之人以手入油撈之直者伸手入鍋如常無恙盜者近前油卽噴起以手探之卽潰痛非常此習鄉民每多從之被盜不明動以撈油爲說俗謂之抓油火

蜀語男巫曰端公人有疾病不信醫藥喜跳端公按端公見元典章其稱久矣民間疾病或鬼祟爲害請巫驅逐凡不用茅人僅止跳端公謂之神星辰用茅人則曰替代又小孩有疾請巫師跳端公禳關謂之曰揚關有用銀鎖帶小兒項下謂之曰揚關上鎖亦有不上鎖不用茅人替代

僅止襪關者各隨民便

民間有小神子凡入人家隨時現形或空中語祇三尺高  
係女身有七人云稱姨妹凡心術不端好爲奸詐害人者  
卽入其家作祟或銀錢或貨物轉瞬失去尋之不見或時  
放火燒房或將大石懸之空際上下不粘天地又於炊爨  
飯食中或和以糞令人不能食或於筵席間雜以泥沙令  
同坐不能下筋其神反覆無常去來甚速無踪無影如祀  
之甚恭亦於他家將銀錢貨物運至此家但其神量小若  
稍爲簡慢卽爲殃作禍其害最酷有朝天一撮箕孔姓遇  
此祟竟至火燒三次家產消亡如爲人正氣定不敢犯如  
增修仁懷廳志

卷之六 風俗

七

遇着請巫師之高明者者亦能禳解驅送之

凡年終腊月庚申日民間每慶壇神必殺豕招巫跳舞歌  
唱徹夜不息親友賀者亦甚夥蓋欲觀其跳唱亦且得以  
燕飲也巫裝女樣如戲子中妲鄴向賀客歌唱酌酒必賞  
以錢又有所謂打陰兵者以小刀穿手肚中向客索賞又  
有所謂坐九州者主人於地下擺設殺饌請同賀者圍坐  
巫執壺酌酒口中歌唱亦求賞錢將圓滿之時巫師以小  
刀砍其額出血滴於壇旗上謂之砍洪山亦必向主人及  
客索賞噫慶壇非正蓋語皆諛戲弄觀者哄堂正直之  
神豈能嚮此直妄誕之舉也道光初年此風尤甚至仁懷

縣穆逆叛後奉文禁革其習漸息至今鄉中慶壇者亦寥寥無幾矣急爲志之以免後人相沿仍蹈故轍可也  
男女有病輒許泰山以洪猪淨酒雄雞延巫祝之謂之還泰山李鳳翽曰泰山鎮東方視三公國君之祭也季氏以命卿旅之猶無益况巖巖之靈爽反居歆庶民耶鄉愚不足論詩禮之家亦隨俗爲之但相沿已久無甚大害所以未聞有禁革者

傷鬼路鬼也中之頭痛身熱或昏迷不省人事以茅草挽成標遍掃週身隨以紙包茅草置香龕謂之願標招善禳者造花盤置標於盤中並以香燭酒脯於夜間送至三叉增修仁懷廳志

卷之六風俗

三

路口祭畢傾物於地將盛器擲破棄之

鬼箭鬼所操以射人者也亦曰鎗子人或中之不急救或死以雄雞掃其痛處更以雞血點之可愈又以雞卵環滾其痛處或令人以口含淨水吮之使血出卽愈

二分土地凡幼男女或腹痛嘔吐必禱之以香三炷飯二盞每盞內置雞蛋一個令二人送菜園中祀之畢二人將飯及雞蛋食盡不留一粒或曰孩童病皆二分作祟此法甚妙可置之小兒科中

掃帚神以掃帚紮如人頭穿人衣以炷香繞其面祝之再三四令二幼女執之卽搖動而來如較前稍重二人平執

不可換手換手卽去無驗隨卽觴拜問事以點頭爲徵如  
問晴則點頭雨則否或戲之及煩數卽頓立不動此皆村  
曲中小兒女正月中所爲

土地之名不一有廟門土地橋頭土地七郎土地水口土  
地秧苗土地青齋土地家龕長生土地其中秧苗土地青  
齋土地此農家所祀者也長生土地各家所祀者也又山  
王比土地爲尊相傳境中敬此神則虎豹狐狸不入境俗  
呼爲山王天子不知天子乃至尊之稱今山王祠處處有  
之豈天子亦處處有之耶謬妄之極今後但呼爲山王大  
神可也查搜神記諸書山王無考意者以其山之靈而名  
增修仁懷廳志

卷之六 風俗

三

之耶但相傳已久無從考辨

斗秤向來均由各場商賈公議興置不能與本城同有大  
至本城一二升之多則土里惟然大於本城一二合及二  
三合之多則首里與河西里皆然各場有各場之斗彼此  
無相同者秤亦如是

寄拜人之男女艱難生下小兒多啾啾父母以小兒寄拜  
於他人爲父母更其姓名令小兒呼其寄拜者曰保爺又  
曰乾爹呼寄拜者之妻曰保娘又曰乾媽保爺保娘必送  
水米或皮盆或以錫壺貯水米餽送富者定用銀飾謂之  
打發

石敢當不知何神也蜀語漢黃門令史游急就篇云衛有石碯石賈石惡鄭有石癸石制周有石速齊有石之紛如皆有勢位所向無敵廳俗凡於河水斃人處及高巖陡坎跌蹶斃人處必以石刻石敢當之像以望之相傳可以永杜後禍也

見播志

四官財神俗稱西溪洞中求財打寶四員官將鄉市間家供此牌祀之用肉一方謂之刀頭並以香燭錢馬酒一瓶列四杯敬之

遵義志上元時以扮燈爲樂用妓童裝扮逐家踏歌所唱十二月採茶歌內有二月採茶茶發芽姊妹雙雙去採茶

增修仁懷廳志

卷之六 風俗

罕

大姊採多妹採少不論多少早還家三月採茶是清明娘在家中繡手巾兩頭繡出茶花朵中間繡出採茶人天籟自然矢口成妙不可以操土音少之也廳屬上元亦多唱採茶歌摘錄於此以見風俗之不甚相遠云

十保人之有疾病請鄉間年高有名望者十人令道流於東嶽殿前聯名俱保謂之打十保病愈後謝神酌恩取十保此習相沿已久於今爲盛

鴉雀苗男與漢人無異女以絲純挽髮上尖小大如覆盆狀女不着褲以青布裙圍之從前爲盛今亦鄙少首里更少馬羈苗以布攤腹如馬羈女亦不着褲仍以青藍布裙

園之道光初尚多今亦罕見

方言俗語

孫呼祖父曰公祖母曰婁子呼父曰參母曰媽呼姑母曰孃孃呼兄長曰哥哥呼外祖父曰家公外祖母曰家婁向人稱岳父曰丈人岳母曰丈母曾孫呼曾祖父母曰祖祖元孫呼高祖父母曰天天曾祖呼曾孫曰末末高祖呼玄孫曰灰灰凡稱小兒曰娃娃心愛小兒曰么么人互相鬪曰打架人互相罵曰唵架鼻不通曰墜目不見曰瞽音務飲食變味曰餒音接肚腹泄瀉曰過手足開縫曰皴音村器已裂曰剝音上作事敏捷曰伶俐行走不快曰遲鈍以足踏物

增修仁懷廳志

卷之六 風俗

三

曰躡音上以手推物曰撐身不潔淨曰蠟音暗言多反

覆曰顛倒木無首尾曰禡禡音莊畜無毛色曰光光結子聚

多曰纂纂漸積起高曰堆堆以鹽漬物曰攬以物投鹽曰

泡人生曰出世人死曰過世月被雲遮曰朦朦亮日出初

曉曰點點明謂人形短曰矮矮笑人形長曰燈杆人呼

雞曰竹竹呼鴨曰第第呼羊曰眉眉呼犬曰嗷嗷驅牛曰

阿池呼牛曰恩宥牲牛曰牯牯牛曰犄母狗曰草狗雄猪

曰胸猪稱畜之尾曰已巴遇物罕見曰希奇夏日大雨曰

偏東雨冬時細雨曰毛冒雨人之粗幸曰體音笨今人

之狡黠曰尖疥瘡曰乾癩瘡音土瘡疾曰打擺子藝術不



精曰未滿月已精曰老行家唆人亂爲曰色畛濫勸人息  
事曰老好人謂人發氣曰冒火稱人昧理曰昏切言不投  
機曰不對事之過分曰大很言人誤已曰尚了當自誤曰  
值不得人不聽勸曰耍搞濫毫不學好曰沒下場生方就  
拐曰打滾龍哄騙銀錢曰逗耳朵不務正業曰燕兒毛窮  
極無聊曰乾散散以糞水沃苗曰拚以糞理苗下曰抓得  
利曰騙錢端去失利曰折本無益無損曰空淘神有利有  
害曰太虛險作事謹慎曰把隱無知妄爲曰浪蕩牙齒出  
露曰齟音駝走不前曰躡桃李核曰覈覈音蓮稻花曰鬢  
鬢豕腰虛肉曰軟賺音豕項間肉曰臙頭音謂婢奴之主

增修仁懷廳志

卷之六 風俗

父曰世長公母曰世長婁工人定年曰長年定月曰月活  
不出聲氣曰悄悄嫌物太少曰點點事已壞曰濫了事難  
成曰罷了罵人醜態曰雜種罵人不正曰表獎縱妻淫亂  
曰老忍又曰尖腦壳亦曰大老壳淫子媳曰燒火又曰  
庖灰亦曰堯大考縱子妄爲曰慣勢子子不從父曰忤逆  
子夫妻反目曰不效和家無成丁曰少人力譽人不實曰  
餽肥毀人無根曰冤枉遭躅富曰老肥無禮曰沃濁肥小  
解曰改手游玩曰走耍女工曰鍼番男工曰活路場中盜  
物曰抹鯁下鄉盜物曰闖潮搶人曰嚙嚙子挖墻曰拱窰  
子偷瓜菜曰捶山餅子夜間偷人曰黑腦壳盜稱狗曰皮

娃子叫盜謂齊團鑼曰篩子响曲木挂物曰搭鈞割牛馬

卵曰駙匠物之滿數曰够有餘曰剩物生白點曰黴音物

分兩半曰撕有病結核曰疥音瘡子出氣參口曰打吹音呵

害以被墊牀鋪曰擗以瓜刺人曰搯音恰甌底篋笆曰算音聞

母雞伏卵曰菹屋斜而使正曰傘一作器壞而補好曰整

盆桶無水裂曰笑田塍築土缺曰迮音初贈工匠曰利市

等物件曰家火支人爲非曰唆擺極力總成曰德惠蒼粗

無禮曰慌腳慌瓜冒勢作事曰亂搞亂爲聞風找事曰打

鑽蟲一言不發曰泥土地稱人公道曰活菩薩稱官清廉

曰萬家生佛

增修仁懷廳志

卷之六 風俗

三

按各州縣之聲音不同稱謂亦異播州距廳僅八九百

里其方言俗語迥與廳不合今止聽人聲音稱謂至廳

與別處不同不敢一言採入

集備攷

孟春之月建寅日在虛其帝太皞其神芍芒木正辰次陬

警律中太簇爲端月陬月孟陽孟陬

春者蠢也物蠢生而動也青陽東皇發生

青帝斗指東日

東皆曰青道

漢文帝二年正月詔開籍田上躬耕以率天下之民

宋紹興辛巳正月夜風雷雨雪交作汪莊敏公澈言春

秋魯隱公時大震雷繼以雨雪孔子以八月之間再有

大變謹而書之今一夕之間二異交至陰盛也○月令

云狐性多疑而善聽冬至河凍冰合聽其冰堅則踐水

以渡及立春冰漸則聽知水聲遂不渡由是行人渡水

增修仁懷廳志

卷之六 集備攷

四

必視狐跡○正月初一爲天臘○雀宮月今日正月一

日爲三百六旬之始子婦曾孫各上椒酒于家廟稱觴

賀壽○首祚正始元正○放鳩椒花頌辟邪丸桃符椒

花酒屠蘇酒○風土記曰楚人元日造五辛盤以發五

臟之氣○通考曰元日不借火不汲水不掃地○列子

曰邯鄲之民正旦獻鳩于簡子簡子欲厚賞之客曰民

知君欲放之必競捕鳩死者衆矣君欲生之不若禁民

弗捕捕而放之恩與過不補也○立春故事負青幡出

土牛五辛盤舞雲翹剪綵花宜春酒○鎖辟錄曰打春

時拾牛身上土撒簷下不生蜒蚘○上辰日塞鼠穴可

以絕鼠○續齊諧記曰正月半作白粥膏祀蠶娘○土  
修彙曰正月十四至十六日放燈三夜創自唐玄宗○  
十五日爲上元爲元夕○霓裳曲金吾弛禁傳柑鰲山  
○顯異錄曰紫姑萊陽人姓名眉字麗卿壽陽李景  
之妾景妻妬正月十五陰殺姑於廁中天帝憫之命爲  
廁神俗呼爲三姑今人於是日召問一年蠶禾之事○  
宋乾德五年詔增十七十八夜謂之增上元○唐玄宗  
天寶六年正月十八日詔重門夜開以達陽氣○吳俗  
元宵以糯米穀爆釜中名爲爆字婁以下一年收成○  
天中記曰池陽風俗正月二十九日掃除室中塵穢授

增修仁懷廳志

卷之六

集備考

星

之水中謂之送窮○師曠占曰歲欲豐甘草先生齊歲也

欲苦苦草先生齊歲欲惡惡草先生漢歲欲旱旱草先

生漢歲欲病病草先生陳歲欲流蓬草先生流謂流移也

仲春之月建卯日在營室辰次降婁律中夾鐘爲如月令

月仲陽古禮成親取建卯之月謂之三星佳期三星心星也在

卯宮第三有尊卑夫婦之象○周禮獻穉陸之種○明太祖以海運

戰船所用油漆綜纜悉出於民命種桐漆樹於鍾山之

陽○明制明年曆式九月朔進呈嘉靖年間改十月朔

○初一爲中和節天正節○進農書上春服曲江宴○

初二爲踏青節○玄樞經曰二月初八乃佛生日周建

子以子月爲歲首是以十一月爲正月也周昭王二十四年四月初八日釋迦生子月至卯月是今之二月也今人不攷周時歲首建支錯認四月初八何其謬歟瑞應經曰天竺國淨飯王妃摩耶氏胎生太子悉達卽行七步入涅槃大慧禪師浴佛上堂偈曰今朝正是四月入淨梵王宮生悉達吐水九龍天外來俸足蓮花隨地發○芳春節○千金月令曰驚蟄日取石灰糝門限外可絕蟲蟻○十二日爲百花生日無雨百果熟○十五日花記撲蝶會出郊勸民○邵康節在洛中每歲春二月出四月天漸熱卽止八月出十一月天漸寒卽止有

增修仁懷廳志

卷之六集備攷

吳

句云時有四不出

大風大雨大寒大暑

會有四不赴

公會葬會春生會酒會

分後戊日爲春社秋分後戊日爲秋社此二日祭后土名曰社會春社燕來秋來燕去社神曰苟芒又曰勾龍書云祀高禰○宋孝宗時兩淮久晴清野沃壤鞠爲茂草辛次膺奏云方種藝時乞招集遺民歸業官借牛種或令屯軍從便營田乃足食至計○祭祀酒小兒飲之能速話又治耳聾○上丑日泥蠶室

季春之月建辰日在婁辰次大梁律中姑洗爲寢月蠶曰載陽華節

宋治平間邵堯夫與客散步天津橋上聞杜鵑聲慘然

不樂客問其故則曰洛陽舊無杜鵑今始至必有所應  
客曰何也堯夫曰不二年上用南土爲相多引南人專  
務變更天下自此多事矣客曰聞杜鵑聲何以知此堯  
夫曰天下將治地氣自北而南將亂自南而北今南方  
地氣至矣禽鳥飛類得氣之先者矣春秋書六鶴退飛  
鶯鴝來巢氣使之也自此南方草木皆可移南方疾病  
瘴癘之類北人皆苦之矣至熙寧初其言乃驗○明漢  
陽知縣王叔英三月遇旱絕食以承天變不三日大雨  
雨不止後祈晴亦如前禱雨遂霽後召爲翰林修撰○  
明宣德謁陵還京見耕者詢以稼穡之事因取耒耜三

增修仁懷廳志

卷之六 集備攷

七

推顧侍臣曰朕三舉耒已不勝勞况常事此乎人言勞  
苦莫如農信矣命賜鈔已而路經農家悉賜鈔賑之○  
會典曰肅皇后勅禮部每歲季春新蠶西苑○寒食爲  
百五簡禁火瓶烟杏酪醪醢酒畫騰絲毬漢宮傳蠟燭  
○瑣碎錄曰清明日三更以稻草縛花樹上不生刺蠶  
蠶沈約宋書云三月三日爲上巳不拘於逢巳日也蘭  
亭會桃花水被禊曲水流盃

孟夏之月建巳日在卯其帝炎帝其神祝融火正辰次寶

沈律中中呂爲余月麥秋清和

夏者假也假大而宣平也斗指南日南陸日赤道

聶夷中詩曰鋤耒當日午汗滴流

下土誰知盤中餐

粒粒皆辛苦○唐元和十四年四月淄青隕霜殺惡草  
荆棘而不害嘉禾○蔡邕月今日百穀以生爲春熟爲  
秋故麥以孟夏爲秋○周禮曰四月川澤不入網罟以  
成魚鱉之長且以并農力執男女之功○是月代木不  
蛙○宋紹興五年夏旱湖南尤甚呂忠穆公頤浩爲太  
師究心荒政奏截撥上供米三萬石及令廣西帥漕兩  
備五萬石水運至本路充賑濟又民不能耕則借之種  
夏稅亦就秋併輸全活甚衆○革澤天文耿靜言太微  
垣正午推步今歲熒惑躔次方在己未應在太微垣上  
曰此人不深知朕夜以星宿仰張殿中四更親起見其

增修仁懷廳志

卷之六集備攷

吳

已至昨夜已退二度半頤浩曰朱景出人君之言三而  
熒惑退舍或者疑焉陛下寅畏天應之速退如此信傳  
記之非虛也○日蝕僅四分未幾退上謂宰執曰太史  
初奏日蝕早而分深朕適觀之蝕淺而退速何也頤浩  
曰陛下嚴恭寅畏天鑒精誠宜感格如此頤浩奏事畢  
曰邇來聖容清癯恐以艱難聖慮焦勞所致上曰朕嘗  
夜觀天象見熒惑躔次積差食素已二十餘日須俟復  
行軌道當復常膳魚弱侯評云食素持齋其君欲以格  
天而相臣無一言啟發南渡君臣苟  
安玩日大  
率如此

貽謀錄曰宋民間訴水旱舊無限制往往欺罔無以核

實淳化三年詔以夏四月終爲定制

仲夏之月建午日在參辰次鶉首律中麤賓爲皋月姑月  
長至○明制凡災傷報期腹裏地方夏限五月秋限七月  
邊海地方各遲二月報○李白詩曰五月梅始黃蠶凋  
桑拓空又王建詩曰五月炎熱麥風清筐頭索索綠車  
鳴○武林遺事曰五月富春江鱖魚最盛或云此魚自  
漢江而來非富春產也富春非夏無此人以爲奇○明  
成祖觀擊毬射柳皇太孫連發皆中成祖喜曰今日華  
夷畢集有一言爾當思對之曰萬方玉帛風雲會太孫  
對曰一統山河日月明於是大宴羣臣而罷○初五日

增修仁懷廳志

卷之六集備攷

兪

爲地臍又曰蒲節艾節午時謂之天中節○屈原投汨  
羅江而死楚人哀之每至端午以竹筒貯米投水祭之  
至今有角黍之說文秀詩曰節分端午候誰言萬古傳  
聞爲屈原○荆楚記云午時結艾爲人以絲繒製五毒  
佩載五毒蜈蚣蛇  
虎蟻是也○長命縵蓄藥梟羹○仙方云長生  
保命莫妙於菖蓂草五月五日七月七日九月九日採  
○談林集曰五月五日蝦蟆伏水草不鳴七月七日烏  
鵲集林木不飛丙日嘉魚出穴甲子庚申日璫瑁閉口  
不食雉知雷起處虎知衛破燕知避戊己鵲巢知背太  
歲曆法與方位于此可驗豈但雞能司晨鶴能驚夜而



巳○夏至後宜浚井改水或用管貯井中以去瘟疫大陰生三至候王律十六日天地合二十九三十分龍

季夏之月建未日在東井辰次鶉火律中林鐘爲旦月積

陽○漢獻帝初平間六月寒風如冬時○聶夷中詩曰

六月未未秀官家已修倉○四時纂要曰三伏不嫁娶

○初六日爲天貺節○薦麥瓜進湯餅碧筒酒河朔飲

○太平廣記曰六月六日曝衣服器用之類以取太陽

之光盡日而止農家則晒蓑笠褌袴鞋襪以應一年之

節○明洪武中句容民獻嘉瓜二同蒂而生禮部陶凱

奏曰禎祥實由聖德太祖曰草木之祥生于其土土人

增修仁懷廳志

卷之六集備攷

五

應之於朕何與歲穩年豐乃王者之祥也○三伏黃道

日造醬不生蟲

孟秋之月建申日在張其帝少暉其神蓐收金正辰次鶉

尾律中夷則爲相月蘭月

秋者華也物華歛乃成熟也  
白藏收成節斗指酉日西陸

道

漢成帝河平三年秋桃李實○明洪武中河南確山縣

野蠶成繭羣臣表賀上曰野蠶成繭足以衣被天下朕

當受賀一邑之內偶爾何用賀爲○明成祖御奉天門

顧廷臣曰近日郡縣數奏水旱朕甚不甯通政馬麟對

曰水旱出乎天數堯湯之世所不能免今聞一二處有

之不至大害上曰爾此言不學故也洪範恒雨恒暘皆本於人事不修顧尚書方賓等曰朕與卿等皆當修省更須擇賢守令守令賢則下民安民安於下則天應于上麟言豈識天人感應之理麟慚而退○淮南子曰梧桐一葉落而天下知秋○吳錄曰石首魚至秋化爲鳧鳥頭中有石○淮南子曰七月百蟲蟄伏青女乃出以降霜露○初七日爲道德臘乞巧降王母九皇燈穿針渡織女○十五日爲中元節盂蘭盆立都校籍

仲秋之月建酉日在角辰次壽星律中南呂爲壯月桂月仲商○明洪武十二年八月宋國公馬勝督建周王宮

增修仁懷廳志

卷之六

集備攷

三

殿於開封府擇九月興役太祖遣使諭之曰中原民食所恃者二麥耳今閭集民赴工正當播種之時而役之是奪其時也過此則天寒地凍不得入土來年何以續食恐小民怨咨敕至卽放還俟農隙赴工未晚也○明嘉靖八月內苑嘉禾生一莖雙穗者六十有四零壇靈黍五出者一○八月初三竈神誕日宜祀之灶神姓張名單○白露之日鴻雁來後五日立烏歸○月華之說未攷當見於中秋夜或四十六又或見於三十七十八夜華之色如錦雲捧珠五色鮮煖與刺綉無異華盛之時其月如金盆枯赤而光彩不朗移時始散一說以月

爲華誤也○升月宮廣陵濤登樓泛渚文酒宴遇綵鸞  
○秋分龍潛淵○田家五行曰秋社日清晨用磁器收  
百草頭露磨濃墨治百病名曰天灸

季秋之月建戌日在房辰次大火律中無射爲玄月菊月  
季商○明朝洪武初年今有司春初差人巡視境內遇  
有蝗蟲初生設法撲捕坐使滋蔓者罪之每年九月行  
文至十二月再行永爲例○古人重玄鳥故其來書降  
其去書陟○晉穆帝以九月納后或謂是忌月工彪之  
曰禮無忌月王洽曰若有忌月當有忌歲○明洪武三  
十年九月命戶部令天下人民每歲置一鼓凡遇農種

增修仁懷廳志

卷之六

集備攷

五

時月侵宴聚衆鼓鳴皆會田所及時力田其怠惰者里  
老人督責之里老縱其怠惰不勸督者罰又令凡遇婚  
姻死喪吉凶等事一里之內互相調給不限貧富隨其  
力以資助之○宋張忠定公詠令崇陽民以茶爲業公  
曰茶利厚官將推之不若早自異也命拔茶而植桑民  
以爲苦其後糶茶他縣皆失業而崇陽之桑皆已成爲  
絹而比歲利百萬四民富至今○明宣德四年九月遣  
將出塞燒荒申明洪武中種桑棗之令○明世宗御齋  
風亭召李時汪鑑論曰衣帛當思織婦之勞食粟當念  
農夫之苦時曰皇上真知稼穡之艱難○魏文帝書曰

九爲陽數日月並應名曰重陽○登高佩茱萸龍山落帽白衣送酒泛菊五色糕○家語曰霜降而婦功成娶禮行焉冰泮而農桑起婚禮殺焉○鷓鴣向日飛而畏霜露

孟冬之月建亥日在房其帝顓頊其神玄冥水正辰次析

木律中應鐘爲陽月蟬月小春玄英

冬者終也萬物所以成終也玄英安

甯陽宿黑帝斗指北曰北陸曰北道

○明成祖太子赴北京過鄒縣見民

男女持筐盈路拾草實者問何所用民對曰歲荒以爲食太子下馬入民舍視男女皆衣不掩體竈釜傾仆歎曰民隱不上聞若此乎顧中官賜之鈔召耆老問所苦

增修仁懷廳志

卷之六集備考

五

撤所食賜之時山東布政石執中來迎責之曰爲民牧而視民窮如此亦動念否乎執中言被災之處皆已奏免今歲秋糧太子曰民饑且死尚及徵稅耶汝替郡縣速勘饑民口數近地約三日遠地約五日悉官粟賑之執中請人給三升太子曰與六升汝毋慮擅發太子至京奏聞成祖曰昔范仲淹之子能舉麥舟濟其父之故舊况百姓吾赤子乎○漢書曰五原土產麻枲而民不知織績之法冬月無衣卧細草中崔實爲太守爲作練緼之具召織師以教之民得免寒苦○月令十月農事畢五穀旣登家備儲倉○初一日爲民歲腊○吳俗以

十月十五爲五風生日漁者聚而禱神祈此日有風終歲風雨如期謂之五風信○十五日爲下元○

仲冬之月建子日在箕辰次星紀律中黃鐘爲辜月短至十一月陰極之至陽氣始生日行南至謂之三至○明永樂十一年十一月以野蠶絲衾命皇太子奉薦太廟先是山東民有獻野蠶繭絲者羣臣奏賀瑞應上曰此祖宗所祐也特命織帛染柘黃製衾以薦○明成祖見散騎舍人衣極鮮麗問制用幾何曰五百貫成祖曰農夫寒耕暑耘早作夜息蠶婦縲絲緝麻縷績手成其勞甚矣及登場下機公私逋索竟不能爲已有今汝席父

增修仁懷廳志

卷之六集備攷

番

兄之庇生長膏梁紈綺之下農桑勤苦渺無聞知一衣五百貫農夫一歲之勞也而糜費之于衣豈不暴殄自今切戒之○冬至日南至景漸長故曰長至先一日謂之小至○陽井履長亞歲迎日泣日表獻履書異添一線○晦日以赤豆粥祭門後世誤傳臘月二十五

季冬之月建丑日在南斗辰次亥枵律中大呂爲除日除月臘月嘉平○楊暉書曰田家作苦歲時伏臘烹羊炰羔斗酒自勞○論衡曰虎出有時猶龍見有期也陰物以冬見陽蟲以夏出物應其氣氣動其類參昴以冬出心尾以夏見參昴則虎星心尾則龍象星出而物見氣

至而類動天地之性也○宋紹興中冬月雪寒上謂張浚曰朕居煖室尚覺寒細民甚可念若湖南江西旱災去處宜早措置賑濟浚曰陛下推是心以往則足以感召和氣况實惠乎○二十四日爲王侯臘○風土記曰吳人除夜長幼圍坐達旦謂之守歲都人除夜竈中燃燈謂之照虛耗○除夕日歲竟有行瘟使者降於人間以黃紙書天行已過四字貼於門額吉○子日晒薦蓆能去蚤虱

農事

農必視乎土之宜廳地與別郡大同而小異其土有小土紅沙紅油沙性緩耐旱爲上地大眼泥鴉矢泥白油沙火石土性緩不耐旱爲中地漕沙泥黑油沙不糞自肥在半山可種稻在山坡宜種菽稷不宜稻大黃泥白鱗泥豆麵泥爲下地種不失法歲亦薄收但不及上田中田之厚歛耳

水田宜稻乾田宜胡荳山地肥者宜諸豆高山宜苞穀新墾山地宜小穀冷濕地宜稗子乾鬆地宜麥宜蕎米惟水子米宜肥地至苞穀膏粱香麥大麥小麥青稞爬山荳種

增修仁懷廳志

卷之六 農事

五

瘠地亦微收

大糞豕糞皆性涼黃土紅沙地高燥者宜之馬糞性熱冷水冷沙地之卑濕者宜之菜油餅大眼泥宜之惟牛糞不擇地柴草灰和溺宜之高梁及各樣山梁諸荳石灰桐泔餅最宜肥瘦田治田務爛包田奠煤灰若胡荳灰性峻速糞秧地爲上

來年之糞隔年必先積之或芟山草或取木葉於坑中堆積兼以牛馬猪羊大糞悉盛之坑中不時翻和使其爛朽凡炊燒之灰糠粃之灰俱沃之勿令風雨飄落及坑有滲漏俟春二月散之田中

種秧填田必於春分前後高田必於谷雨前後擇其田之肥者先積以水壯以糞醒以犁揉以耙如是者三然後以大糞沃之以淤泥將之俟水澄清乃下種諺云精治秧者收強謹胎教者子良

浸種三日濾之盛以籠覆以草日淋水三次待芽甫生即亮之曰屋芽凡亮芽忌酒氣觸之逢庚日撒之落泥後天煖宜水淺天寒宜水深芽喜晴冷則入泥不生水養一二日或三日見芽立起急放水使乾芽得土氣則根定不浮曬水一二日微微灌水必現出秧尖使易長若日久雨多不得晒水則芽必壞另自補撒若秧已青看其時勢以小增修仁懷廳志

卷之六農事

三七

便沃之或糞清水沃之或猪糞冲水沃之則秧必茂盛又有不俟芽生撒者名曰啞谷此浸種之法也

秧生背矢蟲卽螟也每日申辰二時用櫻口袋或竹篔篹以竹竿持而接之用細竹槩掃入口袋篔篹內棄之山中又有以石灰撒之以苦檀子曬乾爲末滲之務使根絕勿令降水致食秧根化爲派麻蟲一食秧葉卽破爲兩分葉白而枯槁

插秧之後苗盛時青蟲食葉須人力捕之又將熟時有火蠟有水蠟夫蠟之起也穀林中不知有幾千萬億以翅扇穀穗卽枯而萎色赤而乾不惟無收稔亦不熟其田水紅



者水蠟也生莖節中又蚱蟻爲害敲其汁穗亦枯此數者  
無法可治惟有閩境同誠建醮悔過求神其患可息至於  
穀生蝗子俗名啄母宜捕之道光二十一年辛丑蟲蠟四  
起歲收僅十分之三四餓殍滿途二十三年同知楊鉅源  
接仕令農民紮草龍鳴鑼擊鼓於田中上下跳躍蠟自消  
散是年大熟穀出雙穗廳之跳五穀草龍蓋自此始也按  
詩云田祖有神秉畀炎火但未聞田祖代人而秉畀之必  
須人自爲力神卽扶持俟後設有蠟起卽於家中香火神  
前默心禱告自悔罪愆一面於蠟蟲起處用齋飯淨茶香  
帚紙燭告於田祖曰某生平多過召此天災伏望田祖救

增修仁懷廳志

卷之六 農事

三

護欄某知罪秉畀炎火於黑夜時各執火把在田之四圍  
站立照耀隨以竹竿撥動禾苗蠟蟲驚起向火把飛撲燒  
其兩翅皆落地而死不能蔓延蠟蟲之起治宜迅速遲則  
一日延數十畝不過二三日遍地皆然卽無完善之區也  
飼牛牯牛喜關母牛喜眠有水牛黃牛二種水牛用以耕  
田黃牛用以駝載高田亦有黃牛耕田者至油房紙廠皆  
用黃牛養之冬欲熱喂以穀荳糠粃夏欲涼水牛必令其  
滾水黃牛則否不可令其飲尿黃牛飲尿則腹脹而死亡  
宜掘地中黃泥調水稍澄澆之水牛飲尿則哧牛耳濕則  
無病若耳燥鼻乾必有病若食螞蝗必骨稜撐毛赤長口

就庭愈宜灌以黃泥漿水牛欄用石底作涼深二尺旁壟亦辨病良春天灌藥二三劑終年無病

### 蠶桑

養蠶必須先樹桑其法於三四月將桑椹用柴灰搓散當日卽種不可隔夜隔夜不生擇肥地陰涼者將土剗極細用糞灰先撒土上後撒桑椹務令勻趁旋以灰覆之數日後卽萌芽出土俟稍長淋以糞水不過二年便可移栽務宜菜園邊或空土崙坎隨地栽習須寬行五六尺遠其行不可正對不可密林而栽致不長正月間削去枯枝及低小亂枝根旁掘開灌以糞泥其葉必茂又一種泡桑砍其

### 增修仁懷廳志

#### 卷之六

農事

五

枝條以泥漿沃之插於土中卽活此桑發葉最早蠶之初生以此葉飼之或以柘葉飼之樹有蟲名爲桑牛急尋其其穴桐油抹之卽死看正月上旬木在一日爲蠶食一葉則主貴在九日爲蠶食九葉則甚賤凡三月三日有雨則貴四日有雨尤貴杭人云三日猶可四日殺我陰而不雨則蠶大利過午日不宜鋤桑園

蠶有花白二種花者少病白者多病養有十法繭種爲先繭之尖細緊小者爲雄圓滿厚大者爲雌開簇時擇繭之充實飽滿者照雌雄選定相兼而收生蛾時凡拳翅秃眉焦尾赤肚無毛及先出後末生者均不用只留同時出者

雌雄相配自辰至亥配合七個時辰始折開以雄者置於別的篋筐內不可令其久交久交雌必脹死其法先用皮紙或厚水紙貼於壁上以蛾之雌雄住於紙俟配及時折開雌即滲卵在紙上過五日後將蠶卵紙揭下收好高挂於中庭不可令烟薰以受日精月華之氣此擇種留種之法也

凡蠶室定要潔淨又宜明亮四壁窗隙均用紙糊勿令漏風忌濕氣地氣薰蒸飼蠶之人不可吃酒吃烟吃葱蒜尤忌生人入室觀看恐觸汗氣或口中臭氣致蠶中之生病必死又每日早晨先將蠶卵紙稱過重輕俟一日之蟻出

增修仁懷廳志

卷之六 集備攷

卒

齊入筐到晚稱紙便知蟻重多寡此生蟻養之法也

蟻每日日出齊之後以桑葉切細或用小篋蓋篋盤先將切細桑葉安置筐中量蟻多寡使不至密擠以蠶蛋紙反撲葉上蟻即食葉下蠶紙其有未下蠶紙者以鴨毛輕輕掃之務令不稀不密此下蟻之法也

蟻初生每日日以竹器篋筐安置不可以昨日所生之蟻同爲安置定要每日分置以免眠時老嫩不齊尤須審時之寒熱覺寒以炭火置蠶室微微烘之不可有煙恐蠶觸之生病如熱於巳午二時捲簾或開戶以通氣日使屋內清涼此養蠶涼煖之法也

蠶必晝夜飼之初生時用葉切極細微篩之一時可飼四頓一晝夜飼四十九頓或三十六頓夜間用人替換俟二日飼三十頓第三日飼二十頓此初飼之法也

凡蠶至眠時必分擡飼方不擁躋生病且去其糞滓不受濕熱蒸薰必眠時方可住食亦必須醒齊方可投食若晝夜可飼六頓間有不能齊眠齊醒者檢出另飼此頭眠之法也

二眠亦如頭眠之法眠時必須分擡俟其起齊方可投食薄撒切葉一晝夜可飼四飽次日漸漸加葉要看天時如晴明蠶食葉必快可以加頓飼之若冷凍蠶食葉必慢不

增修仁懷廳志

卷之六農事

空一

必加頓飼之必定以炭火烘其箔使蠶爽快此二眠之法也

三眠卽大眠也亦必分擡去其燥沙不用切葉卽以梗葉飼之一晝夜可飼三頓次日七八頓待天氣晴煖磨茶荳粉米粉用切葉將溫水勻拌飼之隔一日再飼一頓可解蠶之熱毒且絲多而兼勁有色此大眠之法也

蠶用方筐縱八尺寬八尺若房屋褊小者亦隨便安置不必拘定量葉養蟻切勿貪多蠶必晝夜飼頓數多者早老少者遲老二十五日老每筋繭可得絲二兩餘二十八日老得絲一兩餘三十日得絲一兩至四十老得絲七八錢

三眠之後一觔分作一筐一筐可得繭八觔爲一車絲約重十五六兩養蠶人以筐計每人可養二十筐繅絲人以日計每日一觔絲儲金六分此蠶老繅絲之法也

蠶不可食濕葉食之生黃腫病凡葉濕必以潔淨新布抹乾飼之如天將雨先將葉揀回免用布抹蠶受熱氣薰蒸必變爲風蠶分擡之時不可將蠶堆聚必病損作薄繭值煙薰必黑死食冷露葉必成殭若撒葉太高太遠蠶身受傷後多不旺上繭時勿使孕婦入室觀看犯之則兩蟲共一繭繅時多無緒此預防之法也

蠶老時頭皮縐腹亮身有黃光見葉不食沿筐邊而走急

增修仁懷廳志

卷之六農事

空一

用竹椶枝或稻草或胡荳莖或菜子莖捆成簇安置筐中或筐邊蠶必附簇作繭如蠶滿卽將此簇安置無蠶架上以他簇置筐中或筐邊凡簇上之蠶總以不多不少爲佳若蠶多簇狹必亂吐浮絲繭成後越七日可繅凡出蛾之繭與繅之無緒撈出者及繭外蒙戎將三者於田中沃之數日用水淘洗曬乾可以彈絮又蠶糞田極肥不可太多多則秧黃而死此飼蠶之定論也

山蠶卽野蠶也食椶樹葉卽青杠葉飼法將蠶種置於椶林樹上聽其附樹食葉樹下芟去蔓草令潔淨又恐雀鳥啄食令人逐日以鎗礮轟擊如此樹葉盡必移之他樹此

林葉盡必移之他林使其接續不可使饑令蠶不旺凡樹下林中勿令有蛇有蟾蜍觸其氣卽落地而死其蠶必四眠後始上繭此山蠶始明洪武年間河南確山縣野蠶成繭羣臣表賀上曰野蠶成繭足以衣被天下但偶爾一邑何用賀爲至今黔省各郡縣皆飼之惟廳屬地熱不甚相宜道光初亦有飼山蠶者數家習至三四年計算皆折本以後無人飼以廳地大熱與蠶性不宜故也

廳屬宜蠶桑可得厚利惜民無知者余家先君習蠶桑數十年余守其訓屢屢勸人輒以不知飼法爲言按從前地方官亦出示勸民栽桑養蠶竟至不能振興吾鄉李梧桐增修仁懷廳志

卷之六

農事

三

出宰敘永廳著養蠶栽桑說勸世民亦未見聽從者何哉蓋蠶桑樹三年始可飼蠶至於成功必待九年之久地方官之實任者不過數年署任者一年一換或此勤於始而彼怠於終或此興於前而彼廢於後安望九年之如一日哉余思欲興桑利必地方之紳士議妥立定章程聯名具稟由地方官詳請上憲立案俾移交之日不致浸廢創者興之繼者成之不過九年之間民之獲利有不可勝言者矣四川青神縣蠶叢時因蜀王嘗服青衣行郊野教民養蠶經年累月至眉州地方迄今蠶桑之利遍於蜀青衣廟祀亦遍於西土矣附記於此以俟後之有能者

祥異志

康熙四十七年戊子南關內地金針有氣如虹高數丈

康熙五十年辛卯泮池產五色魚蓮花並蒂是歲鄭之僑

王屏舉鄉試

乾隆四十四年己亥斗米價錢一千二百文

乾隆五十一年丙午五月六日河西里地震六月十八日

河西里山崩覆田百餘畝是月火災城內大街損人烟數

十家

乾隆六十年乙卯有金龍見於河西里雲滙寺水深三四

尺霞光中閃露金甲踰時始不見

增修仁懷廳志

卷之六 祥異

奇

嘉慶五年庚申斗米價錢一千文

嘉慶二十四年己卯夏水驟見於土城是年土城遠近皆

亢旱歉收八月初七日地震

道光十年庚寅五月十二日赤水河大水

道光十一年辛卯五月十三日赤水河大水

道光十二年壬辰夏白燕來繞泮池飛數日城內外居民

觀者如堵十一月二十三日奎光閣寶頂有霧氣聚於上

長丈餘經時始散

道光十三年癸巳夏泮池蓮有數莖俱並蒂五月二十二

日赤水河大水

道光十六年丙申舊仁懷地內苞穀一莖九苞

道光十九年己亥三月十一日夜猿市見冰雹大如雞子  
赤水河大水是年學宮丹桂五月開八月又開

道光二十年庚子三月十九日泮池見五色魚六月十七  
赤水河大水

道光二十一年辛丑五月二十二日赤水河大水

道光辛丑年蟲蠹歲歉二十三年饑殍滿途

咸豐七年丁巳夏東門坡奎星先農被火

咸豐八年戊午慧星見於西南經月乃散

咸豐九年己未夏月每逢夜暮各處燕雀均飛至 聖宮

增修仁懷廳志

卷之六 祥異

壹

棲宿盈千累萬凡內外泮池均是在於荷葉上住白日仍  
散去至夜復到 聖宮如是者五六夜

咸豐十年庚申慧星復見於西方光芒數丈經月始散

同治元年三月二十五六七八日白蛾由仁懷縣界飛來  
由葫市場旺隆場復興場大洞場至保源場去一連四五

日聯絡不絕至四月初八日髮匪入境

同治二年癸亥歲旱三年甲子斗米價錢二千文

同治六年丁卯七月本城川主廟後地金針有氣如虹高  
數丈



同治十一年壬申五月二十八夜猿市石灰溪即石麟溪  
陡然急風暴雨雷電大作爲從來所罕見似有物自麻窩  
中出其處崩裂數十丈紅半邊山石如房大俱冲至二三  
丈遠至四更許雷稍微冲去十數家共三十七人

光緒三年丁丑七月復興場火災

光緒八年壬午復興場復火災同知嵩年請恤

光緒十年甲申大旱土里尤甚斗米價錢一千四百文同

知劉啟瑞請恤

光緒十二年丙戌豹至東門坡鹽局官寓所住宿一夜次

早下人得見嚇甚告知街坊當卽殺斃

增修仁懷廳志

卷之六

祥異

六六

光緒二十年甲午二月初五夜天礮鳴忽然四方皆亮如

白日旋即黑

是年首里牛生雙犢

光緒二十二年丙申正月初二日三里俱地震是年荒旱

是年荒旱收成欠薄丁酉年每斗米價一千六百文

光緒二十三年丁酉天旱年歲欠收戊戌米每斗價錢一

千二百文

光緒八年壬午復興場復火災同知嵩年請恤

光緒十年甲申大旱土里尤甚斗米價錢一千四百文同

知劉啟瑞請恤

光緒十二年丙戌豹至東門坡鹽局官寓所住宿一夜次

早下人得見嚇甚告知街坊當即殺斃

光緒二十年甲午二月初五夜天礮鳴忽然四方皆亮如

白日旋即黑

是年首里牛生雙犢

光緒二十二年丙申正月初二日三里俱地震

增修仁懷廳志

卷之六 祥異

又 空

冢墓

明

兵部武選司員外郎袁尚黃墓 在河西里羅家漕

指揮袁起龍墓 在土城老虎洞之中阿俗稱袁將軍墓袁氏子姪每至清明同族祠冢云

國朝

翰林院檢討鄭之僑墓 在城西棋盤田姚灣

武翼將軍李騰龍墓 在首里三甲小垵子妻黃氏墓在首里三甲荒田溝

廣西柳州營遊擊楊天運墓 在東門外一里

直隸定興縣知縣傅師瞿墓 在土城衙門坡屋後

貴筑縣訓導羅于范墓 在銅鼓溪乾崖子後

增修仁懷廳志 卷之六 冢墓 三

浙江紹興府海防同知張必琳墓 在城東石梁上

雲南陸涼州知州張大昌墓 在城東石梁上

刑部四川司員外郎張大瞻墓 在城外十五里石道廠

候選知縣張必懋墓 在官垵

增修仁懷廳志卷之七

藝文

記

建金子圍碑記

明陳尙忠

時天下承平烽燧不舉余因靜坐書室閱全蜀形勝之圖下有瞿塘上有劍閣洵我蜀之門戶也方思安不忘危治不忘亂之才而守之適儒溪長官寶台袁公馳謂余曰吾家之業自宋端平始祖袁公諱福字世明以總制之職而來征是土建千戶之所而世守磁城沿於前元及於僞夏肆我太祖高皇帝龍飛淮泗混一區宇遂命我先祖袁公

增修仁懷廳志

卷之七

藝文

一

諱崇簡改古磁城千戶之所設唐朝垣長官之司無何數傳之後運值中圯災變屢生或逞其橫暴而殲我善良或恃其强大而侵我疆圉皆因先人險之不據圍之不修也吾承先緒既安且吉又慮變出不虞乃率衆走馬登銅鼓之高岡循金竹之水澗忽見山谷盤旋峭壁萬仞中有玲瓏之窟與劍閣瞿塘之險不相上下形勝之強誠甲吾南荒者吾乘天造地設之意爲思患預防之圖鳩工須材陳師鞠旅豎雲梯以爲登高之具建樓閣以爲居守之資立闕隘以爲禦侮之所貯倉箱以爲民命之需圍名金子請吾子以記之余曰自古統率華夏者必設城池以爲捍禦



之員總領遐荒者必據險阻以爲保障之方恃此地利而復協天時以相之集人和以守之然後強不得以暴子孫可保以無虞民庶可恃以無恐也公之此舉是不爲一身之謀而爲百姓之謀不爲一時之計而爲萬世之計安不忘危治不忘亂誠保障之洪謨萬世之良策也用是而並包黎庶燕翼子孫豈不足以媲美夫先烈而永膺夫帝眷者乎謹記

景福碑記

劉建明

粵稽佛自西來教演東土祇園淨念鷲嶺恬神而名山勝概固其所也景福寺者始自唐乾符宋之端平二年袁世

增修仁懷廳志

卷之七 藝文

二

祖號世明諱福職勅三邊功紀武節創茲儒地名曰龍塘靈威烜赫境概異常因而崇建殿堂塑裝功果迄今宏治五年而廟貌更親實袁氏之祖胤孫培世世與有功矣迨至天啟元年奢酋猖獗而功殿復煨燼無餘隆邑僧人續燈寓此目擊形勝巍峩層巒聳翠玉扉插其峯江水鎖其帶誠哉古跡一甚勝境也竊自憐曰入世而不作出世之果當生而不結末生之緣何異乎浮雲之倏過太虛螳螂之幻生人世也哉况夫有定之成規正可作新來之福果因而命匠鳩工強勉建立一以完楞生之念一以壯恢復之觀一以培袁氏祖德宗功之勞一以演佛教如綫不泯

之脈勒茲碑記永示不磨

文廟碑記

國朝陳于璉

粵稽仁邑其地舊屬播州明萬厯間始平定設流爲五而仁乃其一學之有或由此乎迨流氛猖熾禍蜀最烈所在城郭丘墟虛室灰燼芹宮頽辟靡不鞠爲茂草而仁於是無學矣我

朝定鼎順治十五年戊戌遵郡始入版圖二十餘年守土者非軍興旁午而勢苦未遑卽境內凋瘵而力多莫逮建學之舉鮮有議及之者每逢祀典皆暫署神主假廟以享庚申後滇逆蕩平

增修仁懷廳志

卷之七

藝文

三

詔令天下郡縣曾經兵燹澤宮頽廢者悉得捐修優以紀錄邑宰三韓趙君奮然而起爲之建正殿經營締構勦所未有一亦時僅事也未幾以憂去余承

上簡命來尹是邦恭謁之餘不禁喟然興嘆曰吾夫子設教東魯周遊列國三千七十之徒或追隨函丈或侍從風塵卽平居無事猶於陳蔡從難諸子殷殷慨慕不置見聖賢師弟未忍一日離也而今也廟貌徒存廊廡不設致羣賢無所依附得毋於在天之靈有恫乎爰不揣綿力竭蹶捐貲進司訓陶君而與之謀披荆棘除瓦礫鳩工庀材茅第肇作瓦屋期月告竣雖黍累寸積率皆草創不足以供鉅

觀然而近光者瞻俎豆而知大道之不墜聞風者聆鼓鐘而識斯文之在茲於以妥侑先靈昭示來學或不無小補云若夫規模之不加廣由方隅所限隨其基之丈尺而勉爲位置也丹雘之不加施由治處荒僻藻繪不備於物非敢苟且以從事也壁磚覆瓦之不飾雕梁鏤棟之未精亦由庸工拙藝智能僅此而非如通都大邑可選材而命匠也昔夫子賞嘉堯之茅茨不剪禹之宮室自卑推此意以爲之庶其少有合也與倘異日者多士蔚興名流輩出又起累代之衰而事開百年之盛使後之君子睹此躍然取規制之缺如者爲增修而光大之則仁之有學雖垂千古增修仁懷廳志

卷之七 藝文

四

不朽可也維時修葺者大成殿一啟聖祠一鼎盛者廡二戟門一櫺星門一明倫堂一殿周環宮墻共諸同事斯役者皆得列名碑左

培補文廟碑記

李曜

學之設遍天下所以廣教勸學復性明倫其道至重矧夫荒遠之區樸塞之俗無以闕其規而頽棄焉可乎哉仁懷縣分新舊城而學之設有興廢在舊城者庚申年間創建自襄平趙公厥後楚中陳公山左王公相繼宰斯邑從而修葺之由是殿宇煥然人文蔚起春秋匪懈祀典用彰甚盛事也已酉歲縣治改遷新邑而舊城之學宮遂廢不特

祀典闕如亦且廟貌頽頹鞠爲茂草矣乙卯秋八月余以通判分駐舊城統轄新舊治甫下車恭謁

聖廟蔓草荒烟悚然學之頽廢因念分土治民教化爲先有司者既駐其地學校師儒之設有其舉之胡可廢也爰進諸生而詔之曰人材起於學校學校廢則賢才無以振興此非亟爲修葺之不可余雖力不逮敢弗謁暨以爲多士倡第慮修廢舉墜厥用殷繁木石工費需費凡幾語云一倡百和爲力易而成功多其今日之謂歟諸生繼卑寒而釀化集腋衆擎易舉均沐

聖人之澤余既爲之倡誰不義力以成其美幸乃樂善慕義

增修仁懷廳志

卷之七

藝文

五

人有同心舊邑之士民咸踴躍趨事鳩工庀材因其舊而更新之越兩月告竣落成後祀典復興每遇春秋余則捐俸以奉祀更詳請移新邑訓導一員敎其地之秀且良者人知習禮讓讀聖賢以荒遠樸塞之俗將變而爲聲名文物之鄉余躬逢斯盛樂觀其成豈惟一邑改觀方將漸被遐爾廣敎勸學之思當與凡有司之職者共勉矣因爲序其事而勒之石以待後之君子焉

修里應山碑記

羅震生

蓋聞神化無方借蓮臺而講偈降觀不爽憑廟貌以昭靈是以渡杯江下幸開南國之宗飛錫峯頭大啟東林之寺



不有精藍奚由選勝吾里有里應山者地氣清明山原秀  
淑舊有古刹邑人崇祀焉乃精舍自經劫火幾致滄桑荆  
棘銅駝荒涼特甚吾祖邑優庠生羅公諱人和始建普靈  
寺乾隆戊子叔祖斯和公相率族輩鑄鐘於此嘆福果之  
有因惜廟堂之非所不避嫌於道謀築室爰斷遷於仰止  
景山志圖革故大壯神威計決鼎新允升祀事第非結因  
人勝果力獨何支誠欲椒祇樹新宮功分廼任謀於邑人  
衆僉曰善斯和即倡費樂助將遠祖總兵官羅象乾所遺  
業一北捨為香火費並募十方共勸善舉而樂善諸公一  
倡百和傾囊相助者有葱嶺蓮荷之慶於是即支砌之僻

增修仁懷廳志

卷之七

藝文

六

地豎兜率之崇宮鳩工庀材應數星霜而廟功落成以里  
應山名焉迄今樓閣烟霄恍入兜羅世界神威赫濯具見  
法相莊嚴維摩殿上咸瞻貝葉千尋迦葉雲厨共仰蓮花  
十丈此故神功之浩蕩有然而諸君子樂助之忱亦有足  
多者也謹勒貞珉用志不朽庶民安物阜人人蒙樂利之  
休戶禱家祈處處竭香花之供後之作者良亦有所觀感  
興起歟

養正書院記

陳熙

天下有真教術斯有真人材教術之端自閭巷始人材之  
成自兒童始大易以山下出泉為蒙而君子之所以果行

育德子是乎在蒙以養正是爲聖功義至深矣然聖人之  
教序志道據德依仁居游藝之先周禮大司徒列六藝居  
六德六行之後本末之序有不可紊者余每見當世所稱  
材子弟大都誇記誦詡詞章所謂立志名勢耳志利祿  
耳而德行根本之地鮮過而問焉則章程不知務實徒尙  
虛浮及其既長不循規矩徇情任性如已決之水不可隄  
防何所不至哉夫在山泉水清出山泉水濁匪泉之咎也  
汨流揚波父兄之教不先子弟之率不謹耳懷陽舊有雙  
城書院創建於席司馬後修於積明府成材之士得以潛  
心肄業焉惟仁屬子弟貧寒者多往往有鬻齡頽悟苦於  
增修仁懷廳志

卷之七

藝文

七

衣食不足乏力從師爲父兄者又僅責其檢束而不知導  
之以禮求其聰明而不知教之以正人材因此廢誤者不  
少此皆司牧之責也余蒞任以來簿書鞅掌日不假給一  
切教養大端愧讓未能茲建立養正書院收租穀二十市  
石作爲山長束修每歲冬公舉品優學裕堪爲師範者於  
官驗可而聘焉爲之師者就其所知而教之入孝出弟重  
廉恥崇禮義養其德性變其氣質雖蒙養之事而所以篤  
倫理砥躬行於已植其基恢宏此心進德修業即可人於  
君子之域清源正本而人才有不蒸蒸日上者哉異日升  
秀升俊得諸身心者出而爲天下國家之用是則余之願

望也夫是爲記

雙城書院碑記

蘇敬商

文教之興由於培養涵濡而後人材始盛成周黨序塾序之設俊秀書升實基於此顧或向善有時矣而守土者無人焉爲之經畫周詳鼓舞振作則亦遲而有待仁郡之雙城書院創自席公然無定宇繼則積公擇基建署規模一新顧只堂舍齋厨束脯延師其餘諸生膏火饒餼之需缺如也歲乙酉司馬南垞徐公擢升斯郡慈惠廉明仁心爲質滄滌剔釐尤加意於學校未數月檄權大方以去闕歲復蒞斯郡士民歡悅頌神君而歌來暮者眾口交騰而公

增修仁懷廳志

卷之七

藝文

八

涵幅無華以儒術爲治術不尙赫赫之名下車後首崇教育月捐廉俸作諸生膏火適雲頂寺僧徒不法爲鄉鄰訐控公廉知該寺常住甚多以致僧人憑藉滋事濫費拘至鞠實按法示懲將該寺田租除佛門香火及廟祝僧人食用修葺等用外撥出租穀六十石歸入雙城書院爲肄業者僦僚之資於是興學造士之方秩然備具鼓篋橫經而來者多多益善每期集諸生於署曷以立品敦行外命題試藝肫肫焉飲食教誨若父兄之勉其子弟者雖案牘旁午時有謁必見汲引宏獎之心樂此不疲凡閭閻之撫綏聽斷一秉虛公羣知其實心實政出於至誠洵地方之福

星士林之山斗也夫體

朝廷養士之意以培植英才風聲所樹教化旁敷行見詩書比戶仁讓連鄉倡率修明厥功不小彼蜀之文翁黔之陽明其大較也風俗人心將由是而蒸蒸日上何止爲弋取科名之梯哉都人士頌揚盛美僉謂不朽之業宜示將來爰不揣而爲之序士之講肄其中者尙思濯磨奮勵擴充其聰明碩茂之材以無負夫君子之用心也夫

先農壇記

陳熙晉

周以孟春元辰耕帝籍漢東耕於籍田祠先農宋元嘉中立先農壇齊永平中耕籍田用丁亥梁天監中以啟塾而增修仁懷廳志

卷之七

藝文

九

耕改用二月我

朝重農勸稼軼於前古

世宗憲皇帝躬耕籍田四推四返嗣是行三推禮奉

旨加一推一返

詔直省祭先農壇如社稷自督府迄府州縣耕藉悉行諸侯禮煌煌乎盛典也郊特牲曰至先嗇而祭司嗇祭百種以報嗇也後世之祭先農昉於此然大蜡祭自十二月耕藉之祀顧未之及焉豈其時祀典尙缺歟非然也周官禮籥章凡國祈年於田祖籥豳雅擊土鼓以樂田畷祭蜡則籥豳頌擊土鼓以息老物鄭康成注田祖先嗇也謹按小雅

莆田所謂幽雅也其詩曰琴瑟擊鼓以御田祖以祈甘雨以畀我稷黍鄭康成箋云設樂以迎祭先嗇謂郊後始耕也我田既臧農夫之慶箋謂大蜡之時勞農以休息之也周語田農主陳藉禮韋昭注祭其神爲農祈也是祈年於田祖卽藉田所祭也八蜡之祀主以神農后稷配之有教農之君必有勸農之佐也田畷者業農之氓郵表畷者督農之所也坊庸則興所利農者也貓虎昆蟲則去所害農者也祈於春報於冬其諸終始皆以爲農歟仁懷直隸廳在播州以北其山犖确不可田其水湍激難於灌溉其人僑籍贅寄率貿遷而非地著城東舊有先農壇歲久傾圮

增修仁懷廳志

卷之七 藝文

十

道光十年前政劉君嗣矩捐俸倡修紳士段星燦及眾等咸出私錢爲助鳩工庀材閱十餘年始告成二十年熙晉至官春二月詣壇廟將事堂廡寢筵金碧丹漆莫不畢治依古禮以先嗇司嗇統於先農農及坊庸貓虎之序次第列於左右可謂知本務矣今夫金銀錢幣所以權材也而不可爲財古言生財未有不本於農者故詩人之禱祠以求者千斯倉萬斯箱於黍稷稻粱之外無溢辭而穀我土女惟邀靈於田祖不但此也古者士出於農而工商不與焉書大傳曰餘子十五入小學十八入大學距冬至四十五日始出學傳農事上老平明坐於右塾庶老坐於左塾

於餘子畢出然後歸夕亦如之餘子皆入父之齒隨行兄之齒雁行班白不提挈此之謂造士詩曰攸介攸止蒸我髦士言治田得穀俊士以進也然則曾孫之介福其卽壽考之作人乎書以爲記俾廳人知殖財用而育人才者必自農始

奎光閣記

陳熙晉

天臺山自雲表蜿蜒邈迤趨仁懷城東而特起赤水西南來繞城西北折而東演漾停蓄巋然臨之勢如高屋建瓴當事者用形家言立奎光閣於城東以據一方之形勝而爲人文之兆歲庚子余登是閣觀檣櫓上下浦雲崖樹變增修仁懷廳志

卷之七

藝文

士

遷陰晴中雉堞回環如貼水際而岷峨諸山隱見於百里之外西南竒景盡於此矣其取象於星者所以進學者於高明而發其光華也說者謂奎者魯之分野是爲聖人之邦宋初五星聚奎故道學盛於宋以明聖人之道夫奎本武庫而操觚染翰之士奔走恐後者以其爲聖賢之符驗也今夫學者學爲聖賢而已學爲聖賢必講其德行習其文藝始稱聖賢之徒其在閣耶其在人耶吾知奮然而興傑然而出非稽古之力不至此異時人財蔚起黼黻丹青我

國家昭回雲漢壽考作人之意於是乎在閣興工於道光五

年閱十餘年工竣廳之大夫士暨耆老咸率錢爲助閣後以祠先農亦於其時建造興學必先重農之意也司其事者知廳事漢軍普君恩單縣劉君嗣矩勸事者訓導張君觀國董其役者紳士段星燦張大昭王繁昌黃紹賢謝一樑羅友松熊書麟余文顯范懷瑜許廷杰羅崇枝鄭奇珍顏孔鑄張榮春袁光裕蔣嘉猷馬拔羣傅代嵩王紹曾聶朝魁段星煥傅子福董仕元蕭高泌而予爲之記按普君修奎光閣引云城東關內先農壇向有亭閣秀起宛若峯峙蓋先有是閣圯而復修也

仁懷直隸軍民府賓興田記

陳熙晉

增修仁懷廳志

卷之七

藝文

七

古者士皆授田匪特資其身也蓋將充觀國賓以爲進身之助焉後世士之有田者少欲使學者皆有所賴藉以自奮豈非長吏之責歟仁懷於貴州最遠其山巖而高其水湍而急一線羊腸裊空切嘆三年大比士之赴行省者常兼旬始達其或六七月之間赤虺河暴漲往往水步道絕行者尤有稽時之懼以是應試者常少於庠儒生讀書者文憊心疲志至捐衣食走千里以求一遇何其難也甚或因赴試之難每見有一衿甫青遂怠於從事者矣其所繫於文教者豈淺鮮哉先是道光八年前政徐公玉章撥雲頂寺租以爲賓興之需九年劉公嗣矩復益以書院生息

銀兩於是鄉試之士始有道里之費然爲數無多且未能  
遍給二十年歲庚子春余承乏懷陽下車首以興賢能爲  
急務役役不遑明年冬廼集紳士裒錢一千餘緡置枇枳  
樹田業每歲共市斗穀五十石撥書院生息銀二百兩歲  
得銀二十四兩三年凡得市斗穀一百五十石合官斗三  
百七十五石銀七十二兩鄉試之士咸取給會試亦如之  
條其規程以庶幾久而不廢吾知自茲以後多士爭自濯  
磨歌鹿鳴者于焉而來矣蒼葦勃發駢馳翼驅所以答  
聖天子作人之雅化方未有艾是舉也紳士段君星燦謝君  
一樛首事蕭生高泌傅生予福段生星煥董生仕元之力  
增修仁懷廳志

卷之七

藝文

三

爲多爰敎顛末俾異時登科第者知所自

仁懷直隸廳社稷壇記

陳熙晉

人非土不立非穀不食自三代以來社稷之祀遍天下其  
制壇而不屋其配勾龍后稷其日上戊其牲羊豕其物鉶  
二盞二簋二邊四豆四其禮三獻郡縣奉

朝廷合式惟謹熙晉以道光二十年歲庚子來領仁懷廳事  
至期爲位於東郊以祭問所謂壇壝未設也喟然曰人民  
社稷事之大者忝爲政於此其曷敢不備明年相地於城  
西商之署都司彭君長春以爲然迺築壇如式仁懷於漢  
爲樞爲符縣唐蒙從巴符關通夜郎之塗開關西南莫之



或先焉宋大觀三年始置仁懷縣然治所不可考明萬曆二十九年平播州設縣建城即今廳治也我

朝雍正七年自蜀隸黔乾隆三年移治於新縣以舊城爲通判治四十一年改爲直隸同知治地析仁懷縣十之三支峯蔓壑可田者甚少每年租賦不及大省一鄉聚幸荷國家深仁厚澤中外一體邊氓力其力以業其業雨暘時若歲屢告豐鰥部蠻荒行見富庶矣傳曰先王先成民而後致力於神夫神非力之所能致也惟是修土穀以爲正德利用厚生之本致力於民即謂之致力於神可也豈特祈福報功云爾哉壇建於歲辛丑之十二月距有明平播之

增修仁懷廳志

卷之七

藝文

古

歲凡四閱辛丑仁之父老子弟樂其成以爲二百年來未之有也自今以始歲其有昭答響應於是乎在至社稷同壇合祭之義前史詳之矣茲不具論

厲壇記

陳熙晉

祭法天子祀泰厲諸侯祀公厲大夫祀族厲後漢建武初五祀之祭有司掌之人家祀山神門戶山即厲也唐開元禮祀厲以秋明洪武中定制京都祭泰厲王國祭國厲府州祭郡厲縣祭邑厲皆設壇城北歲以清明及十月朔日祭里社則祭鄉厲後定郡邑厲鄉厲祭皆以春清明日秋七月十五日冬十月一日

本朝因之夫有道之世其鬼不神夫何厲之有而先列之祀  
典者何也今夫水有時而湮而濕之氣不與之俱湮火有  
時而盡而熱之氣不與之俱盡天地之氣聚而爲人散而  
爲大虛氣乖則舛舛則盪盪則傷陰氣鬱則壅壅則滯滯  
則傷陽陰陽受傷故鬼神無形與聲有時憑於形聲而能  
爲禍福亦有時憑於形聲而不能爲禍福皆氣爲之也此  
理之固然無足怪者善夫鄭子產之言曰鬼有所歸乃不  
爲厲鬼之有後可立者爲立後以歸之無後可立者爲立  
祀以歸之故夫祭厲者所以濟興滅繼絕之窮而禮之所  
不可已者也嗚呼冥漠之中生不知何年歿不知何日坏  
增修仁懷廳志

卷之七

藝文

五

土被之猶貉豕不得享子孫一盛之酒一盂之飯羈塊  
之徬徨嗚咽於荒烟蔓草間者何限念及此當必有惻然  
以悲者矣豈患其爲厲與否而始爲之所哉歲庚子余治  
懷陽修祀事惟謹郭外官山三里餘纍纍相望無慮千萬  
冢碑碣蕭瑟封樹蓋寡願厲祭缺焉未設明年春境內患  
疫禮曰疾病禱於厲則此祀亟當爲民而設而况

國家之祀與乎夏五月始建厲壇於東郊以城北臨赤虺河

渡河卽蜀境從宜也祭之日殺馨酒旨靈旗飛揚庶幾飲  
食醉飽而有以福吾仁之人也書其事於石有舉無廢是  
所望於後之君子

移修聖宮碑記

劉啟瑞

夫學校者人材所從出也 聖宮者學校所由興也故爲  
政莫先於學校而興教莫重於 聖宮毀廢而不修誠士  
林之所恥亦抑守土者之責也廳治自崇祀 聖宮以來  
越百餘年也舊隸西關內自桐河疏通頻年泛水入城累  
被淹沒輒致廟貌歌撤將歷焉前任松岡劉君欲培修慮  
地勢低窪難防水患乃眾議以 文昌宮基址壞墮廟貌  
亦當培葺各就規模之廣狹互度地勢之所宜遂詳請易  
而修之始遷於此顧兩廟鳩工甫半而已更替去旣而仙  
槎何君欲踵成亦未蕪而瓜代又及厥後數任俱年滿郟

增修仁懷廳志

卷之七

碑記

六

事遂愍置焉余以實任守茲土恭謁之餘仰見功虧一簣  
不勝惕若噫是誰之責歟爰進廣皮暨諸紳謀之咸慨然  
樂効不辭查劉何兩君任內所募經費無存乃捐廉倡募  
復捐得若干金自興功以迄歲寧兩越月而功成未幾而  
文昌宮亦告竣是役也始於松岡劉君而蕪成於余所  
賴在事諸君皆踴躍從事故能不日成之豈非 聖人在  
天之靈默牖其衷乎他日春秋有事升斯堂者巍然燦然  
共覩文明之盛高矣美矣咸知道德之尊行見科第宏開  
文風日上仰副我 國家尊崇學校作育人材之深心詎  
不懿歟

學校所以作育人材而人材半出於寒士我國家優加獎恤逾二百餘年而其所未周者在守土者隨時扶植耳廳屬寒士頗多前籌設卷田賓興程賀等款善舉不少顧猶有憾焉此間赴遵應考道遠旅費已屬維艱及進取有謁學師廩保贄見印儀在在需費苦無所措只得書券期以歸繳既而告貸無門勢必逋負學師以清苦之職亦不得已而稟請押追新生求榮反辱因名獲咎甚非所以尊士體揚士氣矣余初任此竊憫焉會同學師紳耆籌備各款均由公局支給雖即舉行而布置尙未條分縷晰旋以增修仁懷廳志

卷之七 藝文

對調去心殊欠然迨癸未春復守茲土又值舉行歲試見司事王理等遵章辦理措置裕如洵勝事也顧而樂之所由有各項酌給若干公款提撥餘穀復捐廉倡募得若干金置買一葉歲收租穀合所提共若干石總計三年所收足供科歲兩考之需造冊申詳大憲批准立案除札公正紳耆經管外所有公議應收應付章程逐條刊列於碑俾知遵循以垂久遠庶名教有樂地而膠庠非僞途矣有不爭自濯磨益勉爲大用之材乎余於多士有厚望焉是序

考棚碑記

陳澧

仁懷爲黔中一大都會城郭樓觀雄偉壯麗爲一方之冠

獨考棚未及興修每值試事輒於署之東隅葺爾數楹湫隘不稱前敷君拓地城南集資創辦以轆轤未果光緒戊子湮來守是邦政事之餘亟思改作越明年己丑春月歲試屆期適恭值 天子親裁大政特開 恩榜嘉惠宇內多士莘莘揚英舒翹而考棚不具鑿衡無所其何以進退羣材上副作人之雅化哉爰與邦人士集議改建因邑

紳歸公故宅而拓之建大堂三楹東西兩序分列號舍各七楹大堂後建二堂三楹翼以廊屋爲退食之所周以甌垣開以重門壯以奎閣門外甬壁樂樓及東西轅門靡不

如制計費九千九百餘緡湮捐簿俸以爲之倡餘皆邦人

增修仁懷廳志

卷之七

藝文

六

士所樂輸而致者其旁舍一所取租以作歲修焉夫仁懷本劇邑其殷盛甲黔中乃考棚一役至今日而乃克蕝事可謂難矣以創建之舉未及兩月而落成可謂速矣乃非賴王君理謝君際張君毓麟田君茂萱喻君昌榮餐風立日勤督工作何以臻此所望後之來者隨時增修守而勿替行見人文蔚起爲邦家光用收百年樹人之效詎不偉歟

山東遊擊楊輔鼎觀音堂碑記

仁懷之地舊屬播州近夜郎雜夷漢明萬厯時始立縣治  
聲教所及方數十年前此兵燹疊經荒廢殆甚今康熙四  
年乙巳余奉

命設防於此斯時也百費禦侮之方幾窮招撫之術間歲  
而稍就緒然地極僻而人頗淳山江上通嘉陵下通渝州  
抑亦扼要地也縣之西原有廟址余至之曰蔓蕪荆棘佛  
座傾頽憑弔之際不勝淒然今昔之感思爲重建復古初  
形方作是念已而梵刹之需材需物若佛像若瓦椽諸形  
日望我懷中而弗去於是捐俸幾許共資之同城官屬紳

增修仁懷廳志

卷之七

藝文

五

士軍民閱月而草創一殿中設仁天大士像外植桃柳花  
木延僧香火余謂大士慈悲能消苦難願與此方兵民共  
之至邊境澄清災稔不作亦願與此方兵民慶之閱二年  
兵民官屬咸請於余再爲鳩工立外殿傍建地藏謂非大  
士靈顯感應曷克臻此雖不敢謂較前起色然視向之曰  
葦黃茅者固自有別耳或曰錫福之權可以自擅乎然則  
建像奉祀將自永錫福歟非也城郭空虛舊跡頽毀彼某  
傭者流猶增嘆息矧守是土者顧出庸庸下耶余之建復  
古蹟又甯僅一觀音堂已也今余北轉東魯奉

命將行雖有所建豈盡全美諺曰合力易獨力難若增補余

之不逮莊嚴瓔珞又俟後之君子焉今者江城掩映鄒點綴乎清磬疎鐘靜院輝煌願綿長於春風秋雨余雖異地敬刻於懷是爲記

康熙十一年壬子仁懷城守營守府功授都司陞山東濟甯總河督左營遊擊楊輔鼎謹撰仁懷縣知縣張與越典史蘇肇眉遵義鎮中軍營中營事都督同知陳福遵判廳沈漢敘府推官鄭期發中軍千總馬雲殷勝左右二司把總呂俊明張永祥鄉紳王世極袁尙黃生員陳子夏全勒

雪鴻草序

傅同刑

雪鴻草者予客燕客豫客楚蜀時所由名也浣花輞川作者千古雖廣陵散猶在人間而嗣遺響者已杳若河漢矣予向所爲非敢言詩不過紀地紀人紀物紀事紀年以記予輓幡所到之處而已山川花鳥借以發其幽思香草美人取以寄其別况片楮杯酒假以澆其傀儡間遇捧心者聊一效顰又不過如黃鸝呼春鳴蟬送夏蟋蟀吟秋逢時便恰恰啼耳近客橫川囊橐蕭然假館訓蒙圖作歸計易曰蒙以養正聖功也是訓蒙之功較難於成童十倍而穎突唇焦不堪舉以告人風雨晦明偶有所觸皆於歌詠發增修仁懷廳志

卷之七

藝文

三

之所論我寫我情我適我性以記予鴻跡之感詩云乎哉芝城鶴亭自題

雪鴻續草自序

傅同形

予北遊歸杜門不出近二十年矣壬午冬馳驅出門經太白遷謫地過漢竹王城登峻嶺渡大江越五日始抵南平得見老瀛諸勝卽劉望之所云山盤四十八面險雲暗三百六旬秋處也遂有南平舟中望瀛山諸作又越二日抵渝州泊舟海棠溪上偕友人渡龍門登塗山因得神禹之跡而縱觀之卽禹娶塗山氏生啟四日地也周覽縉雲徘徊字水又有客渝諸作歸揀行篋得詩百首遂合夜郎諸



什都爲一集題曰雪鴻草蓋取蘇長公人生到處知何事  
有似飛鴻踏雪泥之句以顏之也去年冬至磁城於季弟  
兼齋宅上晤硯雲高先生道款之餘劇談風雅舫齋頭殆  
無虛日蓋硯雲先生以江南名宿浮沉宦海者近三四十  
年名山大川足跡幾遍其越歷也真故其發爲詩歌也切  
每有所作卽索和章亦得詩百有餘首命子姓輩錄出題  
曰雪鴻續草猶前意也然予何敢言詩不過藉以誌予就  
正有道之歲月云耳觀者幸勿以工拙律之可也

時

乾隆二十九年甲申二月花朝日識於磁城之開雲草堂

增修仁懷廳志

卷之七 藝文

三

四梧軒詩稿自序

傅師瞿

會計寢食不安此真天下之最苦也覓句雖苦亦如食者  
必咀嚙遊者必行步出於自然而非世俗之所謂苦者予  
不第不知天下之苦亦不知吾輩之樂則吾亦何能自巳  
於詩哉迴憶十餘年來養空而遊名山大川之間或無免  
於高岫騰譏聞鷗獻誚而孰知擁鼻攄思亦我錄我性我  
寫我情焉而已矣苦也而樂在其中矣若夫瓏璫其聲嗣  
響其德音以求合乎古人此則有志焉而未之逮乾隆甲  
寅牟望書於北平旅邸

曉村劉太尊七十壽序

蘇敬商

曉村先生今之良史真儒也世單父負東國人倫之望由  
教習爲黔令屢宰劇邑襄文衡賢能不著溢於遠邇績滿  
上憲器其才擢升仁懷司馬適商以樗材備員宇下親炙  
輝光竊慶萬家有生佛矣先生蒞治逾歲政教修舉德化  
流通四月朔七爲降嶽之辰郡之紳士者庶咸思獻祝謀  
序言於商此國人愛戴之誠不能自已殆詩稱樂只君子  
致咏臺萊而必歸美於眉壽歟請即以先生之壽身以壽  
人定之神民之主也先農載在祀典而郡無壇壝首事謀  
之數年力拙未就先生甫下車省廢墜即以先農壇爲衣  
食之源捐廉倡始激勸殷勤哀集餘財命董事者拓基構

增修仁懷廳志

卷之七

藝文

三

字奕奕維新落成日行耕籍如禮衆於是始知有田祖之  
敬卽有雙城書院修脯以穀而諸生膏火缺如無以爲獎  
勵之資先生觀風後加意振興捐俸百金交商生息作月  
課膏火且延師至講先自課生童擇優者親送肄業而復  
時至講堂諄諄勉諸生以立品散行次及文藝蓋先生學  
問純樞鑑精最重培植人材他邑之受業門下者卒飛騰  
以去而於郡之士子尤爲注望云廳屬轄三里民多樂業  
顧壤接蜀疆良莠易混先生行保甲令創立十家牌飭里  
長分結境內匿者坐逮無貸未逾月遍及下遵其制遠畏  
其法閭里漸安奸宄斂跡至地方詞訟轍因小忿相控殆

生懼廉恥信義之未明也不以撻擊爲能躬行化導戢胥  
役慎符票投狀無情斤不理問升堂聽斷悉剖決持平多  
方誥誠舉禮讓令其愧服不直者蒲鞭示辱而民感以勸  
訟獄爲之衰息他如育嬰堂養濟院及城郭道路橋梁皆  
不惜貲費次第增修尤可嘉者每朔望集閭塾子弟於公  
庭親課記誦簿錄讀書羸縮聰敏者獎賞居期童子百十  
人聲琅琅貫耳而先生據座參稽終日不倦何樂育之朧  
也今朝廷重顯循良往往不次相待先生受

上特恩實心實政其見於懷陽者已如此行將晉秩大僚  
經濟宏深未易窺測然其誠敬廉明卽壽考之徵以修於

增修仁懷廳志

卷之七

藝文

三

已者施之政慈祥愷悌真意潛孚無赫赫之名而道洽人  
神德周黎庶膺純嘏而慶岡陵宜有以動邦人頌之祝之  
也是爲序

仁懷直隸廳學訓導蘇敬商撰

羅翁八十二壽序

陳熙晉

曩余舟行西江見廬山高際天獨五老峯最高廬山竒秀  
甲天下遊憩其中者才子鉅公不可悉數而世稱匡廬實  
助於匡俗之廬此山後人或以爲高士或以爲神仙往往  
流連不能去豈非龍潛鳳采之賢固不隨名位重輕歟及  
子爲懷陽司馬以公事至銅鼓溪見有巍然卓立雲表者

五老山也悅其溪谷清曠林木森蔚意必有碩德者艾脩然遠引如匡君其人者而鯁節癯荒自健爲郡慰入符關後記載者未之詳豈懷異之士不常有耶抑有之而未之見耶羅翁于湯自其先世由西江遷懷陽廬于五老山之下以耕讀世其家性質直修內行橋梁道路解囊助其成不少吝延師教其子若孫有篤行君子之風年八十二矣玉色粹容如五六十許人歲時伏臘善飯健步高士神仙翁其兼有之矣其子崇枝饒於庠翹楚士林欲壽其親以致洗腆之歡乞序於予因思昔人對廬山有以六老名其堂者謂五老而六之云爾今溪上之五老山與廬山之五增修仁懷廳志

卷之七

藝文

五

老峰無以異盤有佳肴壺有旨酒子拜於前孫拜於後興未有艾纍印若綬翁之福過於東里子翁之壽將與五老齊年翁其以予言賑然進一觴乎

夜郎考

陳熙晉

且蘭夜郎皆南夷名史記云西南夷君長以十數夜郎最大是且蘭非夜郎匹也楚莊豪循沅水至且蘭椽船於岸而步戰遂滅夜郎以且蘭有椽船處乃改其名爲牂牁豪旣留王滇夜郎且蘭仍自立爲國漢武平南夷置牂牁郡領縣十七後漢領縣十六皆首敎且蘭而夜郎反爲屬縣晉永嘉二年分牂牁立夜郎郡領夜郎四縣於是夜郎始

列於郡劉宋蕭齊皆因之隋地理志有牂牁郡復有牂牁縣而夜郎之郡縣皆無梁陳周書俱不志地理遂不知廢自何時也唐以隋牂牁郡之牂牁縣置播州而縣有三夜郎之名武德四年析夷州之甯夷縣置夜郎貞觀元年州廢縣亦廢八年析巫州之龍標縣置夜郎十六年開山洞置珍州亦置夜郎縣長安四年以龍標所析之夜郎置舞州天寶元年更縣名爲峩山龍標之夜郎當在今黎平鎮遠之間夷州之夜郎當在今之石阡思南之間珍州之夜郎則今遵義之正安州桐梓縣矣巫州夷州之夜郎或廢或更名珍州之夜郎置之最後而自唐及宋名未嘗改於增修仁懷廳志

卷之七 藝文

美

是人止知播州之爲夜郎而亦不復知夜郎之大矣漢書云唐蒙從巴蜀在關入遂見夜郎侯又云夜郎東接交趾自西徂東奚啻千里亦無怪當年夜郎之自大也

唐朝垣辨

陳熙晉

余輯仁懷廳志唐朝垣在仁懷直隸同知城西南一百九十里自土城關渡赤虺河循儒溪行十餘里地勢呀然以開版田邈邈水聲琤然上中下凡三垣中垣坳坦舒堰二十有七用水之勞資人之逸土黑墳歲三獲予所見境內盡山鮮及茲垣之沃衍夫仁懷開自明萬曆二十九年而有唐朝之垣何也詢之士人僉曰垣之上有天子堊相傳

爲唐李晉王遺迹塤以之名按顧祖禹方輿紀要廢蘭州在永甯宣撫司南一百八十里唐置州於此其旁有地名唐朝塤是則塤以置蘭州而名在唐憲宗世烏所謂李晉王哉獨不知天子塤始自何時不究訊端末破其迷以祛其蔽則邊氓狃於聞見而無知妖徒因其名之僭妄不經且將煽慌忽怪誕之說以惑視聽大足爲地方患是不可不辨塤四面斗絕惟後有微徑可登巔有坪可容六七百人大大石高於屋有泉溢出冬溫夏冷左折有洞窅然間然可藏數百人構木二丈餘橫竅入洞去木人不能下石築塚口猶存土人掘地往往出古劍廢鏃及金銀器比得銅

增修仁懷廳志

卷之七

藝文

七

鏡大徑圍拭之冷光射面按其遺迹大率非近今所造夫西南夷獠於要害處築塤自保所在多有不可勝數播州之龍瓜海龍諸塤蘭州之紅岩天臺諸塤皆見史冊土城九龍七寶兩塤峙赤虺河左右相接爲金子塤俱土官袁氏所築土官勢微弱惟蘭州疆域犬牙錯且去巢穴不遠夫奢酋久異志僭擬於天子固所不顧然於李晉王無與說者謂明天順中麻城人李天保以逋賦竄黎平自詭爲唐後僭稱王聚眾剽掠爲總兵李震所擒又奢崇明之反教首劉明選變姓名爲李天樞獻龍華寶印中秋夜飲用幻法取水盆照面獨奢寅冠上生兩翅牙幢環列甚盛或

卽天樞詭爲沙陀之後自稱爲唐朝亦未可知或謂明季  
永明王封李定國爲晉王後人因此而附會其說以訛傳  
訛此亦臆說之談惟李天寶自稱爲唐後因名其地爲唐  
朝垣其說近之

國初西南未入版圖順治十五年十月楚蜀粵三路兵集戒  
期入滇定國扼雞公背圖侵貴州遣別將守七星關抵生  
芥立營窺遵義以牽蜀師十二月大兵出遵義由水西  
出烏撒守將棄七星關走雷益大兵入安隆定國奉永  
明王遁雲南定國之別將不知爲何如人生芥今仁懷縣  
治自七星關至遵義有二道道畢節過水西從沙溪入者  
增修仁懷廳志

卷之七

藝文

三

不經生界旣抵生界必由畢節取道於永甯出落洪泥赤  
虺河而始達唐朝垣去落洪二十里而近戎馬往來之輾  
轉殆無虛日此必僞將兵敗遁逃收餘衆而據是望也蓋  
當日者永明王召定國圖孫可望人心多不直可望部下  
諸將皆願歸定國可望遂大敗而遵義一府流賊獨未陷  
王應熊樊一衛避其地督師號召諸陣署置將吏俱受命  
於永明王非可望殺曾英攻王祥巴蜀尙冀稍延殘喘是  
遵義尤恨可望恨可望必與定國然則僞將卽非定國所  
遣尙思假其名號以震動遠近而况授兵符以行事哉其  
僞稱天子聖者以永明王尙在故嗚呼亡國餘孽崎嶇蠻

烟瘴雨中尺土皆非曾不若井蛙窟免猶可容身名託於均房之居其寔敗將潰卒之遭逃藪也定國跡旣不到何有於永明王且夫定國亦盜賊也始爲張獻忠養子及歸永明王知旌吳貞毓等十八人之忠而於黨可望之馬吉翔不惟不誅而反用事去可望盡弛武備而三路敗書至王將奔緬甸不能堅持死守之說致王死雲南而已亦死於囊臘距安隆之敗纔四年爾賢於盜賊者幾何定國不足道定國部下之僞將更不足道也星物換移姓氏與煙塵灰燼同歸漸滅好事者從而附會其遺跡者以爲朱邪復生也悲夫因李定國之僞將而附會於李定國因李定國增修仁懷廳志

卷之七

藝文

五

國而附會於李晉王因李晉王而附會於唐度以事勢斷斷然也夫訛言莫懲亦有地方者之責也故詳辨之俾後之人不爲訛言所惑

開赤水河道說

四十七

赤水河自萬山中一線溪流由畢節直通仁懷猿猴舊河達州江第自赤水之天鼓巖至猿猴之雞心灘共六十八灘巨石巉巖聳峙中流萬仞之山壁立兩岸灘高浪激勢險路紆乾隆十年督部院張因滇黔銅鉛每歲由陸路轉輸節節皆崇山峻嶺鳥路羊腸駝載艱難腳費浩大且黔省不產鹽須從川肩挑背負運至猿猴轉販議赤水河道



省 國帑下亦利濟民生具疏入告經部議准隨即勘估具題借動間款三萬八千六百四十二兩零上游自天鼓巖至新龍灘二十七灘委大定府知府王允浩分辦下游自鹽井灘至雞心灘四十一灘委遵義府知府陳玉璽分辦於乾隆十年十月初一日興工至十一年閏三月初一日工竣經督部院張親行履勘題報續因河道初開商船畏縮不前官爲試運節省無多乾隆十四年十一月撫部院愛委子率同畢節縣凌均往勘卽於是月十九日親往會勘自天鼓巖至白沙河六十餘里有張會星亮長灘老

虎等灘水高石大弔放艱險雖老虎灘下瓦窰大河口王家野豬等灘舟可通行第畢節至老虎灘無陸路可通須以白沙河爲口岸貨背於此上船自白沙河至魚塘河河身稍窄紅石樑豬棧門廟兒確窩等灘亂石堆積水勢陡險船戶輪流弔放一日止行二三十里自魚塘河至新龍灘三百餘里河寬水平舟行無碍新龍雖名一灘實則連接六灘每灘相去止一二丈下又緊連上長中長下長三灘九灘相接中間並無停繞之所每多失事下又有殷鬚子沱大白汾小白汾文公下灘上灘螺螄等灘雖殷鬚子大小白汾文公上灘水濶可行然文公大灘黔岸形如刀

削蜀岸文公廟一所濬口窄狹巨石屹立河中水大則浪高難行動經累月守候水小則岸無緯路每船須四五十人方得弔過螺螄灘亦甚危險歷臺盤子虎跳石滋灣洞黃連大洪直至二郎灘始覺寬平故發運京鉛宜於新龍灘起岸從陸路運三十里至二郎灘下船自二郎灘抵猿猴雞心灘一百六十里如游洪羅妹虎腦黃泥等灘雖稍陡峻但河寬水平舟行無虞總之極險之處須行盤運次險及不險之地仍用舟載自乾隆十一年至十四年三月底經運鉛三百四十七萬觔每百觔節省銀二錢一釐四毫計節省銀六千九百八十八兩零業咨戶部鹽價亦覺增修仁懷廳志

卷之七 藝文

三

漸平現在詳請增引者多於窮民不無裨益河中客船名曰舢船約一百零艘每艘可載鉛一千餘觔自魚塘順水至新龍灘水腳銀四兩二錢二分自二郎灘順水至猿猴每千觔水腳銀四錢若載鹽每艘可載九千六百觔自猿猴上水至新龍灘每包腳銀二錢新龍灘上水至茅苔村每包腳銀三錢五分揆此目情形似於國於民俱有成效但他處之山石皆堅確此河兩岸石獨破碎而鬆動他處之土黃泥凝結此河一帶盡是黑灰沙土土鬆則石易墜兼有居民耕種山土人牛鑿挖石即滾下有灘之處旁有山溪山溝山水陡發沖激沙石填積灘路難保開者不復

壅通者不仍塞也是必定爲歲修之法每年水涸之時飭該地方查有淤塞之處卽細勘估詳於節省項下動支僱夫檢修工完報銷立定章程庶前功不致廢棄而利賴及萬世矣

烏相說

陳熙晉

烏相樹一名鴉相樹浙東多種此樹歲收油燭之利吾家金華田邊屋外必種相數株春夏之交濃陰如畫及至九月間霜旦晴初眾綠未改此樹先紅白子撒花離離然與朱霞相間元黃鎮成詩前村烏相熟疑是早梅花近查慎行詩轉盡清溪三百曲萬株烏相一霜紅皆在吾鄉作

增修仁懷廳志

卷之七 藝文

三

也十一月收相子外之白穰榨白油爲燭核中之仁榨清油然燈清油僅供本地之用白油煎五十觔爲一塊販至蘇杭轉售其利較廣蓋種樹之書所未詳也仁懷官舍側有相一株余詩所謂黃葛蔭我堂烏相蔽我屋者也郊行見山麓間處處有之土城上下尤多詢之土人則稱爲捲子樹不知其爲相也葉小窄子稀少而顆較細利亦甚微旣而知其由接樹之法未講耳相樹不論大小皆可接二月間用鋸截斷樹身留二尺餘樹圍八九寸者週圍鑿四五罅圍三四寸者鑿一二罅取別樹枝條如指大者納之罅中用土封之包以稻藁如無別樹本樹枝條亦可最易

生長安得有如郭橐駝者與之言種植哉元扈先生曰烏  
柏樹大或收子二三石白油造蠟燭清油然燈極明塗髮  
變黑又可入漆可造縵用每收子一石可得白油十觔清  
油二十觔用油之外其渣仍可壅田可燎爨可宿火其葉  
可染皂其木可刻書及雕造器物且樹久不壞至合抱以  
上收子愈多故一種卽爲子孫數世之利又白柏不須種  
野生者甚多必須接搏乃可未接者江浙人呼爲草柏種  
樹小低接樹大高接接須春分後數日接法與雜果同種  
有二曰葡萄柏穗聚子大而穰厚曰鷹爪柏穗散而殼薄  
又聞山中老圃云柏樹不須搏但於春間將樹枝一一捩

增修仁懷廳志

卷之七 藝文

三

搏碎其心無傷其膚卽生子與接搏者同余試之良然若  
地遠無從取佳種者宜用此法此法農書未載恐他樹亦  
然宜逐一試之又曰採柏子須連枝葉剝之但留取指大  
以上枝則明年枝實俱繁盛凡製燭每白油十觔加白蠟  
三錢則不淋蠟多更佳又曰北魏賈思勰齊民要術烏柏  
一則雜入殊方異物中陳藏器唐人日華子五代人各言  
烏柏油可染髮亦只是清油不及白油元人開局撰農桑  
輯要王禎著農書亦不及豈聞見所限抑前此未有耶又  
曰膏油多取諸麻菽荏菜烏柏比諸麻菽荏菜有十倍之  
收且取諸荒山隙地以供膏油而省麻菽以充糧省荏菜

之田以種穀其益於積貯不少矣按清異錄江南烈祖素  
儉寢殿燭不用脂蠟灌以烏柏子油但呼烏舅則取柏油  
爲燭宋以前已有之仁懷跬步皆山產穀不敷民食近始  
有杉竹之利惟取道於赤虺河往蜀貿易舟楫較便柏樹  
之利豈減於杉竹哉

### 蠟樹說

張澍

天下無無用之物蠶之齧桑作繭蜂之采花爲蜜構木作  
羹萸葉作醬夫人而利賴之矣又如桃榔木有麩文穰木  
有粉都句木有屑羊刺草有麩椰子核頗遜樹加蒙嚴樹  
檣木蝦蟇丹樹有酒女國產鹽草滇南三酸角西蜀出糖  
增修仁懷廳志

### 卷之七 藝文

三

樹均足適用又波斯有齊噉一作果西域出摩厨子真臘  
種咸平樹亦可調羹以予所見之蠟樹爲尤足貴取蠟之  
法於四月內將蠟蟲置女貞樹上蟲吸樹脂兩三月後漸  
長如蠶遂吐蠟捲抱樹枝登白皮凡九月間采取煎熬作  
餅各夾洞饋畜蠟蟲漢民亦問畜之每二三月進洞收買  
蟲凡一斗常價用銀一兩四五錢貴至二兩外賤極亦一  
兩畜蟲亦在四月中布種女貞樹函史謂之水楸樹似女  
貞而異但蟲必俟一年方收蠟則半歲可得故漢民嬾於  
收蟲蟲與蠟俱蠟蟲所生共在一殼內大如豆上面赤色  
者爲蟲其下稍白者爲蠟蟲一樹止可放三四顆蠟一樹

可放二十餘顆也本草會編云蠟蟲食冬青樹汁久而化爲白脂粉敷樹枝人謂蟲蟲著樹而生至秋刮取以水煮溶濾置冷水則凝結成塊炙文理如石膏而瑩徹可和油作燭羣芳譜云蠟蟲微時白色大如蟻虱作蠟及老則赤黑色乃結苞於樹枝初若黍米大入春漸長大如雞子紫赤色纍纍抱枝宛若樹之結實蓋蟲將遺卵作房正如省蠶蝶蛸之類俗呼爲蠟種亦曰蠟子子內皆白卵如細蟻一包數百凡寄子皆於夏前三日內從樹上連枝剪下去餘枝獨留寸許令抱木或三四顆乃至十餘顆作一簇或單顆亦連枝剪訖用稻穀浸水半日許漉去水剝下蟲顆

增修仁懷廳志

卷之七

藝文

蠶

浸水中一刻許取起用竹箬虛包之大者三四顆小者六七顆作一包勒草束之置潔淨甕中若陰雨頓甕中可數日天熱其子多併出宜速寄之寄法取箬包剪去角作孔如豆大仍用草繫樹枝間其子多少視枝小大斟酌之枝大如指者可寄枝太細幹太粗者勿寄寄後數日間鳥來啄箬包攪取子勤驅之天漸暖蟲漸出包先緣樹上下行若樹根有草即附草不復上又防蟻食蟲樹下須芟刈極淨次行至葉底棲止更數日復下至枝條齧皮入啣食其脂液因作花狀如凝霜也

百穀說

陳熙晉

楊泉物理論曰百穀者稻粱菽各二十種爲六十蔬果之實助穀各二十凡爲百穀羅願爾雅翼曰梁者黍稷之總名稱者溉種之總名菽者衆豆之總名王楙百穀序曰蔬果豐儉皆可充饑種各二十殆難枚舉是說也吾不謂然夫百穀者舉其成數而言猶言百草百卉爾以蔬果助穀則可以蔬果稱穀則不可國語云百穀百蔬周易云百穀草木麗乎土又云雷雨作而百果草木皆甲圻不聞百蔬百果借穀以足其數而謂百穀借蔬果以足其數乎必不然矣且所謂每種各二十者天生穀以養人豈屑屑然布算而乘除之無容出入增損於其間哉且書言后稷播時

增修仁懷廳志

卷之七

藝文

三

百穀而孟子第言樹藝五穀百穀卽五穀之種類也鄭司農注周禮以五味五穀養其疾麻黍稷麥豆也王之膳食用六穀稻黍稷粱麥麻也三農生九穀稷秫黍稻麻大小麥大小豆也一說九穀無秫大麥而有粱麻豫州并州穀宜五種稻粱黍稷菽也兗州穀四種黍稷稻麥也幽州穀宜三種黍稷稻也星經八穀星主黍稷稻粱麻菽麥烏麻星明則俱熟漢志種穀必雜五種以備災害田中不得有樹用妨五穀顏師古注五種黍稷麻麥豆蓋本司農農政全書穀名考五穀禾麻粟麥豆今之禾粟古之稻粱也按九穀秫者黍之別種稻統於稷故古人稱稷爲穀大小麥

豆爲一是九穀無以異於五穀也卽百穀可知矣或曰六穀既有藜安見百穀之不可以列蔬果是又不然六穀者次第言之祇或可以遞舉百穀者約畧言之蔬果難以類從也然則百穀何以稱乎賈思勰齊民要術載穀十四種早熟耐旱免蟲聒穀黃厚稻梁二種味美二十四種穗皆白耐風免雀暴一暉黃一種易舂三十八種中籼大穀晚熟耐蟲災思勰以稷爲粟故曰穀其實古之梁也以一種而論其類已八十四種矣王象晉穀譜黃省曾稻品所載不下百餘種李時珍本草稌糯引齊民要術有九格筴

增修仁懷廳志

卷之七 藝文

七

本大黃馬首虎皮火色諸名粳米卽今人常食之米其種近百名各不同俱隨土地所宜也其穀之穗芒長短大有不同也其米之赤白紫烏堅鬆香否不同也其性之溫涼寒熱亦因土產形色而異也穀不止百而云百者舉成數而言也周禮司稼掌巡邦野之稼而辨其種稷之種周知其名與其所宜地以爲法而懸於邑閭是故君子必知名而後能辨物

赤水河賦

明周文煥 郡人

赤水河黔蜀通渠也惟川嶽之效靈兮象不遺於一隅緊文明之廣被兮化自達乎九衢列天垣而井星炳曜兮爲



禹梁州之與區連地軸而戎渝枕漱兮比高宗克伐之番

番關蜀都騎苑醫流味於番畷之鄉  
註西北牂牁江廣數里出番畷賦下

爾乃蕩平共慶中

外同嬉波揚無患河清可期作山陬之保障列王會之邊

陲於是路接孔道人歌要津車驅原隰舟泛江漢倒映岑

巒而瀉翠平鋪錦浪以浮鵲舳艫畢達商賈過征至若瀑

布珠連洪濤響徹鷓首鴨頭飛花噴雪石鯨靜而無事舟

停窾木浮而何憂楫折於稽前勳是爲盛烈彼夫拱琴堂

而承峙印盒高懸飄瑞氣以宜人鑪烟蔚起長天秋水西

沱印月以澄輝擊缶吹竽猿窩 樵唱而傾耳凡茲景物

之可紀亦屬志乘之佳評

增修仁懷廳志

卷之七

藝文

三

手爬崖記

陳啟相

道無非險也而蜀稱最最尤在於夜郎一境今自遵距蜀

之仁懷八百里許峰高迥日濶遠根雲割愁繫悶水石交

橫一線蜿蜒曲折鉤窟杳冥目不暇瞬足不暇躡當八百

里之平地名手爬崖耳之雖令人笑卽亦不寒而栗矣道

無非險也而名以手爬異哉莊生之言曰足踐也足之所

不蹶謂爲善博者恃有餘于地茲獨不任足而任手豈惟

足幾不欲有其目與膝之爲累寄我愁心除是隨風直到

一鳥身輕噫歎歎巨靈一掌開法手印後皆以五輪印印

之誰敢不然將行旅人悉化官人是曰魚貫化面壁是曰

螭觸化卦影是曰良背名之之義無乃然乎豈無一人能  
撒手者覺不爬不得也聞昔大將軍省吾劉公曾一經理  
久乃頽瓌過者苦之歲壬子余奉簡命協鎮遵土目觀太  
白蜀道難一篇已爲是描畫矣有羽衣照空者銳志募修  
始壬子歲之六月訖明年之九月乃竣道濶丈有二尺磴  
級凡百三十有奇行李安穩莫不欣快如禍難忽平如病  
悸忽壯如陸地遊仙如禦寇十五日往來如鳧舄如雲間  
老萬回也乃知世間事藏至夷於至險之中伏至樂於至  
苦之後天地設險人功自神手持爬崖三字一旦拱手告  
別直誦之曰王道蕩蕩王道平平是不可不記

按此文係  
代作中似

增修仁懷廳志

卷之七

藝文

元

有缺脫處  
見平水集

採楠碑記

四川巡撫 張德地

天生楨幹之材以備隆棟之用而國家時簡勝任者取之  
然得之匪易奇偉之產往往生於環山疊嶂絕跡罕到之  
鄉如幽人碩士之藏用待時隱處槃澗也採取者恒憂憂  
乎難之我

世祖章皇帝統一海內創業垂統迨

皇上纘承丕基作述廿有餘年開風向化識水來王者卽殊  
方絕域咸稽首闕下而堂構尙仍卑陋非所以崇

宸居壯觀瞻也在部檄屢下而諸郡率以不材之本應余慰

楚材晉用豈屬在版圖而可使清廟明堂之物委諸草莽乎爰具疏自任卽蜀道難亦所弗恤陟巉巖履險巇研踵於豐草長林閒舍輿而馬舍馬而步甫兩閱月得大木百有餘株以之充梁棟而資巨任豈復有遺材耶使當事之遴才者果如余之周爰諏諮實心採訪或亦不至有淪落之嘆也疲憊之暇特援筆而誌之一片石

增修仁懷廳志

卷之七

藝文

罕

駐鎮參府楊公德政碑

袁尙黃

國家簡賢命官專閩邊疆厥任綦隆重也良將親受簡書  
秉鉞重地厥職未易副也然亦視其時何如耳蓋時當其  
治民社易爲綏集師旅不煩鞠陳卽庸手亦可奏功惟當  
亂而復治百務廢弛則盤錯正需利器自非文武兼優才  
德並懋者百費禦侮幾勤招徠恐施爲鮮克有濟我仁邑  
東接黔陽北通秦關素所稱繁壤也自昔流寇禍國蹂躪  
已極雖荷

本朝教養元氣尙未盡復復值逆犯邑居咽喉之下頻罹  
鋒鏑十年內士馬交困百姓流離設遇鄭監門有不忍圖

增修仁懷廳志

卷之七 藝文

三

繪者噫凋敝至此甯復望其起色乎序屬庚申幸參府楊  
公欽承簡命來守是邦公本關西閩閩指揮世家風富韜  
畧精研經史且理繁治劇經濟鴻才綽綽有餘者甫下車  
不以赫赫爲貴而以德化爲先有利於兵民者則興之有  
病於兵民者則除之招流移以繁生齒勤訓練以作士氣  
城垣修則邦本固保甲嚴則寇盜弭息詞訟而和風拂拂  
省形罰則冬日融融學宮建而文教聿新淡泊甘而菜羹  
是茹值旱魃躬勤步禱遇燹熾滅火回風蠲馬給兵而駮  
駟騶驂足稱駟鐵孔阜之盛軍威不益壯乎抑猛虎肆虐  
噬畜殘人公先祝靈祠帥數騎以追逐取獸魁而殛之餘

皆渡河遠遁宏農異化今再見焉種種善政與古人不期而合者類如是至若池蓮並頭沼鱗變化菊吐春芳蘭馥夏景謂非公心之和協天地之和而共昭其瑞者歟歷今四載政通人和百廢具興以視前此起色不旣多耶於是邑之紳衿兵民佩公恩澤將嵩嶽不足喻其高而江漢未易擬其深也遂不禁感集於中而頌發於外或連詩賦或道歌謠里巷頌聲若出一轍也康熙二十四年乙丑秋八月袁尙黃題

別駕胡公德政碑

王屏

竊聞古來郡邑未有不得賢明之宰以創一時之盛舉而增修仁懷廳志

卷之七

藝文

聖

爲百世之表率者漁陽麥秀兩岐成都民歌五袴召父杜母疊見於南陽皆明徵也但剖符分竹不盡撫字之勤叟頌童謠悉具甘棠之愛此情理所固然者如我公祖大人虞賓衍緒東越名家代有傳人勳業光昭史冊歷任繁劇聲稱美溢寰區迨公分守茲土下車伊始百度思張修聖廟以肅觀瞻設義學以廣文教宣講

上諭朔望不愆其期念切閭閻夙夜勤求民隱治由德化庭無燕雀之爭政惟厚生野有桑麻之植乃城垣傾圮莫衛民居街道泥濘羣艱舉步我公目擊其狀清俸首捐無奈地瘠民貧人鮮尙義總緣保赤心專何妨一力獨任初不

以錙銖無補少緩經營要惟期帶礪永安爰興工石刻期  
告竣奚惜千金從此金湯鞏固巷無夜吠之虞道路蕩平  
塗有行歌之樂其裨益民生者非淺鮮矣又如鱗寡孤獨  
每按月以授糧殘疾疲癯亦不時而散粟設渡船施茶水  
惠及奔波捐棺槨捨藥材恩周困阨設遇水火偶遭旱澇  
挨查賑濟不事躊躇所以體恤民瘼者又何弗至乎且念  
猿猴磁城原本行鹽市鎮而商販出入每嘆崎嶇擔負往  
來時憂險阻公復身先倡率慨然清俸重捐山徑可通務  
除木石溪壑可接急補橋梁履險如夷臨溪可濟豐功偉  
烈彰彰在人耳目間也至若冰鑑清操則又白叟黃童無  
增修仁懷廳志

卷之七

藝文

三

聖主重賢奪我怙恃即欲攀轅恐干功令然追思我公德被  
夜即澤敷仁里口碑心版竊慮難傳爰咨同人共相勒石  
庶幾奕世而下知公祖之大有造於斯土者夫豈頌揚之  
具文也歟乾隆九年甲子原任河南彰德府安陽縣知縣  
邑人王屏題

廣西平南縣士民恭祝

杏園謝太封翁五十壽序

昔范堯夫爲文正公子相繼爲良臣初宰襄城時已多惠  
政去後民思人以爲得文正公家法歐陽永叔文章一代

冠冕其尹開封也簡易循理務慎用刑決獄多所平反傳者謂皆公父鄭公遺意二公勲業彪炳史冊推其所自俱歸本所生歲戊戌春二月邑侯謝峻菴明府攝篆平南時太封君杏園先生迎養在署明府朝夕祇承明訓蒞事數月絕苞苴杜請托培士習除惡氛案免牽連訟早審結每當聽訊坐法堂任士民環侍捧首觀聽摘奸發伏往往出人意見雖老吏不能及明府盛年登第始筮仕政績已卓卓如此叨遇者當思其所由來夫河潤千里發源崑崙太山出雲不崇朝而雨徧天下飲於河者忘崑崙之高雲行雨施而不識太山之未可謂之知本也今秋九月念六

增修仁懷廳志

卷之七

藝文

四

曰爲 先生壽辰邑之兩河人士咸感激鼓舞於明府思以祝父母者祝太父母預期躋堂稱觥蓋不忘所自者歟先生少穎慧素蘊用世志讀破萬卷書筆下滔滔汨汨聲振黌序每試輒冠其首偶歲癸酉黔督學使者胡梁園先生奇其文拔 先生於五百人中 先生方將宏此遠謨也乃以繼慈陳太孺人在堂不忍違色養而友于誼又篤因之訓課子姪經營家政不汲汲作仕進計居鄉履仁蹈義豐采望而蔚然其指囿則子敬也其解紛則仲連也其勸善而化俗則王彥方也人倫表表閭里具瞻丈夫子九人明府爲主器先生期許遠大凡所以策勵之者無不至

明府承 先生之志而更恢宏之以故文章經濟卓絕一時 先生之志可稍酬矣又况玉樹芳蘭競爽而興其後愈不可量蘇文忠有言修德責報恒取必數十年之後如持左券交手以相付今觀 先生之於明府不信然耶明府天才亮發不以俗吏自居行當登報最之書入循良之譜九重褒譽疊錫恩綸先生之福與壽正未有艾晚等幸托幘幪之下受治而戴德心生其感而口不能言謹以范堯夫歐陽永叔兩先生之位置厚期明府即以文正公鄭公之垂裕於後者歸美夫先生惟其有之是以似之安見古今人之必不相及也 先生其肯因所言而進一觴否

增修仁懷廳志

卷之七 藝文

五

爰盥手而爲之敘

陳氏義庠序

湖南甲子科舉人  
前任仁懷廳同知 劉啟瑞

傳曰尊祖敬宗敬宗故收族而族何以收必使其衣食無匱事蓄有資而後無傾覆之虞流離之苦得以合族而守箕裘於勿墜焉此范氏義庠所由設也越今千有餘年踵其法而行之者誰乎茲乃得之於懷陽陳氏宗有祠家有塾族人無貧窶子子弟無佻達風余初聞而異之不知其何由致此日者陳君貢三因公來謁詢其顛末備述家政條規皆其先人陳紹文遺囑越日錄家訓具呈詞請立案以垂久遠嘻家資不過中人產子姓不下數十輩而能



合宗支敦任恤培人材以備朝廷用嚴家法以流祖宗光  
雖范氏庄何以過此余故先其請而并樂爲之序以獎陳  
氏之治家有法並望廳人皆仿而行之酌盈劑虛家家溫  
飽型仁講讓戶戶善良余守是邦卽以希卧治而無難焉  
是爲序

水西埧王氏宗祠敘

余于乾隆壬子舉明經于鄉與王君繁昌爲同年友越三  
十四年余任仁懷廳司馬延王君主講雙城書院亟與往  
來見其持已也恂恂其誨人也循循其課士也先實行而  
後文藝其教子也各授田宅且耕且讀以故長子瑗亦以

增修仁懷廳志

卷之七 藝文

吳

品誼重于鄉其次子及孫早歿所遺田宅王君以宅爲宗  
祠以田土山林爲祭產公諸同族立爲規條大旨以縣蒸  
嘗敦孝弟勤耕讀勵學業爲本暇日以所立規條示余丐  
余一言以敘顛末余竊惟宗祠之設所以親親長長至邇  
且易之事也然適是祠者秩秩有敘雖雖以和其長者顧  
幼者皆我祖若父之支派也而教養不敢廢其幼者視長  
者皆我祖若父之雁行也而孝弟油然而生勤力節用於是  
乎奮禮義廉恥於是乎興匪僻犯上於是乎歛敦龐輯睦  
於是乎成禮之起化也微其止邪於未形也不以此歟余  
旣重王君之品學而尤嘉其敦宗以收族爰不辭而爲之

敘

道光十年庚寅夏五月仁懷同知徐玉章撰

唐朝垣有天子磴二五山九龍磴七寶磴之名舊傳唐王避兵於此貢生顏孔步詠云

唐朝至今歷五代世遠年湮名尙在浪說唐王到此間地以人名口碑載說甚麼天子二五山藏兵古洞不可攀說甚麼九龍七寶磴屯兵峻嶺通一徑細詢唐朝屬何王信口瀾翻逞雌黃或說渺目李克用或說蒙塵太上皇明皇雖然一幸蜀此間未曾一駐足晉王出於西突厥此間未嘗身一越此間從古屬播州楊家踞至八百秋此間又嘗

增修仁懷廳志

卷之七

藝文

三

屬古藺奢家踞有爲邊鎮此間藺播毗連地屬奢屬楊時時易楊盛奢衰歸播撫奢盛楊衰歸藺治楊本自唐受封遙播州相傳封唐朝奢酋於明歸正統於唐相去年已久士生斯土年旣老從前古跡不能考何問身列科名早惟明有個李添寶混名冒稱唐天保麻城巨盜遁跡空無何亡命入黔中連結南蠻諸酋長僭號武烈自稱雄銀印勅書假誥命分爵授官冒王公天威大震來征討驅逐羣兇賊勢窮避兵想或是此盜不然此間無人到誤認張冠作李帽糊塗妄說相爭噪文獻不足兩無徵聊歌一曲向人告唐宋元明一一竿大清天下似唐虞唐朝之名留邊隅

民有唐風樂歡娛碧水丹山三疊岸弦歌十里一溪儒

虎頭山培修觀音殿序

桐子縣舉人趙鳴芝

虎頭山神祠後殿原奉有觀音一尊然神像卑而龕座皆樸陋於釋氏莊嚴之說未合也歲丁亥余偶館於茲鄉耆欲募化而普新之請序於余余曰居其廟者謀其事若職也余雖不文可援筆爲勸言未既有童子笑於側曰觀音之神亦世俗所傳釋氏之支流也其神也棄父命而不顧外人倫以出奇且持虛無幻化之說誘男女各六人爲座下弟子於男女不親授受之義奚當不計人之善惡爲何如但崇奉者卽爲之奔救苦難於正直而壹之義又奚

增修仁懷廳志

卷之七

藝文

吳

當是何足祀余曰童子烏足以知之凡夫神聖之崇奉不衰者皆有至奇之行雖不軌於正而亦有難及者焉觀音之神雖棄父命外人倫亦釋氏之道則然其淡於情慾之緣此舉世士大夫未近於聖賢之道者所不能也則其宜祀者一其誘男女各六爲弟子此其人皆強橫暴惡而神能化之且並享祀事亦足以使兇男悍婦觀感而善心生則其宜祀者二至於救苦難之說乃僧徒託之以爲種福田計耳神果靈也君子則救之小人則否若不計其爲君子小人僅以崇奉而概救之是逆天也逆天則神無靈又烏能救故知神必無此意不可以此疑其不當祀也旣當

祀則士農工商不當捐貲恐後乎善自正道不明而始借  
神道以設教不奇不足以動人信若並此類而廢之則愚  
俗益無忌憚也烏乎當第人之爲此者所以求福也誠知  
福自已求之道大則忠孝友恭小則日用事爲母區區恃  
此而不修常行且母謂此遂可以救常行之失則於求福  
之道庶幾也童子烏足以知之

增修仁懷廳志

卷之七 藝文

兗

經義

九月及宋人盟于宿

隱公元年

傅之奕

凡書盟者惡之或曰周官有司盟掌盟載之法詛祝作其詞玉府共其器戎右役其事太史藏其約蘇公亦曰出此三物以詛爾私夫盟以結信出于人情先王猶不禁也而謂凡書盟者惡之可乎曰盟以結信非先王所欲而不禁逮德下衰欲禁之而不克也春秋之時會而歃血其載果掌於司盟猶不以爲善也又况私相要誓慢鬼神犯刑政以成傾危之習哉今魯既及儀父宋人盟矣尋自叛之信安在乎故知凡書盟者惡之也

增修仁懷廳志

卷之七

經義

辛

秋公伐邾

隱公七年

奉詞致討曰伐公伐邾爲宋討也宋人先取邾田故邾人入其邾魯與儀父則元年盟於蔑矣邾人何罪可聲特托爲詞說以伐之耳經之書伐非主兵者皆有言可執見伐者皆有罪可討也傳曰欲加之罪何患無詞魯爲宋討非義甚矣而稱伐邾所謂欲加之罪者也而不知逾滅之盟不待貶而自見矣

齊侯宋公江人黃人會于陽穀

僖公三年

按左氏謀伐楚也或曰侵蔡次陘之師諸侯皆在江黃獨不與焉則安知其爲謀伐楚乎曰兵有聚而爲正亦有分

而爲奇諸侯之師同次于陘所謂聚而爲正也江人黃人各守其境所謂分而爲奇也次陘大衆厚集其陣聲罪致討以震中國之威江人黃人各守其境按兵不動以爲入國之援此克敵制勝之謀也退于召陵而盟禮定循海以歸而濤塗執然後及江人黃人伐陳則知侵蔡次陘而二國不會自爲犄角之勢明矣此大會而未言者善是謀也

初稅畝

宣公十有五年

書初稅畝者譏宣公廢助法而用稅也殷制公田爲助周因其法爲徹古者上下相親上之于下則曰駿發爾私終三十里惟恐民食之不給也下之于上則曰雨我公田遂

增修仁懷廳志

卷之七

經義

五

及我私惟恐公田之不善也故助法行而頌聲作矣世衰道微上下交惡民惟私家之利而不竭力以奉公上惟邦賦之入而不惻怛以利下水旱凶災相繼而起公田之入薄矣所以廢助法而稅畝乎初者志變法之始也其後作兵甲用田賦則皆宣公啟之也故作法於涼其弊猶貪作法於貪弊將若何有國家者必欲克守成法而不變其必先務本乎

秋七月齊侯使國佐如師已酉及國佐盟于袁叟

成公二年

陘之役書來盟于師者楚人自服而來盟也盟于召陵者桓公退舍禮與之盟也若夫袁叟則異於是齊雖侵虐未

若荆楚之暴也諸國大夫含憤積怒欲雪一笑之恥非有擊強扶弱之心國佐如師將以賂免非服之也晉大夫又不以德命使齊人盡東其畝而以蕭同叔子爲質夫蕭同叔子齊君之母也則亦悖矣由是國佐不可請合餘燼背城借一揖而去之卻克使魯衛之使以其辭爲之請逮於袁婁而與之盟則急急欲盟者晉也故反以晉人及之若此類見曲直之繩墨矣是故制敵莫若仗義天下莫大於理而強有力不與焉亦可謂深切著明矣

公會晉侯宋公衛侯曹伯齊世子光莒子邾子滕子薛伯杞伯小邾子伐鄭會于蕭魚

襄公十有一年

增修仁懷廳志

卷之七

經義

五

會于蕭魚鄭又服而請會也不書鄭會謂其不可信也而晉悼公推至誠以待人信鄭不疑禮其因而歸焉納斤侯禁侵掠遣叔肸告于諸侯而鄭自此不復背晉者二十四年至哉誠之能感人也自悼公能謀於魏絳以息民聽于知武子而不與楚戰故三駕而楚不能與之爭雖城濮之績不越是矣

夏公會齊侯于夾谷

定公十年

夾谷之會孔子相掣彌言於齊侯曰孔邱知禮而無勇若使萊以兵劫魯侯必得志焉齊侯從之兩君就壇兩相揖齊人鼓譟而起欲以執魯君孔子歷階而升不盡一籌

而視請於齊侯曰爾君合好而裔夷之俘以兵亂之非齊君所以命諸侯也裔不謀夏夷不亂華俘不干盟兵不偪好于神爲不祥于德爲愆義于人爲失禮齊侯遽止之晏子曰小人之謝過也以文君子之謝過也以質君已知過則謝之以質耳于是歸鄆謹龜陰之田仲尼一言威重於三軍亦順於理而已矣故天下莫大於理而強重不與焉齊人來歸鄆謹龜陰田

定公十年

齊人前此嘗歸濟西田矣後此嘗歸謹及闔矣而此獨書來歸何也曰歸者魯請而得之也曰來歸者齊人心服而歸之也定公齊侯會于夾谷孔子攝相事具左右司馬以

增修仁懷廳志

卷之七

經義

五

從至于會所以禮相見郟裔俘拒兵車之命而罷享禮之設于野由是齊侯歸三邑以謝過故楊子法言曰仲尼用于魯齊人章章歸其侵疆桓公以義責楚而楚人求盟孔子以禮責齊而齊人歸地皆書曰來序績也春秋夫子之筆削自序其績可乎聖人會人物於一身萬象異形而同體通古今于一息百王異世而同神是以天自處矣而亦何嫌之有

春用田賦

哀公十有二年

先王制土籍田以力而砥其遠邇賦里以入而量其有無今用田賦軍旅之征非矣田以出粟爲主而足食以出軍



爲主而足兵周制宅不毛者有里布無職事者征夫家漆  
林之稅二十而五則弛方薄征當以農民爲急而增賦竭  
作不使末業者獨幸而免也今二猶不足而用田賦是重  
困農民而削其本何以爲國書曰用田賦用者不宜用也  
近世議弛商賈之征達于時政者欲先省國用首寬農民  
後及商賈知春秋譏田賦之意矣

增修仁懷廳志卷之八

赤虬河

明吳國倫

萬里赤虬河山深毒務多遙疑驅象馬直欲搗岷峨笈趁  
飛流下檣穿怒石過勸郎今莫渡不止爲風波

檳榔

國朝查慎行

不愁侵瘴癘開闢得奇功遠客薰顏醉蠻孃論口紅香迴  
金醴液清漱玉川風萬里經相識

慶子山檳榔詩莫言  
行萬里曾經相識來誰

憐度信同

啞酒

查慎行

蠻酒釣藤名乾糟滿甕城茅柴輪更薄桐酪較差清暗露  
增修仁懷廳志

卷之八

藝文

一

懸壺滴幽泉借竹行殊方生計拙一醉費經營

磨刀溪

溪爲川黔接壤明平播入路進兵由  
崖門水井塘壁海龍屯即此路也

王昌平

在昔征黔地磨刀古渡頭至今嗚咽水猶自響寒流路接  
牂牁郡人多竿挾儔版圖今一統職貢比梁州

松坎舟中

傅同形

古驛千山外清江曲折流將尋桃葉渡更上木蘭舟燈火  
三家市烟嵐萬壑秋倘教從二客不讓長公遊

順江舖

傅同形

萬山圍一屋就此歇塵勞酒膽隨時壯詩情到處豪灘稠  
風響雜秋霽月明高獨坐情懷惡誰能解佩刀

客邸感懷

傅師瞿

在家貧亦好

唐戎昱原句

戎昱咏無差水赤魚多味

吾家近赤水河鄰

賢酒不賒客頻隨剪韭園窄亦栽花回憶南山下悠然詎

有涯

秋末書懷

張大昌

浪遊千萬里轉眼看秋歸鄉夢一時有名心已漸非菊花  
如我澹鴻雁寄書稀無那瀟瀟雨新寒上客衣

秋日懷人

張大昌

思君如戀月心逐暮雲馳交不因秋冷人偏入夢遲  
階寂寞葉落樹離披一片纏縣意天涯知未知

增修仁懷廳志

卷之八

藝文

二

咏懷陽

版籍編三里墟烟帶百蠻遶城芒部水

赤水出雲南鎮雄州爲古芒部地

隔岸合江山巴蜀西南界牂犍上下間只今沙際月猶照

漢時關

宿榮華寺

銅鼓溪頭寺荒寒夢不嫌僧閒猿聽偈院靜鶴棲檐一澗  
夜逾響羣峯秋更尖崎嶇三百里枕上數郵籤

以公事至勞溪上口占

陳熙晉

日暮勞溪上空山過客稀天垂杉樹短岸立麥苗肥征馬  
疲猶策閒鷗懶不飛一星明遠火何處扣柴扉

咏風俗

陳熙晉

斗大孤城裏人烟近漸添

相傳

國初城內不及百家今城內外約二千餘家淺深

筒吸酒厚薄箸包鹽

俗尚曬酒以竹管吸之厚鹽出富順薄鹽出榮縣

巷犬聲如

豹江鯛狀似鮎眠峨青咫尺門戶障全黔

咏盜

陳熙晉

近來凋敝後物力漸難支渴虎窺晨汲饑狙瞰晚炊命輕偏信鬼巫盛懶求醫第安邊策先看屏盜碑

地界川黔治囑嚕最

宜嚴密

咏農

辛苦田家最何曾粒米嘗種莠衝暮雨採蕨下斜陽蚊虻

增修仁懷廳志

卷之八 藝文

三

從今惡

桐梓水坎河近

蟲螻自昔

今年填田早熟箐田遲收頗有蟲傷

謀生慳一飽消食卻檳榔

咏團練

陳熙晉

赤虺蟠空下喧騰捲急波道開漢元鼎堡自宋宣和檢社

依城立

時新社稷壇於城西

松舟喚渡多

指置土城渡田又於花照增設渡夫

邊兵徵

白芳團練近如何

十二月招募土兵八十名選二十名

仁懷感懷

陳熙晉

頻歲無安處茲邦已二年浪鷹邊寄重幸遇上官賢奔走

甘牛後騰驥愧鴛先西陵形勝地憶趁蜀江船

時得遷湖北宜昌府信

三臺山晴眺

陳熙晉

目極人烟外瀟戎夕照開城環大涉水樓對少岷山澆志南廣  
有大涉水北至符入江即赤水少岷山俗稱  
筆架山在赤水入江處天氣晴明時可見  
兵甲何時靜  
風塵若箇蘭遙看雲際鳥德未之還

瓜棚

國朝傅同形

課餘無一事學種東陵瓜幽棚風過處香散一林花

石峯

傅同形

峭石凌雲起飛來信有峰聞多隱君子或在此山中

盆魚

傅同形

方盆擬小沼止水靜無波時一觀魚樂濠梁不讓多

盆松

傅同形

增修仁懷廳志

卷之八

四

嶺上松千尺盆松一何小本性傲歲寒莫作閒花草

盆柏

傅同形

巴東我舊過縣有萊公柏我植此山中敢云君子澤

仙掌

傅同形

仙掌有自來承露盤中物何年出漢宮不待紅巾拂

石菖蒲

傅同形

幽澗足昌陽生常先百草東垣古方中卻用延年好

蘭花

傅同形

空谷有幽蘭孤芳時自賞移來松石間素琴共清響

菊花

傅同形

陶公歸去來種菊東籬下我亦種幾叢采采得盈籠  
黃葛

傅同形

托根依山石移置幽棚裡行看借濃陰戶外有雙履  
虎耳草

傅同形

虎耳勁非圓誰將名小草但令豁雙眸姑不暇深考  
盆荆

傅同形

荆樹滿空山枝柯重連理植我小盆中花開一叢紫  
種竹

傅同形

種就兩三竿搖來千萬个西窗風雨寒清絕子猷座  
病中夜坐

張大昌

增修仁懷廳志

卷之八 藝文

五

寂如僧入定瞥見滿庭霜眼亂呼童掃清盈是月光  
宿風溪口

陳熙晉

露滴芭蕉響燈殘絡緯啼潺湲聲不住涼夢落風溪  
平播後軍次碁江趕水鎮題石

明劉 綖

王師平播此經過勒石磨崖紀凱歌萬載千秋苔石古幾  
人翹首一摩挲

秋林霜葉

傅同形

霜裁錦片遍層嵐紅噴枝頭蝶夢酣小鳥不知秋事晚錯  
傅花信到江南

冬日答友

傅師瞿

茅簷無事一編親終歲囊空未厭貧脫卻敝裘沽酒飲朔  
風不冷壯人心

嘲飲

傅師瞿

地是眠瓊天是廬那得閒事問居諸看他終日流連處杯  
外塵緣一概無

仰屋尋思爲酒錢緼袍貨去亦恬然皇天若肯施粘雨到

處湔泥作酒田

拾遺記晉武帝於樓上以酒洒塵名曰粘雨

笑問何緣喜欲飛持杯說是破愁圖那知就裏牽愁處悞  
盡功名惹盡非

有所思

張大昌

增修仁懷廳志

卷之八

詩文

六

間庭獨坐悄生寒好月當樓不耐看短笛一聲剛入破新  
愁壓上玉闌干

暮春舟次

張大昌

留春無計奈春何楊柳千絲罨綠波啼鳥不知行客夜聲  
聲歸去勸人多

之溪櫂歌共五十二首

陳熙晉

大涉源流志孟堅郡遷南廣憶當年符關豈是汾關水中

尉箋經恐亦然

漢書地理志南廣縣有大涉水北至符入江酈注以爲符黑水導源汾關山北流有

大涉水注之北還變道入江者皆非也

炎荒羈客怯經過日夜濤聲赤虺河一自駱丞馳露布川

中風雨至今多唐駱賓王姚州露布河湓赤虺川多風雨之妖虺水音相近詔爲赤水

班鳩井下弄潺湲赤水源出鎮雄班鳩井明嘉靖中僉事吳仲禮入永甯迤西落洪班鳩井鎮雄採木霧壩烟自吐吞猶憶蜀中舊僉事卻

因採木此尋源赤水源出鎮雄班鳩井明嘉靖中僉事吳仲禮入永甯迤西落洪班鳩井鎮雄採木

匹馬歸來虎豹叢王家六僕足陰功深潭留得前朝木指

點飛花說落紅明貴州參議王重光嘉靖歲甲寅採木至赤水界蠻方命重光率指揮千戶至落紅

立誅一二人餘皆貫之落紅即今名大平渡場

二郎坝上宿熊羆折戟銷沉舊未移水坎河頭人迹少征

途只有斷猿知二郎坝有水坎河路經五老灘桑木巧諸處今由二郎灘渡赤水陟全竹岡三十里

過渡九十里至茅苴舊路行者甚稀

討賊何如佐賊真土兵獐悍最難馴伊誰平播兼平藺只

### 增修仁懷廳志

#### 卷之八

七

有桃花馬上人王鴻緒明史秦良玉嫁石砭宣撫史馬千乘征播州良玉夫婦爲南川路戰功第一賊平良玉不言功奢

崇明反復重慶授總兵天鼓巖根艤棹無疏河方畧未全釘金錢四萬當年請付

與行人唱鷓鴣乾隆十年貴州總督張公廣泗請帑金二萬千四十二兩有奇疏開天鼓巖至雞心

雞六十八雞以運銅鉛兼通蜀鹽後試運京錫止惟商鹽可抵茅苴

經畧威名草木知蜈蚣巖上讀殘碑遺民指點停騶處淚

墮金川叫子規張公以乾隆十一年疏河工竣親自履勘自仁懷縣至兩河口均經巡歷以十二年

調川陝總督因與經畧訥規征大金川無功見法蘭者傷之碑在吳公巖西岸

西南人力最堪憐梁水銅山賁古鉛沮井可能如蜀井播

州何處有商船常據南中志牂牁郡萬壽縣郡治有萬壽山沮本有井漢末時夷民共誑盟不關



狗椒誑舌味難尋  
舫子裝鹽販至今不是遼陽大司馬洗

金價合貴如金

東門沁下水鱗鱗  
浦樹沙鷗盡不真  
邪許數聲船泊岸一

窩猶帶錦江春

灘灘歡喜是安流  
大別小別愁復愁  
儂不愁風但愁水  
郎

船前月上猿猴歡喜大小別皆難名

鹽船頻更轉  
遲難猿猴灘與二郎灘  
各依疆界招舟子莫

作瞿塘惡少看

黃泥灘石最嶙峋  
一雨維舟動浹旬  
咫尺土城天樣遠關

頭望斷算緡人黃泥灘距土城十五里

增修仁懷廳志

卷之八

八

土城南去最峻嶒  
亂石縱橫不受凌  
要試行人腰腳健披

氊帶笠裏行膽

天與貧民便若何  
藺州卅里罷開河  
裏鹽民婦上山去風

雨一肩何處多鹽船至二郎卸載陸運金竹  
剛三十里至新龍灘下船

安羅里接二郎遙  
兩岫人家太寂寥  
除卻馬巖兼馬尾烟

波未礙付蘭橈白茅苔至龍灘馬巖  
灘最險馬尾灘次之

陶公灘上水淙淙  
剿藺曾揚大將幢  
誰把羅郵誤羅付強

分支派到烏江明史紀事本末天啟三年四月川師復道  
義進攻永甯官兵抵羅付大河口擊奢寅

敗之付總兵侯良柱  
分遣羅安良進關  
公灘以牽賊同安

鑿部兵夜經三寨  
抵賊巢復永甯  
顧祖禹方輿紀要曰羅  
付大河在永甯宣撫司東  
接道義府界其下流東南  
出入子烏江關公灘在司  
東南或曰即羅付大河  
所經按陶公

離在赤水仁懷界其上爲羅邨有小溪注赤水由遵義至

古崗須經羅村崗公灘所云羅村大河口者土人今皆稱

赤水爲大河以羅村小溪入赤水之處呼爲大河口且與

烏江無涉當由誤村字爲付字四川貴州通志俱謂其誤

茅苔西望嶺千盤估客停舟上水難怪底尋常行牒子一

篙直到馬蹄灘灘在黔西州畢節縣與敘永屬交界處小艇自茅苔三日可至

爭奈蠻中生計微回空雙槳去如飛雲烟滿貯知多少

角灘頭載石歸舫船至二郎灘卸鹽回至益角灘載石灰至猴猴出售

幾許人家屋蓋茅霖霖愁絕夏秋交無情最是齋郎水引

得游魚上樹梢近年大水多由水坎河自桐梓水漲至城

撩人春色是誰家姊妹灣頭姊妹花歲歲關心寒食節踏

青歸趁夕陽斜清明前後男女俱上墳拜掃

增修仁懷廳志 卷之八 藝文 九

日炙榴花四照紅雲旗欵忽颺靈風誰家臺閣誇新樣卻

學西川結束工五月廿七日城隍會每令幼童扮虎本故事多人扛遊街市名曰臺閣

沙嘴權停畫漿雙家家水閣拓南牕荔丹榕綠人如織簫

鼓叢祠賽鎮江六月六日離南艇戶賽鎮江王廟香火最盛

山泉曲折引川霞太極居然畫本誇絕愛永安橋下水春

來流出一城花

四十八梯挂夕曛瀘南播北一山分督郵攘袂休爭界只

隔星辰不隔雲天臺山在城北十五里俗名大佛腦有四十八梯最險有寺宇上寺屬廳下寺合江

綠陰濃霧一條街風景城西分外佳山色漸低灘漸少櫓

枝搖到舊仁懷舊仁懷在城南三十里今名復興塲卽是也

兩灘灘下瀉沄沄十丈驚濤欲捲雲觸嶼游魚齊折尾習

流只讓水犀軍自兩灘以上有阿蘭荊蘆臘其灘最險須盡出截始能上灘各舡至兩牯牛到猿猴

度支全繫課贏輸消長溪痕旦暮殊昨日石龍新出水鹽

舡知抵土城無木城關前有石橫亘水中土人稱爲石龍其石露水土城方能行舡

導源芒部浪滔滔兩岸崎嶇近不毛只有儒溪資灌溉堰

橫二十七重高魚溪一名儒溪築廿七堰引水灌田出谷萬餘石兼種菽黍稷一歲三獲

粒米年年人口無苦莛毛稗不嫌粗山田歲歉無人買卻

聽敲門索穩租佃戶給田主錢俗謂之穩租

瓦甕新泥煮繭香人家都爲養蠶忙家絲可比山絲好郎

種青杠妾種桑土城里多栽椽養山蠶近城亦有植桑養家蚕者

增修仁懷廳志藝文 卷之八 十

無多隙地強安排但有人家總靠巖笑指門前安樂水從

知安樂是生涯

末流怪底飲狂泉苦競錐刀亦可憐仁水厚溪名字好不

教廉讓羨西川仁水即之溪厚溪在河西里

巴東艇子上勞溪樹杪層層似梯猿狖較多人較少官

山更在夕陽西官山二百餘里向係封禁

渾溪溪口爨烟稠指點苔基夕照收雉堞模糊鴉萬點更

無人識古滋州土城俗稱爲葦城考方輿紀要武都城在瀘州西南南廣蠻地宋大觀三年建滋州

領承流仁懷兩縣宣和三年廢州爲武都城以仁懷縣爲

堡承流縣併入焉元初廢葦城蓋滋城之訛瀘州志謂武都城在州北三十里者非也

蕪茶小艇繫青林高洞河流幾許深此去符陽無一舍三

江惡浪易驚心

高洞河一名小溪自仁懷縣吼灘里發源逕赤水里至官渡塘可舟舟容十餘石有

魚鰲關稅屬所權也又逕高洞入合江界注赤水流入大江亦謂之三江

建置元和事已遙至今古垣號唐朝蘭州誰立沙沱廟卻

使蠻兒說射鵬

唐朝垣傳有李晉王遺迹

舊墳新塚莽郊墟憐火荒涼恨未除滿岸白楊風又雨只

防侵界上魚溪

城外官山三里餘繫繫千百塚民人多葬水際余下令止之

邊關竹使爲誰添行省文書日夜淹仁水久荒舊時驛只

令營卒管郵籤

明設有仁水驛久廢自仁懷縣至廳城七程并無舖遞一切文書係塘兵遞送

芙蓉山上樹重重芙蓉江頭秋露濃面面綵雲紅不散芙

增修仁懷廳志

卷之八 藝文

十一

蓉城裏看芙蓉

城中芙蓉花頗多廳治爲唐芙蓉

縈紆絕壁磴盤盤萬樹陰中濕翠寒種竹四時饒嫩筍購

花重繭出幽蘭

尤物移人付酒盃荔支灘上瘴烟開漢家蒟醬知何物賺

得唐蒙餽部來

荔支樹六株俱在大金沙

人家近水學爲漁舉網鳴榔縱所如三月桃花春漲暖滿

溪紅雨賣鮰魚

鮰魚俗呼江團

沿河魚味易登筵第一尤誇鮎子鮮賴有景純箋爾雅里

人莫誤鮪爲鱸

鮪子俗訛辣子

灘多港曲不須帆兩岸蒙茸綠映衫雲表參差針樣密都

無雜樹只栽杉

自猿市下兩山多栽杉樹

前身莫作竹王看千尺梢雲又一般記否無諸臺上客八

千里外報平安

楠竹圍二尺餘乾隆三十四年黎姓自閩之上杭縣攜三根至後槽栽植

洞深十丈鎖雲烟謝監棲遲廿五年采木使臣歸未得山

中開筭已成田

明永樂四年少監謝安以采木至石夾口十丈洞窺冒寒暑播種爲食廿五年始還

茅苔村酒合江柑小閣疎簾興易酣獨有葫蘆溪上筭一

冬風味舌頭甘

茅苔燒春最香例合江佛手柑頗大葫市一帶多南竹冬笋味甘

棗林紅後橘林紅一路溪山似畫中爲近瀘渝霜雪少不

教烏柏似丹楓

土城棗子頗多近合江處多橘烏柏俗名椹子樹

蠻薑仙掌霸王鞭轉笑稽含狀未全香柏古楠今已盡卻

增修仁懷廳志

卷之八 藝文

十三

教黃葛管山川

高良姜仙人掌伯王鞭土城上下多有黃葛樹兩岸極多

春風匹馬到邊城迢遞且蘭十八程莫笑使君無治譜竹

枝聲裏櫂歌賡

官齋卽事

陳熙晉

午衙早放訟庭虛解字無多水不如黃葛陰濃清晝永一

編間課吏抄書

宿泐灘上

陳熙晉

樹杪炊烟夕照收無端風雨落牀頭客心搖曳青燈裡一

夜灘聲撼小樓

五雲山

王鳴皋

雲氣輪囷五色鋪鹿池勺水足涵濡勞溪溪上斜陽裏一  
片杉篁似畫圖

良宰

李白

天上白玉京十二樓五城仙人撫我頂結髮受長生誤逐  
世間樂頗窮理亂情九十六聖君浮雲挂空名天地賭一  
擲未能忘戰爭試涉霸王畧將期軒冕榮時命乃大謬乘  
之海上行學劍翻自哂爲文竟何成劍非萬人敵文竊四  
海聲兒戲不足道五噫出西京臨當欲去時慷慨淚沾纒  
嘆君偶儻才標舉冠羣英開筵引祖帳慰此遠徂征鼓馬  
若浮雲送余騾騎亭歌鐘不盡意白日落昆明十月到幽

增修仁懷廳志

卷之八

藝文

十三

州戈鋌若羅星君王棄北海掃地借長鯨呼吸走百川燕  
然可摧傾心知不得語卻欲棲蓬瀛彎弧懼天狼挾矢不  
敢張攬涕黃金臺呼天哭昭王無人貴駿骨騷耳空騰驥  
樂毅倘再生於今亦奔亡蹉跎不得意驅馬還貴鄉逢君  
聽絃歌肅穆坐華堂百里獨太古陶然卧羲皇徵樂昌樂  
館開筵列壺觴賢豪間青娥對燭儼成行醉舞紛綺席清  
歌繞飛梁歡娛未終朝秩滿歸咸陽祖道擁萬人供帳遙  
相望一別隔千里榮枯異炎涼炎涼幾度改九土中橫潰  
漢甲連胡兵沙塵暗雲海草木搖殺氣星辰無光彩白骨  
成邱山蒼生竟何罪函關壯帝居國命懸哥舒長戟三十

萬開門納兇渠公卿如犬羊忠讜醢與菹二聖出遊豫兩  
京遂邱墟帝子許專征秉旄控強楚節制非桓文軍師擁  
熊虎人心失去就賊勢騰風雨惟君固房陵誠節冠終古  
僕卧香爐頂餐霞漱瑤泉門開九江轉枕下五湖連半夜  
水軍來潯陽滿旂旄空名適自誤迫脅上樓船徒賜五百  
金棄之若浮烟辭官不受賞翻謫夜郎天夜郎萬里道西  
上令人老掃蕩六合清仍爲負霜草日月無偏照何由訴  
蒼昊良牧稱神明深仁恤交道一黍青雲客三登黃鶴樓  
顧慙禰處士虛對鸚鵡洲樊山霸氣盡寥落天地秋江帶  
峨眉雪川橫三峽流萬舸此中來連帆過揚州送此萬里

增修仁懷廳志

卷之八

藝文

古

目曠然散我愁紗牕倚天開水樹綠如髮窺日畏銜山促  
酒喜得月吳娃與越醜窈窕誇鉛紅呼來上雲梯含笑出  
簾櫳對客小垂手羅衣舞春風賓跪請休息主人情未極  
覽君荆山作江鮑堪動色清水出芙蓉天然去雕飾逸興  
橫素襟無時不招尋朱門擁虎士列戟何森森剪鑿竹石  
開縈流漲清深登臺坐水閣吐論多英音片辭貴白璧一  
諾輕黃金謂我不愧君青鳥問丹心五色雲間鵲飛鳴天  
上來傳聞赦書至卻放夜郎迴暖氣變寒谷炎烟生死灰  
君登鳳池去忽棄賈生才桀犬尙吠堯凶奴笑千秋中夜  
四五嘆常爲大國憂旌旆夾兩山黃河當中流連鷄不得

進飲馬空夷猶安得拜善射一箭落毛頭

夜郎承恩放還兼欣復京師示息秀才 李白

黃口爲人羅白龍乃魚服得罪豈怨天以愚陷網目鯨鯢  
未剪滅豺狼屢翻覆悲作楚地囚何日秦庭哭遭逢二明  
主前後兩遷逐去國愁夜郎投身竄荒谷半道雪屯蒙曠  
如鳥出籠遙欣尅復美光武安可同天子巡劍閣儲皇守  
扶風揚袂正北辰開襟攬羣雄胡兵出月窟雷破關之東  
左掃因右拂旋收洛陽宮回輿入咸京席卷六合通叱咤  
開地業手成天地功大駕還長安兩日忽再中一朝讓寶  
位劍璽傳無窮媿無秋毫力誰念瞿鑠翁弋者何所慕高  
增修仁懷廳志 卷之八 藝文 五  
飛仰冥鴻棄劍學丹砂臨鑪雙玉童寄言息夫子歲晚陟  
方蓬

按李白謫夜郎無與仁懷事但昔者仁隸播州播郎夜  
郎也陳志錄其詩於仁志思白乃古之名士故仍之以  
爲志乘生色

歲在辛卯秋賦覺非齋詩

國朝 息 保

衛有賢大夫寡過爲指歸香山七十覺以往念念非廁身  
儒冠中敢將懿訓違况當膺民社尤戒欺隱微去秋知印  
江書紳是語師今春知仁懷無敢慢仰希半刺來沙廳風  
淳訟事稀淬礪在慎獨額非隨意揮擲筆曠覽之舊存多遺



想見賞心時逸興天半飛我來步後塵分得餘光輝嗅竹  
當好風鼻觀參清馥看山雨過後捲頤收芳菲忽驚得已  
豐盟鄰糠覈肥重傾金壺瀋遍尋未製衣書以覺非齋學  
道其度幾噍此老生談難免迂腐譏吾但行吾是自修可  
弭誹

清明道中

傅師瞿

春風微微雨松柏隱哀聲緜錢飛似蝶始覺是清明草茵  
環婦子杯盤列荒塋墓祭遵先訓時風實至情願我塵勞  
久渾忘節氣更杯土徒思負酬親展寸誠故園逢此日幾  
度缺同行徬徨日欲暮嘆息悔長征

增修仁懷廳志

卷之八

藝文

六

懷陽官舍述懷

陳熙晉

黃葛蔭我堂烏柏蔽我屋芙蓉霜後紅芭蕉雨中綠童童  
兩株桑蕭蕭數竿竹退衙公事了靜對罷竊束烟靄蕩夕  
陰雲霞絢朝旭何心着亭臺天然成麗矚傳舍閱人多十  
年誰樹木

誕日書懷四十五韻

傅之奕

吾年七八九賦質堅剛強丙合辛生貴名宜武顯揚如何  
不試劍而乃人文房問業里門外執經姑父旁力行季路  
勇曠懷曾點狂聞見水穿石兵戈狐跳梁吳三桂反深出  
勤奔走大業就拋荒午未寇仍熾庚辛時漸康承歡父母

側取友弟兄行榻管朝同硯倦眠夜共床心勞三閱歲料

試四登庠兄之巖之於之京面覆文衡喜步還里族光廩

員次第補家計各紛忙屢擲深山外同歸護洛場蹉蹤中

途起艱難獨倍嘗病多形漸瘦氣弱神愈昂貧賤庸成我

憂愁恐欠祥莊生益再鼓子夏眼幾青縱有高雲志易流

萎草鄉鷺膠絃斷續生事理農桑畫餅功名薄雙親日月

長百年吾願足一旦慈幃戕前明磁城將軍旣廢蓼莪什

旋悲天顯章悠悠此數歲戚戚每驚惶猶幸境遭逆仍餘

樂未央祈天增眉壽明崇禎十三年繞膝慶蘭芳始有稻

梁足傳經几席香兒啼故覆水父喜二毛郎誰料歡娛好

增修仁懷聽志內擢兵部主政卷之八藝文七

頓成風木傷淒其灑血淚顛顛斷柔腸竭力終當慎盡心

遠莫忘身邊從吉服塚上安焚黃畢意深恩報收回故物

良輪才開萬壽春水送滕王中四川康熙癸老驥鳴千里

大鵬搏九翔懷書擬直上欲見反成藏下第劉蕢策窮途

阮籍囊難索長安米曰歸樂土邦雖無勝下邳剩得書盈

廂兒女羅裙拜松梅護草堂相逢知己面休怪塵容蒼且

盡今宵醉容圖善後方息肩安茆舍假館人遵湘過客徒

增齒韶華愧小陽將來何所極回首總堪愴

人言 共十二首

人言出國是威官我出蕭然雨雪漫一曲驪歌心耿耿舉

頭轉欲近長安

人言官好在錢多縱使錢多究若何兩袖清風饒獨得四  
知不畏自成魔

人言名利不如閒好放此心太古前試向樓臺高處望早  
朝宴罷何曾眠

人言行樂早乘時問孔尋顏信足支飲者留名拚一醉夢  
中誤卻幾知兒

人言和氣免罹災此語分明有自來但得時人盡解此一  
朝忿恨休輕開

人言傾蓋有神交道遇相知始不滑白首過存難杜甫心  
增修仁懷廳志

卷之八

藝文

六

非管鮑類荒郊

人言是事若浮塵誰認浮塵二字真界判天人覺不早恣  
情縱欲日沈淪

人言生女勝生男豈謂金張滿笏簪孟母至今留美譽仲  
謀過後盡懷慚

人言文士類相輕學有源頭未復名井底蛙聲纔爾爾便  
於世上作雷鳴

人言品秩重清華要路清華慣作家若使先師當此日只  
應泗水飯胡麻

人言天塹有長江不盡橫流滾滾淦回首六朝如可恃何

爲處處盡新邦

人言力穡望逢秋本分經綸非過謀不負三農天有眼紛  
紛何必苦貪求

癸酉仲夏感懷自咏

王榮昌

呵呵呀呀得知心到我家幾翻長柄話不覺夕陽斜出閒  
步見棗花蜂蝶交加亂如麻旁有圃蔬幾種連竹畔廣王  
瓜蔓延槐桂樹葉襯火榴花仰目冬青子側耳聽啼鴉牛  
羊來將暮兒童逐小犍東籬雞欲棲燕子飛逐畫眉蘆  
裡噪啞啞層巒疊秀砂磊落石參差松柏透天涯鳴鶴集  
於楹芸田人散亂池塘處處蛙幽而雅客去廐房歸秣馬

增修仁懷廳志

卷之八 藝文

九

美且佳風來藕水樣銀葩泉聲流白石日影照紅霞一軸  
王維畫懸掛野人家

眺阿蘭寺灘

明翰荃

夙聞阿蘭灘奇險稱天置今臨江靡觀奔流果駭異湍湍  
濩溯滂減汨無鱗次牛船數十艘傾覆有天意牽纜邪許  
呼嘈雜不能記櫓聲挾浪聲雷電轟交至喧喧境不清殊  
難淡塵思胡爲幽寺僧閒與白雲類四顧人躊躇嗒然忘  
所自一杵驚鐘鳴臨風獨翹企

入白雲寺遇雨

明翰荃

飛烟邈律盤林麓黑邏紅崖風送速迅雷挾雨倒山來我

驚洶湧亦瀾沐危磴俟醯蠹萬重攀藤覓路技蒙茸奚奴  
綉繻行相待濡滑忽訝芒鞋鬆殘碑斷落蒼苔裏古徑幽  
深雲密鎖咫尺迦藍轉曠臨闔黎得得笑迎我便便巨腹  
露脾胡破寺棲遲悵影孤月作窗遶霞作爛生涯辜較付  
葫蘆吁嗟乎一入風塵便兜坦人生安得僧閒緩

祈蠶

明翰荃

蠶鼓聲聲擊未休桑陰祈禱特神謀繅盆願出絲無限一  
綴當年白傅裘

試茗

明翰荃

入碗香聞沫餽圓新茶初試水泉煎每逢舌本回甘處  
增修仁懷廳志

卷之八

藝文

二

欲參禪學上仙

雨後游春

明翰荃

雨過山明帶午晴踏青呼共小溪行綠盈楊柳鶯流語紅  
到桃花蝶有情泥滑潤沾鞋角淺風微寒入幬頭輕擔囊  
載得題多少盡日詩懷盡夜傾

士里黎黃氏夫與翁俱相繼而故欲相從地下因堂  
上有老姑膠下有一子是以茹苦含辛以事姑而撫  
子及後姑病醫藥罔效默告於神剖腹剖肝作湯以  
進姑飲之全愈刀痕亦合民間傳爲異事稟與同知  
劉星閣深嘉其罕有以例格未能上呈廣文王維恪

聞之與都人士作詩以記之

王良翰

緹縈沒官婢李娥投金爐可以贖父罪遑惜微賤軀今世  
黃家女幼嫁黎氏夫夫繼翁早逝攀號江樹枯誓欲相從  
死徘徊復中止幡幡堂上姑依依乳下子孤孀聚一門任  
重曷可已無那強支持乃得至於此至此復何如姑病亦  
劇矣何以療姑病盧扁無效應長跪叩神天神天不我聽  
作計格以誠不惜身與命捉刀潛入房身中求良方割胸  
取肝出淋漓血殷牀炊者進姑食滋味異參朮只道奉甘  
旨不曾疑別術一心禱溟漠痛楚殊不覺無何瘡痕合姑  
病亦如釋朝廷重孝治乃有此奇事况復出巾幗聞者皆

增修仁懷廳志

卷之八

藝文

三

噓噓人謂孝何愚我謂孝獨至不至愚何能不愚至猶未  
愚孝胡不旌爲恐傷親心安知真誠結一往而情深鄰人  
告太守太守詫罕有例格難上陳何以慰此婦謂宜付騷  
壇庶幾傳不朽廣文得聞之聲教誠所司可以訓閭閻可  
以愧男兒可以光史冊可以詔來茲特爲秉麟筆乃以史  
爲詩詩史彷彿少陵字字華袞榮屬我同時輩各爲詩歌行  
長言歌一閱相與表其節節待他日完要當以孝決自今  
經盤錯薑桂志逾烈遙知史乘傳千載永不滅

割肉療姑本異常精誠畢竟達窮蒼可憐一段傷心事話  
到斯人齒亦香

夫繼翁亡已數年含辛茹苦倍憂煎江邊欲效湘君哭珍  
重殘生不忍捐

堂上孀姑乳下兒一身重寄強支持無何病到膏肓劇費  
盡參苓總莫醫

心香虔熱告神祇想到無方事轉竒封得胸前肝一片作  
湯供奉不曾疑

暝眩如斯竟若何瘡痕頓合起沉痾娉婷弱脆閨中質七  
尺鬚眉愧已多

木疑此婦性愚憨巾幗能將大義諳從此懷陽添盛事名  
垂青簡壯竒談

增修仁懷廳志

卷之八

先云文

三

春晚

張大昌

芳徑落紅思不禁垂楊深處鳥長吟東皇無那風情懶南  
浦從今客恨深漢苑池邊青裊裊武陵溪上綠沉沉感時  
濺淚梅梢雨都是離人怨別心

秋夜

張大昌

有樓難待月無酒亦彈琴蕉雨敲窗碎蓮壺滴漏沉  
生靜席寒響落空林索句憑誰和秋蛩費苦吟

秋雨

張大昌

渣塵殊不著雨洗早秋天疏滴梧桐際涼生枕簟邊雲容  
輕潑墨山色淨無煙遙指蒹葭岸懷人感舊緣

秋風

張大昌

歸雁難成字  
慈烏苦護兒  
况茲秋思起  
更值嫩寒時  
烏相成紅葉  
青桐滅綠枝  
莫嗟搖落甚  
菊影淡參差

種菊

張大昌

不甘籬下老  
移殿晚秋榮  
手爲彈霜冷  
香常入袖清  
滿頭飛白雪  
盈羽牘金英  
結箇喬松伴  
迎春共發生

山居

張堉芳

覓得山村好  
園林傍水灣  
窗前千樹合  
世外一身閒  
花塢春常在  
柴扉畫不關  
此中足幽興  
那復憶塵寰

夏夜飲田家

張堉芳

增修仁懷廳志

卷之八 藝文

三

披襟把酒酌長空  
清風颯颯松濤響  
小橋流水暮煙生  
杜宇一聲山月朗

郊行

張堉芳

春遊那計路東西  
酒饗詩囊處處攜  
行過小橋時小憩  
人家高樹早鶯啼

纔換春衫覺體輕  
綠楊溪土任閒行  
新晴恰喜東風暖  
到處青山作送迎



土產

穀類

稻穀 不下二三十類今僅志廳之所產者其田春分前後種立秋前後獲田在半山清明前後種處暑前後獲

田在高山及善地者谷雨前後種白露前後獲總量土之高低氣之寒煖為宜不能拘一定也廳地所種

谷名則有七十早百日早大毛香早二毛香早三毛香早貴陽粘及牛毛粘之類是也

糯穀 俗名酒谷稻分粳糯五谷亦有粳糯粟之糯曰梁曰

早稻 陸地種之一粒半稜半糯俗呼為半邊粘

黍 苗葉莖穗與稌同而差小穗實亦較小廳人稱為小米

稷 一名芦稷陶弘景曰稷米人亦不識多云稷米與黍米相似又云稌米與黍米相似而粒殊大李時珍曰稷黍

谷何必取一類者強分為二仍七谷也蓋稷稌同音

增修仁懷廳志

卷之八 土產

三

故世妄謂稷為稷不知稌乃黍類似粟而粒大疎散乃北方下谷安能度越梗糯而居入谷之上乎稷高大如

芦實既香美性復中和高大能為五谷之長而先王以之名官也况稌黍所生不徧而芦稷薄海蕃滋乃指芦

稷為蜀黍其名義亦不倫矣又土風詩云川巖惟平其稌多黍野惟阜坵彼稷多有按此則稌黍即高粱芦稷

即苞谷蜀人呼為玉麥又曰玉蜀黍其糜造糖甘脆烤燒酒可以和中去積疴

大麥 爾雅大麥曰粦其穗有長芒

小麥 爾雅小麥曰秣其穗無芒有一種稍有芒但不及大麥之長

燕麥 爾雅籥雀麥郭璞註雀麥俗呼油麥

蕎麥 一曰苽有甜苦二種灰可作釀

梁 即稌也俗名高粱

苞穀 即稷也說見前稷之下

紅稗 粒似小米其色紅

黃荳 卽菽也有大荳綠藍荳

赤荳 有樓子荳赤小荳各種入藥

黑荳 有大小二種小者入藥

綠荳 磨粉食料宜之

青荳 葫荳 白小荳

菹荳 有黃白二種 豌豆 豇荳

葫荳 白者入葯內

猴荳 刀荳

胡麻 曰巨勝子卽脂麻是有黑白二種可以榨油搗茶食

菓屬

增修仁懷廳志 卷之八 土產

蠶絲

苧麻 卽家茵中栽習可以 布皮可入葯亦可作繩

桐麻 卽火麻可入藥莖可作繩

黃麻 與桐麻相似

葛麻 可以織布均可入藥

蘇麻 可插茶包把點糖

棉花 可紡織成布二月點種八月收

蔬屬

芥菜 爾雅翼芥似菘而有毛極辛苦農書云其氣味辛烈

白菜 卽菘東坡詩白菘類蓋麻李時珍本草按陸佃埤雅云菘性凌冬晚凋有松之操故曰松今俗謂之白菜

青菜 色葱而色青葉亦長大

甜菜 亦名恭菜即苦蓮也

油菜 一名芸臺土人取其子爲油

葱 爾雅荅山蔥崔寔曰二月別小葱六月別大葱七月可種大小葱齊民要術收葱子必薄布陰乾勿令泄鬱蒜爾雅蒿山蒜說文蒜葷菜也八月初種又有一種獨瓣蒜

蕹 爾雅蕹山蕹二月七月種

薤 李時珍本草葉似葱根如小蒜一本數顆相依而生

海椒 俗呼爲辣子黔人每食不可少

薑

菱白 本草綱目菱有未謂之彫菰江南人呼菰爲菱以其根交結也菰笋一名菱爭菱白菰菜

增修仁懷廳志 卷之八 土產 三六

苦蕒 救荒本草苦蕒俗名老鸛菜採苗葉燻熟以水浸洗淘淨油鹽調食蠶時忌食又有山苦蕒苗高二尺餘

莖似蒿莖莖而節稠味苦

蕨菜 俗呼蕨蕨菜近水生可食半年

笋 說文曰竹胎爾雅曰竹萌廳境四時饒笋冬笋尤佳

蕨 爾雅釋蕨爲鼈郭注初生葉可食本境秋後採蕨根濾爲粉充糧

木耳 本草一名本樞一名木菌一名木堤一名樹鷄一名木蛾

金鍼 花可爲菜三月出

蘿蔔 一名蘆蕪一名萊蕪一名菘菜一名土酥有紅白二種土城所產最佳

山藥 一名薯蕷本草衍義曰薯蕷廟諱黃唐代宗名故改爲山藥

甘藷 俗名黃若亦名紅山藥農政全書藷有二種一名山藷一名番藷

菌 或生濕土或生朽木種類甚多然亦有毒者須別擇之

芹菜 爾雅芹楚葵葉如鳳尾莖可爲饌

茄 本草一名落蘇五代胎子錄作酪酥蓋以其味如酪酥

也有白紫青數種

莧 有紅白二種

芋 一名蹲鴟言大如蹲鴟也見漢書貨殖傳有水芋山芋

二種農政全書備荒論曰蝗之所生凡草木葉無有遺

者獨不食芋桑與水

中菱茨宜廣種之

菠薐 一名赤根又名波斯草昆蟲草木略曰菠薐菜本出

顏陵國張騫帶來

蒿苳 杜甫種蒿苳詩序堂下理小畦隔種一兩席蒿苳向

二旬矣即此

茨菇 一名藉姑一名河鳧此一名白地栗一名水萍較川

馬齒莧 野生紅幹葉如豆瓣野菜譜草馬齒莧風俗相傳

食元旦何事年來采更頻終朝賴爾供殮飯救饑

增修仁懷廳志

卷之八 土產

三七

人夏采沸湯淪過冬月旋

食亦可楚元旦食之

地笋 野人類竹節八月生

牛皮菜 葉綠莖粗味淡

蕨屬

王瓜 二月種四五月熟本草曰王瓜上瓜也非今世俗所

謂王瓜

卽縑瓜也嫩小者可食老則成絲

黃瓜 一名南瓜一名胡瓜齊民要術曰收越瓜欲飽霜收

胡瓜候色黃

至冬而熟一名越瓜又名白瓜

菜瓜 似西瓜而小可醃食

苦皮 皺如癩味苦性涼

瓠瓜 一名壺俗曰葫蘆分甘苦二種詩南有樛木甘瓠累之小雅幡幡瓠葉菜之烹之皆甘瓠也

木瓜

郭璞注爾雅云木實如小瓜醫家用治濕痺脚氣

果屬

荔枝 出大金沙

佛手柑 一名飛瓊近日合江多植此

柑 俗名梳頭柑大如碗皮厚味佳

櫻桃 亦名含桃爾雅楔荆桃

梅子 食經曰蜀中藏梅法取梅極大者剝皮陰乾勿令得風經二宿去鹽汁內蜜中月許更易蜜經年如新

杏子 一名甜梅農政全書桃樹接杏結果紅而且大又耐久不枯

增修仁懷廳志 卷之八 土產

天

桃 李時珍本草曰生桃切片綸過曝乾可充果實種樹書曰柿接桃則為金桃李接桃則為李桃梅接桃則為脆

毛桃 實亦白色又有萬壽桃實紅花淡紅色實於八九月熟

李 齊民要術嫁李法正月一日或十五日以磚著李樹岐中令實繁本境有雞血李色紅又有內江李月黃李江

安李 桐李 朱砂李

墨李 色青如彈子秋後熟

梨 齊民要術種梨法熟時全埋之至春地釋分栽之多者熟糞及水至冬葉落附地刈殺之以炭火燒頭二年即

結子

毛梨 實大如雞卵皮青味混渣粗冬可食以別枝接之則為接梨

枇杷 一名盧橘孔子平談苑枇杷須接乃為佳果一接核

小如丁香

板栗

食經藏乾栗法取糠灰淋取汁漬栗日晒今栗肉焦燥不思蟲得至後年春夏

棗子

十城最多棗脯頗可口

柿子

大如拳色紅味極甜又有一種土人呼爲山柿子亦名金罨子極小

牛欄柿

今造傘者用此作油

橘

白華赤實皮馨香有美味

柚

似橙而大於橘味酸

香櫞

一名枸橼實大味酢人愛其香氣亦謂之香圓

核桃

一名胡桃博物志張騫使西域還乃得其種

石榴

博物志曰張騫爲漢使外國十八年得塗林安國石榴種以歸故名安石榴

花紅

一名沙果味微甜不及近省所出

增修仁懷廳志

卷之八

土產

三

葡萄

博物志張騫使西域還得葡萄本境有牛乳一種味甘六月熟

李桃

形如李枝似桃故名七月食

無花果

葉如盤不花而實故名又名長壽果

白果

卽銀杏夜開花

甘蔗

說文諸蔗也農政全書甘蔗糖蔗是二種土城較佳

青果

木屬

杉

爾雅被黏鄭樵通志松類也而材爲良本境有陀杉尖頂杉油杉紅杉錯節杉諸種自猿猴以下山多種杉

松

羣芳譜松樹二三月抽蕤生花長四五寸采其花藥名松黃本境有油松頗堅馬尾松性泡

柏

六書精蘊柏陰木也木皆屬陽而柏向陰指西故字從白曰西方正色也本境有血柏紅色側柏葉側生刺柏

樹多刺土人云冷杉熱柏山巔栽杉樹巖腰方栽柏樹  
土城以下處處栽植

樟 鄭樵通志豫章其木甚大南都之郡因此得名今人謂  
之樟木本境頗少理黃者有香理赤者無香

柳 齊民要術種柳法六七月中取春生少枝挿之

麻柳 葉碎樹虛水邊不甚直

檀 詩小雅爰有樹檀國風無折我樹檀注強韌之木

櫻欄 一名柝欄廣志柝欄葉似車輪皮可爲蓑及地衣

椿 葉初生香甘可茹元好問詩溪童相對採椿芽卽此木  
也

梧桐 爾雅榮桐木又曰櫨梧遁甲書梧桐可知月正閏歲  
生十二葉一邊六葉從下數一葉爲一月有閏則十

三葉視葉小處則知閏何月立秋  
之日如某時立秋至期一葉先墜

油桐 一名荏桐一名罌子桐一名虎子桐實大而圓取子  
作桐油入漆及油器物船爲時所需

### 增修仁懷廳志 卷之八 土產

漆 七月割漆產土里

楠樹 香者絕佳今境內甚少

槐 淮南子曰槐生季春五日而免日十日而鼠耳更旬而  
始規

桑 典術桑箕星之精其實曰葢本境近有養蠶者桑根白  
皮及桑寄生入藥

柘 桑屬飼蠶

青杠 詩秦風山有苞櫨注引爾雅云櫨其實楸櫨也卽此  
木土里養以放蠶救荒本草青杠樹處處有之其木

大而結椽斗者爲椽櫨小而結椽斗爲青杠按救  
荒本草明永樂間周憲王著則青杠之稱不獨黔中矣

烏相 本草葉可染皂子壓爲油塗頭白可變黑爲燈極明  
或用作燭俗呼椽子樹

白楊 易生易長大者長三四丈

刺梨 野生幹爲蒺藜花如茶糜實如小石榴有刺味酸可  
爲酒黔地處處有之木境土里尚多

楹樹 俗名畫檣樹

水梨 宜植濕下地結實連綴如葡萄 簇數百顆

椽子

刺楸 梓類有刺

冬青樹 一名長生樹一名萬年樹羣芳譜一名凍青經霜不凋五月開細花青白色結子黑色名女貞實近

人放蜡蟲於此樹又名蜡樹

白茨樹

惟川地及此地有其樹多盤石生

黃葛樹

說文楮穀也黔人呼爲構樹

楮樹

鐵甲樹 葉碎木堅

增修仁懷廳志

卷之八 土產

三十一

黃荊樹

生荒山蔓可成徑亦間有高樹者

茶樹

有大茶叢茶二種大葉卽葉茶味粗叢茶卽茅茶摘在谷雨前者佳產土里及河西兩灘一帶山中土里

杪欏樹

有仁懷縣徵解葉如鳳尾色青

泡通樹

中通直如箭不屈

霸王鞭

莖方而多刺葉似梧桐略小大而長一節或數尺形如鞭折節插之亦生敘永一帶及此地甚多粵東人以其根入燒酒酷烈異常間能毒人

竹屬

班竹

籜有班文質理甚堅

苦竹

夏生筍味苦性涼



刺竹 生於巖阿六七月生笋大如指節周圍有刺

金竹 似水竹而大

鳳尾竹 根大末小形如鳳尾

紫竹 色紫亦有黑色者

慈竹 叢生性最柔韌其尾下垂亦如鳳尾七月生笋可食

箭竹 書篠蕩既敷傳篠箭竹也

水竹 似金竹而小

月竹 叢生每月生笋

琴絲竹 節長尺許大僅如指葉碎無筠密絲縈結直上夏

黑竹 大如指皮似漆夏生

增修仁懷廳志 卷之八 土產

羅漢竹 卽邛竹可爲杖

鐵甲竹 極堅硬可作軍器春生

楠竹 出後漕大者圍圓二尺餘廳境向無楠竹乾隆三十

四年閩人黎理泰自福建上杭縣携三根栽種今種者漸多冬

方竹 笋味美 生巖阿不甚長

桃竹 亦名樓竹葉似樓有刺其中實而不虛

人面竹 葉似水竹節錯形似人面故名冬生

花屬

蘭 羣芳譜江南蘭只在春芳荆楚及閩中秋復再芳黃山

谷云一幹一花而香有餘者蘭一幹數花而香不足者蕙

桂 一名木犀花有金粟丹桂二種

蓮詩有蒲菡萏傳荷花也爾雅荷芙蓉其花菡萏注別名芙蓉

牡丹 羣芳譜一名鹿韭一名鼠姑一名百兩金鄭樵通志

唐始著本境只有粉白色者

芙蓉 羣芳譜一名木蓮一名花木一名拒霜一名柅木本

日晡深紅名

木槿 詩有女同車顏如舜華傳舜木槿也爾雅注木槿樹

如李一名槐一名椴齊魯之間謂之王蒸救荒本草

海棠

木槿采嫩葉燻熟冷水淘淨油鹽調食此花西蜀最盛

芍藥 古今注將離別贈以芍藥者何答曰芍藥一名可離

略曰古今言木芍藥是牡丹牡丹初無名依芍藥以爲名

茉莉 羣芳譜一名末麗一名扶厲一名沒利一名扶麗北

紫薇 花紅七月盛開

水仙 六朝人呼爲雅蒜南陽人謂之天葱

玉簪 花疎一名白鶴花紫者名紫鶴花羣芳譜名季女花

葵 一名向日一名傾陽

薔薇 益都方物記俗謂薔薇爲錦被堆花羣芳譜一名刺

郁李 卽詩棠棣也羣芳譜一名郁李一名鬱李一名鬱李

六月菊 花葉俱類菊

辛 一名木筆夷

增修仁懷廳志 卷之八 土產

鳳仙

羣芳譜一名海菊一名旱珍珠一名小桃一名染指甲草又有夾竹桃金鳳之名本草綱目宋光宗李后諱鳳宮中呼爲好兒女

花土人呼爲指甲花

山茶

紅白二色

玫瑰

一名徘徊灌生細葉多刺類薔薇花有香有色尊圃書玫瑰俗呼爲離娘草大凡草木不宜常分獨此花

移別地則茂

紫荊

本草一名紫珠羣芳譜一名滿條紅叢生紫花甚細碎數朶一簇

蠟梅

梅譜蜡梅本非梅類以其與梅同時香又相近色酷似蜜耳故名蜡梅

雞心

有紅白二種

綠葱

卽葶草本草萱草一名鹿葱蓋鹿食九草之華一名宜男

西番蓮

羣芳譜西番蓮花淡雅似菊

增修仁懷廳志

卷之八

土產

三

虞美人

一名滿園春千葉者佳

月季花

俗名月月紅枝多刺宋祁益郡方物紀略曰此花卽東方所謂四季花者本草李時珍曰葉小於薔薇而花

深紅

珠蘭

子如粟香倍於蘭六月開

金絲桃

藤生花淡黃四月開

夾竹桃

花淡紅類桃花葉狹長類竹

端陽錦

花如丹葉綠節直五月開

六月雪

花葉最小白色六月開

碎剪絨

本草花紫葉碎

觀音蓮

葉似芋花黃開可半年

杜鵑 一名紅躑躅俗稱滿山紅

飛蛾 本草花似飛蛾紫色

龍瓜 有紅黃二種揚葩如龍瓜

草屬

藍

菸 一名淡巴菴一名相思草

芭蕉 一名芭蕉一名天苴一名扇仙花開數月如蓮倒垂

紅蕉 一名美人紅葉小而花鮮明於芭蕉別是一種

仙人掌 李時珍本草蘇頌曰多於石上貼壁而生如人手

蘆 爾雅曰葭蘆又曰葦葭蘆之大者曰葭小者曰荻荻即荻也

增修仁懷廳志 卷之八 土產

萍 爾雅萍萍其六者蘋

荇 詩參差荇菜疏白莖葉紫赤色圓徑寸餘浮生水上根

藻 鄭樵曰藻生乎水中萍生乎水上

蓼 詩隰有游龍即此一名馬蓼一名水紅花葉大而色白

蒲 爾雅謂之符離楚人謂之莞土人種水田中一歲再收

可以為席亦可為扇王磐野菜譜蒲兒根生水曲年年

欲蒲千萬束水鄉人家衣食足今年水深淹絕蒲食盡蒲根生意無

苔蘚 爾雅謂之石衣有生水中者有生陸地者

鐵掃把 類苦蕒粟花落枝可為帚

藥屬

蕨麻 一名燂麻即俗稱合麻也生於籬落溪崖間其葉同麻多毛刺螫人手足腫痛不可忍治風

天門冬 爾雅蕭麻蕞冬郭璞注門冬也

枸杞 爾雅曰枸櫞衍義名枸棘綱目名枸杞其根名地骨皮補精駐顏明目長壽不及甘州之佳

黃精 本草綱目黃精為要藥故別錄列於草部之首鉤吻似黃精只是葉頭尖有毛鉤子二箇若誤服之害人

車前 好生道旁及牛馬足跡中故名利水道治目疾令人有子即詩申茅苕也

龍膽草 本草葉如龍葵味苦似胆因名

牛膝 氣味苦酸治濕痺脚氣

黃連 本草其根連珠而色黃故名蘇東坡用黃連煎汁蘸筆收藏不蛀

益母草 本草名芩蔚氣味辛甘明目益精除水氣其功宜於婦人故有益母之名

葛根 爾雅翼葛稀縹草也俗名甘葛鹿食九草此其一種一名鹿藿陶宏景名醫別錄葛根生汶水山谷五月

采根 曝乾

增修仁懷廳志 卷之八 土產

三六

栝樓 許慎曰木上曰果地下曰蒞此物蔓生附木故得名果蒞詩所謂果臝之實是也

天花粉 卽栝樓根周憲王曰采根搗泥成粉

苦參 鄭樵曰苦參曰木槐曰苦蕒曰地槐曰莢槐曰驢槐曰白莖曰虎麻曰岑莖曰稜白曰凌節

香薷 其氣香其葉柔故又名香柔又曰香茸又曰香葉又曰密蜂草

高良薑 李時珍曰陶居言此薑始出高良郡故名

半夏 禮五月半夏生蓋當夏之半也

常山 生山谷中故名

香附子 卽莎草根古名雀頭香

陳皮

青皮

桑皮

使君子

本草潘州郭使君治小兒獨用此物故名

官桂

牽牛子

陶宏景曰此藥始出田野人牽牛易藥故名

青蒿

蒿草之高者也詩云呦呦鹿鳴食野之苹卽此蒿也

吳萸

本草陳藏器曰吳萸南北人入藥以吳地者爲好所以有吳之名

葦澄茄

蛇脫

蠶砂

金銀花

本草名忍冬四月開花香甚撲鼻初開色白經久變黃故名

增修仁懷廳志

卷之八 土產

三

蟬退

姜蠶

小茴

陶宏景曰煮臭肉能去臭而香故名亦曰藜香

夜明砂

蜂蜜

田螺

蟹

鱉甲

蓮鬚

荷葉

山藥

白果

石榴皮

以川地生者為佳

枳椇子

辛夷

知母

一名氐母又名地參四月開青花如韭八月結實味苦寒無毒

椿樹皮

木瓜

石葦 本草蘇頌曰叢生石上葉如柳背有毛而斑點如皮

五加皮

竹茹

桃仁

側柏葉

大棗

川椒

穀精草

亦名戴星草本草春生於谷田中葉莖俱青椹花白色味辛溫無毒

扁蓄

槐花

亦作篇竹爾雅王芻即此

威靈仙

以不聞水聲者良冬月采根用味苦溫無毒

槐角

蒲黃 卽水臘竹

何首烏

本草曰其藥無名因何首烏見藤夜交何卽采食有功因以采人爲名五十年者如拳六百年者如盃大百五十年者如盃大三百年久服成地仙味苦澁微温無毒

射干

卽扁竹根

天麻

卽羊芋

蓖麻子

俗呼爲兵麻子易生取其子窄油可作印泥

柴胡

俗名姨媽菜

貫衆

獨活 此物有二種分大小耳

增修仁懷廳志

卷之八 土產

三

女貞子

此木臨冬青翠有貞守之操故以貞女狀之今方書所用冬青皆此女貞也

杜仲

牛蒡子 卽象耳朵米

鶴虱

卽山羅布子

木通

蒲公英

木香

防己

蒺藜子

枳殼 本草綱目枳乃木名殼可入藥枳如橘而小葉如橙

枳殼 多刺



厚樸 產川蜀山谷其木質朴而皮厚故名

薏苡仁 今處處多有人家種之

仙茅 俗名山棕

覆盆子 卽烏泡

淫羊藿

劉寄奴 蒿類金鎗藥因宋高祖時射蛇得名亦曰烏藤菜

地膚子

蒼耳子

馬勃 卽山上灰包

山梔子 本草綱目司馬相如賦鮮支黃燦注鮮支卽支子也佛書稱其花爲薔薇二三月生白花皆六出

增修仁懷廳志 卷之八 土產

實如詞 子狀

青箱子 卽雞冠花米

浮萍

夏枯草

巴豆子 入呼線巴豆而形如菽豆故名之

石菖蒲

百部 卽九叢根

菊花

狗脊

骨碎補

艾葉

蘆根

芫根

通草

鈎藤

苦練子

荆芥

紫蘇

薄荷

皂角

增修仁懷廳志

卷之八 土產

虎耳草

五倍子

土茯苓

蔓藓

白合

鳥屬

杜宇

蘇惟舒陽故謂之蘇紫以色言也

李時珍曰薄荷俗稱也揚雄甘泉賦作菝葜陳士良食性本草作菝葜孫思邈壬金方作菝葜

一名皂莢一名烏犀一名懸刀一名雞棲子江東謂之穀羊角

形如虎耳故名六書虎耳草一名金線荷葉

形似海中文玲故一名文蛤商賈販此獲五倍之利故又名五倍子

本草土茯苓有土華蘇刺猪苓山猪糞草禹餘糧仙遺糧冷飯團硬飯山地道名李時珍曰按陶宏景注石部禹餘糧曰南中平澤有一種藤生葉如菝葜根作塊有節似菝葜而色赤味如薯黃亦名禹餘糧言昔禹山行之食采此充糧而棄其餘故有此名觀陶氏此說即今土茯苓也

亦名白菝葜本草別錄曰二月八月采根曝乾蔓生似薯黃味甘平無毒

一名重邁生荆州山谷今處處有之根如胡蒜數十片相聚味甘平無毒

川蜀最勝故名川練子圖經謂之苦練

吳普本草云假蘇一名荆芥

蘇惟舒陽故謂之蘇紫以色言也

揚雄甘泉賦作菝葜陳士良食性本草作菝葜孫思邈壬金方作菝葜

一名烏犀一名懸刀一名雞棲子江東謂之穀羊角

形如虎耳故名六書虎耳草一名金線荷葉

形似海中文玲故一名文蛤商賈販此獲五倍之利故又名五倍子

本草土茯苓有土華蘇刺猪苓山猪糞草禹餘糧仙遺糧冷飯團硬飯山地道名李時珍曰按陶宏景注石部禹餘糧曰南中平澤有一種藤生葉如菝葜根作塊有節似菝葜而色赤味如薯黃亦名禹餘糧言昔禹山行之食采此充糧而棄其餘故有此名觀陶氏此說即今土茯苓也

亦名白菝葜本草別錄曰二月八月采根曝乾蔓生似薯黃味甘平無毒

一名重邁生荆州山谷今處處有之根如胡蒜數十片相聚味甘平無毒

一名杜鵑爾雅名寯周離騷曰鷓鴣禽經江介曰子規注啼苦則倒懸於樹自呼曰謝豹蜀右曰杜宇杜甫詩子規夜啼山竹裂又云古時子規稱望帝魂作杜鵑何微細李商隱詩望帝春心托杜鵑皆此物也

華陽風俗錄大如鵲而羽鳥

錦雞

虞衡志南中有錦雞一名金雞頭頂髮毛金色身紅

野雞

黃相間極有文彩一名文雞  
即雉一名山雞禮祭宗廟之禮雉曰疏趾

竹雞

諺曰家有竹雞啼白蟻化爲泥狀如小雞無尾

雁 雁似鶩有蒼白二色

鷹 格物總論鷹鷲鳥金眼鉤嘴鐵爪劍翮善攫搏

鵲 詩鴉彼晨風禽經鵲曰鵲注晨風也向風振翅其飛迅疾善捉雀故爾雅名爲負雀

黃鸝 即鶯一名倉庚一名商庚一名鷲黃一名栗留一名楚雀一名搏黍一名黃鳥一名金衣公子

班鳩 詩宛彼鳴鳩翰飛戾天傳鳴鳩班鳩也爾雅名鷦鷯又名撥穀亦名撥袴鳩類甚多惟項下班如珍珠者

聲大能鳴性慤孝  
雄呼晴雌呼雨

增修仁懷廳志 卷之八 土產

鵲 淮南子雀巢知風之所起又云鵲知歲之多風去高枝而巢卑枝

烏鴉 廣雅純黑而反哺者謂之烏小而腹下白不能反哺者謂之鴉

燕 爾雅謂之臯月令謂之元鳥莊子謂之鷦鷯

雀 李時珍本草綱目雀短尾小鳥也故字復少從佳俗呼老而班者爲麻雀小而黃口者爲黃雀

鵲 詩脊令在原埤雅鵲鵲蓋雀之屬飛則鳴行則搖物類相感志呼鵲鵲爲雪姑鳴則天常大雪又性好

食雪故名雪姑

百舌 禮仲夏之月反舌無聲注反舌百舌鳥能反覆其舌隨百鳥之音故名李時珍曰狀如鵲而小身畧長

名雪姑

鴿 陸佃曰鴿性喜合凡鳥雄乘雌惟鴿雌乘雄逐日有子人多養之有白色黑灰色

雞 徐絃曰雞者稽也能稽時也

吐綬鷄 形似牝鷄多白點自頸間吐出見人卽隱

鵝 禮曰舒雁似雁而舒遲也

鴨 埤雅鶩一名鴨蓋自呼其名鴨也

鳧 爾雅舒鳧鶩郭注鳧似鴨而小背文青色卑脚紅掌短喙長尾

鷺鷥 水鳥林棲水食羣飛成序潔白如雪頂上有長毛十數莖髣髴然如絲欲取魚則弭之名曰絲禽一名蜀

春鉏 玉一名

白鷗 禽經注似山鷄而色白張華云行止閑雅故曰鷗李

鷗 李時珍曰鷗者浮水上輕漾如漚也

啄木 博物志啄木遇蠹以嘴畫樹成符而蠹自出

白頭翁 江表傳有白頭鳥集殿前孫權問此何鳥諸葛恪曰白頭翁也虞集詩棠梨枝上白頭翁

增修仁懷廳志 卷之八 土產

三

畫眉 畫眉黃黑色其眉白色如畫巧於作聲如百舌

鶴鶉 五雜俎鶴鶉甚小而馴出入懷袖雖小最勇健

鸚鵡 負暄雜錄南唐李主諱煜改鸚鵡爲八哥

烏春 身黑大如鴉

秧雞 結巢樹上身小行速本草綱目秧雞大如雞而長腳

山胡 間有亦少

鷓鴣 禽經隨陽越雉也飛必南翥

翡翠 形似燕翡赤而翠青

獸屬

虎 城外官山乾隆初尚荒箐患虎有營卒董允治素有胆酒醉持木棒出城適遇虎以棒擊虎虎張口啣去允治

口喊救猶以兩手擊虎頸會營中衆卒持兵仗鳴鉦追捕虎舍之去昇以歸醫治如故

豹

牛 此地耕田多用水牯牛以其力最大黃牛多不及

羊

壯曰羖曰羝牝曰羴曰祥

犬

家正法云犬有三種一者田犬二者吠犬三者食犬

豕

壯曰豮牝曰穉

驢

似馬而長耳低小

騾

說文駃騾馬父驢母玉篇駝駟驢父牛母古今注驄爲壯馬爲牝則生騾

貓

禮郊特牲迎貓謂其食田鼠也

麝

小鹿有香其足似麋李時珍本草麝無香有香者麝也俗呼土麝爲香麝

增修仁懷廳志

卷之八 土產

鹿

似麋而小

兔

禮祭宗廟之禮兔曰明視韻會兔吐也明月之精視月而生故曰明視

熊

說文熊似豕山居冬蟄春出埤雅熊當心有白脂如玉味甚美俗呼熊白饑自舐掌故美在掌西陽雜俎熊膽春在首夏在腹秋在左足冬在右足荒山中

獺

禮祭魚令人養之以捕魚

豺

月令季秋豺乃祭獸埤雅豺狗足似狗而長尾白頰高前廣後其色黃季秋取獸四面陳之以祀其先豺柴也

狸

山多有之

猿猴

母猴經水爲五靈脂黑猴尾尺餘皮能避風

山羊

似羊而瘦



鮎 養魚經鮎魚者鯁魚也即鯁魚也大首方口背青黑而無鱗多涎

鱧魚 似蛇而小無鱗味美產水田中其窟極深土人尋其窟洞捕之

白魚 形窄鱗細多碎刺

蝦 本地所產瘦瘠無肉

### 介屬

龜 說文龜外骨內肉天性無雄以蛇為雄

鼈 埤雅鼈一名神字一名河伯從事又鼈以眼聽窮脊連

鱉 周禮考工注凡行鱉蜀溪河皆有之但小而肉薄不可食

螺 生水田中亦名田螺

蚌 李時珍曰蚌與蛤同類而異形長者通曰蚌圓者曰蛤

## 增修仁懷廳志

### 卷之八 土產

三

螺 本草別錄有蝸螺即此

蜆 一名扁螺

### 蟲屬

蠶 有山蠶家蠶二種土里多栽椽樹放繭繅山綫首里亦有栽桑養家蠶者

蟬 詩鳴蜩嘒嘒夏小正良鳴皆蟬也

蜂 在土中作房者曰土蜂在樹上作房者曰木蜂爾雅翼蜂種類至多其黃色細腰者謂之釋蜂又蜜蜂人收而

養之一曰兩出而聚鳴號為兩衙其出採花者取花鬚

蝶 一名蛺蝶一名野蛾一名風蝶一名鳳子一名鳳車一名鬼車爾雅翼菜中青蟲所化

蜻蛉 爾雅丁丁蛸一名負勞一名桑根俗名

螳螂 爾雅謂之不過又謂之螳螂其子蟬蛸本草謂之桑

螳螂 爾雅謂之不過又謂之螳螂其子蟬蛸本草謂之桑

蟋蟀 古今注莎雞一名促織一名絡緯一名蟋蟀

蝙蝠 爾雅謂之服翼齊人呼爲蠛蠊或謂之仙鼠或謂之

蟻 俗名螞蟻

蠅 蠅聲自呼故名

壁鏡 一名壁鏡又名壁鏡小於蜘蛛而形扁班

蜘蛛 詩蠪蛸在戶傳卽蜘蛛也一名喜子

螢 一名丹鳥夏小正丹鳥羞白鳥月令腐草爲螢

蠹魚 鄭樵通志衣魚亦謂蠹魚衣裳書帙內多有之爾雅蠹鼠

蝸牛 凡羸之類皆負殼惟此能脫殼而行頭有兩角故曰

蝸牛 一名白鳥夏小正

增修仁懷廳志 卷之八 土產

四

蠹子 蚊蠹之屬絕小不礙織絺畫飛夜伏嚙人易生瘡疔

蜥蜴 爾雅蜥蜴蜥蜴守宮也疏一物形狀相類而四

名也蜥蜴名蛇衣又名龍子又名蛇師守官名壁虎

又名 蝟虎

蜈蚣 東晉曰雞以蜈蚣爲酒謂食之卽醉也鄭樵曰蜈蚣

性能制蛇見大蛇卽擊其臍

蚯蚓 食土無心而慧爾雅塋蠶或名胸臆或名土龍或名

歌女或名土精其爲物引而後伸

蝦蟆 其子爲科斗爲活東頭圓大而尾細古文似之一名

蟾蜍 俗稱癩蝦蟆

蛙 一名田雞

臭蟲

載



石哪印石蛤

千脚蟲 俗名節子蟲 鄭樵通志曰 馮陸似蜈蚣而小 尤多 腳不能毒人所謂百足之蟲至死不僵者也

土鼈 本草陶宏景曰 形扁扁如鼈故名 土鼈俗稱地埤

貨屬

桐油 以桐子為之 然燈亦明

茶油 一種山茶莖葉花實俱似茗茶 取其實為油 與青油無異

菜油 各處皆種油

棧油 即柏油

酒 水酒 火酒 膏梁 窖酒 老酒

增修仁懷廳志

卷之八 土產

硫黃

石礫 出土城里 載鹽船自二 郎灘回至 香角灘 載礫至 土城 猿猴 鹿城 售賣

石灰 土城最多

硝

醜

光緒元年乙亥王椿署理金堂接印未久同鄉蕭連城距金堂三十里地名趙家渡抽收厘金任意勒索以致全街商民萬餘家皆擺市街約等照實具稟連城亦辦文移知椿以所移情節不符當將移文擲回令其查實覆移以憑核辦連城不以為然反具稟成都知府許培身禁止勿稟令其親赴金堂託王倅了息以免革職處分連城星夜赴金求了次日王椿親往趙家渡先提厘局差役三人與該地商民質訊供出勒收情節當各重懲一百鎖押拘束一面喚集商民面論此事皆巡役等所爲而蕭委員並不知也已

增修仁懷廳志

卷之八 藝文

兜

經重責鎖押爾等各開市生業嗣後如有勒收情事許爾向委員告訟一面稟知本縣定行照例重辦商民俱皆歡悅公送衣傘並詩八首云

玉睦老公祖大人德政

雙鳧飛入繡川來贏得黃童笑口開八載功名歸掌握三時訓課趁心裁荆榛早向閭閻剪桃李還從學棧栽玉署分曹堪預卜者番小試作舟材

叱馭回車著益州瑯琊世胄溯源流吉羊再執恩何重害馬先除政自優神爵突來超鷺鷥福星高照映奎嬰小鬟三五旗亭唱雅化循聲一例收

仁風拂拂扇金淵明澈冰心映月團此日山中無虎  
踞他時庭上有魚懸舟維野渡人三五樹擬靈根壽  
八千教養兼施民盡洽臨歧亦任選青錢

公堂擊鼓韻初終案牘紛紜鞠訊空廉潔未容開利  
孔仁慈何暇設牢籠官稱父母花間月尉號神仙草  
上風聞道金船能溥濟三江滙合水潏潏

較盡錙銖據要津何期寒谷竟回春披肝瀝膽誠先  
格挾髓淪肌愛愈真竭力拊循棠憶召原情慰勞忝  
歌郇一從屢市蒙祈禱浪靜波恬感應神

安民則惠古稱難善政能教猛濟寬自昔神君傳頌

增修仁懷廳志

卷之八 藝文

辛

郡而今衆母屈韓灘濫竽終屬吹竽客識字方爲撫  
字官槐蔭華堂綿世澤蘭森桂馥列朝端

望雲念切故姍姍翹首黔中道路湧心醉六經緣嗜  
學目盈四海早觀瀾恤刑自爾崇三省聽訟何妨叩  
兩端直待雙雞供膳日黃堂高坐肅衣冠

身披鶴氅自徜徉膏澤如春遍八鄉錦秀才華齊郭  
李經綸事業紹龔黃十分利息歸闌闌一派謳歌頌  
賈商願祝無量長壽佛晨昏供奉博爐香

金堂縣趙鎮紳民公頌

此處文藝只應錄詩因廳屬光緒丁酉復興塲爲暨

務擺市王椿設法了息戊戌方照磨之子與釐局黃  
委員官親串夥勒收計圖搗搗以致通城擺市釐局  
委員反爲顛預稟報各憲大受聲斥旋將釐局委員  
照磨一並撤省錄此以爲後之爲官者勸